

675-ი
1979

ISSN—0132—6058

საქართველოს სსრ მეცნიერებათა აკადემიის

მაცნე

ისტორიის
არქეოლოგიის
ეთნოგრაფიისა და
ხელოვნების ისტორიის
სერია

4 · 1979

საქართველოს სსრ მეცნიერებათა აკადემიის მაცნე
ИЗВЕСТИЯ АКАДЕМИИ НАУК ГРУЗИНСКОЙ ССР

ისტორიის, არქეოლოგიის,
ეთნოგრაფიისა და
ხელოვნების ისტორიის
სერია

СЕРИЯ
ИСТОРИИ, АРХЕОЛОГИИ,
ЭТНОГРАФИИ И
ИСТОРИИ ИСКУССТВА



თბილისი
ТБИЛИСИ

4. 1979

ქურნალი გამოდის 3 თვეში ერთხელ
Журнал выходит раз в 3 месяца.

სარედაქციო კოლეგია: ა. აფაქიძე, ვ. ბერიძე, ვ. გაბაშვილი,
ი. კაჭარავა (რედაქტორის მოადგილე), რ. კიკნაძე (რედაქტორის მოადგილე),
გ. მელიქიშვილი (რედაქტორი), გ. ჩიტაია, ლ. ჭილაშვილი

РЕДАКЦИОННАЯ КОЛЛЕГИЯ: А. М. Апакидзе, В. В. Беридзе,
В. Н. Габашвили, Ю. М. Качарава (зам. редактора), Р. К. Кикнадзе (зам. редактора),
Г. А. Меликишвили (редактор), Г. С. Читая, Л. А. Чилашвили

პასუხისმგებელი მდივანი გ. ლორთქიფანიძე
Ответственный секретарь Г. Г. Лордкипанидзе

რედაქციის მისამართი: თბილისი, 380060, კუტუზოვის ქ., № 19
Адрес редакции: Тбилиси, 380060, ул. Кутузова, 19
ტელეფონი 37-95-50 Телефон

ხელმოწერილია დასაბეჭდად 18.1.80; შეკვ. 3043; ანაწყოების ზომა 7×12;
ქალაქის ზომა 70×108¹/₁₆; ნაბეჭდი თაბახი 18,9; სააღრიცხვო-საგამომცემლო
თაბახი 15,3; უჯ 07216; ტირაჟი 1400
ფასი 1 მან.

*

გამომცემლობა „მეცნიერება“, თბილისი, 380060, კუტუზოვის ქ., 19
Издательство «Мецниереба», Тбилиси, 380060, ул. Кутузова, 19

*

საქ. სსრ მეცნ. აკადემიის სტამბა, თბილისი, 380060, კუტუზოვის ქ., 19
Типография АН Груз. ССР, Тбилиси, 380060, ул. Кутузова, 19

●

შინაარსი

წერილები

მ. უმინტი, კომეურნე გლეხობის ადგილი განვითარებული სოციალისტური საზოგადოების სოციალისტურ სტრუქტურაში	5
ნ. ნამირაძე, ევროპის ხალხების ეროვნულ-განმათავისუფლებელი მოძრაობა და ქართული საზოგადოებრივი აზრი გაზეთ „დროების“ მიხედვით	11
ბ. გურული, პინსკის პარტიზანული ბრიგადის საბრძოლო გზა	26
წ. შარაშენიძე, დღიური რაციონის საკითხისათვის ურის III დინასტიის ეპოქაში	39
მ. სურგულაძე, ქართული ისტორიული საბუთების დიპლომატიური შესწავლის საკითხისათვის	55
ბ. კალანდარიძე, ქვის ხანის ნამოსახლარები მელაურიდან	63

ცნობები და შენიშვნები

მ. ხიციანიანი, გარე სამუშაოზე გავლა და მისი როლი საქართველოს გლეხთა სოციალურ-ეკონომიკურ ცხოვრებაში (1804 — 1905 წწ.)	81
ი. გვინტაძე, ახალციხის საქალაქო თვითმმართველობა 1876 — 1917 წწ.	91
ბ. ხარაძე, ი. შარაშენიძის, XVIII ს-ის I მეოთხედის ქვემო ქართლის მოსახლეობის რეტროსპექტული კარტოგრაფირება	105
მ. იველაშვილი, ნიშნობის წესები სამცხე-ჯავახეთში	114
ც. ღვამბერიძე, რამდენიმე ნუმიზმატიკური ტერმინის შესახებ XIII—XIV სს ქართული წერილობითი წყაროების მიხედვით	125
ბ. წამბერიძე, ახჩის ველის უორდანული სამაროვანი არტანის მტკვრის აუზში	134
წ. რუხაძე, ხალხური რწმენა-წარმოდგენები დასავლეთ საქართველოში	152

კუბლიკაცია

ე. შანტაძე, ერეკლე II-ის ორი წერილი ნურსალ-ბეგთან	156
---	-----

დისკუსია და განხილვა

მ. ლორთქიფანიძე, ნ. ნაბაშვიძე, კვლავ ქართული საისტორიო წყაროების რუსულად თარგმნის შესახებ	164
ბ. ჯამბურია, ბატონყმობის საკითხისათვის	172

პრიტიკა და ბიბლიოგრაფია

ნ. მაისურაძე, ფრანგი მკვლევარი ქართული ხალხური მუსიკის შესახებ	189
ი. რაპოპორტი, მ. ი. ჩანდიერი, გ. ი. ლეჟავა, ხალხური კოშკური არქიტექტურა	201

ძრონიკა და ინფორმაცია

ბ. მარსაბიშვილი, ქართველ და სომეხ ხელოვნების ისტორიკოსთა გაერთიანებული კონფერენცია	203
--	-----

ქართული საისტორიო მაცნეებების მოღვაწეანი

მ. ჩანტაძე, გრიგოლ ნათაძე — ეკონომიკური ისტორიის მკვლევარი	205
ლ. იოსელიანი, აღექვანდრე წერეთელი (დაბადების 90 წლისთავის გამო)	210
ბ. მარბიანი, წ. ოღუზელი, ნათელა როდონაია (ნეკროლოგი)	215

103/3

საქართველოს სახ. ბიბლიოთეკა

СОДЕРЖАНИЕ

СТАТЬИ

Т. ЖГЕНТИ, Место колхозного крестьянства в социальной структуре развитого социалистического общества	5
Н. НАМОРАДЗЕ, Вопросы новой истории на страницах газеты «Дрозда»	11
В. ГУРУЛИ, Боевой путь Пинской партизанской бригады	26
Дж. ШАРАШЕНИДЗЕ, К вопросу о дневном рационе в эпоху III династии Ура	39
М. СУРГУЛАДЗЕ, К вопросу о дипломатическом изучении грузинских исторических актов	55
К. КАЛАНДАДЗЕ, Поселения каменного века из Мелоури	63

СООБЩЕНИЯ И ЗАМЕТКИ

М. ХЕЦУРИАНИ, Отхожие промыслы и их роль в социально-экономической жизни крестьян в Грузии (1804—1905 гг)	81
Ю. ГВЕНЕТАДЗЕ, Ахалцихское городское самоуправление в 1876—1917 гг.	91
К. ХАРАДЗЕ, И. КАРТВЕЛИШВИЛИ, Ретроспективное картографирование населения Квемо (Нижней) Картаи I четверти XVIII в.	105
Т. ИВЕЛАШВИЛИ, Обычаи помолвки в Самцхе-Джавахети	114
Ц. ГВАБЕРИДЗЕ, Несколько нумизматических терминов по грузинским письменным источникам XIII—XIV вв.	125
А. ЦЕРЕТЕЛИ, Курганный могильник Ахчия в бассейне Артаанской Куры	134
Дж. РУХАДЗЕ, Народные религиозные представления в Западной Грузии	152

ПУБЛИКАЦИЯ

Н. КАНЧАВЕЛИ, Два письма Ираклия II Магомеду Нурцал-хану	156
--	-----

ДИСКУССИЯ И ОБСУЖДЕНИЕ

М. ЛОРДКИПАНИДЗЕ, Н. НАКАШИДЗЕ, Еще раз о русском переводе грузинских исторических источников	164
Г. ДЖАМБУРИЯ, К вопросу о крепостном праве	172

КРИТИКА И БИБЛИОГРАФИЯ

Н. МАПСУРАДЗЕ, Французский исследователь о грузинской народной музыке	189
П. РАППОПОРТ, Джавдиери М. И., Лежава Г. И., Народная башенная архитектура	201

ХРОНИКА И ИНФОРМАЦИЯ

Г. МАРСАГИШВИЛИ, Объединенная конференция грузинских и армянских историков искусства	203
--	-----

ДЕЯТЕЛИ ГРУЗИНСКОЙ ИСТОРИЧЕСКОЙ НАУКИ

В. ЧАНТЛАДЗЕ, Григол Натадзе — исследователь экономической истории	205
Л. ИОСЕЛИАНИ, А. И. Церетели (К 90-летию со дня рождения)	210
Г. МАРГИАНИ, Дж. ОДИШЕЛИ, Н. С. Родоная (некролог)	215

წ ე რ ი ლ ე ბ ი

თინათინე ქაჯანიძე

კოლმეურნე გლეხობის ადგილი განვითარებაში სოციალისტური საზოგადოების სოციალურ სტრუქტურაში

საწარმოო ძალების მქლავრმა განვითარებამ და წარმოებით ურთიერთობათა სრულყოფამ, გამოიწვია არსებითი სოციალური ძვრები, რომლებმაც მნიშვნელოვნად დააჩქარეს ქალაქსა და სოფელს, მუშათა კლასსა და გლეხობას შორის განსხვავების პროცესი. ეს გამოიხატა საკოლმეურნეო კოოპერაციული და სახელმწიფო საკუთრების ფორმების შემდგომ დაახლოებაში, სოფლის მოსახლეობის სოციალური სტრუქტურის ცვლილებებში, კოლმეურნე გლეხობის მატერიალური კეთილდღეობისა და კულტურულ-ტექნიკური დონის ამაღლებაში.

ობიექტური კანონების მოქმედებისა და მზარდი ეკონომიკური შესაძლებლობების გათვალისწინების შედეგად, პარტიამ განსაზღვრა და წარმატებით ახორციელებს ფართო სოციალურ პროგრამას მიმართულს იქითკენ, რომ „ხელი შეუწყოს მუშათა კლასის, კოლმეურნე გლეხობის, ინტელიგენციის დაახლოებას, ქალაქსა და სოფელს შორის, გონებრივ და ფიზიკურ შრომას შორის არსებითი განსხვავებების თანდათან აღმოფხვრას. ეს უკლასო კომუნისტური საზოგადოების მშენებლობის ერთ-ერთი მთავარი უბანია“¹.

კოლმეურნე გლეხობა, ისევე როგორც მუშათა კლასი, საბჭოთა საზოგადოების ძირითადი კლასია და ვითარდება მისთვის დამახასიათებელი კანონებით. კოლმეურნე გლეხობის ძირითადი ტენდენციაა მუშათა კლასთან დაახლოება და მათ შორის განსხვავებათა თანდათანობითი დაძლევა.

კოლმეურნე გლეხობის სოციალურ სახესა და სტრუქტურაში ღრმა რაოდენობრივი და თვისობრივი ცვლილებები იჩენს თავს, უპირველეს ყოვლისა, მისი სოციალურ-პროფესიული სტრუქტურის გართულებაში, რაც გამოწვეულია წარმოების მექანიზაციისა და სპეციალიზაციის საფუძველზე შრომის განაწილებით.

დღეისათვის კოლმეურნე გლეხობის შიდაკლასობრივ სტრუქტურაში შედის ოთხი ძირითადი სოციალურ-პროფესიული ჯგუფი:

პირველი ჯგუფი — საინჟინრო-ტექნიკური პერსონალი, სოფლის მეურნეობის სპეციალისტები და ორგანიზატორები. მათი რაოდენობა კოლმეურნეობებში კლებულობს კოლმეურნეობების რიცხვის შემცირებასთან ერთად, მაგრამ ამ ჯგუფის როლი, მისი ხვედრითი წონა, საკოლმეურნეო ცხოვრებასა და კოლმეურნეთა შორის კი არ მცირდება, არამედ იზრდება. განსაკუთრებით აღსანიშნავია უმაღლესი და საშუალო-სპეციალური განათლების მქონე პირთა მოსვლა ბრიგადირებად და ფერმის გამგეებად. ამჟამად თითქმის ყველა კოლმეურნეობის თავმჯდომარეს აქვს სპეციალური განათლება.

¹ სკკპ XXIV ყრილობის მასალები, თბ., 1971, გვ. 92.

მეორე ჯგუფი — სპეციალობისა და კვალიფიკაციის მქონე კოლმეურნეები, რომლებიც ჩაბმული არიან კვალიფიციურ მექანიზებულ სოფლისმეურნეობრივ შრომაში. ამ ჯგუფს მიეკუთვნება სოფლის მეურნეობის ყველა მექანიზატორი. ჯგუფი იზრდება სწრაფად და წამყვანი ადგილი უკავია გლეხობის სოციალურ-პროფესიულ სტრუქტურაში. ამავე ჯგუფში შედიან კვალიფიციური მუშაკები (მშენებლები, ზეინკლები, ხარატები, ელექტრიკოსები, მემანქანეები, მძღოლები და სხვ.), რომლებიც დაკავებული არიან მექანიზებული არასასოფლო-სამეურნეო შრომით.

მესამე ჯგუფი — კოლმეურნეები, რომლებიც ჩაბმული არიან ნაკლებ კვალიფიციურ ფიზიკურ შრომაში, მაგრამ აქვთ მუდმივი სამუშაო ადგილი, პროფესიული მომზადება და სპეციალობა.

მეოთხე ჯგუფი — არაკვალიფიციურ შრომაში ჩაბმული კოლმეურნეები, მათ არა აქვთ პროფესიული მომზადება და სპეციალობა, ესენი არიან სხვადასხვა სამუშაოს შემსრულებელი მუშები. მათი რიცხვი თანდათან კლებულობს, მაგრამ მაინც მნიშვნელოვან სოციალურ-პროფესიულ ჯგუფს შეადგენენ.

სამეურნეობათაშორისო კოოპერაციასთან, სადაც მონაწილეობენ კოლმეურნეობები და საბჭოთა მეურნეობები, ჩნდება სოფლის მეურნეობის მუშაკების ახალი ფენა, რომელთა სოციალურ მდგომარეობასა და შრომაში შეთავსებულია მუშისა და კოლმეურნის თვისებები. მათ შორის არიან როგორც კოლმეურნეობის წევრები — მეპაიეები, ისე მუშები, რომლებიც არ არიან კოლმეურნეობის წევრები. სოფლის მეურნეობის მუშაკთა ჯგუფის ეს ახალი სოციალური კატეგორია გაიზრდება და განვითარდება იმასთან დაკავშირებით, თუ როგორ გაღრმავდება სამეურნეობათაშორისო კოოპერაცია და აგრარულ-სამრეწველო ინტეგრაცია.

კოლმეურნეობაში დასაქმებული მოსახლეობის შემადგენლობაში მკვეთრად გამოხატულ სოციალურ-პროფესიული ჯგუფების გაჩენამ წარმოქმნა სხვადასხვა თვალსაზრისი გლეხობის როგორც კლასის სოციალური საზღვრების შესახებ.

პირველი ორი ჯგუფი განსხვავდება „კოლმეურნე გლეხობისაგან“ და მიუხედავად საკუთრებისადმი დამოკიდებულების ერთნაირი ხასიათისა, მიეკუთვნება შესაბამისად როგორც ინტელიგენციას, ასევე მთლიანად მოსამსახურეებს.

შიდაკლასობრივი დიფერენციაცია შლის გარეგნულ კლასობრივ საზღვრებს, გამოყოფს კოლმეურნე გლეხობისაგან ყველა მეტ-ნაკლებად პროფესულ ფენებს და ტოვებს მის შემადგენლობაში მხოლოდ იმ პირებს, რომლებიც დაკავებული არიან არაკვალიფიციური სოფლისმეურნეობრივი, ფიზიკური შრომით. ყველა ჯგუფი გამოიყოფა გლეხობისაგან და შრომის ხასიათის მიხედვით ერწყმის სხვა სოციალურ ფენებს. გლეხობა, ფართო გაგებით, ისპობა, ანდა მეტად ვიწროვდება და იფარგლება თავის საზღვრებში.

კლასის ზღვარი არ შეიძლება შემოიფარგლოს ერთი რომელიმე ნიშნის — საკუთრების, შრომის და ა. შ. ხასიათის მიხედვით, ლენინის ცნობილ განმარტებაში მითითებული კლასის სხვა ნიშნების გათვალისწინების გარეშე. კერძოდ, ეს არის კლასის ადგილი საზოგადოებრივი წარმოების ისტორიულად განსაზღვრულ სისტემაში, მისი როლი შრომის საზოგადოებრივ ორგანიზაციაში და მის განკარგულებაში არსებული საზოგადოებრივი დოვლათისა და მისი განაწილების წესები. ამ ნიშნების მიხედვით არ შეიძლება გლეხობის, როგორც კლასის შემადგენლობიდან გამოირიცხოს არც ერთი მექანიზატორი, „არც მუ-

„შა-კოლმეურნეები“ და არც კოლმეურნე-მოსამსახურეები. ყველა ესენი არიან საკოლმეურნეო-კოოპერაციული საკუთრების სუბიექტები, რომლებიც განუყოფლად არიან დაკავშირებული სასოფლო-სამეურნეო წარმოებასთან და ორგანულად იჭრებიან შიდასაკოლმეურნეო-წარმოებრივი ურთიერთობის სისტემაში. მათი ადგილი შრომის საზოგადოებრივ ორგანიზაციაში განისაზღვრება არა მხოლოდ ინდუსტრიული ხასიათით, არამედ პირდაპირი კავშირითაც სასოფლო-სამეურნეო წარმოებასთან, სახელდობრ, კოოპერაციულ-პროფესიულ ჯგუფებს შორის აბსოლუტური ზღვარი არ შეიძლება გაიღოს. ეს ზღვარი იმლება სოფლის მეურნეობაში სულ უფრო ფართოდ მოქმედი შრომის ცვლილებების კანონისა და ახალი ტექნიკის საფუძველზე მისი უნივერსალიზაციის შედეგად.

საკოლმეურნეო კოოპერაციულ საკუთრებას ახასიათებს საწარმოო საშუალებათა განსაზოგადების ბევრად დაბალი დონე. ეს უეჭველია ავიწროებს იმ ჩარჩოებს, რომელთა შორის მეღვანდება კოლმეურნის როლი წარმოების საზოგადოებრივ განვითარებაში: წარმოების სტრუქტურის განსაზღვრაში, მის დაგეგმვაში, ძირითადი საწარმოო ფონდების კვლავწარმოებასა და ა. შ. ამ სხვაობის დაძლევა მიმდინარეობს საკოლმეურნეო-კოოპერაციული და სახელმწიფო საკუთრების ფორმების დაახლოებით კონცენტრაციისა და განსაზოგადების დონის ნივთობრივი შინაარსისა და მასშტაბების მიხედვით. მნიშვნელოვნად ამაღლდა მათი ხვედრითი წონა ქვეყნის ნაციონალურ დოვლათში. ძირფესვიანად შეიცვალა საკოლმეურნეო-კოოპერაციული საკუთრების ნივთობრივი გამოხატულება. ის სულ უფრო იდენტური ხდება სახელმწიფო საკუთრების (მანქანები, ტექნიკა, ენერჯისა და მასალების სახეები) შინაარსისა. სწრაფი ტემპით მიმდინარეობს წარმოებისა და საკუთრების კონცენტრაციის პროცესი.

ფართო განვითარებას პოულობს საკოლმეურნეობათაშორისო კოოპერაცია და მის საფუძველზე იზრდება საკოლმეურნეობათაშორისო საკუთრება. ყოველწლიურად ფართოვდება შერეული სახელმწიფო-კოოპერაციული საკუთრების ობიექტების ქსელი. ყოველივე ეს მნიშვნელოვანი ნაბიჯია სოციალისტური საკუთრების ორი ფორმის დაახლოების საქმეში — მტკიცდება, რომ როგორც მუშებს, ასევე კოლმეურნეებს ძვალსა და რბილში გაუქდათ წარმოების პროცესში ახალი, სოციალისტური დამოკიდებულება საკუთრებისადმი, შრომისადმი.

ჯერ კიდევ შემორჩენილია კოლმეურნეობის მიერ სახელმწიფოსაგან ტექნიკის შესყიდვისა და გაყიდვის, კრედიტის, პროდუქციის შესყიდვის, სახელმწიფოს მიერ დაგეგმვისა და ა. შ. სპეციფიკა და, სახელმწიფო სექტორისაგან განსხვავებით, ყალიბდება სამეურნეობათაშორისო კავშირები. კოლმეურნეობებში შინაგანი საწარმოო და სამეურნეო საკითხების პრინციპები, სახელმწიფო დაწესებულებებისაგან განსხვავებით, ეთანაწყობა როგორც კოოპერატივის ჯგუფურ საკუთრებას, ასევე შრომის ხასიათს. მიუხედავად კოლმეურნეობის შემოსავალზე ქვეყნის განვითარების საერთო დონის დიდი გავლენისა. ნაციონალური შემოსავლის და ქვეყნის საზოგადოებრივი ფონდების ზრდის, კოლმეურნეთა მათი შრომის ანაზღაურება განისაზღვრება სათანადო კოლმეურნეობის შემოსავლით, რაც დამოკიდებულია ბევრ ადგილობრივ ეკონომიკურ და ბუნებრივ ფაქტორებზე. ეს განსხვავება ახლაც არის შენარჩუნებული, როდესაც კოლმეურნეობაში შრომის ანაზღაურება გარანტირებული ვახდა.

თანამედროვე სოციალური განვითარების დამახასიათებელ თვისებად ითვლება ქვეყნის სოფლის მოსახლეობის რიცხოვრების შემცირება და მისი ხვედრითი წონის დაქვეითება. ეს ბუნებრივი და პროგრესული პროცესი მიმდინარეობს ისეთი ობიექტური ფაქტორების მოქმედებით, როგორცაა მრეწველობისა და სხვა სახალხო მეურნეობის დარგების განვითარება, რომელიც მოითხოვს ახალ კადრებს, სოფლის მეურნეობაში მექანიზაციისა და ელექტრიფიკაციის და შრომის ნაყოფიერების ზრდის საფუძველზე მუშახელის ნაწილის გამოთავისუფლებას.

იზრდება მოსახლეობის მოძრაობა, რომელსაც შეუძლია დაამყაროს თანაფარდობა სამუშაო ძალაზე მოთხოვნილებასა და სამუშაო ძალას შორის წარმოების განლაგებასა და სამუშაო რესურსებს შორის გადართოვოს კვალიფიციური კადრების მომზადების ბაზა, ხელი შეუწყოს სოციალისტური პრინციპის — ყველას შეძლებისდაგვარად უფრო მთლიან განხორციელებას, რაც წარმოადგენს განათლებისა და კულტურის ზრდის პირობას. „მოსახლეობის ასეთი მოძრაობის გამოუწვევლად შეუძლებელია მისი განვითარება“², — წერდა ვ. ი. ლენინი.

ურბანიზაციის პროცესი გაგრძელდება შემდგომში. სასოფლო-სამეურნეო დასახლების ოპტიმალური რაოდენობა ყველა ეტაპზე განისაზღვრება სოფლის ცხოვრების ყველა სფეროში სამუშაო რესურსების მოთხოვნილების მიხედვით და საერთოდ სახალხო-სამეურნეო პროპორციით.

კოლმეურნე გლეხობის რიცხვი მცირდება როგორც ურბანიზაციის, ასევე კოლმეურნეობის საბჭოთა მეურნეობებად ნაწილობრივი გარდაქმნის შედეგად.

მიგრაციის პროცესი მიმდინარეობს არათანაბრად ქალაქებსა და ქვეყნის სხვადასხვა რაიონში. ზოგჯერ მოსახლეობის სოფლიდან ქალაქში მიგრაცია ეკონომიკურად მიზანშეუწონელია და იწვევს არასასურველ შედეგებს. ეს აიხსნება ძირითადად მრავალი სხვადასხვა მიზეზით. მაგრამ ამათგან მთავარი იმალება შრომის შინაარსში, ხასიათსა და შრომის ორგანიზაციაში. კოლმეურნეები ქალაქში მიგრაციის არანაკლებ მნიშვნელოვან მოტივად ასახელებენ შრომის ცულ ორგანიზაციას: დიდი სეზონურობა, რაც გავლენას ახდენს შემოსავალზე, არანორმირებული სამუშაო დღე, ცვლების არარსებობა და ა. შ. ამიტომ სოფლად ამ საკითხების მოგვარება მექანიზატორებისა და მეცხოველეებისათვის, დამხმარე საწარმოებისა და სარეწავების განვითარება, ხუთდღიან სამუშაო კვირაზე გადასვლა, შვებულების გრაფიკის მკაცრად დაცვა, სეზონებს შორის მექანიზატორთა რაციონალური გამოყენება არის არა მარტო ეკონომიკური, არამედ სოციალური ამოცანა.

კოლმეურნეები უკმაყოფილონი არიან ანაზღაურებით. რის გამოც კოლმეურნეობები ხშირად ვერ იძლევა სტიმულს ახალგაზრდა კადრების შენარჩუნებისათვის. მუშაობის სტაჟის გამო დამატებითი გასამრჩელო მექანიზატორებს ეძლევათ სამი წლის მუშაობის შემდეგ. მაშინ, როდესაც ძირითადად კადრების დენადობა ხდება სწორედ პირველი სამი წლის განმავლობაში. ახალგაზრდობის შენარჩუნებას ხელს არ უწყობს აგრეთვე თანრიგების მიკუთვნების სისტემა. მცოდნე და კარგი მონაცემების ახალგაზრდა წარმოებაში თანრიგს

² ვ. ი. ლ ე ნ ი ნ ი, თხზულებანი, ტ. 3, გამოც. მეოთხე, თბ., 1948, გვ. 282.

ლებულობს მხოლოდ ოთხი წლის მუშაობის შემდეგ. უფროს თაობას კი სტაჟისა და გამოცდილების მიუხედავად, არ ეძლევა თანრიგი დაბალი განათლების გამო.

სოფლიდან ქალაქში წასვლისათვის სერიოზულ მიზეზად კოლმეურნეები ასახელებენ უპერსპექტივობას კვალიფიკაციის ამაღლებისა და განათლების დარგში, როგორც თავისთვის, ასევე ოჯახის წევრებისათვის, საკმაო როლს თამაშობს კოლექტივში „ფსიქოლოგიური კლიმატი“. საკმარისია ითქვას, რომ ყოველმა მეშვიდე კოლმეურნემ უკმაყოფილების ერთ-ერთ მიზეზად დასახეულა ადმინისტრაციის უყურადღებობა. ცნობილია რომ, იქ, სადაც ადამიანი-სადმი იგრძნობა ყურადღება, ეხმარებიან მშენებლობაში, სწავლაში, ყოფაცხოვრების კეთილმოწყობაში, ზრუნავენ სულიერ ინტერესებსა და თითოეულის მოთხოვნილებაზე, ჯანმრთელი ატმოსფეროა შექმნილი შეჯიბრებაში, კრიტიკასა და თვითკრიტიკაში, იქ ერთნაირი პირობების შემთხვევაში. სოფლიდან ქალაქში წასვლა შესაძინევად კლებულობს. მიგრაციის პროცესის შესწავლა გვიჩვენებს, რომ სოფლის მცხოვრებთა შემცირება, უწინარეს ყოვლისა, ხდება სწორედ შრომისუნარიან ასაკში.

არანაკლებ დამახასიათებელი პროცესია „სოფლის დაბერება“, რომელიც მისი შემდგომი გაფართოების შემთხვევაში კიდევ უფრო შეამცირებს შობადობას და შექმნის სიძნელეს ახალი ტექნიკის ათვისებასა და გამოყენებაში. შრომით რესურსებზე შესაძინევ გაველენას ახდენს სოფლის მოსახლეობის უფრო განათლებული და მომზადებული ნაწილის დენადობა. მიგრაციის ერთ-ერთი თვალსაჩინო შედეგია, კადრების დენადობა, რაც საკმაოდ ფართო ხასიათს ღებულობს.

წარმოიშვა არსებითი განხეთქილება წარმოების ტექნიკური აღჭურვილობის ზრდასა და მათი მომსახურებისათვის კადრების მომზადების ტემპებს შორის. ამიტომ ახლავე იგრძნობა კოლმეურნეობებსა და საბჭოთა მეურნეობებში მექანიზატორთა მწვევე ნაკლებობა.

პარტიის ცენტრალური კომიტეტი, საბჭოთა მთავრობა, ადგილობრივი პარტიული, საბჭოთა, სამეურნეო ორგანოები ღებულობენ სპეციალურ ღონისძიებებს მიგრაციის არასასურველი შედეგების დასაძლევად. მიგრაციული პროცესების რეგულირებისათვის ერთ-ერთი უმთავრესი მნიშვნელობა ეძლევა სოფლის სკოლის გაძლიერებას. თანამედროვე სოფელში საშუალო სკოლას თვალსაჩინო ადგილი უკავია. მისი მუშაობის ღონით განისაზღვრება სოფლის სოციალურ-ეკონომიკური და კულტურული ცხოვრება.

სკკპ ცკ-ის და სსრკ მინისტრთა საბჭოს დადგენილება „სოფლის ზოგად-საგანმანათლებლო სკოლების სამეშაო პირობების შემდგომი გაუმჯობესების ღონისძიებათა შესახებ“, მიღებული 1973 წლის 2 ივლისს და სსრკ-ს უმაღლესი საბჭოს დადგენილება „სსრკ სახალხო განათლების მდგომარეობის და საერთო-საშუალო, პროფესიულ-ტექნიკური, საშუალო-სპეციალური და უმაღლესი განათლების სრულყოფის ღონისძიებათა შესახებ“, მიღებული 1973 წლის 19 ივლისს, გვისახვევ მატერიალურ-ტექნიკური ბაზის განმტკიცების, სისტემის სრულყოფისა და სწავლების ღონის ამაღლების კონკრეტულ ღონისძიებებს. სკკპ ცენტრალურმა კომიტეტმა და სსრკ მინისტრთა საბჭომ განსაზღვრეს სოფლის ზოგადსაგანმანათლებლო სკოლების სასწავლო-აღმზრდელობითი შემოქმედების ძირითადი მიმართულება. კერძოდ, დიდი ყურადღება ეთმობა უფროსკლასელების შრომით აღზრდას, სრულყოფას, მოწინავე გა-

მოცდილების ფართოდ დანერგვას. ბუნებრივია, რომ პირველ ყოვლისა, სოფლის სკოლაში იგი მიმართულია სასოფლო-სამეურნეო წარმოების სფეროში. მექანიზატორებისა და სხვა მასობრივი პროფესიების კადრების მომზადებაში ძირითადი როლი ეკისრებათ სასოფლო-პროფესიულ-ტექნიკურ სასწავლებლებს, რომლებიც შეიქმნა 1953 წელს.

1975 წელს სკკპ ცკ და სსრკ მინისტრთა საბჭომ მიიღეს დადგენილება „სასოფლო პროფესიულ-ტექნიკური სასწავლებლების ქსელის გაფართოებისა და მისი მუშაობის გაუმჯობესების ღონისძიებათა შესახებ“.

პარტიის მიერ დასახული ღონისძიებების განხორციელება, ადგილებზე მუშაობის აქტივიზირება მთავარი პირობაა არა მარტო ეკონომიკურ-სამრეწველო ამოცანებისა, არამედ დიდი სოციალური პრობლემების გადაწყვეტისათვის.

წინო ნამოკაძე

ეპროკის ხალხების ეროვნულ-განმათავისუფლებელი მოძრაობა და
ქართული საზოგადოებრივი აზრი გაზეთ „დროების“ მიხედვით¹

საქართველოში ბატონყმობის გაუქმებამ, მატერიალური დოვლათის წარ-
მოშობის ახალმა წესმა განაპირობა ახალი იდეოლოგიის, ახალი მსოფლმხედ-
ველობის წარმოქმნა. სწორედ ამ ახალი, მოწინავე იდეოლოგიის მატარებელი
იყო გაზეთი „დროება“ და მის ირგვლივ შემოკრებილი ქართველი ინტელი-
გენცია.

გაზეთმა „დროებამ“, რომელიც გამოხატავდა მოწინავე საზოგადოებრი-
ვი ძალების ეროვნულ და სოციალურ ინტერესებს, დიდი როლი შეასრულა
XIX ს-ის მეორე ნახევრის საქართველოს საზოგადოებრივ ცხოვრებაში. მან
თავის ირგვლივ შეამქიფროვა პროგრესულად მოაზროვნე ლიტერატორები და
პუბლიცისტები: ი. ჭავჭავაძე, ა. წერეთელი, ი. გოგებაშვილი, გ. წერეთელი,
ნ. ნიკოლაძე, ს. მესხი, კ. ლორთქიფანიძე, დ. მიქელაძე, პ. უმიკაშვილი,
ა. ცაგარელი, ვახ. თულაშვილი და სხვები. გაზეთი იბრძოდა რეაქციული თა-
ვადანაწარული იდეოლოგიის და ბატონყმური ნაშთების წინააღმდეგ. „დროე-
ბა“ სისტემატურად აშუქებდა საქართველოს მუშების და გლეხების მდგომარ-
ეობას, სოციალური კლასების ცხოვრებას. გაზეთის ფურცლებზე იბუქდებოდა
ქართველი მწერლების ნაწარმოებები, თარგმანები რუსულიდან და უცხო
ენებიდან, წერილები საქართველოს მრეწველობის, ვაჭრობის, სოფლის მე-
ურნეობის, მეცნიერების, კულტურის, განათლების საკითხებზე. გაზეთი
„დროება“ ქართველ საზოგადოებას აცნობდა სოციალიზმის წინამორბედე-
ბის — ფურიეს, ოუენის, სენ-სიმონის იდეებს. მათ თხზულებებს. გაზეთი გა-
მოდოდა კავკასიის ხალხთა მეგობრობისა და ძმობის დროში.

ქართველი სამოციანელები საქართველოს ეროვნულ-განმათავისუფლებე-
ლი მოძრაობის გამარჯვებისათვის დიდ მნიშვნელობას ანიჭებდნენ მის მჭიდრო
კავშირს მოამკე კავკასიელი ხალხების და, რაც მთავარია, რუსი ხალხის გან-
მათავისუფლებელ მოძრაობასთან. ცარიზმის დამხობას და დემოკრატიული
რუსეთის შექმნას, მათი რწმენით, მოჰყვებოდა რუსეთის იმპერიაში შემავალი
პატარა ერების ეროვნული საკითხის გადაჭრა. ასეთი ღრმა რწმენის დამადას-
ტურებელია აკაკის მოხდენილი გამოთქმა: „გაუმარჯოს განახლებულ რუსეთს
და მასთან ერთად ამ პატარა საქართველოს...“².

¹ პირველი ქართული „პოლიტიკური და ლიტერატურული“ გაზეთი „დროება“ (1866—
1885 წწ.) გამოდიოდა 1866 წ. 4 მარტიდან 1875 წ. 4 იანვრამდე — კვირაში ერთხელ; 1875 წ. 4
იანვრიდან 1877 წ. 1 ივნისამდე — კვირაში სამჯერ; ხოლო 1877 წ. 1 ივნისიდან 1885 წ. 15 სექტემბ-
რამდე — ყოველდღიურად. გაზეთის რედაქტორები: გ. წერეთელი (1866—1869 წ.); ს. მესხი (1869—
1873 წწ., 1874—1879 წწ. და 1882—1883 წწ.); კ. ლორთქიფანიძე (1873—1874 წწ.), ი. ჭავჭავაძე
და ს. მესხი (1880—1881 წწ.); ი. მახაბელი (1883—1885 წწ.). „დროებას“ გამოსცემდნენ: სტ. მე-
ლიქიშვილი (1866—1883 წწ.) და გ. ქართველიშვილი (1883—1885 წწ.); А. Б р а м и ш в и л и,
Грузинская периодика 1819—1917, Тб., 1968, გვ. 39).

² გაზ. „თ ე მ ი“, 1914, № 191.

1871-1873 წწ. გაზეთ „დროებას“ თან ერთოდა სალიტერატურო ჟურნალი „კრებული“, რომელმაც ასევე დიდი როლი შეასრულა სამოციანელთა იდეების პოპულარიზაციის საქმეში.

გაზეთ „დროების“ უდიდესი დამსახურებაა ის, რომ 70-იანი წლებიდან მის ფურცლებზე ხშირად იბეჭდებოდა მასალა კ. მარქსის და რუსი რევოლუციონერ-დემოკრატების ნ. ჩერნიშევსკის, ნ. დობროლუბოვის, ბ. ბელინსკის და სხვათა შესახებ. რუსეთის განმათავისუფლებელი მოძრაობის ამ გამოჩენილმა მოღვაწეებმა დიდი გავლენა მოახდინეს ქართველ სამოციანელთა შეხედულებების ჩამოყალიბებაზე.

გაზეთ „დროებას“ პროგრესული იდეების გავრცელებისათვის მეფის მთავრობა სისტემატურად ღვენიდა. ცენზურა მას ძალზე ზღუდავდა. ცენზურის სიმკაცრე განსაკუთრებით იგრძნობოდა 80-იანი წლების დასაწყისიდან, ხოლო 1885 წლის 15 სექტემბერს, რუსეთის იმპერიის შინაგან საქმეთა მინისტრის ბრძანებით, გაზეთმა „დროებამ“ საბოლოოდ შეწყვიტა არსებობა.

„დროების“ რედაქტორი ს. მესხი მთელი თავისი მოღვაწეობის მანძილზე იბრძოდა გაზეთის დამოუკიდებლობისათვის, სრულყოფისათვის. ს. მესხის პირველი ბიოგრაფი პეტრე უმიკაშვილი დიდ შეფასებას აძლევს ამ დაუშრეტელი ენერჯის მქონე ადამიანის უანგარო, თავგანწირულ შრომას ქართული გაზეთის კეთილდღეობისათვის. მოგვყავს ზოგიერთი ფაქტი ს. მესხის ბრძოლისა გაზეთის დამოუკიდებლობისათვის.

«... თავდაპირველად, როდესაც საცენზურო კომიტეტი «დროების» პროგრამას ამტკიცებდა, რედაქციას ნება მისცეს მიმდინარე პოლიტიკური საკითხების გაშუქებისას დაკმაყოფილებულიყო მხოლოდ ოფიციალური რუსული გაზეთებით, როგორც იყო «Русский инвалид», «Северная почта», «Кавказ»-ი და პოლიტიკური ხასიათის მასალა მხოლოდ ამ ორგანოებიდან გადმოებეჭდა ყოველგვარი განმარტებისა და კომენტარების გარეშე... 70-იანი წლების დასაწყისში საცენზურო კომიტეტმა ზემოხსენებული დადგენილება შესცვალა და «დროებას» უფლება მისცა პოლიტიკური ხასიათის მასალა ამოეღო მხოლოდ «Правительственный вестник»-იდან»³ ამ უკანასკნელიდან ამოკრებილი მასალა გაზეთ «დროების» მკითხველს ვერ შეუქმნიდა სრულ წარმოდგენას რუსეთის და ევროპის პოლიტიკის საკითხებზე. ვერ გაარკვევდა მათ არსსა და მნიშვნელობაში. ამიტომ... 1870 წლის ოქტომბერში ს. სესხმა მოხსენებითი ბარათით მიმართა საცენზურო კომიტეტს, რათა ამ უკანასკნელს შეეცვალა დადგენილი წესი და ნება მიეცა «დროების» რედაქტორისათვის თავისუფლად შეერჩია ცნობები საზღვარგარეთის პოლიტიკური ცხოვრების შესახებ და ამავე დროს მიეცა ამ ცნობების ახსნა-განმარტება»⁴. აღძრული საკითხი გაზეთის სასარგებლოდ გადაწყდა. ს. მესხის უდიდესი დამსახურებაა ისიც, რომ გაზეთი კორესპონდენტებს იღებდა არა მარტო საქართველოს სხვადასხვა კუთხიდან საკუთარი კორესპონდენტების მეშვეობით, არამედ რუსეთის და საზღვარგარეთის უმნიშვნელოვანესი ქალაქებიდანაც, იმ მეგობრების და სტუდენტების დახმარებით, რომლებიც იქ სწავლობდნენ. «1874 წელს სერგეიმ და სტუდენტების მელიქიშვილმა მთავარმართებელსა და კავკასიის საცენზურო კომიტეტს «დროების» პროგრამის გაფართოება და გადიდება სთხოვეს. კარგა ხნის ყოყმანის შემდეგ მათი თხოვნა დააკმაყოფილეს, მაგრამ «დროებას» რომ ევროპის ქალაქებში საკუთა-

³ ი. ბ. ო. ც. ა. ძ. ე. ს. მესხი და 70—80-იანი წლების ქართული პრესა, თბ., 1968, გვ. 19.

⁴ იქვე, გვ. 20.

რი კორესპონდენტები ჰყოლოდა და მათი წერილები ებეჭდა პოლიტიკური ცხოვრების შესახებ, ეს მთავარმართებელმა და ცენზურამ დაუშვებლად ცნეს⁵. რამდენიმე ხნის შემდეგ დართეს ნება მხოლოდ გარკვეული შეზღუდვით.

ვაზეთი „დროებას“ ჰქონდა სპეციალური განყოფილება ე. წ. „პოლიტიკა“, სადაც მიმოხილული იყო მიმდინარე პოლიტიკის ე. ი. თანამედროვე საერთაშორისო ისტორიის საკითხები. ამით ვაზეთს საშუალება ეძლეოდა ქართველი მკითხველი მსოფლიო ცხოვრების ფერხულში ჩაება.

XIX საუკუნის ქართულ ვაზეთებში მოცემულია, როგორც დიდალი ფაქტობრივი მასალა ახალი ისტორიის შესახებ, ასევე ისტორიული კონცეფციები ევროპაში მიმდინარე ისტორიულ პროცესებზე. ასე ჩაეყარა საფუძველი XIX ს-ის ქართული ვაზეთებისა და, კერძოდ, „დროების“ ფურცლებზე ევროპის ახალი ისტორიის ქართულ წყაროთმცოდნეობას და ისტორიოგრაფიას.

როდესაც ვაზეთი „დროება“ ქართველ მკითხველს აცნობდა მსოფლიოში მიმდინარე საერთო ისტორიულ მოვლენებს, ამით საზოგადოების გარკვეული მიმართულებით აღზრდას ემსახურებოდა.

ხალხის ცხოვრებაში ისტორიული გამოცდილების თუ ვაკეითილების დიდი როლი შესანიშნავად ესმოდათ ი. ჰავჭავაძეს, ვაჟა ფშაველას, გ. წერეთელს, ს. მესხს და სხვებს. „ისტორია იმითაა დიდი, — წერდა ილია, — რომ გვიჩვენებს ჩვენ წინაპართა ცდომილებას, მასთანვე გვასწავლის ჰკვასა, როგორც უნდა მოვიქცეთ... მთელი კაცობრიობის უწინდელი ცხოვრება, სულ უსარგებლო იქნება, თუ იმათ ცხოვრებიდამ ჩვენ სასარგებლოს არას გამოვიტანთ“⁶. „ესენი, — წერდა ს. მესხი, როცა მიუთითებდა გამოჩენილ მამულიშვილთა ცხოვრების აღწერის მნიშვნელობაზე, — მთელი კაცობრიობის ისტატიები, მასწავლებელნი არიან. ესენი გვასწავლიან და თავის ცხოვრებით გვიჩვენებენ, თუ როგორ უნდა ებრძოდეს ყოველი კაცი სხვადასხვა დამჩაგრელ ძალებს, როგორ უნდა სცდილობდეს ადამიანი საუკეთესო ცხოვრების მიღწევას. ესენი გვასწავლიან საზოგადო კეთილდღეობისათვის თავის კერძო კეთილდღეობისა და ხანდახან ცხოვრების შეწირვასაც“⁷.

შემთხვევითი არ იყო ის გარემოება, რომ სამოციანელები პრესის ფურცლებზე დიდი სახელმწიფოების (საფრანგეთი, ინგლისი, ვერმანია) ისტორიის გვერდით ქართველ მკითხველს მოუთხოვრებდნენ ჩაგრული ერების — ირლანდიელების, ბერძნების, ბულგარელების, პოლონელების ყოფისა და ბრძოლის შესახებ. ვაზეთი „დროება“ გარკვეული მიზანდასახულობით აშუქებდა ევროპის ჩაგრულ ხალხთა მოძრაობას და ამ მასალაზე მეტბრძოლი სულისკვეთებით იზრდებოდა ქართული საზოგადოება.

ქართველი განმანათლებლები, რომლებიც მოკლებული იყვნენ ეროვნულ-განმათავისუფლებელი იდეების თავისუფლად ქადაგების საშუალებას ხშირად მიმართავდნენ ალეგორიებს, ეზოებს ენას და ამით ახერხებდნენ ცენზორთა შეცდომაში შეყვანას. ამის შესახებ ე. ი. ლენინი წერდა: „... ეზოპური-წყვეული ეზოპური — ენით, რომლის ხმარებასაც აიძულებდა ცარიზმი ყველა რევოლუციონერს, როდესაც ისინი „ლევალური“ ნაწარმოების დასაწერად კა-

⁵ ი. კ ა ს რ ა ძ ე, ცხოვრება სერგეი მესხისა, თბ., 1963, გვ. 109.

⁶ ი. ჰ ა ვ ჯ ა ვ ა ძ ე, ორიოდ სიტყვა „შემოღი“-ს თარგმანზედა, თბ., 1953, თხზულებათა სრული კრებული, ტ. III, გვ. 12.

⁷ ს. მ ე ს ხ ი, დიდი კაცები, თბ., 1963, თხზულებანი, ტ. II, გვ. 21—22.

ლამს ჰკიდებდნენ ხელს“⁸. ეს ხერხი ქართველ სამოციანელებს საშუალებას აძლევდა უფრო თავისუფლად ემსჯელათ მათთვის საინტერესო მოვლენებზე, გამოქომაგებოდნენ ყველა დაჩაგრულ ხალხს, მხარი დაეჭირათ მათი ეროვნულ-განმათავისუფლებელი ბრძოლებისათვის და გაეიდებინათ ხალხისა და სამშობლოს უკეთესი მომავლისათვის მებრძოლი ადამიანები. უცხოური ამბების ასახვისადმი ადგილობრივი ცენზურა ნაკლებ სიმკაცრეს იჩენდა.

გაზეთ „დროების“ ფურცლებზე საკმაოდ ფართოდ და საფუძვლიანად იყო გაშუქებული ევროპის ახალი ისტორიის ისეთი საკვანძო საკითხები, როგორცაა: საფრანგეთ-პრუსიის ომი, პარიზის კომუნა, გერმანიის გაერთიანება, იტალიის გაერთიანება, ირლანდიის საკითხი, რუსეთ-თურქეთის 1877-1878 წწ. ომი და სხვ.

აღსანიშნავია, რომ ქართველ განმანათლებელთა განსაკუთრებულ ყურადღებას იპყრობდა ისეთი აქტუალური პრობლემა, როგორც იყო ევროპის ხალხების ეროვნულ-განმათავისუფლებელი მოძრაობა. აქედან გამომდინარე, ამ ნაშრომის მიზანია იტალიის გაერთიანებისა და ირლანდის საკითხზე არსებული ქართული საზოგადოებრივი აზრის შესწავლა, მისი დადებითი და ჩრდილოვანი მხარეების გამოვლენა.

იტალიელი ხალხის ეროვნულ-განმათავისუფლებელი და გამაერთიანებელი მოძრაობა ე. წ. რისორჯიმენტო, რომელსაც ჯუზეპე მაძინი და ჯუზეპე გარიბალდი ხელმძღვანელობდნენ, იმდროინდელი ევროპის საზოგადოებრივ-პოლიტიკური ცხოვრების ერთ-ერთ უაღრესად დიდმნიშვნელოვან მოვლენას წარმოადგენდა. ცხადია, ასეთი აქტუალური პრობლემა უყურადღებოდ არ დარჩებოდა ისეთ მოწინავე გაზეთს, როგორც იყო „დროება“.

XIX ს-ის 60-იანი წლები და მისი მომდევნო ხანა ქართველი ხალხის ცხოვრებაში აღინიშნებოდა მძლავრი ეროვნულ-განმათავისუფლებელი მოძრაობით, ხოლო გაზეთი „დროება“, ამ მოძრაობის ერთ-ერთი წამყვანი იდეურ-პოლიტიკური მედროზე იყო. გაზეთის რედაქტორის, ცნობილ ქართველ მოაზროვნესა და პუბლიცისტს, ს. მესხს არ შეეძლო იტალიის პროგრესულ მოძრაობასა და ქართველი ხალხის ეროვნულ-განმათავისუფლებელ მოძრაობას შორის არ დაენახა იდეური თუ სოციალური ნათესაობა. ამიტომ გაზეთი „დროება“ დიდი ინტერესით ადევნებდა თვალყურს იტალიელი ხალხის ბრძოლას ეროვნული თავისუფლებისათვის, გაერთიანებისათვის, საერო ხელისუფლებისა და რესპუბლიკისათვის.

გაზეთ „დროების“ პოლიტიკურ განყოფილებაში არაერთხელ დაბეჭდილა მასალები იტალიის თანამედროვე ისტორიიდან. გაზეთმა თავის ფურცლებზე დიდი ადგილი დაუთმო იტალიელი ხალხის ეროვნულ-განმათავისუფლებელ მოძრაობას, მთელი არსებით მიესალმა მას და გაზედულად უთანაგრძნო. „დროება“ აღტაცებული იყო იტალიელ პატრიოტთა მიერ ამ ბრძოლაში გამოვლენილი გმირობით და თავდადებით. გაზეთი, იტალიას ბრძოლის წარმატებით დაგვირგვინებასა და ერთიან ეროვნულ სახელმწიფოდ ქცევას უსურ-

⁸ ვ. ი. ლენინი, იმპერიალიზმი, როგორც კაპიტალიზმის უმაღლესი სტადია, გამოცემა მეოთხე, 1951, თხზულებანი, ტ. 22, გვ. 231.

ვებდა და ამასთანავე გაერთიანებაში ჰეგემონის როლს „სავოიის სახლს“ ე. ი. პიემონტს ანიჭებდა. აი რას წერდა „დროება“: „... გერმანიას და იტალიას ერთი და იგივე საქმე აქვთ — საქმე ნაციონალიზმისა (ხალხობისა) და თავისუფლებისა. გერმანიამ უნდა მიჰბაძოს იტალიას, რომელიც დაუღონებელი სავოიის სახლს (იტალიის საკაროლო სახლი) მიენდო. რა დანიშნულებაც ამ სახლს იტალიაში აქვს, იგივე დანიშნულება პრუსიას აქვს გერმანიაში“⁹. გაზეთი როცა მოითხოვდა გერმანიას იტალიისათვის მიებაძა, ამით იგი მკითხველებს მიანიშნებდა, რომ ეს სამავალითო უნდა ყოფილიყო ქართველი ხალხისათვისაც. აქვე უნდა აღინიშნოს ერთი უზუსტობა: მართალია, გერმანიას და იტალიას ერთი საერთო მიზანი ჰქონდათ — ერთიანი ეროვნული სახელმწიფოს შექმნა, მაგრამ იტალიისაგან განსხვავებით, გერმანიის თავისუფლებას არავინ არ შეხებია. აღსანიშნავია ის ფაქტი, რომ ჩვენს წინაპრებს სწორად ესმოდათ სავოიის და პრუსიის დიდი როლი, თავიანთი ქვეყნების გაერთიანების საქმეში.

გაზეთმა „დროებამ“ მართებულად აღნიშნა, რომ ავსტრია, რომელსაც ხელთ ეპყრა იტალიის ნაწილი, მის განმათავისუფლებელ და გამაერთიანებელ მოძრაობას აფერხებდა. 1866 წელს გაზეთმა მოათავსა იტალიურ გაზეთ „ოპინიონიდან“ ამოღებული ცნობა: „... ლაბებურგის სახლის (ავსტრიის სახელმწიფო სახლი) პოლიტიკა უმკველად თავისუფლების წინააღმდეგი უნდა დარჩეს“¹⁰, და თვითონაც დაძინა: „ავსტრია ეწინააღმდეგებოდა ამას, რასაც ევროპის საჭიროება მოითხოვდა: „იმას უნდოდა, რომ არც იტალიაში და არც გერმანიაში ერთობა არ ყოფილიყო“¹¹.

ვენეციასა და რომის ოლქებს, თუ რამდენად დიდი მნიშვნელობა ჰქონდა იტალიისათვის, ამაზე მიუთითებს გაზეთ „დროებაში“ მოთავსებული ცნობა სათაურით „მოქმედების პარტიის მიტინგი ნეაპოლის ქალაქში“. მოგვაქვს ნაწყვეტი ბერად ყოფილი ვინმე პანტალეოს სიტყვიდან: „... თუ თქვენ თავისუფალნი ხართ, ძლიერნი ხართ... ჩვენ ფინანსი კი არ გვაკლია, ჩვენ ორი დიდი რამ გვაკლია: არა გვაქვს რომი, არა გვაქვს ვენეცია... ორი მხსნელი გვყავს ჩვენ: ჭუჭუბუ (იოსებ) გარიბალდი და ჭუჭუბუ მაძინი... რა პროტოკოლია, რომ ჩვენი დაკავება შეეძლოს! მე უცხადებ ფრანციას, რომ რომს და ვენეციას ვიშოვნით“¹².

გაზეთი „დროება“ თავის ფურცლებზე ზემოაღნიშნულის გამოქვეყნებით სრულიად სამართლიანად უსვამდა ხაზს, რომ იტალიის გაერთიანებას ავსტრიასთან ერთად ხელს უშლიდა აგრეთვე საფრანგეთი. ნაპოლეონ III არ მოსწონდა ხალხთა მოძრაობის მძლავრი ტალღა, რომელიც ლომბარდიის გათავისუფლებამ გამოიწვია. მას საერთოდ არ უნდოდა არც იტალიის და არც გერმანიის გაერთიანება (იტალიის და გერმანიის გაერთიანების გამო უკმაყოფილება იგრძნობა XIX ს-ის 80-90-იანი წლების ფრანგულ ისტორიოგრაფიაში), თუმც სიტყვით ამის მომხრე იყო. ნაპოლეონის პოლიტიკაზე ასეთივე აზრისაა გარიბალდი, გამოჩენილი იტალიელი პატრიოტი. მისი შეხედულება გადმოგვცა შოტლანდიელმა მეკ-ტირმა. ამის შესახებ ცნობა გამოაქვეყნა გაზეთმა „დროება“: „... იტალიელები მხოლოდ იმაზე ფიქრობენ, რომ რომიდან განდევნონ ფრან-

⁹ გაზ. „დროება“, 1866, № 4.

¹⁰ იქვე, № 14.

¹¹ იქვე, № 21.

¹² იქვე, № 6.

გების ჯარი... გარიბალდი ნაპოლეონს თვლის იტალიის ნამდვილ მფლობელად... გარიბალდის აზრით, ვენეციის გათავისუფლება ავსტრიის უღლისაგან ძნელ საქმე იყო, მაგრამ შესაძლებელი, თუ ნაპოლეონი არ შეუშლიდა ხელს¹³. ეს ასეც იყო: ნაპოლეონმა ავსტრიელებთან გარიგების შედეგად იტალიელებს მხოლოდ ლომბარდია დაუბრუნა, ვენეცია კი ავსტრიას დაუტოვა, სამაგიეროდ ნაპოლეონს არ მორიდებია სავოიისა და ნიცას მითვისება. დ. მიქელაძემ კარგად შენიშნა, რომ ნაპოლეონმა იტალიისათვის ლომბარდიის დაბრუნებაში ქრთამი აიღო.

1866 წლის ავსტრია-პრუსიის ომში იტალია პრუსიის მხარეზე იყო. იტალიელების ამ მხარდაჭერის მიზეზის შესახებ „დროება“ ქართველ ხალხს დაწვრილებით მოუთხრო. 1866 წლის გაზეთში მოთავსებულია ცნობა იტალიის მზადებაზე ავსტრია-პრუსიის მოსალოდნელ ომში მონაწილეობის მისაღებად და იტალიელთა განწყობაზე: „... ყველას ესმის, რომ ახლა მოდის იმისთანა დრო, როდესაც მთელი იტალიის ხალხი უნდა შეერთდეს და იტალიის არსებობა საბოლოოთ უნდა დამტკიცდეს. არავის არ ეშინია მსხვერპლისა, რომელიც თავის მამულს უნდა შესწიროს და თითოეული მათგანი მზათ არის შესწიროს ის, რასაც სამშობლო მხარის სარგებლობა მოითხოვს“¹⁴.

გაზეთი „დროება“ აღნიშნავდა იმ საყოველთაო აღტაცებას, რომელმაც მოიკცა იტალიელი ხალხი. მათი მონაწილეობის სურვილი ავსტრია-პრუსიის მოსალოდნელ ომში იმდენად დიდი იყო, რამდენადაც დიდი იყო იტალიის გაერთიანების სურვილი. 1866 წლის ნოემბერში¹⁵ მოტანილია ფაქტები, თუ რა დიდი ენთუზიაზმით ეწერებოდნენ იტალიელები მოხალისეებად, მათი სოციალური წარმომობისდა მიუხედავად. სამშობლოს კეთილდღეობისათვის იტალიელი ხალხის ასეთი საერთო თავდადება სამაგალითო უნდა ყოფილიყო ქართველებისათვის მომავალ ბრძოლაში ცარიზმის წინააღმდეგ, რუს ხალხთან ერთად.

ავსტრია-პრუსიის ომის წინ საფრანგეთი კვლავ დაუახლოვდა იტალიას, რათა მისი ყურადღება ჩამოეცილებინა რომის დაკავებაზე მუდმივი ფიქრისაგან. ნაპოლეონ III გამოთქვა მზადყოფნა გაეადვილებინა იტალიელებისათვის ვენეციის დაბრუნება. ამ მიზნის მისაღწევად მას ავსტრიისათვის ომი არ გამოუცხადებია, მხოლოდ ხელი შეუწყო იტალიის დაახლოვებას პრუსიასთან¹⁶. ჩვენ დაბეჭდილებით ვერ ვიტყვი, რომ გაზეთმა „დროება“ შეამჩნია ნაპოლეონ III-ის ეს დიპლომატიური ნაბიჯი. ყოველ შემთხვევაში, სავარაუდოა, რომ შეამჩნია, რადგან 1866 წ. ერთ-ერთ ნომერში მოთავსებულია ნაპოლეონის წერილი სავარეო საქმეთა მინისტრის დრუენ-დე-ლუსისადმი, სადაც ნათქვამია: „... ჩვენ გვინდა, რომ ავსტრიამ შესაფერის სამაგიეროში დაუთმოს იტალიას ვენეცია“...¹⁷.

დადგა მნიშვნელოვანი ისტორიული მომენტი — იტალია ავსტრიასთან ომში ჩაება. ამ ფაქტს იტალიის მოსახლეობა აღფრთოვანებით შეეგება. ის, რომ ავსტრიის წინააღმდეგ იტალიელების ბრძოლა სამართლიანი იყო, ხოლო ამ ომის მიზანი — წმიდათაწმიდა, რომელსაც გამარჯვება უნდა მოჰყოლოდა, ამა-

¹³ გაზ. „დროება“, 1866, № 5.

¹⁴ იქვე, № 11.

¹⁵ იქვე, №№ 15, 18, 19.

¹⁶ История XIX века, под ред. Лависса и Рамбо, М., 1938, т. 5, гл. 291.

¹⁷ გაზ. „დროება“, 1866, № 17.

ზე მიუთითებდა ვაზეთ „დროებაში“ გამოქვეყნებული გენ. ჩიალდინის პროკლამაცია: „... ჩვენ არ განგვიძრახავს სხვა ქვეყნის დაპყრობა, არც ვისიმე დამორჩილება. ჩვენ მხოლოდ უბედურს ვენეციის განთავისუფლების მეტი არა გვსურს რა. ის არის საკუთარი იტალიის მიწა და არა ავსტრიისა. ჩვენი განზრახვა მარტო ის არის, რომ მტკიცედ დავამყაროთ ჩვენი სამშობლოს ერთობა, თავისუფლება და დამოუკიდებლობა“...¹⁸.

იტალიელი ხალხის ეროვნულ-განმათავისუფლებელი მოძრაობა ქართული და მსოფლიო მოწინავე საზოგადოების აღტაცებასა და თანაგრძნობას იწვევდა. ამას ადასტურებს ვაზეთი „დროება“, როდესაც მოჰყავს ერთ-ერთი ინგლისელი კორესპონდენტის ცნობები იმის თაობაზე, რომ „გარიბალდისთან მალე მოვლენ უცხო ქვეყნის ვოლონტერები — ფრანგები, ინგლისელები“...¹⁹ „არის ცნობა, რომ ახალგაზრდა ილიას გადაწყვეტილი ჰქონდა იტალიაში გამგზავრება და გარიბალდის რაზმში ჩაწერა“²⁰.

იტალიასთან ვენეციის შეერთებამ დიდი აღტაცება გამოიწვია არა მარტო იტალიელ ხალხში, არამედ ვენეციელებშიც. ამაზე მიუთითებდა „დროება“ 1866 წლის ნოემბერში²¹. ამავე წელს ვაზეთმა გამოაქვეყნა ასეთი შინაარსის ცნობა: „... თუ ავსტრიის გენერალი ალემანი უფრო კარგად გააცილებს, ვიდრე ფრანციის გენერალი ლებეფი, ეს იმ მიზეზით, რომ ავსტრია კლდეც წავიდა იტალიიდან; მაგრამ ფრანცია ჯერ კიდევ ცდილობს აქ დამკვიდრდეს და იტალიის საქმეებში გაეროს“²². და მართლაც, იტალიამ კი მიიღო ვენეცია, მაგრამ საბოლოო გაერთიანებისათვის საჭირო იყო რომის ხელში ჩაგდება. ამ საქმის გადადება არ სურდათ იტალიელებს. გარიბალდი აშკარა აგიტაციას ეწეოდა პაპის სამფლობელოებში და ახალ რაზმებს აყალიბებდა.

ვაზეთი „დროება“ მხარს უჭერდა და ამართლებდა რომისათვის იტალიელების ბრძოლას. ვაზეთმა 1867 წელს მოათავსა ჯ. გარიბალდის სიტყვა, რომლითაც კიდევ ერთხელ აღნიშნა რომის დაბრუნების დიდი მნიშვნელობა იტალიის გაერთიანების კეთილად დაგვირგვინებისათვის. „... ტალის დიდათ უნდა უხაროდეს თავისი აღდგინება და ყოველი ჩვენთაგანი რომის დაბრუნებას უნდა ცდილობდეს“...²³ ვენეციელები რომის მალე გათავისუფლების რწმენას გამოთქვამდნენ: „... როგორც რომი, ისე ვენეცია სხვა იტალიის ქალაქებზედ უფრო დიდ ხანს იყვნენ სხვათა მონობის ქვეშ. ძმანო! ვენეცია დარწმუნებულია, რომ იმათ განთავისუფლება მოასწავებს თქვენს განთავისუფლებას“²⁴.

ვაზეთმა „დროება“ 1867 წელს ქართველ მკითხველ საზოგადოებას ამცნო იმის შესახებ, რომ გარიბალდი რომზე სალაშქროდ ემზადებოდა: „მე თვითონ მივიღებ მონაწილეობას რომის განთავისუფლებაში, — წერდა გარიბალდი, — ურომოდ იტალიის ერთობა შეუძლებელია!“²⁵. გარიბალდიმ რომზე

¹⁸ ვაზ. „დროება“, № 19.

¹⁹ იქვე.

²⁰ გ. კ ი ლ უ რ ა ძ ე, ახალი ისტორია, თბ., 1970, გვ. 354.

²¹ ვაზ. „დროება“, 1866, №№ 36, 38.

²² იქვე, № 38.

²³ იქვე, 1867, № 13.

²⁴ იქვე, 1866, № 40.

²⁵ იქვე, 1867, № 31.

გალაშქრების წინა დღეს კი ასეთი სიტყვა წარმოთქვა: „... როგორც კაცი უთავოდ ვერ იცოცხლებს, ისე იტალიას ურომით გაძლება არ შეუძლიან... როცა ერთი ოჯახის წევრი ითხოვს მიშველებას, როდესაც იმას უნდა შესვლა თავის ოჯახში, არავის ნება არა აქვს, რომ ეს დაუშალოს... რასაკვირველია, იტალია თავის მოვალეობას აასრულებს და ათხოვებს ყურს რომის ძახილსა“²⁶.

1867 წლის ოქტომბერში გარიბალდი მოხალისეთა რაზმით კვლავ გადალახა პაპის ოლქის საზღვარი. 3 ნოემბერს, სოფელ მენტანასთან, გარიბალდის რაზმმა, რომელსაც იტალიის მეფემ არავითარი დახმარება არ გაუწია, მარცხი განიცადა. იტალიელ ხალხს რომის უკან დაბრუნებაში წინ საფრანგეთი გადაე-
 ლობა.

გავიდა სულ სამიოდე წელი და საფრანგეთ-პრუსიის ომის შედეგად იტალიას საშუალება მიეცა საბოლოოდ გაერთიანებულიყო. „სედანის კატასტროფამ“ და 1870 წლის 4 სექტემბრის რევოლუციამ საფრანგეთში იტალიელებს რომისკენ გაუხსნა გზა. 1870 წლის 20 სექტემბერს ვიქტორ ემანუელის ჯარმა რომი დაიკავა. პაპი პიუს IX-ის გამგებლობაში მხოლოდ ვატიკანი დარჩა. რომი იტალიის სატახტო ქალაქად გამოცხადდა.

აი რა შინაარსის ცნობებს აწვდის გაზეთი „დროება“ ქართულ მკითხველს ზემოაღნიშნულთან დაკავშირებით: „ყველამ იცის, რომ ახლანდელი საფრანგეთის თავი და პირი — ტიერი — გულით და სულით ფრანგია და საშინელი მომხრე რომის პაპის საერო უფლებებისა... იმას არ მოეწონებოდა, რომ იტალიის კაროლმა ძალით დაიჭირა რომი, რომელსაც დღეს-ხვალ თავის სატახტო ქალაქათ ხდის და რომის პაპს ამნაირათ ყოველი საერო უფლება წაერთვა“²⁷, და „იტალიის კაროლი, ვიქტორ ემანუელი რომში მოსულა. ხალხი აღტაცებით დახვდა იმას და იმ დღეს ქალაქი გაჩაღებული ყოფილა“²⁸.

იტალის გაერთიანება დაწყებული „ქვემოდან“ დამთავრდა „ზემოდან“ გაერთიანებით. ეს სწორად აქვს გაგებული ს. მესხს. როცა წერს: „... ვიქტორ-ემანუელი... იმის (გარიბალდის) წყალობით არის იტალიის მეფედ“²⁹ ასე დამთავრდა იტალიის გაერთიანება, რომელსაც გულწრფელად თანაუგრძნო ქართულმა პროგრესულმა საზოგადოებამ.

შემდგომი წლების გაზეთ „დროების“ ფურცლებზე ს. მესხმა გამოაქვეყნა ორი მეტად მნიშვნელოვანი წერილი, მიძღვნილი იტალიის ეროვნულ-განმათავისუფლებელი მოძრაობის გამოჩენილი ხელმძღვანელების — მაძინისა და გარიბალდისადმი.

1872 წლის „დროებამ“ აუწყა მკითხველს მაძინის გარდაცვალება. წერილის ავტორი ს. მესხი იყო. იგი მაძინის ბიოგრაფიას გაზეთ „ტაიმსიდან“ მოტანილი ცნობით იწყებს, სადაც მაძინი დახასიათებულია, როგორც რევოლუციონერი და რესპუბლიკელი. „ის მომეტებულად უფრო სძულდათ ვიდრე უყვარდათ“³⁰. მოძულეებში გაზეთი „ტაიმსი“, იტალიის შეძლებულ ფენებს გულისხმობდა. სტატიაში მოცემულია მაძინის დაწერილებითი ბიოგრაფია და ხაზგასმულია, რომ ის ბავშვობიდანვე მამულის სიყვარულით იყო გამსჭვალული, რამაც განსაზღვრა მისი შემდგომი მოღვაწეობის ძირითადი ხაზი.

²⁶ გაზ. „დროება“, 1867, № 40.

²⁷ იქვე, 1971, № 23.

²⁸ იქვე, 1871, № 26.

²⁹ ს. მესხი, იოსებ გარიბალდი, გაზ. „დროება“, 1875, № 21.

³⁰ ს. მესხი, მაძინი, გაზ. „დროება“, 1872, № 12.

ს. მესხი მაძინის ახასიათებს, როგორც თანმიმდევრულ რესპუბლიკელს. იტალიის გაერთიანების იდეისათვის გამოჩენილ მებრძოლს, რომლის მთელი მოღვაწეობა იყო ქადაგება დაცემული და დანაწილებული იტალიის აღდგენა-გაერთიანებისათვის. ს. მესხის წერილში ჯ. მაძინი წარმოჩენილია, როგორც შესანიშნავი პუბლიცისტი, რომლის კალამი იტალიელთა პატრიოტული აღზრდისა და რესპუბლიკის, როგორც სახელმწიფო მართვის საუკეთესო ფორმის, პოპულარიზაციას ემსახურებოდა.

ს. მესხი სამართლიანად აღნიშნავს, რომ ჯ. მაძინის პუბლიცისტური მოღვაწეობა, მისი ისტორიული, ფილოსოფიური, ეკონომიკური და კრიტიკული თხზულებანი გამსჭვალულია იტალიის აღორძინებისა და რესპუბლიკანიზმის იდეებით. ამგვარად, მისი პოლიტიკური და ლიტერატურული მოღვაწეობა ერთი განუყოფელი საქმიანობა იყო, რომელიც ერთი იდეის — მისი სამშობლოს პროგრესის სამსახურში იდგა. ს. მესხი განსაკუთრებით ხაზს უსვამს იმ ფაქტს, რომ ჯ. მაძინის ბრძოლამ არსებითი შედეგი ვერ გამოიღო — იტალიაში რესპუბლიკა არ დაფუძნებულა. მაგრამ ოპტიმისტურად განწყობილი ს. მესხი ამ სტატიას ამთავრებს სიტყვებით, რომ იტალიისათვის, ჯ. მაძინის მშვენიერი სამშობლოსათვის, მის ცხოვრებას უკვალოდ არ ჩაუვლიაო.

1875 წელს ვაზეთმა „დროებამ“³¹ გამოაქვეყნა ს. მესხის სტატია ჯ. გარიბალდის შესახებ. ავტორს გარიბალდი (სტატიაში „იოსებ გარიბალდი“) იტალიის ისტორიის განუყოფელ ნაწილად მიაჩნია და იგი, როგორც ისტორიული პიროვნება, ს. მესხს სურს ახსნას ისტორიის ფონზე. ეს არის ისტორიზმის პრინციპის დაცვა და ამ გზით ისტორიული ფაქტების სწორად აღქმა. სრულიად სამართლიანად, ავტორი ჯ. გარიბალდის მთელ რევოლუციურ ბრძოლას იტალიელი ხალხის ისტორიას უკავშირებს.

ჯ. გარიბალდის პრინციპების გადმოცემის დროს ს. მესხი აღნიშნავს, რომ მან კარგად იცოდა იტალიის ისტორია და მისი დაკნინებისაგან თავდახსნის გზად იტალიის გაერთიანება მიაჩნდა. ს. მესხს კარგად ესმოდა ჯ. გარიბალდის ბრძოლის პროგრესულობა, იტალიის გაერთიანების პროგრესულობა, მაგრამ მას არ აკმაყოფილებდა გაერთიანებული იტალია მონარქის ხელქვეით. ამიტომ იგი ასეთი სიტყვებით ამთავრებს გარიბალდის ბიოგრაფიას — „საყვარელ იმის იტალიაში მალე რესპუბლიკა დაფუძნდება“. აქ კარგად ჩანს ს. მესხის და საერთოდ ვაზეთ „დროების“ მთელი სიმპათია მმართველობის რესპუბლიკური ფორმისადმი.

ს. მესხი სტატიებში „მაძინი“ და „იოსებ გარიბალდი“. მოგვითხრობს ამ ორი დიდი პიროვნების პირადი ცხოვრებისა და საბოლოო ხვედრის შესახებ, რომლებიც, ბუნებრივია, ერთმანეთისაგან განსხვავდებოდნენ, მაგრამ ერთნაირი იყო მათი ბრძოლის მიზნები: იტალიის განთავისუფლება, გაერთიანება და რესპუბლიკის დამყარება. ს. მესხს შესანიშნავად ესმის ეს ჭეშმარიტება და ამიტომ ორივეს მოღვაწეობას განიხილავს ერთიან ისტორიულ ფონზე³².

ქართული ვაზეთი „დროება“ და მისი რედაქტორი ს. მესხი როცა წერდნენ იტალიის აწმყოზე და მას განთავისუფლებასა და რესპუბლიკურ წყობას

³¹ ს. მესხი, იოსებ გარიბალდი, (ვაზ. „დროება“, 1875, № 19—20—21).

³² ვ. დონაძე. ქართველი სამოციანელები ახალი ისტორიის პრობლემათა შესახებ, თბ., 1970, გვ. 293.

უწინასწარმეტყველებდნენ, ამით საქართველოს მომავლის რწმენასაც გამოთქვამდნენ.

„იტალიის ეროვნულ-განმათავისუფლებელი ბრძოლის რთული პერიპეტეიბის ახსნისა და გარკვევის საქმეში ქართული საზოგადოებრივი აზრი საკმაოდ მაღალ დონეზე იდგა“³³. ზოგიერთი უმნიშვნელო შეცდომის მიუხედავად, გაზეთ „დროების“ ფურცლებზე მართებულად იყო შეფასებული მაძინის, გარიბალდისა და, რაც მთავარია, იტალიელი ხალხის აქტივობა ეროვნულ-განმათავისუფლებელ მოძრაობაში. გაზეთმა ასევე სწორად უჩვენა ქართველ მკითხველებს ავსტრიისა და საფრანგეთის შემადგერხებელი როლი იტალიელთა სამართლიან ბრძოლაში.

ახალი დროის მსოფლიო ისტორიის ერთ-ერთი ყველაზე მწვავე და ამავე დროს აქტუალური საკითხი, რომელსაც ასევე ფართოდ გამოეხმაურა გაზეთი „დროება“, იყო, ე. წ. „ირლანდიის საკითხი“.

ირლანდიელი ხალხის ხანგრძლივ განმათავისუფლებელი ბრძოლა ეროვნული დამოუკიდებლობისათვის, ნათელი მომავლისათვის მსოფლიოს მოწინავე საზოგადოებრივი აზრის ყურადღების ცენტრში იყო. ირლანდიელთა გმირული, თავდადებული ბრძოლა და სამშობლოს უსაზღვრო სიყვარული ყველა ჩაგრული ერის აღტაცებასა და თანაგრძნობას იწვევდა.

კ. მარქსი და ფ. ენგელსი მხურვალედ გამოეხმაურნენ ირლანდიელი ხალხის განმათავისუფლებელ ბრძოლას. მათ უცილობელი ფაქტებით დაამტკიცეს ირლანდიელთა ბრძოლის მწვავე ხასიათი, რაც იმით იყო განპირობებული, რომ ეს ბრძოლა ერთსა და იმავე დროს მიწისა და ეროვნული თავისუფლებისათვის წარმოებდა. „კ. მარქსმა და ფ. ენგელსმა მოუწოდეს ინგლისელ მუშათა კლასს ინტერნაციონალური კავშირი დემყარებინა ირლანდიის პროლეტარიატთან და მასთან ერთად ებრძოლა, როგორც საკუთარი კლასობრივი ინტერესებისათვის, ისე ირლანდიელი ხალხის სამართლიანი ბრძოლის გამარჯვებისათვის“³⁴.

„მარქსისა და ენგელსის პოლიტიკამ ირლანდიის საკითხში მოგვცა უდიდესი, დღემდე უზარმაზარი პრაქტიკული მნიშვნელობის მქონე ნიმუში იმისა, თუ როგორ უნდა ექცეოდეს მხაგრელი ერების პროლეტარიატი ეროვნულ მოძრაობებს“³⁵.

ირლანდიელი ხალხის განმათავისუფლებელი ბრძოლის შესახებ აზრი გამოთქვებს: ი. ჰავჰავაძემ, ნ. ნიკოლაძემ, ი. გოგებაშვილმა, გ. წერეთელმა, ს. მესხმა და სხვებმა, ქართული პრესის ფურცლებზე, ირლანდიელთა სამართლიანი ბრძოლის შესახებ მრავალფეროვანი მასალების გამოქვეყნება, მინიშნება იყო მოწინავე საზოგადოებრივი აზრის დიდ წარმომადგენელთა თანაგრძნობისა მათ მიმართ და სურვილისა, რომ ქართველებს ირლანდიელი ხალხის

³³ გ. კილურაძე, დასახ. ნაშრომი, გვ. 355.

³⁴ ე. დონაძე, დასახ. ნაშრომი, გვ. 99.

³⁵ ე. ი. ლენინი, ერთა თვითგამორკვევის უფლების შესახებ, გამოცემა მეოთხე, 1951, თბულებანი, ტ. 20, გვ. 543.

გმირული საბრძოლო გამოცდილება სამშობლოს ინტერესებისათვის გამოეყენებინათ.

ირლანდიელი ხალხის განმათავისუფლებელი ბრძოლის ისტორიაში ერთ-ერთი მნიშვნელოვანი ადგილი უჭირავს ფენიების მოძრაობას, რომელიც XIX ს-ის 50-იანი წლების შუალედში აღმოცენდა. გაზეთმა „დროებამ“ თავის ფურცლებზე საკმაოდ ფართოდ და თანმიმდევრულად გააშუქა აღნიშნული მოძრაობა. გაზეთმა გამოაქვეყნა წერილი სათაურით „ფენიები“³⁶. ამ წერილის დასაწყისში, ანონიმი ავტორი მიუთითებს ჭეშმარიტებაზე. იგი წერს, რომ „ინგლის-ირლანდიის განხეთქილების მთავარი მიზეზი იყო არა სარწმუნოებრივი, არამედ — მიწის საკითხი“. ეკონომიკური მოტივი რომ ირლანდიის საკითხს ართულებდა, ამაზე ერთხმად წერდნენ ი. ჰავკვაძე³⁷. კ. ნაცვლიშვილი³⁸ და ი. გოგებაშვილი³⁹.

წერილში ავტორი ეხება 1845-1847 წწ. კარტოფილის მოუსავლიანობას ირლანდიაში, რასაც მოჰყვა შიმშილი, ტიფის ეპიდემია და სურავანდი. დაიწყო მასობრივი ემიგრაცია ინგლისში, შოტლანდიასა და ამერიკის შეერთებულ შტატებში: „... ირლანდიიდან წასული პატრიოტები განსაკუთრებით აშშ-ში მყოფნი, ინგლისის მტრებად იქცნენ. 36 შტატში მოსახლეობის მეშვიდედი ნაწილი ირლანდიელია. მეტი წილი აქედან ამერიკაში დაბადებული, მაგრამ ისინიც ისეთივე მხურვალე პატრიოტები არიან, როგორც მათი მამა და პაპა იყო...“⁴⁰ შერთლაც, როგორც პ. კერჯენცევი მიუთითებს, ამერიკა ირლანდიელი ემიგრანტების თავშესაფარი გახდა. მათი უმრავლესობა ირლანდიის განათავისუფლებლად აქტიური ბრძოლისათვის ემზადებოდა⁴¹.

გაზეთ „დროებაში“ ანონიმი ავტორი წერს, რომ „ფენიების საზოგადოება დაარსდა 1862 წელსო“. ეს ფაქტის უზუსტობაა. ჯერ ერთი, აღნიშნული არ არის თუ რომელ საზოგადოებაზეა ლაპარაკი — «ფენიების საძმოზე» ამერიკაში, თუ «ფენიების საძმოზე» — ირლანდიაში და მეორეც, ამ ორგანიზაციათაგან არც ერთის დაარსების თარიღი არ შეესაბამება დასახელებულ თარიღს. ანგრიკელი ფენიების ორგანიზაცია დაარსდა 1857-1858 წლის ზამთარში, ხოლო ირლანდიელი ფენიების — 1858 წლის მარტში. ამერიკულ ორგანიზაციას სათავეში ედგა ჯ. ო'შაჰონი, ხოლო ირლანდიულს — ჯ. სტიფენსი. ამის შემდეგ ავტორი სამართლიანად უთითებს იმ ფაქტზე, რომ „ირლანდიელები, რომლებიც აშშ ჯარში მსახურობდნენ, ბრძოლის გათავების შემდეგ... თავის თანამემამულეებთან, რომლებიც ირლანდიაში ცხოვრობდნენ შეთქმულება მოამზადეს. ამ შეთქმულების მიზანია — თავი გაითავისუფლონ ინგლისის დედოფლისაგან, ირლანდიის მოუპოვონ დამოუკიდებლობა და დაამყარონ რესპუბლიკა“⁴². წერილის ავტორს სწორად აქვს დანახული ფენიების ბრძოლის ორი ძირითადი მიზანი: სამშობლოს განთავისუფლება ინგლისელთა ბატონობისაგან და რესპუბლიკის დაარსება. რაც შეე-

³⁶ გაზ.: „დროება“, 1866, № 4.

³⁷ ი. ჰავკვაძე, ირლანდია და ინგლისი, თბ., 1957, თხზულებათა სრული კრებული, ტ. IX, გვ. 11.

³⁸ კ. ნაცვლიშვილი, ირლანდია ინგლისის უფლების ქვეშ, „ივერია“, 1881, № 3, 9.

³⁹ ი. გოგებაშვილი, ირლანდიის მძიმე მდგომარეობა ინგლისის ხელში, „დროება“ 1881, № 77.

⁴⁰ „დროება“, 1866, № 4.

⁴¹ П. Керженцев, Ирландия в борьбе за независимость, М., 1936, გვ. 50.

⁴² გაზ. „დროება“, 1866, № 4.

ხება აშშ 1861-1865 წწ. სამოქალაქო ომში მონაწილე ირლანდიელ ოფიცრებს და ჯარისკაცებს, ისინი მართლაც დაბრუნდნენ ირლანდიაში და ინგლისშიც კი, რათა ებრძოლათ დამპყრობლების წინააღმდეგ.⁴³ ირლანდიელი ფენიების აჯანყებისათვის მზადებას მთავრობამ რეპრესიებით უპასუხა და გააუქმა «Habeas Corpus act»-ის მოქმედება. აჯანყების პირველი ცდა მარცხით დამთავრდა.

გაზეთი „დროება“ თავის ფურცლებზე ეხება ამერიკელი ფენიების საქმიანობას და სწორად შენიშნავს, რომ „ფენიების მოქმედება შეერთებულ შტატებში ისევე საშიშია ინგლისელებისათვისო“...⁴⁴ ამერიკელი ფენიების საქმიანობა უშედეგოდ დასრულდა. მათმა ორგანიზაციამ არსებობა შეწყვიტა. გაზეთი გულისტყვილით მიუთითებს, რომ ამერიკაში, ისევე, როგორც ირლანდიაში, ფენიების დევნა და დაპატიმრება დაიწყო და ამ რეპრესიებს დადებითად გამოეხმაურნენ ინგლისის გავლენიანი პირები: „ლორდმა დერბიმ სხვა განცხადებებთან ერთად გააკეთა ასეთი განცხადებაც, რომ ის მაღლობით მოიხსენიებს სწრაფ და ენერგიულ განკარგულებას, რომელიც გამოვიდა აშშ ფენიობის მოსასპობად“...⁴⁵

1867 წელს გაზეთი „დროება“ ისევ დაუბრუნდა თემას ირლანდიელ ფენიებზე და მკითხველს აუწყა ახალი აჯანყებისათვის მათი მზადების შესახებ. ამავე წლის ერთ-ერთ ნომერში გაზეთმა „ირლანდიელი ხალხის პროკლამაციის“ გამოქვეყნებით აშკარა თანაგრძნობა გამოუცხადა ირლანდიელების ბრძოლას. ამ პროკლამაციაში ირლანდიელები ჩივიან თავიანთ უნუგეშო მდგომარეობაზე, იმედგაცრუებაზე და ერთადერთ გამოსავალ საშუალებად ძალის გამოყენებას მიიჩნევენ: „რამდენიმე საუკუნოა, — ვკითხულობთ პროკლამაციაში, — რაც ჩვენ ვითმენდით შევიწროებას, დამცირებას და შესაძრწუნებელს სიგლახაკეს... უკეთესია, რომ დავიხოცნეთ, თავისუფლებისათვის, მანამ ვიცხოვროთ მონაობაში... უნდა დავარსოთ რესპუბლიკა... ჩვენ გამოუცხადებთ ჩვენს ძმებს, რომ ჩვენ არ ვეომებთ ანგლიის ხალხს, — არა, ჩვენ ვეომებით არისტოკრატის კალიას, რომლებმაც მოჰამა ჩვენი ყანები... ჩვენ ვიბრძვით საზოგადო საქმისათვის, და თქვენ, ანგლიის მუშა-ხალხო, არამ თუ უნდა იყვნეთ ჩვენზედ კარგის გულით, არამედ თქვენც უნდა აღსდგეთ მტერზედ. აიღოთ ხელში თოფ-იარაღი... მიიღეთ მონაწილეობა ამ უდიდეს ბრძოლაში, რომელსაც მიზნათა აქვს კაცობრიობის დამოუკიდებლობის აღდგინება“⁴⁶. განსაკუთრებით საინტერესოა პროკლამაციის ბოლო ნაწილი, სადაც ირლანდიელები ინგლისის მშრომლებს მოუწოდებენ ერთიანი ბრძოლისაკენ. ასეთი მოწოდება უცხო არ იყო ქართული პროგრესული აზრისათვის. ქართველი სამოციანელები (ა. წერეთელი, გ. წერეთელი, ს. მესხი და სხვები) არაერთხელ მოუწოდებდნენ ქართველებს რუს ხალხთან ერთად ებრძოლათ საერთო მტრის — ცარიზმის წინააღმდეგ.

1867 წლის აჯანყების გეგმა, ლალატის გამო, ირლანდიელმა ფენიებმა ვერ განახორციელეს. აჯანყებულები სასამართლოს გადასცეს. ბევრმა მათგანმა თავს გაქცევით უშველა. გაზეთი „დროება“, რომელიც მხარს უჭერდა და თანაუგრძნობდა ფენიების ბრძოლას, გულისტყვილით აწვდიდა მკითხველს შემდეგი

⁴³ История XIX века, т. 5, გვ. 400—401.

⁴⁴ გაზ. „დროება“, 1866, № 31.

⁴⁵ იქვე, 1866, № 21.

⁴⁶ იქვე, 1867, № 13.

შინაარსის ცნობას: „ფენიები საშინელ მდგომარეობაში არიან საპყრობილებე-ში — საშინელ ზამთრის ყინვაში მთლიანად შიშველნი წვანან, ცოც ქვის იატაკით დაგებულ სენაკში. საქმელი ისეთი საძაგელია, რომ ცხვირთანაც ვერ მიიტან, თან ისე ცოტას აძლევენ, რომ არც კი ყოფნით“⁴⁷.

1869 წლის „დროება“ აქვეყნებს ცნობებს იმის შესახებ, რომ ირლანდიაში ხალხმრავალი მიტინგები და დემონსტრაციები იმართება დაპატიმრებული ფენიების განთავისუფლების მოთხოვნით⁴⁸. „მარქსი და I ინტერნაციონალის გენერალური საბჭო აქტიურად იბრძოდნენ დაპატიმრებული ფენიების ზედრის შემსუბუქებისა და მათთვის ამნისტიის გამოცხადებისათვის“⁴⁹. რამდენიმე ხნის შემდეგ ინგლისის მთავრობა იძულებული იყო ამნისტია გამოეცხადებინა, მაგრამ ეს ძირითადად ამერიკელ ფენიებს შეეხო.

1867 წლის აჯანყების მოწყობის უშედეგო ცდისა და ამნისტიისათვის ბრძოლით შეიძლება დავასრულოთ ფენიების მოძრაობის ისტორიის შესახებ მსჯელობა. ფენიებს არ აინტერესებდათ ბრძოლის პალამენტური მეთოდები, ისინი ირლანდიაში რესპუბლიკის დამყარებას შეიარაღებული აჯანყების გზით ფიქრობდნენ, მაგრამ მათ სუსტი კავშირი ჰქონდათ მოსახლეობის ფართო ფენებთან. აქვე უნდა შევნიშნოთ ფენიების ერთ-ერთი ძირითადი შეცდომა, რომ მათ ინგლისის ბატონობისაგან განმათავისუფლებელ ბრძოლას დაუქვემდებარეს ბრძოლა მიწისათვის. ფენიებმა არ გაითვალისწინეს თავის დროზე ირლანდიელთა რევოლუციური ბრძოლის ერთ-ერთი ლიდერის, ლალორის სწორი მითითება: „აარსებული და უნაყოფო იქნება პოლიტიკური თავისუფლება თუ არ მოვიპოვეთ მიწაც.“⁵⁰ ფენიების მოძრაობის შედეგად შეიძლება მივიჩნიოთ 1870 წლის ე. წ. «Land act»-ი. ამ ფაქტს გაზეთი „დროება“ აქტიურად გამოეხმაურა.⁵¹

ირლანდიელი ხალხი განაგრძობდა ბრძოლას მიწისა და ეროვნული თავისუფლებისათვის. ირლანდიელთა მოძრაობის ავანსცენაზე გამოდის ჩ. პარნელი, წარმოშობით ინგლისელი, მაგრამ ირლანდიის ეროვნული საქმისათვის თავდადებული მებრძოლი. 1875 წლიდან პარნელი ირლანდიელ ოპოზიციონერებთან ერთად, ინგლისის პარლამენტში, იბრძვის ირლანდიისათვის თვითმმართველობის (ჰომრული) მინიჭებისა და აგრარული რეფორმების ვატარებისათვის. მას ზურგს უმაგრებს ირლანდიელი გლეხების მასობრივი ორგანიზაცია „საადგილმამულო ლიგა“ (1879 წ.) მაიკლ დევიტის ხელმძღვანელობით. ინგლისის მთავრობა იწყებს ზრუნვას ირლანდიის „დაშოშმინებაზე“, რაც გამოიხატა ლიბერალების ბელადის გლადსტონის 1881 წლის „საადგილმამულო აქტით“.

გაზეთმა „დროებამ“ 1881 წელს გამოაქვეყნა ი. გოგებაშვილის ორი წერილი: „ირლანდიის მძიმე მდგომარეობა ინგლისის ხელში“⁵², და „ირლანდიის საკითხი ინგლისის პარლამენტში და გლადსტონი“⁵³. ავტორი პირველი წერილის დასაწყისში მიმოიხილავს ირლანდიის ისტორიულ მდგომარეობას და ირლანდიელთა ტრაგედიის მთავარ მიზეზად მიწის დაკარგვის ფაქტს ასახე-

⁴⁷ გაზ. „დროება“, 1867, № 20.

⁴⁸ იქვე, 1869, №№ 29, 43.

⁴⁹ П. Керженцев, დასახ. ნაშრომი, გვ. 79.

⁵⁰ იქვე, გვ. 41.

⁵¹ გაზ. „დროება“, 1870, №№ 9, 12, 19.

⁵² იქვე, 1881, № 77.

⁵³ იქვე, 1881, № 82.

ლებს. შემდეგ ლაპარაკია ირლანდიელი ხალხის მღელვარებაზე და 1881 წლის „საადგილმამულო ბილზე“, რომელიც წამოაყენა ინგლისის მთავრობამ გლადსტონით სათავეში ირლანდიელთა მდგომარეობის გაუმჯობესებისათვის.

კ. მარქსი, 1881 წლის 29 აპრილს, ე. ლონგესადმი მიწერილ წერილში — საადგილმამულო ბილს, რომელიც მხოლოდ მიწის მესაკუთრეებისათვის იყო სასარგებლო, გლადსტონის ძალზე მოხდენილ ტრიუკად მიიჩნევს⁵⁴.

ი. გოგებაშვილი მეორე წერილში „ირლანდიის საკითხი ინგლისის პარლამენტში“ მკითხველს აუწყებს, რომ ჯერ კიდევ სადავოა შვეა თუ არა ძალაში საადგილმამულო ბილი, ვინაიდან მას პარლამენტში უკმაყოფილებით შეხვდნენ კონსერვატორები და ზოგიერთი ლიბერალიც კი. მიუხედავად ამისა გოგებაშვილი ამ ბილს გამარჯვებას უწინასწარმეტყველებს, რის მიზეზსაც მართებულად და მოხდენილად ხსნის ქართული ანდაზით: ჩათრევას ჩაყოლა სჯობიაო. ამიტომ, ირლანდიას ინგლისის ნებით ჩაპყვება, რომ ძალათ არ იქნას ჩათრეულიო, დაასკვნის იგი⁵⁵.

გაზეთმა „დროებამ“ სხვაგვარად შეაფასა გლადსტონის და მისი პარტიის სურვილები ირლანდიელი ხალხის მიმართ: „მართალია ლიბერალები უფრო კეთილის თვალით ეპყრობიან ირლანდიას, ვიდრე კონსერვატორები, მაგრამ მაინც ირლანდიის სრულიადი ავტონომია აზრათ არა აქვთ“⁵⁶, და მართლაც, გლადსტონმა ჰომრულის ნაცვლად ირლანდიელებს „საადგილმამულო აქტი“ შესთავაზა.

გლადსტონი ყველა საკითხში, მათ შორის, ირლანდიის საკითხშიც, თავისი კლასის ინტერესებს იცავდა და ბრიტანეთის იმპერიის მთლიანობიდან გამომდინარეობდა. იგი იყო თავის თანამედროვეებზე უფრო შორსმჭვრეტელი პიროვნება, რომელიც დროზე მიხვდა, თუ რას უმზადებდა ბრიტანეთის იმპერიის მთლიანობას ირლანდიის საკითხის უფრო მეტად გამწვავება და გადაწყვიტა მიწის კანონისა და თუნდაც ჰომრულის მეშვეობით ჩაეტარებინა ზედპირული რეფორმები, რათა თავიდან აეშორებინა ირლანდიელი ხალხის საყოველთაო რევოლუცია.

გაზეთმა „დროებამ“ ირლანდიის საკითხი ძირითადად ისტორიული სინამდვილის შესატყვისობით განიხილა. ირლანდიელი ხალხის, კერძოდ, ფენების სამართლიანი ბრძოლის გაბედული გამოქომაგებით, ინგლისის კოლონიური პოლიტიკის კრიტიკით, ირლანდიის საკითხის სიმწვავის განხლვისას სოციალურ-ეკონომიკური მოტივის წინა პლანზე წამოწევით, გაზეთმა და მისმა თანამშრომლებმა შეძლეს ამაღლებულიყვნენ მაშინდელი ეპოქის მოწინავე იდეების დონემდე.

ამასთანავე გაზეთ „დროების“ გამოხმაურება, ირლანდიელი ხალხის ეროვნულ-განმათავისუფლებელი ბრძოლის შესახებ, დაზღვეული არ იყო ცალკეული ჩრდილოვანი მხარეებისაგან. „დროება“ ვადაჭარბებულად აფასებდა 1881 წლის „საადგილმამულო აქტს“, გლადსტონის „დამსახურებას“ ირლანდიელების წინაშე, ლიბერალების პროგრესულობას და სხვა. ამისდა მიუხედავად, გაზეთის პუბლიცისტიკას აღნიშნულ პრობლემებზე ქართველი ხალხისათვის დიდი შემეცნებითი მნიშვნელობა ჰქონდა. მან ხელი შეუწყო ქართველი მკი-

⁵⁴ К. Маркс и Ф. Энгельс, Об Англии, М., 1952, გვ. 455—456.

⁵⁵ გაზ. „დროება“, 1881, № 82.

⁵⁶ იქვე, 1880, № 67.

თველი საზოგადოების გათვითცნობიერებას, გააძლიერა მისი ინტერესი საზღვარგარეთის ქვეყნების აქტუალური პრობლემებისადმი და ბიძგი მისცა ქართველი ხალხის ეროვნულ-განმათავისუფლებელი სულისკვეთების გაძლიერებას.

Н. А. НАМОРАДЗЕ

ВОПРОСЫ НОВОЙ ИСТОРИИ НА СТРАНИЦАХ ГАЗЕТЫ «ДРОЭБА»

Резюме

Политическая и литературная газета «Дроэба» (1866—1885 гг.) являлась выразителем демократических идей грузинских шестидесятников, национальных и социальных интересов передовых слоев народа. Она сыграла значительную роль в общественной жизни Грузии второй половины XIX века.

Газета «Дроэба» публиковала многочисленные и интересные материалы, касающиеся проблем новой истории Европы. Помимо изложения исторических фактов, газета на своих страницах печатала статьи грузинских шестидесятников в собственной интерпретации происходящих в Европе событий. Таким образом на страницах газеты «Дроэба» были положены основы грузинского источниковедения и историографии новой истории Европы. Газета освещала такие ключевые вопросы истории Европы как франко-прусская война, Парижская Коммуна, объединение Германии, объединение Италии, ирландский вопрос, русско-турецкая война 1877—1878 гг. и т. д. Национально-освободительное движение поработенных народов Европы были близки национальным чаяниям грузинского народа.

В статье изучена грузинская общественная мысль, касающаяся двух проблем объединения Италии и ирландского вопроса. Положительная и отрицательная интерпретация вышеуказанных проблем, данных газетой «Дроэба», рассмотрены с точки зрения марксистско-ленинской концепции.

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის საქართველოს ახალი ისტორიის განყოფილება

В. Ш. ГУРУЛИ

БОЕВОЙ ПУТЬ ПИНСКОЙ ПАРТИЗАНСКОЙ БРИГАДЫ (по новым архивным материалам)

Грузины вместе с белорусами, русскими, украинцами и представителями других национальностей принимали активное участие в борьбе за освобождение Белоруссии от гитлеровских захватчиков. Еще в разгар войны, на VI сессии Верховного Совета Белорусской ССР, состоявшейся 21-24 марта 1944 года, первый секретарь ЦК КП (б)Б, «главный партизан»¹ П. К. Пономаренко в своем докладе 21 марта среди выдающихся организаторов партизанского движения в Белоруссии назвал и двух грузин: командира партизанской бригады им. Ф. Э. Дзержинского Владимира Мануиловича Талаквардзе и командира Пинской партизанской бригады Ивана Георгиевича Шубитидзе².

Это было отмечено, как сказано выше, еще в разгар войны, когда бригады В. Талаквардзе и И. Шубитидзе продолжали борьбу в тылу врага (бригада В. Талаквардзе действовала в Витебской и Вилейской областях³, а И. Шубитидзе — в Пинской области⁴).

На сессии более конкретного о грузинах—партизанах не было сказано. Во время своего выступления П. К. Пономаренко, подытоживая двухлетнюю партизанскую борьбу в Белоруссии, отметил, что на территории Белоруссии партизанами убито вражеских солдат и офицеров — 368. 371, ранено — 80. 000; уничтожено вражеских эшелонов — 8.269, паровозов — 5.912, железнодорожных вагонов — 54.573, самолетов — 284, танков — 1033, автомашин — 14. 500⁵. Разумеется, в это большое дело свою лепту внесли и грузинские партизаны.

Архивы Белоруссии сохранили интересный материал о действии Пинской партизанской бригады под руководством И. Шубитидзе⁶. Только с 20 сентября 1943 года по 25 апреля 1944 года бригада И.

¹ Л. И. Брежнев, Целина. См. журнал „Новый мир“, 1978, № 11, с. 6.

² Шостая сесія Вярхоўнага Савета БССР, 21—24 сакавіка 1944 г. Стэнографічная справаздача, Мінск, 1946, с. 35.

³ Партархив Інстытута гісторыі партыі пры ЦК Камуністычнаскай партыі Беларусіі — філіял ІМЛ пры ЦК КПСС (далее: Партархив ІІП пры ЦК КП Беларусіі), ф. 3500, оп. 4, д. 26, л. 153.

⁴ Там же, ф. 3500, оп. 4, д. 284, л. 162.

⁵ Шостая сесія Вярхоўнага Савета БССР.... с. 289.

⁶ О материалах действия бригады В. Талаквардзе будет сказано в другой статье.

Шубитидзе, по неполным данным, добилась значительных успехов: убито вражеских солдат и офицеров — более 3.400, ранено — более 1000; уничтожено железнодорожных эшелонов — 39, паровозов — 34; повреждено эшелонов — 1, паровозов — 4; уничтожено и повреждено железнодорожных вагонов — более 280; уничтожено танков — более 20, автомашин — более 30; взорвано электростанций — 2, шоссеиных мостов — 7, повреждено линий связи — около 40 км и т. д.⁷.

* * *

Боевой путь командира Пинской партизанской бригады частично известен читателям по мемуарам, опубликованным им на белорусском языке в 1969 году⁸, которые потом были переведены и на русский язык⁹. Краткие воспоминания И. Шубитидзе публиковались также в разных сборниках на польском¹⁰ (был переведен на русский язык¹¹) и русском языках¹². Материалы о И. Шубитидзе содержатся в мемуарах В. З. Коржа¹³. Ряд сведений о И. Шубитидзе имеется в трудах грузинских¹⁴ и белорусских историков¹⁵.

Не входя в более подробный анализ названных источников — мемуаров партизан (довольно известны как их большая ценность, так и их недостатки и ограниченность как исторического источника, который не освобождает историка от разыскания подлинных документов, непосредственно отражавших события), считаем нужным отметить, что ознакомление с архивными материалами убедило нас в том, что опубликованные источники и, разумеется, литература, созданная в

⁷ Подытожена нами на основании архивных материалов. См.: Партархив ИИП при ЦК КП Белоруссии, ф. 3500, оп. 4, ж. 284, лл. 1, 156. 159—163, 2—4.

⁸ И. Шубитидзе, Палескія былі, Мінск, 1969.

⁹ И. Г. Шубитидзе, Полесские были, Минск, 1974.

¹⁰ I. Szubitidze, Przyjaźń scementowana krwią. См. в книге: W jednym szeregu, Warszawa, 1969, с. 77—103.

¹¹ И. Г. Шубитидзе, Дружба, скрепленная кровью. См. в книге: В едином строю, Минск, 1970, с. 86—113.

¹² И. Г. Шубитидзе, Из истории совместной борьбы советских и польских патриотов на территории Белоруссии. См. в книге: Боевое содружество советского и польского народов, М., 1973, с. 226—234.

¹³ В. З. Корж, Народная борьба против фашистских оккупантов на Пинщине. См. в книге: Из истории партизанского движения в Белоруссии (1941—1944 гг.). Сборник воспоминаний, Минск, 1961, с. 210—239.

¹⁴ М. И. Кочиашили, Грузинский народ в борьбе против немецко-фашистских захватчиков в Великой Отечественной войне 1941—1954 гг. См. в книге: Страницы из истории Грузии, Тбилиси, 1965, с. 155; е го ж е, Страницы боевых подвигов, Тбилиси, 1969, с. 43; Е го ж е, ქართველი პარტიზანები საბჭო მშენებლის განთავისუფლებისათვის ბრძოლაში. См. журнал „საქართველოს კომუნისტი“, № 5, 1070, с. 46. История Грузии, т. III, Тбилиси. 1968, с. 239; К. В. Цкитишвили. Закавказье в партизанской войне 1941—1945 гг., Тбилиси, 1973, с. 150—151; И. П. Бабашвили, Вклад Грузии в общее дело победы над фашизмом (1941—1945 годы), Тбилиси, 1975, с. 122.

¹⁵ Гісторыя Беларускай ССР. У пяці тамах, т. 4, Мінск, 1975, с. 471; Итория Белорусской ССР, Минск, 1977, с. 429.



основном на этих материалах, полностью не отражают тот героический путь, который прошли Пинская партизанская бригада и его командир И. Шубитидзе.

Цель настоящей статьи — на основе новых архивных материалов, с учетом существующей литературы осветить боевой путь прославленного грузинского партизана И. Шубитидзе.

* * *

В начале Великой Отечественной войны капитан И. Шубитидзе служил начальником артиллерии 457-го стрелкового полка, который стоял недалеко от Белой Церкви (Украинская ССР). В июле 1941 года 457-й полк был переведен на Смоленское направление и участвовал в боях за Смоленск¹⁶. 4 августа 1941 года, после окружения дивизии, И. Шубитидзе раненый попал в плен¹⁷. Его перевели в Польшу и поместили в лагерь военнопленных в г. Бяла-Подляска (Люблинское воеводство)¹⁸. 10 сентября 1941 года И. Шубитидзе вместе с другими отправили в Германию, но 13 сентября 1941 года в ста километрах к западу от Бяла-Подляска он бежал из эшелона¹⁹.

После побега И. Шубитидзе начал организовывать партизанский отряд в Мендзыжец-Подляском районе (Люблинское воеводство, Польша)²⁰. Партизанский отряд, созданный И. Шубитидзе, был одним из первых советских партизанских отрядов, организованных на территории Польши²¹. Пополнение партизанского отряда И. Шубитидзе в основном шло за счет бежавших из плена советских граждан и беднейшего слоя польских жителей²². Отряд носил имя В. И. Чапаева²³.

Отряд И. Шубитидзе действовал в Мендзыжец-Подляском, Влодавском и Люблинском районах Люблинского воеводства²⁴. Географическое положение указанных районов Польши не было благоприятным для развертывания партизанского движения. Дело в том, что железнодорожные магистрали и шоссейные дороги Люблина, Парчева, Мендзыжец-Подляски, Влодавы и Прилуки давали возможность гитлеровцам быстро маневрировать карательными отрядами из гарнизонов Люблина, Хелма, Влодавы, Парчева и Мендзыжец-Подляски²⁵. Поэтому на отряд И. Шубитидзе часто нападали карательные экс-

¹⁶ И. Г. Шубитидзе, Полесские были, Минск, 1974, с. 7.

¹⁷ Партархив ИИП при ЦК КП Белоруссии, ф. 3500, оп. 4, д. 284, л. 46.

¹⁸ J. Tobiasz, Na tyłach wroga, Warszawa, 1972, с. 46. И. Г. Шубитидзе, Полесские были, с. 17—18.

¹⁹ Партархив ИИП при ЦК КП Белоруссии, ф. 3500, оп. 4, д. 284, л. 46; J. Tobiasz, Na tyłach wroga, с. 48; И. Г. Шубитидзе, Полесские были, с. 22.

²⁰ Партархив ИИП при ЦК КП Белоруссии, ф. 3500, оп. 4, д. 284, л. 46.

²¹ J. Tobiasz, Na tyłach wroga, с. 46, 67.

²² Партархив ИИП при ЦК КП Белоруссии, ф. 3500, оп. 4, д. 284, л. 47.

²³ Там же, лл. 45—46.

²⁴ Там же, л. 43.

²⁵ Там же, л. 44.

педиции гитлеровцев²⁶. Кроме того, открытые, безлюдные места затрудняли создание крупных партизанских отрядов и их действия²⁷. Это и заставило партизанский отряд имени В. И. Чапаева под руководством И. Шубитидзе оставить территорию Польши и в марте 1942 года перейти на восточный берег реки Зап. Буг²⁸.

* * *

С весны 1942 года, после перехода на восточный берег р. Зап. Буг, И. Шубитидзе начал организовывать партизанский отряд в Дрогичинском, Ивановском и Жабчицком районах Пинской области, а также в Камен-Каширском районе Волинской области²⁹. В частности, весной 1942 года в Своренских лесах Волинской области И. Шубитидзе создал партизанский отряд, в котором вначале числилось 28 человек³⁰. Отряд действовал в Корбинском районе Брестской области, Дрогичинском, Ивановском и Жабчицком районах Пинской области, а также Камен-Каширском районе Волинской области³¹. В 1942 году отряд И. Шубитидзе пустил под откос 7 эшелонов, вступал в бой с карательными отрядами гитлеровцев 10 раз, чем спас население нескольких деревень Кобринского района Брестской области³². В 1942-1943 годах отрядом И. Шубитидзе были уничтожены вражеские гарнизоны в Радостове, в Олблиц, в Русском, в Крымно, в Закозеле и др. Была уничтожена также железнодорожная станция в Камен-Каширском³³. В 1943 году отряду И. Шубитидзе было присвоено имя С. Орджоникидзе³⁴.

Кроме отряда им. С. Орджоникидзе, И. Шубитидзе организовал три партизанских отряда из поляков, проживавших в Зап. Белоруссии, в том числе и отряд им. Тадеуша Костюшко³⁵. Создание отрядов польских партизан является одной из ярких страниц в деятельности И. Шубитидзе³⁶.

²⁶ Там же, л. 47.

²⁷ Там же, л. 44.

²⁸ Там же, л. 45.

²⁹ Там же, лл. 2, 28.

³⁰ Там же.

³¹ Там же, л. 2.

³² Там же.

³³ Там же.

³⁴ Там же, л. 28.

³⁵ Там же, л. 2.

³⁶ Значение вышеназванного факта определяется тем, что создание польских отрядов было затруднено благодаря антисоветской позиции польского эмигрантского правительства. Отряд польских партизан им. Т. Костюшко (создан из поляков, которые сперва находились в отряде им. С. Орджоникидзе) был первым польским партизанским отрядом в Белоруссии (см.: Братство по оружию. М., 1975, с. 115—116). Об отряде им. Т. Костюшко, созданном И. Шубитидзе, довольно пространно рассказывается в монографии польского историка Мечислава Юхневича (См.: М. Juchniewicz, Polacy w radzieckim ruchu partyzanskim. Warszawa, 1975). Впоследствии отряд им. Т. Костюшко вошел в Пинскую партизанскую бригаду.



Надо отметить, что И. Шубитидзе был тесно связан с Пинским подпольным горкомом ЛКСМБ и его секретарем Э. Б. Нордманом³⁷. Они вели работу по организации партизанских отрядов в Пинской области³⁸.

* * *

С весны 1943 года в Пинской области, где находился отряд И. Шубитидзе, широко развернулось партизанское движение³⁹. В апреле 1943 года на Пинщине была создана партизанская бригада им. В. М. Молотова, а 30 августа из бригады им. В. М. Молотова была выделена Пинская партизанская бригады в составе 5 отрядов: отряд им. С. Орджоникидзе, отряд им. В. И. Чапаева, отряд им. Н. Т. Немитова, отряд им. Т. Костюшко и отряд им. И. В. Сталина⁴⁰. Командиром бригады был назначен Иван Георгиевич Шубитидзе, комиссаром — Архип Зиновьевич Протасения, начальником штаба — Георгий Авксентьевич Дорош⁴¹. Вначале Пинская партизанская бригада была дислоцирована в Ивановском районе Пинской области (между Днепровско-Бугским каналом и рекой Припять)⁴² и насчитывала 366 человек⁴³.

Перед партизанской бригадой стоял ряд вопросов организационного характера: подготовка отдельных отрядов для переброски в определенные районы, изучение местности и ознакомление с населением и т. д. Именно этими вопросами была в основном занята бригада до начала октября 1943 года⁴⁴.

Хотя вначале бригада И. Шубитидзе была занята вышеуказанными организационными вопросами, но и в этот период (в начале октября 1943 года) она имела отдельные столкновения с врагом и провела ряд боевых операций⁴⁵.

С начала октября 1943 года начинаются активные боевые действия бригады И. Шубитидзе. Но прежде чем перейдем к описанию действий Пинской партизанской бригады, несколько слов о

³⁷ Эдуард Болеславович Нордман был секретарем подпольного горкома с 14 июля 1941 года до 1 июля, 1943 года.

³⁸ Подпольные комсомольские органы Белоруссии в годы Великой Отечественной войны (1941—1944), Минск, 1976, с. 252; Партархив при ЦК КП Белоруссии, ф. 3500, оп. 4, д. 284, л. 3.

³⁹ Партархив ИИП при ЦК КП Белоруссии, ф. 3500, оп. 4, д. 284, л. 3.

⁴⁰ Всенародное партизанское движение в Белоруссии в годы Великой Отечественной войны (июнь 1941—июль 1944). Документы и материалы, т. 2, книга 2, Минск, 1978, с. 325.

⁴¹ И. Г. Шубитидзе. Из истории совместной борьбы советских и польских патриотов на территории Белоруссии. См. в книге: Боевое содружество советского и польского народов. М., 1873, с. 230.

⁴² Там же.

⁴³ Партархив ИИП при ЦК КП Белоруссии, ф. 3500, оп. 4, д. 284, л. 1.

⁴⁴ Там же, л. 156.

⁴⁵ Там же, лл. 156, 162, 163.

ходе событий. Как известно, после победоносного завершения битвы на Курской дуге, Красная Армия успешно продолжала наступление на Запад к границам Белоруссии⁴⁶. 26 сентября 1943 года был освобожден первый город Белоруссии — Хотимск, районный центр Могилевской области⁴⁷. Командование гитлеровской Германии ставило себе целью приостановить наступление Красной Армии⁴⁸. Наступление Красной Армии сопровождалось активными действиями белорусских партизан. А именно, в сентябре 1943 года белорусские партизаны держали под ударом 46 крупных железнодорожных участков и перегонов. В сентябре и октябре 1943 года партизаны пустили под откос сотни железнодорожных эшелонов, взорвали тысячи железнодорожных рельсов, задержали и сорвали перевозку военных грузов⁴⁹.

В разгар партизанских действий в Белоруссии активно вступила в бой и Пинская партизанская бригада. Так, 6 октября 1943 года диверсионная группа отряда им. Немитова пустила под откос эшелон с живой силой, а 7 октября взорвала электростанцию в г. Янов-Полесском⁵⁰; 14 октября 1943 года диверсионная группа отряда им. Чапаева в районе Иваново-Юхновичи (ж. д. Брест-Гомель) пустила под откос эшелон, было уничтожено 3 паровоза и 15 вагонов⁵¹; 18 октября 1943 года диверсионная группа того же отряда на перегоне Иваново-Снитово (ж. д. Брест-Гомель) пустила под откос эшелон, были уничтожены паровоз и 20 вагонов⁵²; 21 октября 1943 года диверсионная группа отряда им. Орджоникидзе в районе Молотковичи-Понятычи (ж. д. Крест-Гомель) пустила под откос эшелон, уничтожила 2 паровоза и 8 вагонов с артиллерийскими боеприпасами, движение было приостановлено на 24 часа⁵³; 22 октября 1943 года общими силами бригады было организовано нападение на железную дорогу Брест-Гомель в Молотокивичском, Понятычском и Бродницком районах (Пинская область). Партизаны взорвали 216 рельс, благодаря чему движение было приостановлено на двое суток⁵⁴.

В ноябре 1943 года Верховное Главнокомандование поставило перед партизанами задачу усилить помощь наступающей Красной Армии. С этой целью партизаны должны были: организовать сильные нападения на вражеские гарнизоны, уничтожить коммуникации

⁴⁶ История Великой Отечественной войны Советского Союза 1941—1945. В шести томах, том 3, М., 1964, с. 366—367.

⁴⁷ Там же, с. 336.

⁴⁸ Там же, с. 368.

⁴⁹ Там же.

⁵⁰ Партархив ИИП при ЦК КП Белоруссии, ф. 3500, оп. 4, д. 284, л. 156.

⁵¹ Там же.

⁵² Там же.

⁵³ Там же.

⁵⁴ Там же.

и средства связи в тылу врага, чтобы не дать возможности гитлеровцам перебросить резервы на фронт⁵⁵.

Белорусские партизаны, в том числе и Пинская партизанская бригада под руководством И. Шубитидзе, сделали все для выполнения поставленной задачи. К концу октября 1943 года бригада И. Шубитидзе значительно усилилась. По данным на 31 октября 1943 года бригада насчитывала 696 человек, в том числе: в штабе бригады — 6, в комендантском взводе — 48, в отряде им. С. Орджоникидзе — 133, в отряде им. В. И. Чапаева — 70, в отряде им. Н. Т. Немитова — 110, в отряде им. Г. Костюшко — 161 и в отряде им. И. В. Сталина — 168⁵⁶.

В ноябре 1942 года бригада И. Шубитидзе провела ряд значительных боевых операций. Так, 6 ноября 1943 года диверсионная группа отряда им. Чапаева в районе Снитово-Иваново (ж. д. Брест-Гомель) пустила под откос эшелон, были уничтожены паровоз и 8 вагонов, с военной техникой и боеприпасами⁵⁷; 20 ноября 1943 года диверсионная группа отряда им. Сталина недалеко от Бродницы (Лунинецкий район Пинской области), у аэродрома, пустила под откос эшелон с живой силой и военным грузом, был поврежден паровоз и 6 вагонов, убито 160 немецких солдат и офицеров, ранено — 35⁵⁸; 13 ноября 1943 года диверсионная группа отряда им. Орджоникидзе на линии железной дороги Брест-Гомель (на территории Пинской области) пустила под откос эшелон, были уничтожены паровоз и 2 вагона с живой силой, убито 80 немецких солдат и офицеров, движение на железной дороге было приостановлено на 10 часов⁵⁹; 24 ноября 1943 года диверсионная группа отряда им. Сталина в районе Янов-Полески-Бродница (ж. д. Брест-Гомель) пустила под откос эшелон с живой силой, были повреждены паровоз и 8 вагонов, убито 190 немецких солдат и офицеров, ранено — 50⁶⁰; 25 ноября 1943 года диверсионная группа бригады И. Шубитидзе на железной дороге Брест-Гомель, между Пинском и Лунинец, пустила под откос эшелон, были уничтожены паровоз, 6 вагонов с живой силой и 8 вагонов с боеприпасами, убито 200 немецких солдат и офицеров⁶¹; 30 ноября 1943 года диверсионная группа Пинской партизанской бригады на линии железной дороги Лунинец-Сарни (Пинская область БССР и Ровенская область УССР) пустила под откос эшелон, были уничтожены паровоз и 10 вагонов с боеприпасами⁶²; в тот же день (30 ноября) диверсионная группа бригады И. Шубитидзе на железной дороге Брест-Гомель, между Пинском и Лунинец, пустила под откос эшелон, были

⁵⁵ История Великой Отечественной войны Советского Союза 1941 — 1945 т. 4, М., 1964, с. 25.

⁵⁶ Партархив ИИП при ЦК КП Белоруссии, ф. 3500, оп. 4, д. 284, л. 21.

⁵⁷ Там же, 156.

⁵⁸ Там же, 157.

⁵⁹ Там же.

⁶⁰ Там же, л. 158.

⁶¹ Там же.

⁶² Там же.

уничтожены паровоз и 15 вагонов с живой силой, было убито 600 немецких солдат и офицеров⁶³. Таков далеко не полный перечень боевых операций Пинской партизанской бригады под руководством И. Шубитидзе за ноябрь 1943 года.

В ноябре-декабре 1943 года Красная Армия вела ожесточенные бои за освобождение Белоруссии. 26 ноября 1943 года был освобожден первый областной центр Белоруссии Гомель⁶⁴, а 24 декабря — Горсодок⁶⁵.

Успехи Красной Армии воодушевляли партизан, которые стали еще активнее и успешнее действовать в тылу врага.

В декабре 1943 года Пинская партизанская бригада под руководством И. Шубитидзе провела ряд удачных боевых операций. Так, 4 декабря 1943 года диверсионная группа отряда им. Костюшко на железной дороге Брест-Гомель, в трех километрах от Бродницы (Лунинский район Пинской области) пустила под откос эшелон с живой силой⁶⁶; 8 декабря 1943 года диверсионная группа отряда им. Сталина на железной дороге Янов-Полесск-Бродница (ж. д. Брест—Гомель) пустила под откос эшелон, были уничтожены паровоз и 6 вагонов с тремя танками, было убито 130 немецких солдат и офицеров, ранено — 30⁶⁷; 13 декабря 1943 года диверсионная группа отряда им. Орджоникидзе на железной дороге Брест-Гомель (на территории Пинской области) пустила под откос эшелон, были уничтожены паровоз и 11 вагонов, убито 85 немецких солдат и офицеров, ранено — 57⁶⁸; 25 декабря 1943 года диверсионная группа отряда им. Орджоникидзе на линии железной дороги Снитово-Янов-Полесски (ж. д. Брест-Гомель) пустила под откос эшелон, были уничтожены паровоз и 3 вагона с боеприпасами⁶⁹. 27 декабря 1943 года диверсионная группа бригады И. Шубитидзе на линии железной дороги Брест-Гомель, между Пинском и Лунинец, пустила под откос эшелон, были уничтожены паровоз и 9 вагонов (в том числе 5 вагонов с живой силой, а 4 — с боевой техникой), убито 170 немецких солдат и офицеров⁷⁰.

Как явствует из вышеприведенных материалов партизанская бригада И. Шубитидзе с начала октября 1943 года непрерывно устраивала диверсии на той части железнодорожной магистрали Брест-Гомель, которая проходила через Пинскую область. Значение операций бригады И. Шубитидзе заключается в том, что именно по этой ма-

⁶³ Партархив ИИП при ЦК КП Белоруссии, ф. 3500, оп. 4, д. 284, л. 158.

⁶⁴ История Великой Отечественной войны Советского Союза 1941—1945, т. 3, с. 375.

⁶⁵ История второй мировой войны 1934—1945. В двенадцати томах, т. 7, М., 1976, с. 373.

⁶⁶ Партархив ИИП при ЦК КП Белоруссии, ф. 3500, оп. 4, д. 284, л. 158. с. 273.

⁶⁷ Там же.

⁶⁸ Там же.

⁶⁹ Там же, л. 159.

⁷⁰ Там же.

гистрала осуществлялось снабжение немецких войск в южной Белоруссии. Диверсии бригады И. Шубитидзе с 20 сентября 1943 года по 15 января 1944 года дали довольно солидный результат: пущено под откос железнодорожных эшелонов — 24, уничтожено паровозов — 25, железнодорожных вагонов с живой силой, боеприпасами и боевой техникой — 151⁷¹. Во время диверсии убито 1600 немецких солдат и офицеров, ранено — 150⁷². Помимо диверсии на железной дороге, бригада И. Шубитидзе 13 раз завязывала бои с противником, в результате чего было убито 217 немецких солдат и офицеров, ранено — 56⁷³. Благодаря агитации во вражеских гарнизонах партизанам удалось перевести на свою сторону 71 военнослужащего врага⁷⁴. Кроме того, в указанный период бригада И. Шубитидзе уничтожила: танков — 3, автомашин — 4, электростанций — 2, складов — 2, шоссейных мостов — 4 и линию связи на 15 км⁷⁵.

Бригада И. Шубитидзе, кроме боев, вела и агитационно-пропагандистскую работу⁷⁶.

Бригада вела агитацию среди польских полицаяв, находящихся на службе у немецко-фашистских захватчиков. Этим делом, в основном, занимались партизаны из отряда им. Т. Костюшко, который был укомплектован поляками. Партизаны из отряда Т. Костюшко (25 человек) вели агитацию в Логишинском гарнизоне (Логишинский район Пинской области), где служили полицейские поляки⁷⁷. Агитационная работа велась также и в других гарнизонах: в Телеханы (Телеханский район Пинской области), в Погост-Загородский (Логишинский район Пинской области) и в Озиричи (Пинская область)⁷⁸. Партизаны вели также агитационную работу и среди немецких солдат, которые служили в близлежащих гарнизонах⁷⁹. Эта работа не пропала даром. Например, 17 января 1944 года, благодаря агитации, на сторону партизан перешли 7 вооруженных полицаяв поляк из Логишинского гарнизона⁸⁰. С 14 января по 18 февраля 1944 года партизаны вели агитационную работу среди немецких солдат, благодаря чему на сторону партизан перешли 7 немецких военнослужащих (в том числе 2 вооруженных)⁸¹.

Бригада И. Шубитидзе была тесно связана с Пинским подполь-

⁷¹ Партархив ИИП при ЦК КП Белоруссии, ф. 3500, оп. 4, д. 284, л. 1.

⁷² Там же.

⁷³ Там же.

⁷⁴ Там же.

⁷⁵ Там же.

⁷⁶ Там же.

⁷⁷ Там же, л. 160.

⁷⁸ Там же.

⁷⁹ Там же, б. 163.

⁸⁰ Там же, л. 160.

⁸¹ Там же, л. 163.

ным горкомом ЛКСМБ. Бригада И. Шубитидзе являлась одной из баз Пинского подпольного горкома ЛКСМБ⁸².

Бригада И. Шубитидзе на территорию Польши посылала отдельные диверсионные группы. Хотя это не носило систематического характера, но такие мероприятия не проходили бесследно. Например, 2 ноября 1943 года диверсионная группа бригады И. Шубитидзе в районе г. Люблина пустила под откос эшелон врага⁸³.

Командование фашистской Германии, после поражения в Белоруссии осенью 1943 года, все-таки удалось временно стабилизировать линию фронта. К концу 1943 года линия фронта проходила через Невель и восточнее Витебска, Могилева и Мозыря⁸⁴. В этот период (начало 1944 года) усиление партизанского движения в Белоруссии имело особо важное значение, потому что немецкое командование в ожидании наступления Красной Армии в начале 1944 года провело большую работу по укреплению северо-западного и западного участков советско-германского фронта. В частности, стали строить оборонительные сооружения, провели перегруппировку войск и усиление их в тех районах, где ожидалось наступление Красной Армии. Большое внимание уделялось созданию резервов, маневрирование которых дало бы возможность немецкому командованию приостановить наступление Красной Армии⁸⁵. Разумеется, для срыва мероприятий немецкого командования большое значение придавалось действиям партизан.

С начала 1944 года бригада И. Шубитидзе, которая на 15 января 1944 года насчитывала 486 вооруженных партизан⁸⁶, продолжала активные действия в тылу врага и в январе-феврале 1944 года провела ряд успешных операций. Так, 16 января 1944 года диверсионная группа отряда им. Орджоникидзе в районе Молотковичи-Понятычи (ж. д. Брест-Гомель) пустила под откос эшелон, было уничтожено 7 вагонов с живой силой, убито 190 немецких солдат и офицеров, ранено — 170⁸⁷; в те же дни (14 января) одна диверсионная группа отряда им. Сталина в районе Молотковичи-Понятычи пустила под откос эшелон, было убито 120 немецких солдат и офицеров⁸⁸, а другая группа отряда им. Сталина на железной дороге Брест-Гомель (территория Пинской области) пустила под откос эшелон, были уничтожены паровоз, 4 вагона и 9 платформ с 20-ю танками, было убито 100 немецких солдат и офицеров⁸⁹; 20 января 1944 года группа отряда им. Сталина в районе Юхновичи (ж. д. Брест-Гомель) пустила под откос

⁸² Подпольные комсомольские органы Белоруссии в годы Великой Отечественной войны (1941—1944), Минск, 1976, с. 252.

⁸³ Партархив ИИП при ЦК КП Белоруссии, ф. 3500, оп. 4, д. 284, л. 156.

⁸⁴ История второй мировой войны 1939—1945, т. 8, М., 1977, с. 43.

⁸⁵ Там же, лл. 58—59.

⁸⁶ Партархив ИИП при ЦК КП Белоруссии, ф. 3500, оп. 4, д. 284, л. 1.

⁸⁷ Там же, л. 159.

⁸⁸ Там же.

⁸⁹ Там же, л. 160.

эшелон, были уничтожены паровоз и 11 вагонов, убито 250 немецких солдат и офицеров⁹⁰; 22 января 1944 года диверсионная группа отряда им. Чапаева в районе Снитово-Иваново (ж. д. Брест-Гомель) пустила под откос эшелон с военной техникой и живой силой, были уничтожены паровоз и 12 вагонов⁹¹; 26 января 1944 года диверсионная группа стрядов им. Орджоникидзе в районе Иваново-Пинск (ж. д. Брест-Гомель) взорвала эшелон (паровоз и 16 вагонов), было убито до 300 немецких солдат и офицеров, ранено — 340, движение на железной дороге было приостановлено на 12 часов⁹². 31 января 1944 года диверсионная группа отряда им. Сталина в районе Иваново-Юхновичи (ж. д. Брест-Гомель) пустила под откос эшелон, были уничтожены паровоз и 4 вагона⁹³; 3 февраля 1944 года группа партизан отряда им. Сталина в районе Юхновичи-Молотковичи (ж. д. Брест-Гомель) пустила над откос эшелон, были уничтожены паровоз и 20 вагонов, нагруженные 2000 ящиками с патронами и 15 минометами, убито 217 немецких солдат и офицеров, ранено — 340⁹⁴; в тот же день (3 февраля) группа партизан отряда им. Немитова в районе Иваново-Борейко (ж. д. Брест-Гомель) пустила под откос эшелон, был поврежден паровоз и 10 вагонов (4 вагона с живой силой, а 6 вагонов — с боевой техникой), было убито 100 немецких солдат и офицеров⁹⁵, 20 февраля 1944 года группа партизан отряда им. Сталина на железной дороге Брест-Гомель (территория Пинской области) пустила под откос эшелон, были уничтожены паровоз и 9 вагонов (в том числе 4 вагона нагруженные автомашинами), убито 62 немецких солдат и офицеров, ранено — 37⁹⁶.

Именно вышеуказанные материалы имел в виду первый секретарь ЦК КП(б) Белоруссии П. К. Пономаренко, когда на VI сессии Верховного Совета Белорусской ССР 21 марта 1944 года одним из организаторов партизанского движения в Белоруссии назвал прославленного сына грузинского народа Ивана Шубитидзе⁹⁷.

В марте 1944 года Верховное Главнокомандование приняло решение начать наступление войск трех украинских фронтов с целью полного освобождения Правобережной Украины. Если бы наши войска освободили Ровно и Луцк, это давало возможность войскам 1-го Украинского фронта развить наступление на Ковель, а затем на Брест. Для наступления на этом направлении был создан 2-й Белорусский фронт⁹⁸. 61-я армия 2-го Белорусского фронта имела задание

⁹⁰ Партархив ИИП при ЦК КП Белоруссии, ф. 350, оп. 4, д. 284, л. 160.

⁹¹ Там же.

⁹² Там же.

⁹³ Там же, л. 161.

⁹⁴ Там же.

⁹⁵ Там же.

⁹⁶ Там же.

⁹⁷ Шостая сесія Вярхоўнага Савета БССР ..., с. 35.

⁹⁸ История Великой Отечественной войны Советского Союза 1941—1945, т. 4, М., 1964, с. 76.

занять фронт от устья р. Птичь до Столина (Столинский район Пинской области) и тем самым охранять правый фланг фронта⁹⁹. Таким образом линия фронта проходила по той территории (Давид-Городокские и Столинские районы Пинской области), где находилась бригада И. Шубитидзе.

1 апреля 1944 года И. Шубитидзе получил приказ от полковника Кученова, командира 212 стрелковой Кричевской дивизии 9-го стрелкового корпуса 61-й армии 2-го Белорусского фронта. В приказе было сказано:

«В соответствии с приказом корпуса № 0427/111 от 1. 4. 44 г. для обеспечения левого фланга партизанский отряд¹⁰⁰ Шубитидзе в оперативном отношении переходит в мое подчинение.

ПРИКАЗЫВАЮ:

1. Надежно удерживать Нобель-Нов. Млын, не допускать переправы противника через р. Припять в этом районе.
2. Держать постоянную и надежную связь с первым б-ном 669 сп»¹⁰¹.

Бригада И. Шубитидзе приступила к выполнению приказа.

4 апреля 1944 года враг попытался перейти р. Припять, но ему преградил путь отряд им. Немитова и не допустил переход врага на другой берег. В сражении было убито 35 немецких солдат¹⁰².

Немецкое командование на Ковельском направлении сосредоточило большое количество войск, поэтому войскам 2-го Белорусского фронта не удалось взять Ковель. 15 апреля 1944 года наступление наших войск было приостановлено.

17 апреля 1944 года от командования 61 армии И. Шубитидзе получил приказ, где было сказано:

«Согласно распоряжения Военного Совета Белорусского фронта № 6080/111 от 14.4.44 в/Вам бригада полностью передана в мое подчинение.

ПРИКАЗЫВАЮ:

1. Занимаемый Бригадой боевой участок передать по акту командиру 1/669 сп 212 сд майору Жукову, оставив на занимаемом участке, до полного оформления передачи, не менее 150 человек.
2. Весь остальной состав и имущество Бригады сосредоточить в м. Домбровица¹⁰³.

⁹⁹ История Великой Отечественной войны Советского Союза 1941—1945, т. 4, М., 1964, с. 80.

¹⁰⁰ В документе ошибочно вместо «партизанская бригада» написано «партизанский, отряд».

¹⁰¹ Партархив ИИП при ЦК КП Белоруссии, . 3500, оп. 4, д. 284, л. 107.

¹⁰² Там же, л. 162.

¹⁰³ Поселок и станция на линии ж. д. Лунинец-Сарны.

Вам лично прибыть ко мне за получением указаний по дальнейшему использованию бригады.

3. Под Вашу личную ответственность предупреждаю, что личный состав, вооружение, транспорт, остальное имущество бригады полностью должны быть доставлены в район сосредоточения бригады (м. Домбровица).
4. Предъявитель сего майор Бут»¹⁶⁴.

Бригада И. Шубитидзе успешно справилась с новым поручением. Партизаны его бригады продолжали успешно сражаться рука об руку с регулярными частями и не посрамнили славной боевой традиции партизан. В боевой характеристике, выданной 18 апреля 1944 года командованием 9-го гвардейского стрелкового корпуса 61-й армии читаем:

«Пинская партизанская бригада под командованием тов. Шубитидзе за период нахождения оперподчинения 9 ГВ. СК показала себя только с положительной стороны. Занимаемый бригадой рубеж прочно удерживался, не допуская просачивания противника на наши тылы и фланги. Противник неоднократно пытался выбить подразделения бригады из занимаемых опорных пунктов, но всегда получал серьезный отпор и, неся большие потери в живой силе, отходил в исходное положение. Находясь на левом фланге корпуса, бригада оказывала серьезную помощь в его обеспечении. За этот период бригада имела двух пленных»¹⁶⁵.

В конце мая 1944 года Пинская партизанская бригада ввиду того, что те районы, где бригада действовала (восточная часть Пинской области) были заняты частями Красной Армии, была расформирована. Не был расформирован только партизанский отряд им. Т. Костюшко, который был переброшен на территорию Польши¹⁶⁶.

Доблестного сына грузинского народа Ивана Георгиевича Шубитидзе за проявленное мужество в борьбе против гитлеровских захватчиков и умелое руководство партизанской бригадой, правительство СССР наградило орденом Красной Звезды и двумя орденами Красного Знамени, а братья-белорусы в знак благодарности избрали его почетным гражданином города Пинска. Правительство Польской Народной Республики наградило И. Г. Шубитидзе орденом «Грюнвальдский Крест»¹⁶⁷.

И. Г. Шубитидзе скончался в Тбилиси 13 января 1978 года.

¹⁶⁴ Партархив ИИП при ЦК КП Белоруссии, ф. 3500, оп. 4, д. 284, л. 115.

¹⁶⁵ Там же, л. 109.

¹⁶⁶ И. Г. Ш у б и т и д з е, Из истории совместной борьбы советских и польских патриотов на территории Белоруссии. См. в книге: Боевое содружество советского и польского народов. М. 1973, с. 243.

¹⁶⁷ გაზ. „თბილისი“ 1978 წლის 18 იანვარი (№ 15) გვ. 4.

ჯიპალ შარაშენიძე

დღიური რაციონის საკითხისათვის ურის III დინასტიის ეპოქაში

შუმერის საზოგადოების ეკონომიკური ისტორიის შესწავლისათვის გარკვეული მნიშვნელობა ენიჭება სახელმწიფო მეურნეობის მუშა და ადმინისტრაციული პერსონალისათვის განკუთვნილ რაციონთან დაკავშირებული საკითხების გარკვევას. ძვ. წ. III ათასწლეულის II ნახ. დროინდელი შუამდინარეთის პრაქტიკაში მოქმედი რაციონის სისტემა ზოგად ხაზებში დამუშავებული აქვს ი. გელბს თავის სტატიაში: „ძველი მესოპოტამიის რაციონის სისტემა“¹, რომელიც ამ დარგში პირველ ნაშრომს წარმოადგენს. მაგრამ, სამწუხაროდ, მასში გაანალიზებულია მხოლოდ სახელმწიფო მეურნეობის მუშა პერსონალის რაციონის შემადგენლობა. პრობლემის ყოველმხრივი შესწავლის მიზნით კი საჭიროა მომავალში გაგრძელდეს მუშაობა შემდეგი მიმართულებით: მკვლევარად გავმიჯნოთ ურთიერთისაგან რაციონის სისტემა და შრომის ანაზღაურების სისტემა; გაანალიზებულ იქნას სხვადასხვა შემადგენლობის მქონე რაციონთა რაოდენობრივი ცვალებადობის მექანიზმი და მიზეზები; ცალ-ცალკე დავადგინოთ და შემდეგ შევეუდაროთ ურთიერთს სახელმწიფო მეურნეობის მუშა პერსონალისა და ადმინისტრაციული დარგის მუშაკთა რაციონები, დავადგინდეს მათ შორის მსგავსებისა და განსხვავების დონეები.

წინამდებარე სტატიაში ჩვენ ამჯერად განვიხილავთ სახელმწიფოს ადმინისტრაციული პერსონალის მხოლოდ ერთი ჯგუფის, კერძოდ, კურირების რაციონის ყოველდღიური ნორმების შემადგენლობისა და სიდიდის საკითხებს ურის III დინასტიის (ძვ. წ. 2132-2024 წწ.) ეპოქის დროინდელი სააღრიცხვო საბუთების მონაცემებზე დაყრდნობით. შუმერის სახელმწიფო აღნიშნულ ეპოქაში მოიცავდა მთელს სამხრეთ და ჩრდილო შუამდინარეთს. სამეფო კარი სამხრეთ შუამდინარეთის უკიდურეს დასავლეთით მდებარე ქალაქ ურიდან ხელმძღვანელობდა და მუდმივ თვალყურს ადევნებდა ცალკეული ქალაქ-პროვინციების ეკონომიკურ და სამხედრო საქმიანობას კურირ-მაღემსრობლთა (kas₄) მთელი არმიის მეშვეობით². იმპერიის სხვადასხვა მხარეში ყოველდღიურად იგზავნებოდა კურირთა მრავალრიცხოვანი ჯგუფები. მათ თან მიჰქონდათ არა მარტო სამეფო კარისა და მსხვილი ადმინისტრაციული დაწესებულებების ზეპირი თუ წერილობითი ბრძანებები, არამედ, დღევანდელი ტერმინით რომ ვთქვათ, ფოსტაც. ელჩ-კურირთა (sukkal, kas₄) შემწეობით ხორციელდებოდა აგრეთვე ფართო დიპლომატიური ურთიერთობანიც შუამდინარეთის საზღვრებს მიღმა მდებარე დიდ თუ მცირე პოლიტიკურ ერთეულებთან³.

¹ I. J. Gelb, The Ancient Mesopotamien Ration System, JNES 24, (1965), გვ. 230-243. ძველბაბილონურ ეპოქაში მოქმედი რაციონის სისტემას ეძღვნება ნ. კოზირევას სტატია: «Нормы потребления в старовавилонской Месопотамии», ВДИ, 1972, № 2, გვ. 94—99.

² ОГСДШ, გვ. 260.

³ შეად. Th. J a c o b s e n, Early Political Development in Mesopotamia, ZA, 52 (1957), გვ. 139.

გზად მიმავალი კურიერ-მალემსრობლების მომსახურება იმპერიის მთავარ პუნქტებში—ურიდან მოკიდებული ვიდრე ნიფურამდე—ევალბოდათ სპეციალურ საელჩო დაწესებულებებს — ელჩ-კურიერთა სახლებს (é-sukkal, é-kas₄), რომლებიც მეფის შიკრიკებს შეუფერხებლად ამარაგებდნენ სურსათით, ტანსაცმლით, ტრანსპორტითა და ბინით⁴. საელჩო-საკურიერო საქმიანობის ძირითადი დეტალები დაწვრილებით ფიქსირდებოდა შემერებისათვის დამახასიათებელი ზედმიწევნითი სიზუსტით, რის შედეგადაც შეიქმნა საუწყებო-საანგარიშო ტექსტების შემცველი ათასობით თიხის ფირფიტა, რომელთაც პირობითად ვუწოდებთ «კურიერთა ქვითრებს»⁵. ამ ხასიათის დოკუმენტები უმეტესწილად მიმდინარეობენ ლაგაშიდან (დღ. თელო,); უმადან (დღ. ჯოხა) და ფუზრიშ-დაგანიდან (დღ. დრეკემი). ამათ შორის ცნობათა სიუხვით გამოირჩევა ლაგაშური საბუთები.

რაციონი თუ შრომის ანაზღაურება?

როგორც აღვნიშნეთ, ურიდან ნიფურამდე გადაჭიმულ ცენტრალურ გზაზე ყოველი 20 კმ-ის მოშორებით მდებარე დასახლებულ პუნქტებში განლაგებული საელჩო დაწესებულებები გზად ჩავლილ კურიერებზე გასცემდნენ საკვებს. კურიერთა ქვითრების შესანახი კალათების ეტიკეტთა ტექსტებში ეს საკვები იხსენიება ტერმინით sa-du₁₁ -kas⁶, რომელიც ზოგადად შეიძლება ვთარგმნოთ ასე: «კურიერთა სარგო, რაციონი»⁷.

მოყვანილი ტერმინიდან, რა თქმა უნდა, არა ჩანს, თუ რა დანიშნულებით იყო გაცემული ნაგულისხმები პროდუქტები, მაგრამ ამის ვარკვევაში გვეხმარება ლაგაშიდან მომდინარე კურიერთა ქვითრების ტექსტთა შემდეგი მონაცემები: 1). აღნიშნულ დოკუმენტებში ყოველთვის მითითებულია, თუ საიდან მოდის ან სად მიდის **კურიერი, რომელზედაც** გაიცემა პროდუქტები. აქედან ჩანს, რომ ეს პროდუქტები მხოლოდ და მხოლოდ საგზლის დანიშნულების მქონეა. 2). ხშირად პირდაპირაა ნათქვამი, რომ საკვები კურიერს ეძლევა გზაში (kaskal-ḫḫ)⁸ მოსახმარად ანდა ქალაქში (šè-uru)⁹ დროებით დარჩენის დროს თავის გამოსაკვებად. 3) პრო-

⁴ დაწვრილებით იხ. Дж. М. Шарашенидзе, Песольские учреждения в эпоху III династии Ура, კრებ. «Вопросы древней истории», V, 1977, გვ. 23—45.

⁵ დღეისათვის გამოუცხადებელი, გამოქვეყნებული ან აღწერილია ამ რიგის ათათასამდე დოკუმენტო.

⁶ Ник. II, 281: 11; BRM III, 1: 10; 2: 11; 3: 15; 5: 9; 7: 20; 10: 11; 12: 7; 25: 15; 30: 22; GDD, 341: 12; 360: 7; 405: 8; 407: 9; 457: 8; UDTP, 160: 10, 160a: 10; 161: 10; TCL II, 99: 9.

⁷ რიგი ავტორებისა ტერმინს sa-du₁₁, *sattukku* შესაბამისი კონტექსტების განურჩევლად ყველგან თარგმნიან როგორც „რეგულარული სარგო, რეგულარული გასავალი, რეგულარული შესაწირი“ (იხ. ŠL II, 457: 39b; MSL I, 72: 5 A₃ 3'; SACTI, გვ. 278; WMAH I, გვ. 376). კურიერთა ქვითრების მონაცემები კი მიგვიჩივებენ, რომ აღნიშნულ ტერმინს ჩვენთვის საინტერესო შემთხვევაში აქვს ზოგადად „სარგოს, ნორმის, რაციონის“ მნიშვნელობა (იხ. RTC, 344: 1—3; შეად. HLC I, 217: 6; 237: 15; 310: 3; 345: 6; AT, 61: 8; 120: 7; AB XXV, 83: 4; MOS XVI, 199: 8; 214: 13; 217: 12; RTC, 340: 2; 341: 2; 371: 2; 376: 15; 378: 3; SADI, 16: 17; ASM XVI, 49: 16; EU, LXXXII; 7, 15; ITT III 2, 4939: 3, 6). ჩვენული თარგმანი შეად. AAS, გვ. XIII

⁸ სათანადო დოკუმენტების სიმრავლის გამო მივეუბნებთ მხოლოდ ზოგიერთებზე: HLC II, 105: 30; 122: 2, 6, 9, 14, 17; 127: 5, 11, 14, 21; III, 212: 11, 15; ITT V, 6990: 8; HSS IV, 56: 4, 10, 22; 63: 5, 15, 24; 66: 5, 8; MOS XVI, 212: 3; RTC, 322: 6; 336: 3; ABTR, 13: 2, 6, 11, 15; ASM XVI, 84: 3; 85: 7 და სხვ.

⁹ HLC II, 125: 2, 4, 13; III, 162: 10; 218: 1, 4, 12; 227: 1, 8, 11; 280: 2, 10; HSS IV, 78: 1, 5, 9, 14, 19; 88: 7, 21; AB XXV, 81: 1, 11, 18; RTC, 338: 1; 339: 2; TBT, 3: 10; TEL, 52: 2; 56: 4; CUOS III, 22: 1, 7, 13, 16 და სხვ. მრავალი.

დღეები გაიციმოდა დღიურად მხოლოდ დასაქმების, მოგზაურობის პერიოდისათვის. ამ უკანასკნელ გარემოებაზე ქვემოთ დაწვრილებით შევჩერდებით. ყოველივე ეს მიუთითებს იმაზე, რომ ნაგულისხმები პროდუქტების გაცემას აქვს მხოლოდ საგზლის დანიშნულება და არა შრომის ანაზღაურების მნიშვნელობა. ამდენად, არაა სწორი რიგი ავტორების მიერ კურიერებზე გაცემული საკვები პროდუქტების «შრომის ანაზღაურებად» გამოცხადება¹⁰.

რაც შეეხება კურიერთა შრომის ანაზღაურების საკითხს, ამასთან დაკავშირებით უნდა ითქვას შემდეგი: ურის III დინასტიის ეპოქაში გავრცელებული პრაქტიკის მიხედვით სახელმწიფოს ადმინისტრაციული თუ რელიგიური პერსონალის წარმომადგენელთათვის გამოიყოფოდა სპეციალური მიწის ნაკვეთები, რომელთა დამუშავება წარმოებდა სახელმწიფო მეურნეობის მუშახელის ძალებით, ხოლო მიღებული მოსავალი ხმარდებოდა აღნიშნული თანამდებობის პირებისა და მათი ოჯახის წევრთა მოთხოვნილებების დაკმაყოფილებას¹¹. ეს იყო სწორედ მათი სამსახურისათვის გასამრჯელო, რაც შრომის ანაზღაურების საესებით შესაფერისი და გამართლებული ფორმაა ნატურალური, არასასაქონლო მეურნეობის ბატონობის პირობებში.

გვაქვს საფუძველი ვიფიქროთ, რომ მსგავსი წესითვე ხდებოდა ელჩ-კურიერთა შრომის ანაზღაურებაც. სათანადო დოკუმენტების მონაცემებიდან ჩანს, რომ მათთვისაც გამოიყოფოდა სპეციალური დანიშნულების მიწის ნაკვეთები. ლაგაშიდან მომდინარე საბუთებში იხსენიება საელჩო-საკურიერო საქმის ხელმძღვანელი პირის სუქალმახისათვის გამოყოფილი მიწის ნაკვეთი (a-šà sukkal-maḫa)¹². მსგავსი ნაკვეთები გამოიყოფოდა სამეფო კარზე მომუშავე რიგითი კურიერებისათვისაც (a-šà sukkal-i-du₅)¹³. ლაგაშის ახლოს არსებობდა კარის სუქალთა დასახლებაც კი (é-duru₅ sukkal-i-du₅)¹⁴. იმავე საბუთში იხსენიება ამ დასახლების ბელეუ (i-dub-é-duru₅-sukkal-i-du₅)¹⁵ და ა. შ.

კურიერთა რაციონის უზრუნველყოფა

პროდუქტებს კურიერებზე გასცემდნენ ძირითადად ინდივიდუალურად, ზოგჯერ კი ჯგუფურადაც. ეს უკანასკნელი შემთხვევები დამოწმებულია უმთავრესად უცხოელი ელჩ-კურიერების მიმართ¹⁶. ჯგუფურად გამოწერილ საკვებს აძლევდნენ ჯგუფის ხელმძღვანელად შერჩეულ პასუხისმგებელ პირს, რომელიც აღინიშნებოდა ტერმინით giri¹⁷.

¹⁰ Ch. -F. J e a n, L'Elam sous la dinastie d'Ur, RA 19 (1922), გვ. 21; N. S c h n e i d e r, Die Drehem-und Djoha —Urkunden der Strassburger Universität und Landesbibliothek, Roma, 1931, გვ. 6.

¹¹ А. И. Т ю м е н е в, Государственное хозяйство древнего Шумера, М.-Л., 1956, გვ. 316; SETU, გვ. 291. საბუთებში არა ერთხელ გვხვდება ამგვარი დანიშნულების ნაკვეთების მოხსენება (იხ. UNL I 1/2, № 195, 300, 301, 509, 537, 603, 662—663 706, 707, 718, 719, 732, 734, 769, 810, 858).

¹² ITT IV, 7073; 7500; შეად. UNL I 2, 734.

¹³ ITT IV, 7085: 11; შეად. UNL I 2, 732.

¹⁴ ITT IV, 7156: 2=MVN VI, 153: 2.

¹⁵ იქვე.

¹⁶ შეად. RTC, 328: 1—2; 345:1—3, 11—13; 372:1—2; 379: 1—6; 382: 5—7; 385:9—11; 389:11—12; 396:6—9; HSS IV, 67: 6—7; 368: 3—4; 74:18—20; 82: 3—4; ITT V, 6782:8—9; 6790: 5—7; ASM XVI, 80: 23—24; SRIA, 173:17; ABTR, 12:16—17; AT, 115:1—11; HLC II, 131: 17—18; III, 166:28—29; 168: 18—19; 344: 15—16 და სხვ.

¹⁷ შესაბამისი დოკუმენტები იხ. იქვე, № 16.

ლაგამიდან მომდინარე დოკუმენტების მონაცემებით დგინდება, რომ როგორც ინდივიდუალურად, ასევე ჯგუფურადაც გაიცემოდა შემდეგი პროდუქტები: ლუდი სხვადასხვა ხარისხისა, პური ან შესაბამისი რაოდენობის ფქვილი, ზეთი და ცხვრის ქონი¹⁸. ქვემოთ მოკლედ შევეხებით მათ ცალკე.

ა). სასმელი (kaš, š i k a r u)

ლუდი. ძვ. წ. III—II ათასწლ. დროინდელ შუამდინარეთში ცნობილი იყო სამი სახის ლუდი: ქერის (še, še u), ემერისა (ziz, kun ā š u) და შერეული ლუდი. ქერისაგან (ემერის მინარევს გარეშე) ამზადებდნენ 8 ხარისხის ლუდს, ემერისაგან კი მიიღებოდა ასევე 8 ხარისხის საკმაოდ კარგი და ძვირად ღირებული ლუდი. ცნობილი იყო აგრეთვე შერეული ლუდის ორი ხარისხიც, რომელსაც ლებულობდნენ როგორც ქერის, ასევე, ემერის ნედლი მასალის დადუღებით, გასქელებით. ასე რომ ძვ. წ. III ათასწლ. დროინდელ შუამდინარეთში იცნობდნენ 18 ხარისხის ლუდს¹⁹.

ლაგამისა და უმას საელჩო-საკურიერო დაწესებულებები გასცემდნენ შემდეგი ძირითადი ხარისხის ლუდებს:

1. kaš, š i k a r u „ლუდი; სასმელი“.
2. kaš-gin „ჩვეულებრივი ხარისხის ლუდი, საყოველღიურო ლუდი“²⁰.
3. kaš sig „კარგი ხარისხის ლუდი“²¹.
4. dida (KAŠ. Ū. SA), b i l l a t u „შერეული ლუდი“²².

ამთვან პირველი ტერმინის შესახებ შეენიშნავე შემდეგს. უმადან მომდინარე კურიერთა ქეთორების მონაცემებით ჩანს, რომ ზოგადი ტერმინით kaš აღინიშნებოდა როგორც ჩვეულებრივი, ასევე კარგი ხარისხის ლუდი გარდა შერეული ლუ-

¹⁸ ქალაქ უმაში კურიერთათვის შედგენილ რაციონებში ყოველთვის შექონდათ შემდეგი პროდუქტები: ლუდი, პური, ზეთი, ხახვი, სანელებელი (naga), ზოგჯერ კითეზიც. ფუზრამ-დაგანში კი კურიერთათვის ჯგუფურად გამოწერდნენ მხოლოდ ხორცს, ზოგჯერ ლუდას და პურს.

¹⁹ დაწვრილებით ამ საკითხზე იხ. H. F. L u t z, Viticulture and Brewing in the Ancient Orient, Leipzig, 1922; E. H u b e r, Bier und Bierbereitung im alten Babylonien, წიგნში: Bier und Bierbereitung bei der Völker der Urzeit, I. Babylonien und Ägypten, Berlin, 1926, გვ. 9—28; W. R ö l l i g, Das Bier im alten Mesopotamien, Berlin, 1970; შეად. F. H r o z n y, Das Getreide im alten Babylonien, I, Wien, 1914.

²⁰ ამგვარი თარგმანი მკვლევართა ერთი ნაწილის მიერ სავსებით სწორადაა შემოთავაზებული ტერმინის შემადგენელი მორე ნაწილის მნიშვნელობისა (gin, a l ā k u „სელა, სიარული“) და ყოველღიურო ცხოვრებაში მისი ფართოდ გავრცელებულობის გათვალისწინებით (kaš-gin, სიტყვ. „გასავლის მქონე ლუდი“, შეად. GAB I, გვ. 143; BBVU, გვ. 17; UTZL, 36: 1; WMAH I, 146: 2, 6 და სხვ.). კურიერთა ქეთორებში დამოუკებულა აღნიშნული ხარისხის ლუდის შედარებით ხარისხიც: kaš-gin-lugal „ჩვეულებრივი ხარისხის სამეფო ლუდი“. (იხ. ITT II I, 641: 1; v, 6987: 1; TBT, 3: 1; EU, 1:8; XCVIII: 20; RTC, 396: 6; MOS XVI, 195: 16; ABTR, 2: 1).

²¹ ზოგჯერ მას თარგმნიან როგორც „წინდა ლუდი“ (იხ. GAB I, გვ. 148, 205; VBAO, გვ. 86; BBVU, გვ. 17) ანდა „პირველი კლასის ლუდი“ (იხ. WMAH I, გვ. 146: 1). კურიერთა ქეთორების მონაცემებით ამკარად ჩანს, რომ ჩვეულებრივ ლუდთან (kaš-gin) შედარებით იგი ორჯერ უკეთესი ხარისხისა იყო (იხ. TEL, 51: 1, 5; EU, CXIII: 1, 5; WMAH I, 238: 1).

²² შერეული ლუდის რეცეპტის შესახებ იხ. BBVU, გვ. 12. კურიერთა ქეთორებში გვხვდება შერეული ლუდის ორი ხარისხი: dida-gin „ჩვეულებრივი (ხარისხის) შერეული ლუდი“ (იხ. EU, CX: 1; AT, 63: 1) და dida-sig „კარგი (ხარისხის) შერეული ლუდი“ (იხ. EU, VI: 16; ITT III 2, 2155: 11). შერეულ ლუდს გასცემდნენ რწყით—5 სილიანი, 10, 15, 20, და 30 სილიანი ღოჭებით (შეად. AOS XXXII, G 12, შ6შ. ა: დოკუმენტები იხ. HUK. II, 218: 3; HEU, 71: 17; MVN I, 156: 13; YBT IV, 3: 2; III 3, 3: 22; 6: 2; UCP IX 2, 123: 5, 12, 13; TCSD, 312: 2; UDTP, 167: 24; 169: 31 და სხვ.).

დისა. ნაგულისხმები დოკუმენტების ციფრობრივი მონაცემების ჯამში ხშირად მითითებულია „კარგი (ხარისხის) ლუდი“ (kas-si₅) ხოლო ძირითადი ტექსტის სათანადო ადგილზე ყოველთვის წერია ლუდის აღმნიშვნელი ზოგადი ტერმინი kaš²³. სხვა შემთხვევებშიც მწერალი ტექსტის დასაწყისში მითითებებს ლუდის კონკრეტულ ხარისხზე kaš-gin²⁴ ან kaš-sig²⁵, ხოლო შემდეგ აღარ იმეორებს მათ და წერს მხოლოდ ზოგად ტერმინს kaš. აღნიშნული გარემოება გვაძლევს უფლებას, რომ კურჩერთა ქვეთრების ტექსტებში მითითებული ლუდის აღმნიშვნელი ზოგადი ტერმინის ქვეშ ვიგულისხმობთ სხვადასხვა ხარისხის ლუდი, საერთოდ კი, სასმე-ლი.

ბ) ს ა ქ მ ე ლ ი (ninda, akālu)

კურჩერთა საქმლის მენიუში შედიოდა: გამომცხვარი პური (ninda), ფქვილი (zi)მცენარეული (სეზამის) ზეთი (i, i-giš) და ცხოველური (ცხვრის) ქონი (i-udu). ჯგუფურად გამოწერილ რაციონში ზოგჯერ შეჰქონდათ ხორციც (uzu), მაგრამ ეს ძალზე იშვიათად.

პ უ რ ი დ ა ფ ქ ვ ი ლ ი. კურჩერთა ლაგაშურ რაციონში გვხვდება ძირითადად ორი სახის პური: „ქერის პური“ (ninda-še), რომელიც კურჩერთა ქვეთრების ტექსტებში გადმოცემულია პურის აღმნიშვნელი ზოგადი ტერმინით ninda და „ანაცრის პური“²⁶ (ninda-gaba, ninda-gab-a)²⁷

მთელ რიგ ტექსტებში პურის მაკვირად იხსენიება ფქვილი ძირითადად ორი სახის—„ქერის ფქვილი“ (Zi. ŠE, იკითხება tapin, tapinnu), რომელიც სათანადო საბუთებში გადმოცემულია ფქვილის აღმნიშვნელი ზოგადი ტერმინით Zi, qēmu და მეორე „ბარდას ფქვილი“ (Zi-gu)²⁸.

აქ, სპეციალურად გვინდა მივუთითოთ შემდეგ გარემოებაზე. კურჩერებზე ფქვილის გაცემას აწარმოებდნენ მხოლოდ ლაგაშუი. უმასა, და მით უმეტეს ფუზრიშ-დაგანის, დოკუმენტებით მსგავსი შემთხვევები დამოწმებული არაა. ლაგაშური საბუთების მონაცემებით თითქოს შეიმჩნევა ასეთი ტენდენცია: ფქვილი შეაქვთ უმათვრესად ჩამოსული კურჩერების რაციონებში²⁹, რაც სავსებით გასაგებია: ადგილზევე შეეძლოთ კურჩერებს ფქვილი გამოეცხობინებინათ პურად, მაგრამ ძალზე ძნელი ასახსნელია ის, თუ რას ითვა-

²³ GDD, 207: 16 და 1; 448:16 და 4; KDD, 44:28 და 1, 4, 7; AnOr I, 181: 23 და 1,3; 225: 11 და 1; 227: 13 და 5 და სხვ.

²⁴ Huk. II, 357: 19 და 5, 6, 8 და შმდ.; HEU, 36:31 და 10, 13, 19 და შმდ.; GDD, 207: 16 და 4,7 და შმდ.; 299: 10 და 4, 7; 381:13 და 1,5 და შმდ.; AnOr I, 131:9 და 1 და შმდ.

²⁵ SETU, 221: 1; 222:1; 223:1; 224:1 და სხვ.

²⁶ შეად. AOS XXXII, გვ. 249. ანაცერს ძირითადად ხმარობდნენ ფურაქად ცხოველების გამოსაქვებად (იხ. A. Deimel, OrSP 14 (1924), გვ. 64), მაგრამ დამოწმებულია შემთხვევაც, როცა კარგი ხარისხის ანაცერს (gaba-lugal, სიტყვ. „სამეფო ანაცერი“) საქმალ დიდრიარლენობით გამოუწერენ ვარკვეული კატეგორიის მუშებს (LUGAL (sur₂)-ra-ús-sa, იხ. Umma, 21:1—2) ისინი სასახლეში უნდა ყოფილიყვნენ დასაქმებული.

ქართულ ეთნოგრაფიულ ყოფაშიც დადასტურებულია მცირე მოსავლიანობის დროს საკვებად ქერის ანაცრისაგან გამომცხვარი პურის გამოყენების შემთხვევა (ცნობის წიწობებისათვის მადლობას მოვასხენებ ნ. ბრეგაძეს). ამავე მიზნით იყენებდნენ დიკის ანაცერსაც (გავიხსენოთ ხალხური ლექსი: „გენაცავლე ქერის პურთ; ანაცერო დიკისაო, შებრალება უნდა გქონდეს, ჩემსთანა ბიქისაო“).

²⁷ HLC III, 151: 2, 6, 10; AT, 105: 2, 6; HSS IV, 84: 2; TEL, 39: 1.

²⁸ თარგმანი ეკუთვნის ა. ოპენჰეიმს (იხ. AOS XXXII, გვ. 250; შეად. HAM I, გვ. 216; SP, 33: 434).

²⁹ HLC II, 131; III, 162; 166 და სხვ.

ლისწინებდნენ, როცა ამა თუ იმ პირს ფქვილს ატანდნენ საგზლად³⁰. ისეთი შემთხვევებიც კი არის დამოწმებული, როცა კურიერს ქალაქში აძლევენ პურს, ხოლო გზაში — ფქვილს³¹. ჭერჭერობით ჩვენთვის ძნელია იმის გარკვევა, თუ რით შეიძლება აიხსნას ასეთი, ერთი შეხედვით უცნაური გარემოება³².

ზეთი და ქონი. კურიერთა რაციონში ძირითადი ადგილი უჭირა მცენარეულ (სეზამის) ზეთს (*i-giš, ellu, šamaššamū*), რომელიც საბუთებში უმთავრესად გადმოცემულია ზეთის აღმნიშვნელი ზოგადი ტერმინით *i, šamnu*³³.

რაციონში ზეთთან ერთად ზოგჯერ შეჰქონდათ ცხვრის ქონიც (*i-udu, lipū*). ზეთსა და ქონს გასცემდნენ სიკლობითა და „აგამობით“ (*á-gam*)³⁴. რაციონებში, როგორც წესი, გვხვდება 2 სიკლი ან 1 აგამი ზეთი. მოცულობით ისინი ტოლია³⁵.

რაციონის ინდივიდუალური ნორმები

ლაგაშური დოკუმენტების მონაცემები იძლევიან საშუალებას ზუსტად დავადგინოთ კურიერთათვის განკუთვნილი ინდივიდუალური დღიური რაციონის ნორმები როგორც დაბალი, ასევე მაღალი რანგის წარმომადგენელთათვის³⁷. ქვემოთ წარმოვიადგენთ სათანადო მასალას დოკუმენტებიდან.

1. დაბალი რანგის კურიერთა ტიპური წარმომადგენლებსათვის განკუთვნილი საკვების დღიური ნორმა:

1). <i>lú-kas₄, lasimu</i>	„მალემსრბოლი“.
ა). (<i>9₄ sila kaš 4 sila ninda</i>	4 სილა ლუდი, 4 სილა პური.
<i>10₂ á-gam i u₄-2-kam</i>	2 აგამი ზეთი, 2 ღლისა,
<i>11 šul-gi-i-lí 1⁴lú-kas₄</i>	შულგი-ილი, მალემსრბოლი ³⁸ .

³⁰ მსგავსი შემთხვევები იხ. HLC II, 101:31, 35; 106, passim; 111:1, 13, 22, 25; 122:2, 6, 9, 14, 17; III, 161: 1, 10, 19, 22; 166: 7, 16, 18, 22, 25 და სხვ.

³¹ HSS IV, 56: 7 და 9, 19, 21.

³² შეიძლება ვიფიქროთ, რომ ფქვილის გაცემას აწარმოებდნენ სწრაფად გასამზავრებელ კურიერებზე სამზარეულოში პურის დროებით არ არსებობის შემთხვევაში, მაგრამ როგორ მოიხმარდა გზაში ფქვილს კურიერი მეზობელ სადგურამდე?

³³ შეად. დოკუმენტების მონაცემები: HLC I, 288: 3, 7; II, 132; 136; III, 280; ITT V, 6987; 3, 7; HSS IV, 64; Ник. II, 356: 14, 21; 357: 15, 22; 361: 1, 3, 5, 7, 9, 10, 17; HEU, 96: 1, 3, 7, 15.

³⁴ ცხვრის ქონით გააღიერებულ რაციონებში ძირითადი პროდუქტები (ლუდი, პური) შედარებით შემცირებული არალდენობითაა წარმოდგენილი (იხ. CT X, 21256: 2, 23, 36; RTC, 390: 11; 391: 5; 392: 26; ASM XVI, 83: 10, 16; WMAH I, 227: 7, 20; EU, II: 17; III: 5; IX: 5; XXXV 17; XIX: 5; LXXX: 2, 5; XCII: 21, 25, 29).

³⁵ მოცულობის საზომი ერთეული $\acute{a}\text{-gam} = 1/15 \text{ sila} = 0,056 \text{ ლ}$, იხ. SL II, 334: 130).

³⁶ სიკლი, როგორც მოცულობის ერთეული, უტოლდება 1/60 სილას (იხ. HAM I, გვ. 291). როგორც წონის ერთეული იგი შეადგენს 1/60 მინას ანუ 8,4 გ (იხ. HAM I, გვ. 290). კურიერთა ქეიტრებში ზეთისა და ქონის მიმართ იგი ნახშირია როგორც წონის ერთეული.

³⁷ სათანადო დოკუმენტებში კურიერთა მოხსენების თანამიმდევრობისა და მათზე გაცემული საკვების ნორმათა სიდიდების გათვალისწინებით ჩვენ კურიერებს ვყოფთ ორ კატეგორიად. დაბალ კატეგორიაში ერთიანდება საკუთრივ მალემსრბოლები (*lú-kas₄*) და საკურიერო საქმეზე მიმავრებული რიგითი შუბოსნები (*lú-giš tukula*), რიგითი ქვეითი ჭარისკაცები (*aga_x-ús*) და რიგითი მხედრები (*rá-gaba*). მაღალი კატეგორიისანი კი არიან: სუქალები (*sukkal*), „უფროსი (სიტყვ. „დღიო“) შუბოსნები“ (*lú-giš tukul-gu-la*), „უფროსი ფეხოსნები“ (*aga_x-ús-gal*) და „უმცროსი ნუბანდები“ (*tur-nu-bānda*) — მეურნეობის ამა თუ იმ დარგის ხელმძღვანელები.

³⁸ WMAH I, 221:9—11; შეად. EU, L:5—6.



ბ). „¹⁴ სილა ლუდი, 4 სილა ფქვილი, ² აგამი ზეთი, 2 დღეს, ³ოტრაილი, მალემსრბოლი“³⁹.

2. *lú-giš tukula* „შუბოსანი“.

ა). „¹⁶ სილა ლუდი, 6 სილა პური, ¹⁵³ აგამი ზეთი, ¹⁶³ დღეს, ¹⁷ბაზაზა, შუბოსანი“⁴⁰; ბ). „¹⁶ სილა ლუდი, 6 სილა ფქვილი, ²³ აგამი ზეთი. 3 დღეს, ³შუქუბუმი, შუბოსანი“⁴¹; გ). „¹⁴ სილა ლუდი, 4 სილა პური, ²⁴ სიკლი ზეთი, ³ლუბიბი, შუბოსანი.“ ⁴ურიდან მომავლო, ³რაციონი (*sá—du₁₁*) 2 დღეს,“⁴².

II. მაღალი რანგის კურთხეობა ტიპიური წარმომადგენლებისათვის განკუთვნილი საკვების დღიურა ნორმა:

1). *sukkal, sukkalu* „სუქალი“.

ა). „¹⁰ (სილა) სამეფო ლუდი, ⁵¹⁰ (სილა) პური, 4 სიკლი ზეთი, ⁶რაციონი 2 დღეს, ⁷სუენელი, სუქალი“⁴³; ბ). „²²¹⁰ (სილა) ფქვილი, 2 დღეს, ⁷შუა-ადიდი, სუქალი“⁴⁴; გ). „¹³ აგამი ზეთი, 3 დღეს, ²ნიქალა, სუქალი“⁴⁵.

2. *lú-giš tukul-gu-la* „უფროსი შუბოსანი, შუბოსანთა უფროსი“

ა). „²⁰ (სილა) ლუდი, 12 სილა ფქვილი, ⁶⁴ აგამი ზეთი, 4 დღეს, ⁷შუქართი, უფროსი შუბოსანი,“⁴⁶.

3). *aga-ús-gal* „უფროსი ფეხოსანი, ფეხოსანთა უფროსი“.

ა). „¹⁰ (სილა) ლუდი, 2 დღეს, ⁹ლიდანნი, უფროსი ფეხოსანი“⁴⁷; ბ). „⁴¹⁵ სილა ფქვილი, 3 დღეს, ⁹დანალი, უფროსი ფეხოსანი“⁴⁸; გ). „⁹² აგამი ზეთი, 2 დღეს, ¹⁰შელი, უფროსი ფეხოსანი“⁴⁹.

4) *tur-nu-bānda* «უმცროსი ნუბანდა, სამუშაოთა მწარმოებელი».

ა). „¹⁵ სილა ჩვეულებრივი ხარისხის ლუდი (*kaš—gin*), 3 დღეს, ⁶ინაზერი, უმცროსი ნუბანდა“⁵⁰; ბ). „⁷⁴⁰ (სილა) ფქვილი, 8 დღეს, ⁸[.], ⁹შარგირი, უმცროსი ნუბანდა“⁵¹; გ). „¹⁰⁴ აგამი ზეთი, 2 დღეს, ¹¹შარგირი, უმცროსი ნუბანდა,“⁵².

წარმოდგენილი მასალა გვიდასტურებს შემდეგს:

³⁹ EU, CXI: 1—4; შეად. EU, CXI: 9—11; WMAH I, 221: 5—7, 13—15, 17—19.

⁴⁰ EU, LIX: 14—17; შეად. ASM XVI, 77: 5—10.

⁴¹ WMAH I, 221: 1—3; შეად. TEL, 52: 11—14; EU, XLII: 6—8.

⁴² TEL, 38: 1—5; შეად. ASM XVI, 49: 13—17; EU, L: 1—3, 8—10, 15—17; XC: 1—3; XCII: 1—3; WMAH I, 209: 1—4; 215: 14—16; ITT III 2, 6207: 5—8.

⁴³ HLC I, 217: 4—7; შეად. HLC III, 310: 1—4; MOS XVI, 214: 11—14; RTC, 376: 13—16; SADI, 16: 15—18.

⁴⁴ RTC, 355: 22; შეად. ABTR, 10: 13—16, 20—22; 11: 8—11; RTC, 351: 18—20; MOS XVI, 212: 6—8; HSS IV, 88: 18—19; TBT, 1: 1—3, 11—13; CUOS III, 22: 8—11.

⁴⁵ HLC II, 99: 1—2; შეად. HLC II, 132: 19—20; EU, 10543: 18—19; HSS IV, 64: 19—20; ASM XVI, 92: 7—8; SRIA, 90: 8—9; RTC, 349: 1—4, 6—7; 365: 1—4; 377: 4—6.

⁴⁶ TBT, 3: 5—7.

⁴⁷ RTC, 353: 8—9; შეად. RTC, 335: 1—4; 347: 8—10; 353: 1—2.

⁴⁸ HSS IV, 88: 4—5; შეად. MOS XVI, 212: 6—8; RTC, 339: 1—4; 351: 18—20; ABTR, 10: 5—7, 13—16, 18—19; 11: 8—11, 21—22; CUOS III, 22: 8—11, 21—22; TTA, 1: 1—3; HLCIII, 162: 1—3.

⁴⁹ HSS IV, 64: 9—10; შეად. HSS IV, 64: 14—15, 17—18; RTC, 334: 1—3; 337: 14—15; HLC III, 280: 1—3; EU, 10543: 14—16.

⁵⁰ RTC, 347: 5—6.

⁵¹ RTC, 355: 7—9.

⁵² RTC, 377: 10—11; შეად. HLC II, 132: 14—15; III, 280: 13—14; EU, 10543: 4—5. 11—12.

I. დაბალი კატეგორიის კურიერთა ინდივიდუალური რაციონის დღიური ნორმა იყო: 2 სილა ლუდი, 2 სილა პური/ფქვილი, 1 აგამი/ 2 სიკლი ზეთი.

ანუ: 1,684 ლ. ლუდი, 1,684 ლ პური/ფქვილი, 56 მლ/16,8 გ ზეთი.

II. მაღალი კატეგორიის კურიერთა ინდივიდუალური რაციონის დღიური ნორმა იყო: 5 სილა ლუდი, 5 სილა პური/ფქვილი, 1 აგამი/2 სიკლი ზეთი ანუ: 4,210 ლ ლუდი, 4,210 ლ პური/ფქვილი, 56 მლ/16,8გ ზეთი.

როგორც ვხედავთ, დაბალი (I) და მაღალი (II) რანგის კურიერთა დღიური რაციონები ურთიერთისაგან განსხვავდებიან ძირითადი საკვები პროდუქტების — პურისა და ლუდის რაოდენობებით, ზეთის ნორმა კი ორივეში ერთია.

რით უნდა იყოს გამოწვეული დაბალი და მაღალი კატეგორიის კურიერთა დღიური რაციონის ნორმებს შორის ასეთი სხვაობა ანდა სხვანაირად რომ ვთქვათ, რატომაა, რომ პირველი რიგის რაციონს ორჯერ აჭარბებს მეორე რიგის რაციონი? აშკარაა, რომ პირველი რიგის რაციონის მიმღები კურიერები (lú-kaš, lú-gištukula და სხვ.) ნაკლებ პრივილეგირებული არიან, ვიდრე მეორე რიგის რაციონის მიმღებნი (sukkal, lú-gištukul-gu-la და სხვ.). მაგრამ ისიც ხომ ნათელია, რომ საკვებზე ამ უკანასკნელთა მოთხოვნილების დასაკმაყოფილებლად დღიურად ისევე საკმარია რაციონის პირველი ნორმა (2 სილა ლუდი, 2 სილა პური, 1 აგამი/2 სიკლი ზეთი), როგორც დაბალი კატეგორიის კურიერებისათვის. იმ შემთხვევაში, როცა რომელიმე სუქალზე ან კურიერად მიმავალ უფროს ფეხოსანსათუ შუბოსანზე დღიურად გამოიწერება საკვების მეორე ნორმა, უნდა ვიფიქროთ შემდეგი: მას ვინმე მიჰყვება მგზავრობაში, მსახური იქნება იგი თუ სპეციალურად ამ მიზნით დანიშნული ვამყოლი, რომელიც მოიხმარს მასზე (სუქალი და სხვ). გაცემული პროდუქტის ნაწილს. სხვანაირად წარმოდგენილია, რომ 4,210 ლ ლუდი და ამდენივე პური მხოლოდ ერთმა კაცმა მოიხმაროს ერთ დღეს.

როგორც მოსალოდნელია, კურიერთა ქვითრებში არ არიან მოხსენიებულნი სუქალთა ან სხვა მაღალი კატეგორიის კურიერთა ნაგულისხმები გამყოლები ისევე, როგორც არ იხსენიებიან ენსების (ოქის მმართველები), მეფის შვილების ამაღის წევრები ან ჯგუფის უფროსების (giri)⁵³ ხელქვეით მყოფი ხალხი. საბუთების შედგენის შემერთვის წესის მიხედვით ეს საკვებით მოსალოდნელი და ჩვეულებრივი გარემოებაა.

ამ ბოლო წლებში გამოქვეყნებული ძველი შუმერულ-აქადური სილაბურ-ლექსიკონების მონაცემთა შესწავლა გვარწმუნებს იმაში, რომ მაღალი კატეგორიის კურიერების, კერძოდ, სუქალებისათვის ინიშნებოდნენ სპეციალური გამყოლები. მოხსენებული ლექსიკონების ცნობით სუქალთა ინსტიტუტში ირიცხებოდნენ პირები, რომლებიც იხსენიებიან ტერმინით: egir-sukkal. ამ შუმერულ ტერმინს

⁵³ ლავაშის დოკუმენტებში მხოლოდ ერთხელ გვხვდება პირდაპირი მითითება იმაზე, რომ 60 სილა კარგი ზარისხის სამეფო ლუდი (kaš-sig₃-lugal), 240 სილა ჩვეულებრივი ზარისხის ლუდი, (kaš-gin), 60 სილა ბარდას ფქვილი (zi-gu), 240 სილა ქერის ფქვილი (tapin) და 3 სილა სეზამის ზეთი (i-giš) მოეცა მაჩალის ენსსა და მის თანმხლებ მახალელებს (სიტყ. „ელამელებს“, NIM, იხ. EU, XCV: 6—13). დანარჩენ შემთხვევებში ენსთან, მეფის შვილთან ან სხვა მაღალი თანამდებობის პირთან ერთად მისი თანმხლები ამაღის, პირადი დაცვის არსებობა თავისთავად იგულისხმება, თუმცა ამის შესახებ დოკუმენტებში არაფერია ნათქვამი (იხ. ITT III, 2, 5155: 1—10; V, 6779: 1—3; 6783: 1—6; 6815: 11—12; CAC, 12: 1—2; RTC, 322: 1—4; 327: 1—4; 329: 1—3; HSS IV, 91: 17—18; EU, XII: 1—6; LXXXV: 22—24; WMAH I, 237: 14—22; 238: 1—5).



აქადლეები თარგმნიდნენ ასე: *arkat sukkali*⁵⁴ და *munziz sukkali*⁵⁵. განვიხილოთ ისინი ცალ-ცალკე.

შუმერული სიტყვა *egir*, (*w*)*arkatu* ითარგმნება როგორც „ზურგი, ზურგის მხარე, უკანა მხარე, უკან; ქონება (სამემკვიდრეო)“⁵⁶. ტერმინში *egir-sukkal* ისე როგორც მის აქადურ თარგმანში აშკარაა, რომ იგი არაა ნახმარი მისი პირდაპირი გაგებით — „სუქალის ზურგი“ „ან სუქალის ტომარა“ და ა. შ. ჩვენთვის საინტერესო ტერმინი შეტანილია ლექსიკონის იმ მონაკვეთში, რომელიც მთლიანად ეძღვნება სუქალთა ინსტიტუტისათვის დამახასიათებელი თანამდებობის აღმნიშვნელი ტერმინების განმარტებებს, როგორებიცაა: *sukkal* „სუქალი“ *sukkal-mah* „სუქალმახი, სუქალთა ინსტიტუტის ხელმძღვანელი“, *sukkal-lugal*, *sukkal šarri* „მეფის სუქალი“, *sukkal-ensí*, *sukkal iššaku* „ენსის სუქალი“ *sukkal-nin*, *sukkal beltim* „დედოფლის სუქალი“, *sukkal-di-ku₅*, *sukkal dai-ani* „მოსამართლის სუქალი“, *sukkal-unkin-na*, *sukkal puhri* „(სახალხო) კრების სუქალი“ და სხვ.⁵⁷ ასეთ კონტექსტში ჩვენთვის საინტერესო ტერმინს შეიძლება ჰქონდეს მხოლოდ და მხოლოდ ერთი — თანამდებობის აღმნიშვნელი ტერმინის მნიშვნელობა. მისი თარგმანი იქნება ამგვარი: *egir-sukkal*, *arkat sukkali* „სუქალის უკანა (კაცი), მიმყოლი, გამყოლი“.

აქადელი ლექსიკოგრაფები იქვე იძლევიან ამავე შუმერული ტერმინის მეორე სინონიმურ თარგმანსაც: *munziz sukkali*. აქადური ტერმინი *munziz* წარმოადგენს ზმნის *nanzazu* „დგომა, თანადგომა“ მიმღობით (Part. act.) ფორმას. იგი ითარგმნება როგორც „მდგომი, (თანა) მდგომი“⁵⁸. ამდენად გამოდის, რომ აქადური ტერმინი *munziz sukkali* და მისი შუმერული შესატყვისი გადმოიღება ასე: „სუქალის (თანა) მდგომი (კაცი)“⁵⁹. შინაარსობლივად იგი შეესაბამება სუქალის მსახურს, ხელკვეთის⁶⁰. ამავე მნიშვნელობითვე უნდა იყოს ნახმარი ზემოთ ნახსენები სილაბურ-ლექსიკონის აღნიშნულ კონტექსტში შეტანილი ასეთი ტერმინიც: *sukkal-igi-sukkal*, *sukkal ša pān sukkalu* „სუქალის წინ(მდგომი) სუქალი“⁶¹.

არაა გამორიცხული, რომ მომავალში გამოვლენილი კურიერთა ქვითრების ტექსტები მოგვაწვდიან ახალ დამადასტურებელ ცნობებს აღნიშნულ საკითხებზე.

ყოველივე ზემოთქმულის შემდეგ შეიძლება არ იყოს ლოგიკას მოკლებული ჩვენი ის ვარაუდი, რომ მგზავრობაში სუქალს თან მიჰყვებოდა მისი მსახური, დაწესებულების მიერ მასზე საგანგებოდ მიმავრებული პირი, რომლისათვის განკუთვნილი საკვები საკუთარ რაციონთან ერთად ეწერებოდა სუქალს. არაა გამორიცხული, რომ ამგვარი გამყოლი პირები ახლდნენ მალა-

⁵⁴ MSL XII, 96: 108.

⁵⁵ იქვე, 96: 109.

⁵⁶ ŠL II, 209; 2; MEA, 209; MSL I, 99: 37; III, 141: 159; V, 59: 99; BIN III, გვ. 82.

⁵⁷ MSL XII, 95: 87—96: 109.

⁵⁸ AHW, გვ. 731.

⁵⁹ ვ. ფონ ზოდენი ტერმინ *munziz sukkai* თარგმნის (ფრჩხილებში) ასე: „ვეზირი“ (იხ. AHW, გვ. 692). მთავარი აქ ჩვენთვის ისაა, რომ ვ. ფონ ზოდენი ამ ტერმინს თანამდებობის აღმნიშვნელად იზრებს.

⁶⁰ შედ. *muzaz ekallim* „სასახლეში მოსამსახურე პირი, კარისკაცი“, *muzaz bitim* „სახლის (resp. სასახლის) მსახური“; *manzaz pani* „წინ მდგომი, მსახური“; *manzaz šarri* „მეფის წინმდგომი, მეფის მსახური“ (იხ. AHW, გვ. 639, 692).

⁶¹ MSL XII, 96: 107.

ლი კატეგორიის ყველა კურიერს — უფროს შუბოსანს, უფროს ფეხოსანსა და სხვ., რომელთაც დღიურად გამოეწერებათ მეორე რიგის რაციონი — 5 სილა ლუდი, 5 სილა პური და 1 აგამი/2 სიკლი ზეთი.

რამდენიმე სიტყვით შევეხებით დაბალი და მაღალი კატეგორიის კურიერების დღიური რაციონების ცვალებადობის საკითხს. დამოწმებულია შემთხვევები, როცა დაბალი კატეგორიის კურიერებს (lú-kas, lú-⁶²tukula და სხვ.) გამოეწერებათ ერთი სილა ლუდით გაძლიერებული რაციონი ამ სახით: 3 სილა ლუდი, 2 სილა პური, 1 აგამი/2 სიკლი ზეთი. ზოგჯერ გაძლიერებულია პურის ნორმაც 1 სილით. თ. ჯონსი და ჯ. სნაიდერი ფიქრობენ, რომ ერთი და იმავე კატეგორიის კურიერის მიერ განსხვავებული ნორმის რაციონის მიღება შეიძლება განპირობებული იყო იმ ფუნქციით, რომლის შესრულებაც ვეალებოდა მას⁶².

სათანადო დოკუმენტების მონაცემები არავითარ ცნობას არ გვაწვდიან ამა თუ იმ შემთხვევაში კურიერის მიერ შესრულებული დავალების ხასიათის დასადგენად. ამდენად, ვადაპრით არ შეგვიძლია ვთქვათ, თუ რა ვითარებაში ეძლეოდა რიგით კურიერს მისთვის განკუთვნილი ძირითადი რაციონი (2 სილა ლუდი, 2 სილა პური და ა. შ.) და როდის მომეტებული ნორმა (3 სილა ლუდი, 3 სილა პური და ა. შ.) საკითხის მიახლოებითი სიზუსტით გარკვევისათვის შეიძლება მნიშვნელობა ჰქონდეს სათანადო დოკუმენტების შემდეგ მონაცემებს: რიგით კურიერებზე შედარებით გაძლიერებული რაციონის გაცემის 52 შემთხვევიდან, სადაც კი მითითებულია მათი ლაგაშში ჩამოსვლისა და იქიდან გასვლის შესახებ, 40 შემთხვევაში რაციონის გაძლიერებული ნორმა კურიერებს ეძლევათ ლაგაშში ჩამოსვლისას⁶³. მხოლოდ 12 შემთხვევაში ასეთივე ნორმა მათ გამოეწერებათ ლაგაშიდან გასვლის დროს⁶⁴. ხომ არ შეიძლება ამ ფაქტზე დაყრდნობით ვიფიქროთ, რომ შედარებით გაძლიერებული ნორმის მიღება იყო ერთგვარი პრივილეგია მხოლოდ ჩამოსული, მეზობელი ოლქებიდან ლაგაშში საგანგებო დავალებით მოვლენილი კურიერებისათვის? შეიძლება ასეთ ვარაუდს ამაგრებდეს ის გარემოებაც, რომ ერთი კაცისათვის გაძლიერებულ რაციონად მიჩნეულ ზემოდასახლებულ დღიურ ნორმას ლაგაშში აძლევენ შუამდინარეთის დასავლეთით მდებარე, კერძოდ, ხმელთაშუაზღვისპირეთის ოლქებიდან (MAR-du)⁶⁵ ჩამოსულ თუ ელამიდან (NIM მოვლენილ ელჩ-კურიერებსაც⁶⁷.

⁶² SETU, 33, 296.

⁶³ HLC II, 111: 6—9; 115:12, 14—15; 127: 2—3, 17—18; III, 227: 5—7; 344: 14—18; 354: 10—11, 19—20; RTC, 360: 2—3; 368: 2—6; 370: 2—8; ABTR, 9: 5, 6, 16; WMAH I, 217: 7—8, 18—19; MOS XVI, 197: 10—11; 213: 11—12; 218: 17—18; HSS IV, 58: 11—12, 14—15; 63: 10—11; 68: 11—12; 70:9—10; 77:9—10; RVU, 154: 21—22; EU, XVIII: 15—16; XXXV: 14—15; LXXIII: 2—3, 8—9; LXXX VI: 9—10, 19—20; LXXXIX: 24—25; XCVIII:9—10; ITT II I, 643:18—19; ITT IV, 7853:1—8; EU, MIO 7582=ITT IV, 7582:2—3; EU, 33: 8 (MIO, 1891: 1—5); EU, 33: 9 (MIO, 1836: 4—5).

⁶⁴ RTC, 353: 14—15; HLC II, 101: 33—34; 37—38; III, 166: 23—24; HSS IV, 58: 23—24; 68: 17—18; 69: 2—3; CLC, 2 9: 3—4; CUOS III, 110: 7—8; ASM XVI, 80: 29—30; EU, LVI: 11—12; CXVIII: 13—14.

⁶⁵ ყველა ჩამოსულ კურიერზე არ ვრცელდებოდა ასეთი პატივით დახვედრის უფლება. ზოგი მათგანი ლეულობდა რაციონის ჩვეულებრივ დღიურ ნორმას. ჩანს, გაძლიერებული ნორმა გაციემოდა მხოლოდ ზოგიერთ უცხოელ კურიერზე, რომლებიც, უნდა ვიფიქროთ, იმ დღესვე ვერ ბრუნდებოდნენ უკან და რჩებოდნენ ადგილზე გარკვეული დროის განმავლობაში.

⁶⁶ HLC I, 345: 11; II, 101: 6, 8; HSS IV, 72: 18; ABTR, 16: 17; CUOS III, 110: 15; MOS XVI, 201: 6; EU, 641=ITT II, 1, 641: 8.

⁶⁷ EU, 33: 8 (MIO, 1891: 3); TEL, 55: 17.

დოკუმენტებში დამოწმებულია შემთხვევებიც, როცა დაბალი კატეგორიის კურიერებზე გაიცემა მათთვის განკუთვნილი ძირითადი დღიური რაციონის გაორკეცებული ნორმა, კერძოდ, 5 სილა ლუდი, 5 სილა პური და 1 აგამი / 2 სიკლი ზეთი. სათანადო საბუთების პირდაპირი მონაცემები მიუთითებენ იმაზე, რომ ესაა ორი კაცის, ორი რიგითი კურიერის დღიური რაციონი. ამის საილუსტრაციოდ მოვიყვანთ დოკუმენტებიდან ერთ ამონაწერს: ⁷⁵ sila kaš 5 sila zi 1 á-gam ⁸Šu-^d Nin-subur lú-kaš, ⁹ú I-lí-a-su lú-kaš, ¹⁰Sušina^{kl}-šè gin-ne „75 სილა ლუდი, 5 სილა პური, 1 აგამი ზეთი, ⁸შუ-ნინშუბერი, მალემსრბოლი⁹ და ილისაუ, მალემსრბოლი, ¹⁰სუშაში მიმავალი“⁶⁸.

ამ შემთხვევაში როგორც ვხედავთ, ორი მალემსრბოლი ერთად მიემგზავრება სუშაში. ელამის ამ ცენტრალური ქალაქისაკენ ლაგაშიდან ცალფად გამგზავრებულ კურიერებს, როგორც წესი, გამოეწერებათ ერთი კაცისათვის განკუთვნილი დღიური ნორმა რაციონისა — 2 სილა ლუდი, 2 სილა პურის/ფქვილი, 1 აგამი/2 სიკლი ზეთი⁶⁹. როგორც ჩანს და როგორც მოსალოდნელიცაა, არ იყო აუცილებელი სუშაში მიმავალ კურიერებს საწყის პუნქტში აეღოთ საგზლის ორი დღის ნორმა. მაგრამ დოკუმენტებში თუ მაინც გვაქვს დამოწმებული რამდენიმე შემთხვევა თითო კურიერზე ორი დღის საკვების გამოწერისა⁷⁰, ეს იმას ნიშნავს, რომ საქმე გვაქვს ორკაციან ჯგუფთან, რომლის წევრთაგან ერთერთი უფროსია და მასზე გამოიწერება ორივესათვის ერთი დღის განმავლობაში სამყოფი საკვები (თუმცა ამის შესახებ დოკუმენტებში ყოველთვის არაა მითითებული).

დოკუმენტების განხილულ მონაცემებზე დაყრდნობით შეგვიძლია დავასკვნათ: 1). დაბალი კატეგორიის კურიერების რაციონის ძირითადი დღიური ინდივიდუალური ნორმაა: 2 სილა ლუდი, 2 სილა პური/ფქვილი, 1 აგამი/2 სიკლი ზეთი; 2). ლაგაში ჩამოსული კურიერების ნაწილს ამ ნორმას უძლიერებენ 1 სილა ლუდითა და 1 სილა პურით; 3). იმ შემთხვევაში, როცა რიგით კურიერზე გამოიწერება ორი დღის ნორმა, უნდა ნიშნავდეს იმას, რომ ესაა ორი კაცისათვის განკუთვნილი საგზალი, რომელიც ინდივიდუალურად ჯგუფის ერთ-ერთ წევრზე, მის ხელმძღვანელზე, გაიცემა.

განვიხილოთ მაღალი კატეგორიის კურიერთა რაციონის დღიური ნორმის ცვალებადობის შემთხვევებიც.

როგორც ზემოთ იყო ნაჩვენები, დოკუმენტების მონაცემები ცხადყოფენ რომ სუქალებისა და მათთან გათანაბრებული პირებისათვის (lú-^{kl} tukul-gu-la, agaš-ús-gal და სხვ). დღიური რაციონის ნორმას შეადგენს: 5 სილა ლუდი,

⁶⁸ HLC III, 148: 7—10; შედ. იქვე: 11—13; 264: 25—28 (ორი კაცი მოდის სუშაში).

⁶⁹ დაბალი კატეგორიის კურიერ-მალემსრბოლი (lú-kaš) მიემგზავრება სუშაში. ლაგაში მის გამოეწერება ერთი დღის რაციონი — 2 სილა ლუდი და ა. შ. (იხ. HLC II, 101: 35—38; III, 166: 22—24; RTC, 349: 17—19; 381: 9—12; 389: 21—23; 394: 14—16).

მაღალი კატეგორიის კურიერები (sukka, lú-^{kl} tukul-gu-la, agaš-ús-gal) მიემგზავრება, სუშაში. მათ ეძლევათ საკვების ერთი დღის ნორმა — 5 სილა ლუდი და ა. შ. (იხ. HLC II 6: 1—3, 3—5; 108: 12—14; 111: 16—18, 25—27; III, 155: 19—21; 166: 16—18, 25—27; 168: 10—12, 22—24; 212; 15—17; 227: 2—4; 284: 10—12, 22—24; 290: 26—28; ABTR, 12: 5—7; 13: 6—9; HSS IV, 58: 1—3, 19—21; 59: 15—17; 60: 1—3, 20—22; 61: 1—3; 62: 12—14; 65: 10—12; 67: 12—14; 69: 7—9; 82: 7—9, 16—18; 88: 8—10, 22—24; AB XXV, 81: 2—4 და სხვ).

⁷⁰ HLC III, 358: 1—3; HSS IV, 82: 16—17; ASM XVI, 16: 1—3; CUOS III, 114: 10—12; MOS XVI, 202: 1—5.

4. „მაცნე“, ისტორიის სერია, 1979, № 4

5 სილა პური / ფქვილი, 1 ავამი/2 სიკლი ზეთი. მაგრამ დადასტურებულია ამ ძირითადი რაციონიდან გადახრის შემთხვევები; ზოგჯერ მათ ეძლევათ დაბალი კატეგორიის კურიერებისათვის კანკუთვნილი პირველი რაციონი — 2 სილა ლუდი, 2 სილა პური, 2 სიკლი ზეთი. მოვიყვანო სათანადო დოკუმენტების რამდენიმე ცნობას.

- | | |
|--|------------------------------------|
| 1. ⁴² sila kaš 2 sila ninda | 2 სილა ლუდი, 2 სილა პური, |
| 2 gín i | 2 სიკლი ზეთი, |
| Ne-ne-a lù-kas ₄ | ნენეა, მალემსრბოლი. |
| ⁷² sila kaš 2 sila ninda | 2 სილა ლუდი, 2 სილა პური, |
| 2 gín i | 2 სიკლი ზეთი, |
| [.] | [.] |
| ¹⁰² sila kaš 2 sila ninda | 2 სიკლა ლუდი, 2 სილა პური, |
| 2 gín i | 2 სიკლი ზეთი, |
| Ib-ku-ša lù-kas ₄ | იბქუშა, მალემსრბოლი, |
| ¹³² sila kaš 2 sila ninda | 2 სილა ლუდი, 2 სილა პური, |
| 2 gín i | 2 სიკლი ზეთი, |
| Ša-i-li sukkal | შაილი, სუქალი, |
| ¹⁶ Šušina- ^{kl} ta gin-ne-ne | სუზადან მომავლნი ⁷¹ . |
| 2. ¹² sila kaš-gin | 2 სილა ჩვეულებრივი ხარისხის ლუდი, |
| 2 sila ninda | 2 სილა პური |
| ³² gín i-giš | 2 სიკლი მცენარეული ზეთი, |
| Bu ₆ -za lù-kas ₄ | ბუზა, მალემსრბოლი. |
| | |
| ⁷ Ku-ra-ad-i-li sukkal | ქურადილი სუქალი |
| | |
| ¹⁰ I-sùr-a-bu lù-kas ₄ | ისურაბუ, მალემსრბოლი. |
| | |
| ¹³ I-ri-ib lù-kas ₄ | ირიბი, მალემსრბოლი ⁷² . |
| 3. ¹² sila kaš 2 sila ninda | 2 სილა ლუდი, 2 სილა პური, |
| 2 gín i-giš | 2 სიკლი მცენარეული ზეთი, |
| ³ Gù-ab-ba ^{kl} -šè gin-na | გუაბაში მიმავალი; |
| 2 sila kaš 2 sila ninda | 2 სილა ლუდი, 2 სილა პური, |
| 2 gín i-giš | 2 სიკლი მცენარეული ზეთი, |
| ⁶ Gù-ab-ba ^{kl} -ta gin-na | გუაბადან მომავალი; |
| Ur- ^d Ba-ba ₆ sukkal-lugal | ურ-ბაბა, მეფის სუქალი, |
| dumu Šu- ^d Iškur | შეილი შუ-იშქურისა ⁷³ . |
| 4. ¹² sila kaš-gin 2 sila | 2 სილა ჩვეულებრივი ხარისხის ლუდი, |
| ninda-gab-a | 2 სილა ანაცრის პური, |
| 2 gín i-giš | 2 სიკლი მცენარეული ზეთი, |
| ³ Il-šu-ma-at lù-kas ₄ | ილშუმათი, მალემსრბოლი. |
| 2 sila kaš 2 sila ninda | 2 სილა ლუდი, 2 სილა პური, |
| 2 gín i-giš | 2 სიკლი მცენარეული ზეთი, |

⁷¹ EU, LXXXVIII: 4—16.

⁷² MOS XVI, 209: 1—13.

⁷³ RTC, 381: 1—8.

6 ³ Su-A-ba lú-kas ₄	შუ-აბა, მალემსრბოლი.
•••••	•••••
8 ² Sa-lim lú- ⁸¹⁸ tukul-gu-la	შალიმი, უფროსი შუბოსანი.
•••••	•••••
12 La-la-a lú-kas ₄	ლალა, მალემსრბოლი ⁷⁴ .

რა შეიძლება ითქვას მოტანილ მასალაზე დაყრდნობით ა). სამ შემთხვევაში (1, 2, 4) სუქალი და უფროსი შუბოსანი ერთ და იმავე დოკუმენტში მოხსენიებული არიან კურიერებთან (მალემსრბოლებთან) ერთად, რომლებიც მათი თანამგზავრები უნდა იყვნენ. ერთ შემთხვევაში (1) ეს ხომ პირდაპირაა მითითებული. მხოლოდ ერთხელ (3) გვხვდება ისე, რომ სუქალი მარტა და სახელებული, რომელიც მიემგზავრება გუაბაში და ბრუნდება იქედან ლაგაშში. გუაბა მდებარეობდა ლაგაშ-ურის გზაზე, ლაგაშიდან დაახლ. 20 კმ-ის დაშორებით; ბ). რაციონს სუქალი და უფროსი შუბოსანი (1,2, 4) ლებულობენ კურიერებთან, როგორც ჩანს, მათ თანამგზავრებთან ერთად. ამ კურიერებს თვითონ სარგო რაციონი საკუთრივ ეძლევათ. ამდენად, მგზავრობის დროს სუქალს ან უფროს შუბოსანს არ მოუხდებათ მათზე გამოწერილი ინდივიდუალური რაციონის ვინმესთვის განაწილება; გ). გუაბაში სუქალ ურ-ბაბას მოგზაურობასთან დაკავშირებით (3) უნდა აღინიშნოს შემდეგი: თუ დავეუშვებთ იმას, რომ იგი მოგზაურობს ცალფად, რაც სავსებით მოსალოდნელია გუაბას ლაგაშთან სიახლოვისა და იმპერიის ცენტრალური გზის — ლაგაშ-ურის მონაკვეთის მოსალოდნელი კარგი დაცულობისა და გამართულობის პირობებში, მაშინ უნდა დავეუშვათ ისიც, რომ გუაბაში იგი ჩადის და იმ დღეს იქვე რჩება; ლაგაშში იგი მხოლოდ მეორე დღეს ბრუნდება. ასეთ შემთხვევაში გამართლებულია, რომ მასზე გამოიწირება ერთი კაცისათვის ერთ დღეს საკმაო რაციონის ორი ნორმა, ე. ი. ორი დღის საკვები. არაა გამორიცხული ისიც, რომ ლაგაშიდან გუაბაში იგი ჩასულიყო და უკანვე დაბრუნებულიყო ერთი დღის განმავლობაში. თუ ეს ასე მოხდა, მაშინ აშკარაა, რომ იგი ორი კაცის რაციონს ლებულობს, შესაძლებელია, თანმხლებ გამყოლზე გასანაწილებლად. ასეა თუ ისე, სუქალი ყველა შემთხვევაში თვითონ სარგებლობს მხოლოდ ერთი კაცისათვის ერთ დღეს განკუთვნილი რაციონის ძირითადი ნორმით — პირველი რიგის რაციონით.

ყოველივე ზემოთქმული მიგვანიშნებს შემდეგს: მაღალი კატეგორიის კურიერები ლებულობენ საგზლად დაბალი კატეგორიის კურიერთათვის განკუთვნილ რაციონს იმ შემთხვევაში, როცა ისინი ცალფად მოგზაურობენ ან მიდიან საკუთარი საგზლით უზრუნველყოფილ კურიერებთან ერთად.

ინდივიდუალური პირველი რიგის რაციონი სუქალებისა და უფროსი შუბოსანებისათვის ზოგჯერ ძლიერდება 1 სილა ლუდითა და 1 სილა პურით. ამ შემთხვევაში იგი შეადგენს: 3 სილა ლუდს, 2 ან 3 სილა პურს/ფქვილსა და 1 აგამ/2 სიკლ ზეთს. დამოწმებული 17 შემთხვევიდან, სადაც კია მითითებული აღნიშნული კატეგორიის კურიერთა ლაგაშში ჩამოსვლისა თუ იქედან გასვლის შესახებ, 15 შემთხვევაში 1 სილა ლუდითა და პურით გაძლიერებული რაცი-

⁷⁴ TEL, 39: 1—21.

ონი მათ ეძლევათ ლაგაშში ჩამოსვლისა⁷⁵, ხოლო 2 შემთხვევაში — ლაგამიდან გასვლისას⁷⁶. ეს ერთხელ კიდევ უნდა გვარწმუნებდეს იმაში, რომ გაძლიერებული დღიური რაციონის მიღება იყო ზოგიერთი ჩამოსული კურიერის უპირატესობა⁷⁷.

წარმოდგენილი და გაანალიზებული მასალების მონაცემთა გათვალისწინებით შეგვიძლია ელჩ-კურიერების ცალკეული კატეგორიებისათვის განკუთვნილი სისაგზლო რაციონები დავალაგოთ ამ სახით:

პირველი რიგის რაციონი

ა). 2 სილა ლუდი, 2 სილა პური/ფქვილი, 1 აგამი/2 სიკლი ზეთი—დაბალი და მაღალი კატეგორიის კურიერთათვის განკუთვნილი დღიური რაციონის ძირითადი ნორმა.

ბ). 3 სილა ლუდი, 2 ან 3 სილა პური/ფქვილი, 1 აგამი/2 სიკლი ზეთი — ძირითადი დღიური რაციონის გაძლიერებული ნორმა, განკუთვნილი ლაგაშში ჩამოსული დაბალი თუ მაღალი კატეგორიის ზოგიერთი კურიერისათვის.

მეორე რიგის რაციონი

5 სილა ლუდი, 5 სილა პური/ფქვილი, 1 აგამი/2 სიკლი ზეთი — დღიური რაციონის ძირითადი ნორმა, განკუთვნილი მაღალი კატეგორიის კურიერებისათვის, რომლებსაც მგზავრობაში თან ახლავთ გამყოლი, მსახური. რაციონის ეს ნორმა გამოეწერება დაბალი კატეგორიის ორ კურიერს ერთად.

როგორც ვხედავთ, შესაბამისი დოკუმენტების მონაცემები თვალნათლივ გვიჩვენებენ, რომ ურის III დინასტიის ეპოქაში სახელმწიფოს ადმინისტრაციული პერსონალის ერთი ჯგუფისათვის განკუთვნილი დღიური რაციონის ნორმა შეადგენდა: 2 სილა ლუდს, 2 სილა პურს/ფქვილს, 1 აგამ/2 სიკლი ზეთს (=1,684 ლ ლუდს, 1,684 ლ. პური/ფქვილს, 56 მლ/16,8 გ ზეთს). ეს ნორმა სავსებით შეესაბამება საკვებზე ერთი კაცის დღიური მოთხოვნილების ნორმას.

Дж. М. ШАРАШЕНИДЗЕ

К ВОПРОСУ О ДНЕВНОМ РАЦИОНЕ В ЭПОХУ III ДИНАСТИИ УРА

Резюме

В статье проанализированы данные текстов одной большой группы шумерских документов эпохи III династии Ура (2132—2024 гг. до н. э.), т. н. «курьерских квитанций», которые содержат сведения о посылско-курьерской деятельности государства.

⁷⁵ ASM XVI, 91: 21—24; SRIA, 173: 5—8; HLC II, 115: 7—10; III, 325: 1—3, 4—6, 7—9, 10—12, 13—18; AB XXV, 82: 14—17; MOS XVI, 196: 1—3, 4—6, 17—18, 19—21; HSS IV, 86: 7—9; RVU, 154: 14—17.

⁷⁶ EU, II:22—25; LI:9—10.

⁷⁷ დღიური ნორმის გაძლიერება, მოსალოდნელია, იმით იყო გაპირობებული, რომ ჩამოსულ კურიერთაგან ზოგიერთს იქვე უხდებოდა ღამით დარჩენა. ზემდებლად გაცემული 1 სილა ლუდი და 1 სილა პური შეიძლება სავსაშუალო იყო გაანგარიშებული.

В отмеченной эпохе существовали четко определенные нормы дневного рациона, которые выдавались гонцам и курьерам — почти ежедневно ездившим по дорогам обширного государства. В работе установлены следующие виды дневного рациона:

Рацион первого ряда

- ა). 2 სილა პივა, 2 სილა ხლება/მუკი, 1 აგამ/2 სიკლა მასლა = 1,684 ლ. პივა, 1,684 ლ ხლება/მუკი, 56 მლ მასლა — ოსნოვნა დნეღნო რაკიონა დლა კურდერო ნიკიკი და დსოკიკი კატეგორიი.
- ბ). 3 სილა პივა, 2 ილი 3 სილა ხლება/მუკი, 1 აგამ/2 სიკლა მასლა — დვლიკენი ნორმა ოსნოვნო რაკიონა, დრედაინაკენი დლა დრე-ბიღვიღის დლოდ ლაგაშ კურდერო ნიკიკი და დსოკიკი კატეგორიი.

Рацион второго ряда

5 სილა პივა, 5 სილა ხლება/მუკი, 1 აგამ/2 სიკლა მასლა — ოსნოვნა დნეღნა რაკიონა, დრედაინაკენი დლა კურდერო დსოკიკი კატეგორიი, დ კოტორი დსდუდ დსოვოჟდაიკი, სლუგა. ოთა ჟე ნორმა დვიღსიღალას დსდსენო დვუმ კურდერო ნიკიკი კატეგორიი.

შეგოკლებათა სია

(იხ კრებულები: ძველი ისტორიის საკითხები, III, თბ., 1970, გვ. 252-254; IV, , 1973, გვ. 208-209; V, თბ., 1977, გვ. 199-202).

დამატებით :

- ASS — J. P. Grégoire, Archives administratives sumériennes, Paris, 1970.
- ASM XVI — T. G. Pinches, The Bebylonian Tablets of the Berens Collection (Asiatie Society Monographs, XVI), London, 1915.
- BBVU — Bier und Bierberetung bei den Völkern der Urzeit, I. Babylonien und Ägypten, Berlin, 1926.
- BRM III — C. E. Keiser, Cuneiform Bullae of the Third Millenium (Babylonian Records in the Library I. Pierpont Morgan, III) New Haven, 1914.
- CAC — F. Thureau-Dangin, La comptabilite agricole en Chaldée, RA 3 (1895), გვ. 118-146.
- CLC — L. Legrain, Collection, Louis Cugnin. Textes Cuneiformes, RA 10 (1913), გვ. 41-69.
- GAB I — F. Hrozny, Das Getreide im alten Babylonien, I, Wien, 1914.
- GDD — N. Schneider, Die Geschäftsurkunden aus Drehem und Djoha in der staatlichen Museen (VAT) zu Berlin, OrSP 47-49 (1930).
- HAM I — A. Salonen, Die Hausgeräte der alten Mesopotamier, I, Helsinki, 1965.
- HEU — G. Contenu, Contribution a l'histoire économique d'Umma, Paris, 1915.

- MVN I — G. P e t t i n a t o, H. W a e t z o l d t, La collezione Schollmeyer. Testi economici della III Dinastia di Ur (Materiali per il vocabolario neosumerico, I), Roma, 1974.
- RVU — A. P o h l, Rechts — und Verwaltungsurkunden der III. Dynastie von Ur, Leipzig, 1937.
- SRIA — L. S p e l e e r s, Recueil des Inscriptions de l'Asie antérieure des musées reyaux du cinquantenaire à Bruxelles, Bruxelles, 1925.
- TBT — F. A. V a n d e r b u r g h, Three Babylonian Tablets. Prience Collection, Columbia University, «Journal of the American Oriental Society», 33 (1913), გვ. 24-32.
- TCL — Textes eunéiformes. musée du louvre.
 II — H. d e G e n o u i l l a c, Tablettes de Drehem, Paris, 1911.
 V—H. de Genouillac, Textes économiques d'Oumma de l'époque d' Our, Paris, 1922.
- TTA — E. S z l e c h t e r, Trois textes administratifs de l'époque d'Ur III conservés au musée Fitzwilliam a Cambridge, RA 59 (1965), გვ.145-148.
- UCP IX 2 — H. F. L u t z, Sumerian Temple Records of the Late Ur Dynasty, I-II, (University of California. Publications, IX 2), Berkeley, 1928.
- UNL I 1/2 — G. P e t t i n a t o, Untersuchungen zur neusumerischen Landwirtschaft, I. Die Felder, I 1/2, Napoli, 1967.
- UTZL — D. I. O w e n, G. D. Y o u n g, Ur III Texts in the Zion Rezearch Library, Boston, «Journal of Cuneiform Studies), 23 (1970) გვ. 95-115.
- VBAO — H. F. L u t z, Viticulture and Brewing in the Ancient Orient, Leipzig, 1922.
- WMAH I — H. S a u r e n, Wirtschaftsurkunden aus der Zeit der III. Dynastie von Ur im Besitz des musee d'art et d'histoire in Genf, Napoli, 1969.

შარშაშენიძე სარქველს სსრ მეცნიერებათა აკადემიის ივ. ჭავჭავაძის სახ. ისტორიის, არქეოლოგიისა და ეთნოგრაფიის ინსტიტუტის ძველი ისტორიის განყოფილებაში

ზენა სურგულაძე

ქართული ისტორიული საბუთების დიპლომატიკური შესწავლის
საკითხისათვის

ქართული დიპლომატიკა, როგორც სამეცნიერო ისტორიული დისციპლინა, არსებობს 1926 წლიდან. ამ წელს გამოვიდა ივ. ჯავახიშვილის ნაშრომი „ქართული სიგელთმცოდნეობა, ანუ დიპლომატიკა“. ამ ნაშრომში მოცემულია საბუთთა ისტორიული ტიპები, მიგნებულია ცალკეული სახეობის საბუთების აღმნიშვნელი ტერმინები, შესწავლილია ერთიანობის ხანის სამეფო სიგელების აგებულება და შედარებულია ისინი ლათინურ, ბიზანტიურ და სომხურ ანალოგიურ საბუთებთან. ამავე წიგნში ავტორმა დასახა ქართული დიპლომატიკის განვითარების გზები.

ივ. ჯავახიშვილის ნაშრომი მეთოდოლოგიურად ემყარება ე. წ. ტრადიციულ დიპლომატიკას, რომელიც თავის არსებობას XVII საუკუნიდან იწყებს. დიპლომატიკის თავდაპირველმა მიზანმა (ნაყალბევი საბუთების ნამდვილისაგან გარჩევა) განაპირობა საბუთის გარეგნული მხარისა და ამა თუ იმ იურიდიული პირობის გამოხატვის საშუალებებისადმი განსაკუთრებული ინტერესი. შეიქმნა ე. წ. პირობითი ფორმულარის სქემა, რაც, მეტ-ნაკლები სიზუსტით, შუა საუკუნეების ფეოდალური საზოგადოების იურიდიული დოკუმენტების ნიშნებს მოიცავდა. პირობითი ფორმულარის სქემას დიპლომატიკის განვითარების არც ერთ ეტაპზე არ დაუკარგავს თავისი მნიშვნელობა. იგი დღესაც გამოიყენება ისტორიულ საბუთთა შედარებითი შესწავლისა და მათი ევოლუციის გზების გამორკვევისათვის.

პირობითი ფორმულარი შედგება გარკვეული თემატური კომპონენტებისაგან, რომელთაგან თითოეულს თავისი ფორმულები და ტერმინოლოგია შეესაბამება. პირობითი ფორმულარის კომპონენტებს განვითარების დამოუკიდებელი უნარი აქვთ, რაც კონკრეტული ისტორიული ეპოქის სოციალურ და პოლიტიკურ სტრუქტურასთან მჭიდრო კავშირში განიხილება.

დიპლომატიკის განვითარებამ, მისი კვლევის სფეროების გაფართოებამ გამოამყარა პირობითი ფორმულარის ნაკლოვანი მხარეები. იურიდიული შინაარსის მქონე სხვადასხვა სახეობის ისტორიული დოკუმენტების ტექსტი პირობითი ფორმულარის მიხედვით დაყოფას ყოველთვის არ ემორჩილება. ტექსტის გრამატიკული წყობა შეიძლება სრულებით არ ეთანხმებოდეს პირობითი ფორმულარის სქემას, ანდა ტექსტის მთელი რიგი ადგილები შეიძლება დიპლომატიკური ანალიზის მიღმა დარჩეს. ერთსა და იმავე წინადადებაში, შესაძლებელია, შეგვხვდეს რამდენიმე თემატური კომპონენტი, ან პირიქით,

¹ პირობითი ფორმულარის ცალკეული კომპონენტებისადმი მიძღვნილი დას. ევროპელ მეცნიერთა შრომების ბიბლიოგრაფია იხ. წიგნში: С. М. К а ш т а н о в, Очерки русской дипломатики, М., 1970, გვ. 27, სქოლიო 2. ამას შეიძლება დაემატოთ: R. M a r s i n a, Die Arengen in ungarischen Urkunden bis zum J. 1235, folia diplomatika, I, Brno, 1971.

ერთი და იგივე თემატური კომპონენტი — ტექსტის სხვადასხვა მონაკვეთში. შეიძლება სხვაგვარად იყოს რეალურ ტექსტში წარმოდგენილი პირობითი ფორმულარის კომპონენტების რიგი და სხვ.

პირობითი ფორმულარის სქემა შემუშავებული იყო სამეფო საბუთების შესწავლის შედეგად. სხვა სახის ისტორიული დოკუმენტების არსებობამ თავისთავად გამოიწვია დიპლომატიკური ანალიზის სხვა გზების ძებნა. რუსული დიპლომატიკის ცნობილმა მკვლევარმა, ა. ლაპო-დანილევსკიმ, იმ მიზნით, რომ საბუთის ტექსტთან მეტი სიახლოვე შეენარჩუნებინა, შეიმუშავა დიპლომატიკური კვლევის თავისებური მეთოდი, ე. წ. კლაუზულური ანალიზი. კლაუზულურმა ანალიზმა დიპლომატიკურ კვლევაში საერთო მეთოდოლოგიური მნიშვნელობა მოიპოვა, თუმცა, თვით ა. ლაპო-დანილევსკიმ ეს მეთოდი ე. წ. „კერძო აქტების“ მიმართ გამოიყენა. კერძო აქტებში ნაგულისხმებია ისტორიული საბუთები, რომლებშიც მოცემული ეპოქისა და საზოგადოების სამართლებრივი ნორმა განხორციელებულია კერძო პირთა შორის; განსხვავებით კერძო აქტებისაგან, ა. ლაპო-დანილევსკი გამოყოფს საჯარო აქტებს (публичные акты). ისტორიული საბუთების ასეთმა კლასიფიკაციამ ერთმანეთისაგან გამოიკვან ისეთი საბუთები, რომლებიც ერთმანეთისაგან არც იურიდიული შინაარსით და არც დიპლომატიკური ფორმით არ განსხვავდებოდნენ². ზოგიერთი საბუთი კი, მაგ., შეუვალობისა (ფეოდალური საზოგადოებისათვის ყველაზე დამახასიათებელი სახეობა), საერთოდ კლასიფიკაციის მიღმა დარჩა.

განსხვავება კერძოსა და საჯარო აქტებს შორის ფორმულარის მიხედვით, თვით ა. ლაპო-დანილევსკის დაკვირვებით, არ არსებობს³, ე. ი. ისინი დიპლომატიკური ფორმის მიხედვით თანხვედრიან. ა. ლაპო-დანილევსკის აზრით, დიპლომატიკური ანალიზის საშუალებით უნდა დადგინდეს საბუთის მოცემული სახეობის ტიპური ფორმულარი. ამისათვის უნდა შესრულდეს კლაუზულური ანალიზი. კლაუზულური ანალიზი გულისხმობს: 1. ყოველი საბუთის დაყოფას შემადგენელ ნაწილებად (კლაუზულებად). 2 ერთი და იმავე სახეობის საბუთებში ნეტ-ნაკლებად საერთო კლაუზულათა გამოყოფას. 3. კლაუზულათა ტიპური მიმართების დადგენას აქტების მოცემულ სახეობაში⁴.

კლაუზულა, ა. ლაპო-დანილევსკის განსაზღვრებით, არის საბუთში გამოთქმული ყოველი ცალკეული აზრი, გამოხატული სიტყვიერ ფორმაში (წინადადება, პერიოდი და სხვ.)⁵. შემდეგ მან თანდათანობით დაავიწროვა კლაუზულის ცნება, გამოყო ყოფითი კლაუზულები იურიდიულისაგან და დიპ-

² იხ. А. Лаппо-Данилевский, Очерк русской дипломатики частных актов, Пгр., 1929. ამჟამად ა. ლაპო-დანილევსკის კლასიფიკაცია რუსულ დიპლომატიკაში გაზიარებული არ არის. იხ. С. М. Каштанов, Очерки русской дипломатики, М., 1970, გვ. 14—25. ა. ლაპო-დანილევსკისეული აქტების კლასიფიკაციის თეორიული საფუძვლები სამართლიანად. არის გაკრძობებული მ. სერდლოვის მიერ (იხ. М. Б. Свердлов, Древнерусский акт X—XIV вв., Вспомогательные исторические дисциплины, VIII, Л., 1976, გვ. 56—57), მაგრამ მისმა დიპლომატიკური ანალიზის მეთოდმა ფართო გამოყენება მოიპოვა რუსულ საბჭოურ დიპლომატიკაში.

³ А. Лаппо-Данилевский, დასახ. ნაშრომი, გვ. 41.

⁴ იქვე, გვ. 135.

⁵ იქვე.

ლომატიკური ანალიზის დროს მნიშვნელობა მიანიჭა მხოლოდ უკანასკნელებს. თვით ტერმინი კლაუზულა მხოლოდ იურიდიული კლაუზულების აზრით შეიძლება ყოფილიყო ნახმარი⁶.

ასევე იურიდიული შინაარსის ამსახველ ცნებას წარმოადგენს კლაუზულა ა. ლაპო-დანილევსკის მოწაფის, ვ. ვერეტენიკოვის, განსაზღვრებით: „კლაუზულა არის სიტყვიერად გამოხატული და წერილობით აღბეჭდილი მოქმედება, რომელიც აქტების შემდგენელთა მიერ ცალკე აღიქმება“⁷. იურიდიულ კლაუზულებად საბუთში ჩათვლილია: მხარეთა სახელები, წარმომავლობა, წოდება, გარიგების სახე და საგანი, მითითება საზღვრებზე, ფასი, ხელმოწერები, აქტის გაფორმების დრო და დამწერის სახელი⁸.

მარტივ შემთხვევაში კლაუზულა ემთხვევა გრამატიკულ წინადადებას. მაგრამ სხვა დროს იგი შეიძლება იყოს წინადადების ნაწილი ან ერთზე მეტი წინადადება. კლაუზულური ანალიზის მიზანი იყო საბუთის ტექსტის ხელოვნური დაყოფისაგან დაცვა, აქედან, კი უფრო გვიან შემუშავებული იურიდიული აზრის მიხედვით, ტექსტის შეფასების თავიდან აცილება, ტექსტის გრამატიკულ წყობასთან სიახლოვე. მაგრამ ტექსტის კლაუზულებად დაყოფის წესს უდავო ღირსებებთან ერთად, ნაკლოვანი მხარეც აქვს. ერთი წინადადების ფარგლებში შეიძლება რამდენიმე იურიდიულ კლაუზულა შეგვეხედეს. ან თვით ერთი კლაუზულა რამდენიმე იურიდიულ პირობას გამოხატავდეს ერთდროულად. გრამატიკული წყობა არ გამოყოფს ერთმანეთისაგან ნარატიულ და იურიდიულ კლაუზულებს. ისინი ხშირად შეიძლება ერთ წინადადებაში იყოს წარმოდგენილი. ასეთ შემთხვევაში წინადადების გასლენა გარდუვალი ხდება. საერთოდ, კლაუზულური ანალიზის გზა ვერ უზრუნველყოფს ტექსტის მაქსიმალურ ჩართვას დიპლომატიკური კვლევის პროცესში. ყოველივე ამის გამო კლაუზულის განსაზღვრა უკვე რეალურ ტექსტთან მიმართებაში საკმაოდ ჭირს. მხოლოდ მარტივ შემთხვევაში შეიძლება გრამატიკული წინადადება და იურიდიული (ერთგანზომილებიანი) კლაუზულა ერთმანეთს დაემთხვეს.

ტიპური ფორმულარის მისაღებად ა. ლაპო-დანილევსკი იყენებს აქტების კლაუზულური შემადგენლობის გრაფიკული აღწერის მეთოდს. მის მიერ შედგენილ ტაბულაში პორიზონტალური რიგი უჩვენებს კლაუზულათა თანმიმდევრობას გარკვეულ აქტებში, ხოლო ვერტიკალური — კლაუზულათა განმეორების სიხშირეს⁹.

ამავე დროს, გრაფიკული მეთოდი კარგად გამოხატავს კლაუზულების ცვალებადობის უნარს. ზოგიერთმა კლაუზულამ შეიძლება შეიცვალოს ადგილი ფორმულარში, ან საერთოდ გაქრეს ფორმულარიდან. შესაძლებელია ისიც, რომ ერთი კლაუზულიდან განვითარდეს იმავე შინაარსის გამაძლიერებელი სხვა კლაუზულები.

ა. ლაპო-დანილევსკის გრაფიკული აღწერის მეთოდი ძალიან მოხერხებულია ტიპური ფორმულარის სურათის მისაღებად. იგი ადვილად იკითხება, მას მნიშვნელობა

⁶ А. Лаппо-Данилевский, დასახ. ნაშრომი, გვ. 136.

⁷ В. И. Веретенников, К вопросу о методах изучения древнерусских частноправовых актов, Историческое обозрение, Пгр., 1916, გვ. 9—10.

⁸ А. Лаппо-Данилевский, დასახ. ნაშრომი, გვ. 136.

⁹ იქვე, გვ. 139—146.

აქვს ფორმულართა ტიპების შედარებისათვის. მაგრამ ეს მეთოდიც შეიცავს ნაკლოვანებებს. იგი საკმაო სისრულთ ვერ გამოხატავს საბუთის ტექსტის თავისებურებას, კერძოდ, შეუძლებელია ამ ხერხით გამოიხატოს ტექსტის გრამატიკული წყობისა და კლავზუალური შემადგენლობის ურთიერთობა. ამ სირთულის დაძლევა სცადა ს. კაშტანოვმა, მან ფორმულარული ანალიზის სხვაგვარი გზა აირჩია. ს. კაშტანოვმა საბუთის ტექსტი დაყო გრამატიკულად დასრულებულ წინადადებებად. წინადადებაში გამოყო მუხლები (статьи), მუხლებში — გამოთქმები (обороты), რომლებიც ზოგჯერ საკმაოდ რთულ სისტემას ქმნიან. გამოთქმები შეიცავენ ელემენტებს — ერთი ან რამდენიმე სიტყვისაგან შემდგარ ცნებებს, ეს უკანასკნელები კი მახასიათებლებს (характеристики). ყოველივე ამას ემატება დამატებითი გრაფიკული ნიშნები, რომელთა საშუალებით დაწვრილებით შეიძლება გადმოიცეს საბუთში გამოყოფილ ნაწილებს შორის მიმართებანი¹⁰. ასეთი მეთოდით ს. კაშტანოვს შესწავლილი აქვს წყალობისა და თარხნობის სიგელების ფორმულარები. მკვლევარი ამ სიგელების დისპოზიციურ ნაწილში უმცირეს ცვლილებებსაც ყურადღების გარეშე არ ტოვებს¹¹. ასეთი მეთოდის გაჩენა თავისთავად გამოწვეულია დიდძალი ერთგვაროვანი მასალის არსებობით და მკვლევრის დიდი სიფრთხილით, მასალის მრავალრიცხოვნებაში არ გამოეპაროს ტექსტის რაიმე მნიშვნელოვანი თავისებურება.

ს. კაშტანოვის მეთოდს დიდ ღირსებებთან ერთად, ჩვენი აზრით, აქვს ზოგიერთი ნაკლოვანება. ს. კაშტანოვი საბუთის ტექსტის დაშლისას გამოყოფს უმცირეს ერთეულებს — მახასიათებლებს (характеристики) და იერარქიულად უფრო მაღლა მდგომ — ელემენტებს. ასეთი დაყოფა მკვლევარს საშუალებას აძლევს ყურადღება მიაქციოს უმცირეს (სიტყვიერ) ცვლილებებსაც ტექსტში. ზოგჯერ ეს ცვლილებები ვარიანტულ დონეს არ აღემატებიან და მათი მნიშვნელობის გადაჭარბებულმა განზოგადებულმა შეფასებამ შესაძლოა არასწორ დასკვნამდე მიგვიყვანოს¹². ტექსტის ამგვარი დაქუცმაცების მეთოდს აქვს ერთი პრინციპული ხსიათის ნაკლი. სახელდობრ, ეს არის საბუთის ენის სპეციფიკის გაუთვალისწინებლობა.

ისტორიული საბუთის ენა გარკვეულ, მხოლოდ საბუთისათვის დამახასიათებელი ენობრივი ორგანიზაციის წესებს ემორჩილება, სწორედ ამიტომ არის, რომ საბუთის ტექსტს არასოდეს არ ავრევთ სხვა დარგის წერილობითი ძეგლების ენაში. საბუთის ფრაგმენტები კი საკმარისია იმისათვის, რომ ასეთი აღრევა არ მოხდეს. მაშასადამე, ისტორიული საბუთის ანალიზის დროს ტექსტის დანაწილება საბუთის ენის სპეციფიკურობის ნიშნის მიხედვით უნდა ხდებოდეს. უმცირეს ენობრივ ერთეულად კი საბუთის ტექსტში უნდა მივიჩნიოთ არა ცალკეული სიტყვა (როგორც არის ს. კაშტანოვისეული элементы და характеристики), არამედ უნდა მოვძებნოთ საბუთის ენისათვის დამახასიათებელი უმცირესი ენობრივი ერთეული. ისტორიულ საბუთში ცალკე გამოყოფილ სიტყვებს არა აქვთ თავისთავადი მნიშვნელობა,

¹⁰ С. М. Каштанов, დასახ. ნაშრომი, გვ. 27—46.

¹¹ იქვე, იხ. აგრეთვე მისივე: Имунитетные грамоты 1534 г.— начало 1538 г. как источник по истории внутренней политики в период регентства Елены Глинской. «Проблемы источниковедения», VIII, 1959., феодальный иммунитет в годы боярского правления (1538—1548 гг.). «Исторические записки», т. 66, 1960.

¹² ს. კაშტანოვის დიპლომატიური ანალიზის მეთოდის კრიტიკა აქვს მოცემული ნ. ნოსოვის (იხ. Н. Е. Носов, «Новое» направление в актовом источниковедении, «Проблемы источниковедения», X, 1962, გვ. 263—273).

მნიშვნელობა აქვთ ამ სიტყვათა სპეციფიკურ ურთიერთმიმართებებს. ასეთ ურთიერთმიმართებათა აზრით, უმცირეს ენობრივ ერთეულად საბუთის ტექსტში სრულად საკმარისია მივიჩნიოთ ფრაზა (იშვიათად, შესაძლებელია სიტყვაც, თუკი იგი შინაარსით ფრაზას მოიცავს), მთლიანად საბუთის ენა კი ფრაზათა სპეციალურ მიმართებათა სისტემად. ფრაზები შესაძლოა გამოთქმებში გაერთიანდნენ, გამოთქმები — წინადადებებში.

ფრაზათა გამოყოფა საბუთის ტექსტში უნდა ემყარებოდეს წინადადების გრამატიკულ ანალიზს. ფრაზად საბუთის ტექსტში შეიძლება ჩავთვალოთ: 1. სინტაქსური წყვილები; 2. მონაკვეთი ორ უახლოეს აზრობრივ პაუზას შორის. ერთგვაროვანი წევრები და დამხმარე სიტყვებიანი (თანდებული, ზმნი-ზედა, კავშირი, ნაწილაკი) შესიტყვებები. გამოთქმა ზოგიერთ შემთხვევაში შეიძლება დაემთხვევს კიდევ ფრაზას, ან მოიცავდეს ფრაზათა ჯგუფს. წინადადება შედგება გამოთქმებისაგან (ვთქვათ, მთელი წყება ერთი ნიშნით დაქვემდებარებული ფრაზებისა შეადგენს ერთ გამოთქმას). გამოთქმა შეიძლება ვანგასაზღვროთ როგორც წინადადების აზრობრივად დასრულებული მონაკვეთი. გამოთქმების ერთმანეთისაგან ელემენტარულად დასრულებული მონაკვეთი გამოვიყენოთ. ფრაზათა ჯგუფი, რომელიც მიემართება წინადადებაში რეალურად არსებულ ან ნაგულისხმებ ერთ ქვემდებარეს. შეიძლება ჩავთვალოთ ერთ გამოთქმად. საილუსტრაციოდ შეიძლება მოვიყვანოთ ნაწყვეტი საბუთის ტექსტიდან. ფრაზები გამოყოფილია ერთმანეთისაგან ერთი სამიჯნო ხაზით, გამოთქმები — ორი ხაზით.

/„მოვდეს ჩუენ წინაშე/ წმიდანი მამანი/ უდაბნოისა დიდისა მღუიმი-
ჯანი/, მამაი იოანე მემღუიმიე / და მოიხუნეს სიგელნი / დიდისა მეფეთა მე-
ფისა პაპისა ჩუენისა დავითი[სი] / და მამისა ჩუენისა დემეტრე მეფისანი/
და სხუანი ძუელნი მრავალნი / პაპათა და მამათა ჩუენთანი / და გუეპაჯნეს
და მოგუაჟსენეს // რათამცა ვითა მათ სიგლითა მათითა/ გაუჩენია და გაუ-
გია პირველად თუით წმიდისა მის უდაბნოისა მღუიმისათუის / და მერმე
ყოელნი სოფელნი მათნი გაუთავისუფლებიან / ყოვლისა მაწყენარისა მათისა
და დამაჟირებლისა/ და ჩუენთა კელისუფალთა შესავლობისაგან // ეგრეთვე
ჩუენ გაუახლენით / ძუელნი სიგელნი / სიგლითა ჩუენითა / და დავამტკიცეთ
ბრძანებთა და სიგელი პაპათა და მამათა ჩუენთაი“¹³.

ერთი წინადადება ან ერთი გამოთქმა ხშირად შეიცავს პირობითი ფორ-
მულარის სხვადასხვა კომპონენტს. მაგალითად, თამარის 1188 წლის ჯელათი-
სადმი ბოძებული შეწირულების სიგელი ასეთი წინადადებით იწყება: (/„ქ.
სახელითა ღმრთისათა/ — **უღებრება**) მე, თამარ ბაგრატიუნისმან/, **სახელდება**)
ნებითა ღმრთისათა/ აფხაზთა და ქართველთა, რანთა, კახთა და სომეხთა / მე-
ფემან და დედოფალმან, / შარვანშა და შაჰანშა და ყოვლისა აღმოსავლეთისა
და დასავლეთისა თუით მფლობელმან/ — **(წოდებულებამ)**. ვინებე **(განგე-
ბულება)** — რათამცა წარსამართებულად მეფობისა ჩემისად/ და კუალდ[ცა
შემდგომითი-შემდგომამ] / მომავლისა ჩემისა სინათლისა/, იესო ქრისტეს
აღლ[გომასა] ჟამსა / სალხინებულად სულ[ისა] ...გან// — **(გერჩინება)**, მცირი
ქველის საქმე ჩენილიყო **(განგებულება)**. // ღმრთივ გუირგუინიანთა მეფეთა
პაპათა ჩემთავან/ სრულქნილსა, ყოვლითურთ შემკობილსა /საყოფელსა დე-

¹³ ტექსტი წარმოადგენს გიორგი III-ის შიომღვიმისთვის 1170 წელს ბოძებული სიგელის ნაწყვეტს (იხ. ქართული სამართლის ძეგლები, II, ი. დოლიძის გამოც., თბ., 1965, გვ. 20).

დისა ღმრთისასა, / სამკუიდრებელსა დიდსა მონასტერსა ველათსა შინა, // რომელი აღაშენა / სალოცველად სულისა მათისად და წარსამართებელად / შემდგომად მათსა მომავალთა ტახტსა მათსა ზედა მსხლმთა მეფეთა“ / (თხრობა)¹⁷. ეს წინადადება შეიცავს პირობითი ფორმულარის რამდენიმე თემას ასეთი თანმიმდევრობით: ვედრება, სახელდება, წოდებულება, განგებულება. ჯერჩინება, განგებულება, თხრობა. ზოგიერთი თემა ერთი ფრაზით არის წარმოდგენილი, ან ფრაზათა რიგით, ან მთელი გამოთქმით. ერთ გამოთქმაში შეიძლება შეგვხვდეს სხვადასხვა თემა. შესაძლოა ერთი რომელიმე თემის წამყვანი ფრაზის გაწყვეტა სხვა წინადადებით: „ვინებე რათამცა... მცირე ქველის საქმე ჩენილიყო.“ საერთოდ უნდა ითქვას, რომ თუ პირობითი ფორმულარის თემატურ კომპონენტებს განვიხილავთ ტექსტის გრამატიკულ წყობასთან მიმართებით, საკმაოდ მრავალფეროვან კომბინაციას აღმოვაჩინებთ. ამ კომბინაციათა შედარებითი შესწავლა ტიპური (ანდა კონკრეტული) ფორმულარის სტრუქტურას გვიჩვენებს¹⁵.

საბუთის ამგვარი დაშლის შედეგად, შესაძლებელია, ტექსტში ისეთი თავისებურებები გამოიკვეთოს, რომელთა მიმართაც დიპლომატიკური კვლევის დროს ყურადღება არ იყო დათმობილი. ასეთია, მაგალითად, განმეორებების შემთხვევები. ტექსტში გამეორება შეიძლება იყოს ორგვარი: 1. ფრაზისა ან გამოთქმის უცვლელი გამეორება; 2. მოტივის გამეორება. გამეორებათა წესს დოკუმენტების შედგენისას, როგორც ჩანს, შუა საუკუნეებში ხშირად იყენებდნენ განსაკუთრებულად მნიშვნელოვანი მოვლენების ან ამ მოვლენებისადმი დამოკიდებულების გამოსახატავად. ასევე, ტექსტის დაყოფის შედეგად, შესაძლებელია, გამოვლინდეს დიპლომატიკური ფორმულები.

ისტორიული საბუთის ტექსტის დანაწილების პრინციპების შერჩევას მნიშვნელობა აქვს აგრეთვე ცალკეული დიპლომატიკური თემების დამუშავების წესებისა და მათი ევოლუციის გზების შესწავლაში. ეს თემები განხილულ უნდა იქნენ მათი შემადგენელი მოტივების, ადგილისა და ფუნქციის მიხედვით.

მოცემული სახეობის საბუთის ფორმულარის სტრუქტურასა და მისი ცვალებადობის ხარისხის დასადგენად შეიძლება გამოვიყენოთ გრაფიკული აღწერის მეთოდი, რომელიც ძალზე მოხერხებულია იმ შემთხვევაში, როდესაც მრავალრიცხოვანი ერთგვაროვანი მასალა საჭიროებს ერთმანეთთან შედარებას. გრაფიკული აღწერის მეთოდი გულისხმობს პირობით ნიშანთა სისტემის შემოღებას. ისტორიულ საბუთთა ცალკეული სახეობები შეიძლება აღვნიშნოთ ლათინური ანბანის მთავრული ასოებით: A, B, C... თითოეული მათგანი შეიცავს იმავე ანბანის ნუსხურ ასოების რიგს: a, b, c, d, e...სადაც თითოეული ასო-ნიშანი შეესაბამება საბუთის რომელიმე სპეციალურ თემას. ვთქვათ, a გამოხატავს ვედრებას (invocatio), b — სახელდებას (intitulatio, devotio) c — წოდებულებას (intitulatio, devotio), d — აღრესატს (inscriptio), e — თხრობას (narratio), f — თხოვნას (petitio), g — ჯერჩინებას (arenga), h — საბუთის გამკვების გადაწყვეტილებას (dispositio) i — რიანობას, k — პირობის ხანგრძლივობას, l — შეუვალობას, m — დაუცილებლობას

¹⁴ ქართული სამართლის ძეგლები, II, გვ. 25.

¹⁵ ტიპური ანდა კონკრეტული ფორმულარის შედგენისას აღცილებელია სინქრონულობის პრინციპის დაცვა. ეს რაც ტიპობრივია ერთი საუკუნისათვის ან ერთი ისტორიული ეპოქისათვის, შეიძლება ტიპობრივი აღარ იყოს სხვა ეპოქისათვის.

(ჩამოთვლილი კომპონენტები i, k, l, m, შეადგენენ dispositio-ს, ქართ. განგებულების ნაწილებს)¹⁶, n—ბრძანებულებას (sanctio-), o ბრალთგადამხდლობა კურთხევას (sanctio), q — სათვალავს, (datum), r — მოწმობებს (corroboratio).

გრაფიკული აღწერის მეთოდი უჩვენებს დიპლომატიკური თემებისა და მოტივების არსებულ კომბინაციებს და აგრეთვე ამ კომბინაციათა მიმართებას საბუთის ტექსტის გრამატიკულ წყობასთან. იგი უჩვენებს იმასაც, თუ რომელი დიპლომატიკური თემის მნიშვნელობა ძლიერდება. ფორმულარში, რომელი თემა იდევნება და რა სახის კომბინაციები ჭარბობს მოცემულ ქრონოლოგიურ პერიოდში.

როდესაც რამდენიმე დიპლომატიკური თემა ან მოტივი ერთ წინადადებაშია გაერთიანებული, ისინი მოქცეული იქნებიან ფრჩხილებში. ფრჩხილებგარეშე წარმოდგენილი ასო-ნიშანი უჩვენებს, რომ ესა თუ ის თემა ან რომელიმე მოტივი დამოუკიდებელი წინადადებაა. მაგალითისათვის ვუჩვენებთ ასეთი გრაფიკული მეთოდით «გადაწერილ» საბუთს¹⁷: ვთქვათ, წყალობის სიგელები ქმნიან B სისტემას — მაშინ, $\xi B = (abcdgdf)(hgkhi) (hdki) (ghi) (ehkm) \text{ Imnor} (pq) r$.

ისტორიული საბუთის შინაარსში სრულყოფილად ჩაწვდომა დიპლომატიკის მიზანი იყო ამ სამეცნიერო დისციპლინის განვითარების ყველა ეტაპზე. საბუთის დიპლომატიკური ანალიზის გზებიც ამ მიზნის მიწვდომას ემსახურებოდა. მაგრამ, მიუხედავად ამისა, საბუთის ტექსტის სხვადასხვა ნაწილები-სადმი არათანაბარი ინტერესი სრულიად აშკარა იყო. ეს ვითარება გამოწვეული იყო იმით, რომ დიპლომატიკა საერთოდ ისტორიულ მეცნიერებათა წინაშე აღმოცენებულ კარდინალურ პრობლემათა გადაჭრაში იღებდა მონაწილეობას და თვითონაც, როგორც დამხმარე ისტორიული დისციპლინა, ამ პრობლემატიკით იფარგლებოდა. ამიტომაც საბუთის ის ნაწილები, სადაც მეცნიერები იურიდიული, სოციალური ან პოლიტიკური აზრის პირდაპირ გამოხატულებას არ ხედავდნენ, საერთოდ უყურადღებოდ იყო მიტოვებული. ისტორიული საბუთებისადმი ასეთი მიდგომა არ არის დაზღვეული ცალმხრივობისაგან და მას მხედველობის არედან რჩება ისტორიული საბუთის შეფასების მნიშვნელობა თვით თავისი თანამედროვე საზოგადოების მიერ. საბუთის ტექსტის რაც შეიძლება მეტი ნაწილის ჩართვა მეცნიერულ კვლევაში, მათი თანაბარი ინტერესით შესწავლა, თანმიმდევრული დიპლომატიკური ანალიზის გზით უნდა ხორციელდებოდეს. ტექსტისადმი ასეთი მიდგომა ისტორიულ წყაროთა სიმცირის პირობებში განსაკუთრებით სასარგებლო შეიძლება აღმოჩნდეს.

¹⁶ ივ. ჯავახიშვილის მიერ სიგელში გამოყოფილი თემატიკური კომპონენტები რაოდენობით აღემატება რომაულ-ბიზანტიურ სიგელებსას. ამიტომაც ზოგიერთ ქართულ ტერმინს ლათინური შესატყვისი არ მოეპოვება.

¹⁷ წყალობის სიგელი გიორგი VII-ისა გუგუნი მაყაშვილისადმი (ქართული სამართლის ძეგლები, II, გვ. 100 — 101).

М. К. СУРГУЛАДЗЕ

К ВОПРОСУ О ДИПЛОМАТИЧЕСКОМ ИЗУЧЕНИИ ГРУЗИНСКИХ
ИСТОРИЧЕСКИХ АКТОВ

Резюме

В статье рассматриваются вопросы дипломатического анализа древнегрузинских жалованных грамот. В ней дана также критическая оценка существующих в специальной литературе методов дипломатического исследования актового материала. Понимание исторического акта, как специальной языковой организации, лежит в основе предлагаемого в статье нового способа дипломатического анализа.

წარმოადგინა საქართველოს სსრ მეცნიერებათა აკადემიის კ. კე-
კელიძის სახ. ხელნაწერთა ინსტიტუტმა

კარლო კალანდაძე

ქვის ხანის ნამოსახლარები მელოურთან

უკვე მეოთხე წელია, რაც წყალტუბოს მხარის შემსწავლელი არქეოლოგიური ექსპედიცია სავლელ კვლევა-ძიებას ატარებს წყალტუბოს რაიონსა და მის მიმდებარე ტერიტორიაზე.

სადღეისოდ მიკვლევულია და შესწავლის პროცესშია ოცდაათამდე არქეოლოგიური, სპელეოლოგიური და არქიტექტურული ძეგლი, რომელთა დიდი ნაწილი დღემდე უცნობი იყო სამეცნიერო ლიტერატურაში, ხოლო ერთეულები მკრთალად იხსენიებოდნენ. ესენია: თეთრი მღვიმე, საქაჯიას მღვიმე, საწურბლიას ეხი, ხომულის ქვაბა, ხომულისა და ქვილიშორის ციხეები, სემის ხეობის ნამოსახლარები და სხვა მრავალი სპელეოლოგიური ობიექტი.

ქვის ხანის მასალებით განსაკუთრებით მდიდარი გამოდგა ნასოფლარი მ ე ლ ო უ რ ი¹.

მ ე ლ ო უ რ ი მდებარეობს კურორტ წყალტუბოს ცენტრიდან ჩრდილოეთით 20-25 კმ-ზე, ზღვის დონიდან 530 მ. სიმაღლეზე. ნასოფლარს აღმოსავლეთიდან მელოურის მაღალი მთების წყება ესაზღვრება, დასავლეთიდან კი დაბალი მდებარეობის ტერასები ეკვრის, ჩრდილოეთიდან მას სემის ხეობა ჩამოედის, ხოლო სამხრეთიდან ე. წ. — მღერიღელე.

მთელ ნასოფლარს და განსაკუთრებით კი იმ ტერასებს, რომელზედაც უძველესი ნამოსახლარები იქნა მიკვლევული, საკმაოდ მოხერხებული მდებარეობა უქირავს. აქაური შესანიშნავი ხედი. სუფთა ჰაერი, ანკარა წყაროები, ცხოველებითა და მცენარეულობით მდიდარი გარემო, ორგორც ჩანს, იმთავითვე იზიდავდა ადამიანს.

გარდა მრავალგვარი ძირძველი მცენარეებისა, (ცხრილა, წიფელი, მუხა, და სხვ.), აქ ეხლაც ხარობს სადღეისოდ ჩვენში გავრცელებული თითქმის ყველა სახის ხეხილი: ლეღვი, ხურმა, ზღმარტლი, კაკალი, თხილი, მსხალი, ვაშლი, ბროწეული, ტყემალი, ყურძენი და სხვა. ზემოქვილიშორის კოლმეურნეობას მელოურის ნაყოფიერ მიწებზე მოჰყავს ისეთი კულტურები, როგორცაა: სიმინდი, სილი, ლობიო, კარტოფილი და ა. შ. თავისუფალ მთებსა და ტერასებს სათიბად და საძოვრად იყენებენ.

მელოურის ამ ტყე-ველით დაფარული ტერასებით, რომელშიდაც ალბათ გარეული ცხოველები და ფრინველები ბინადრობდა, როგორც დამტკიცდა, ქვის ხანის ადამიანიც სარგებლობდა.

1968 წ. მელოურში ნინო ბერძენიშვილმა პირველად მიაკვლია მუსტიეური ტექნიკით დახასიათებული კაყის ანატყეცები².

¹ მელოურიდან მკვიდრი მოსახლეობა 1944 წ. გადასახლდა ახალციხე-ადიგენის რაიონებში, მის შემდეგ მან ნასოფლარის სახელი მიიღო.

² ნ ი ნ ო ბ ე რ ძ ე ნ ი შ ვ ი ლ ი, ქვედაპალეოლითური ნაშთები ქუთაისის მდამოებედან, მასალები საქართველოს და კავკასიის არქეოლოგიისათვის, ტ. VI, 1974, გვ. 20, ტაბ. VII, 5.

1976 წ. ნასოფლარის ტერიტორიაზე ჩატარდა პირველი არქეოლოგიური სამუშაოები, როდესაც ზედაპირულად აიკრიფა, ქვის სხვადასხვა ქანის იარაღ-ხელსაწყოები და მათი დამზადების დროს წარმოქმნილი წარმოების მრავალი ნაშთი, რომელთა საერთო ჯამი 2000 ერთეულს აღემატება.

წინასწარული შესწავლის შედეგად გაირკვა, რომ აქ ადამიანს უცხოვრია ჯერ კიდევ ქვედა პალეოლითში და იგი მას დიდხანს არ მიუტოვებია. ამ ბუნ-
 ქტში, სახელობრ მიკვლეულია აშელის, მუსტიესა და ახალი ქვის ხანის ადამიანის კულტურის ნაშთები. მართალია, უშუალოდ უძველეს ნამოსახლარზე არ ჩანს ზედაპალეოლითელი ადამიანის ცხოვრების დამამტკიცებელი ნიშნები, მაგრამ მელოურის დასავლეთით, უფრო დაბლა, საწურბლიას ეხში ზედაპალეოლითურ-მეზოლითური ეპოქების ძლიერი კერა დადგინდა, რომლითაც ამ მხარეში პირველყოფილი ადამიანის ცხოვრების უწყვეტი კვალი ქვის ხანის თითქმის ყველა სტადიაში დადასტურდა.

მელოურში მოპოვებული ქვის ხანის ინვენტარი ეპოქების მიხედვით შემდეგი სახითაა წარმოდგენილი:

აშელური ეპოქის მასალა ჯერჯერობით მხოლოდ 4 ცალია.

ნუკლეუსი (ტაბ. I, 1) აშელის ხანის, მარაოსებრი, მასიური, სქელი პატინით დაფარული, ემჩნევა სქელი და ფართო ანატკეცების აცლის კვალი, ნაპირები შესწორებული აქვს ორსავე მხრიდან, შესაძლოა მას საჩეხ იარაღადაც იყენებდნენ, ზომა: 11X10X9 სმ.

გარდა აღნიშნული ნუკლეუსისა აშელურ ეპოქას განეკთვნება ორი ცალი ნუკლეუსები ანამტვრევი, რომლებსაც ასევე ანატკეცების აცლის კვალი ემჩნევა, ნაგორებია და სქელი პატინითაა დაფარული.

აშელური ნუკლეუსი ნაპოვნი იყო მელოურის ნეოლითური ნამოსახლარის მახლობლად, კერძოდ აღმოსავლეთიდან მომიჯნავე მთის ძირზე როგორც ჩანს იგი მალლობიდანაა დაგორებული. მომავალში აშელური ნაშთების მიკვლევა სწორედ ხსენებულ მთაზეა სავარაუდო.

მუსტიური ხანის ინვენტარი აშელურთან შედარებით მრავალრიცხოვანია (37 ც), ესენია: წვეტანები, სახოკები, რეტუშირებული მასიური ანატკეცები, ანატკეც-ანამტვრევები ურეტუშო და სხვ.

წვეტანა ფოთლის ფორმის, ჩამოყალიბებულია კაქის ლევალუაზურ სამეფრდა ანატკეცზე (ტაბ. II, 4), სქელი მონაცრისფერო პატინით დაფარული, ფართო დარტყმის მოედნითა და მაღალი ბურცობით, დარტყმის მოედანი შესწორებული აქვს, ზოლო ბურცოებზე ქერცლისებრი ანატკეცის აცლის კვალი ემჩნევა. მისი მახვილი წვერი ოდნავ მარცხნივ არის მოხრილი. ნაპირები მთელს სიგრძეზე საფეხურებიანი რეტუშითაა დამუშავებული. წვერთან ახლოს, ნაპირები ერთიგორის პირდაპირ ამოღარულია. შესაძლოა ის ტარშიც იჭდა. იგი საგულდაგულოდაა დამუშავებული და სრულყოფილი სახე აქვს, რომელიც თავის დროზე საკმაოდ ეფექტური საბრძოლო-სამონადირეო იარაღი უნდა ყოფილიყო, ზომა: 7X3,5X1 სმ.

მსგავსი წვეტანები ცნობილია თეთრამიწიდან. ჩვენ მხედველობაში გვაქვს თეთრამიწაზე მოპოვებული ერთი ფოთლისფორმის წვეტანა, რომელიც მთლი-

3 მელოურდან არქეოლოგიური მასალის ერთი ნაწილი შეაგროვა და ჩვენს ექსპედიციას მი-
 შოდა წყალტუბოს პიონერთა სასახლის ნორჩმა მხარეთმცოდნეებმა, პედაგოგ ვ. კინჭურაშვი-
 ლის ხელმძღვანელობით, რომელიც იმავე დროს ექსპედიციის წევრიც იყო.



ანად ჰვავს მელოურის იარაღს, როგორც ფორმა-მოყვანილობით, ასევე დამუშავების ტექნიკითა და ნაპირების ერთ და იმავე ადგილზე ამოღარვითაც⁴.

წვეტანა (ტაბ. I,3) ვაფორმებულია ლევალუაზურ მოგრძო და სწორ ლამელზე. ცალი ნაპირი შედარებით თხელი აქვს და მთელ სიგრძეზე მიუყვება, მეორე ნაპირი უფრო სქელი და მორკალულია, რომელიც ასევე მთელ სიგრძეზეა რეტუშირებული. ზურგზე ემჩნევა სწორი ანატკეცების აცლის კვალი, მუცელი ტალღოვანია, აქვს ფართო, სწორი დარტყმის მოედანი და მაღალი ბურცობი, მახვილი წვერი ოდნავ მარცხნივაა მოხრილი. იარაღი მონაცრისფერო პატინითაა დაფარული, ეტყობა ხმარების კვალი. საერთოდ იგი საგულდაგულოდაა დამზადებული და დასრულებული იარაღია. შესაძლოა ტარშიც იჯდა, ზომა 7X2 და 4X1 სმ.

დაახლოებით ამდაგვარი წვეტანა აღმოჩენილია ჭიათურაში „ობრალ“ — IV ნამოსახლარზე⁵.

წვეტანა (ტაბ. II, 8) ნაკლული, შემორჩენილია მხოლოდ იარაღის მახვილი წვერი, რომელიც რამდენადმე მარჯვნივაა მოხრილი: ნაპირები თხელი და ბასრი აქვს. ცალ პირზე ემჩნევა მკრთალი რეტუშის კვალი. ზურგზე მაღალი წიბო გასდევს. მუცელი ბრტყელი აქვს, ზომა 3X2, 5X0,7 სმ.

წვეტანა ბლაგვწვერა (ტაბ. II, 1), ჩამოყალიბებულია ხორცისფერ უსახო კაეის ანამტრევეზე, რომელსაც მოსქო ნაპირები სხვადასხვა სიბრტყიდან უხეში რეტუშით აქვს დამუშავებული. იარაღის წვერი დაბლაგვებული და დაჩეჩქვილია ხმარებისაგან.

წვეტანისებრი იარაღის ფრაგმენტი, ჩამოყალიბებული ფოთლის ფორმის ანატკეცებზე, შესწორებული დარტყმის მოედნითა და მაღალი ბურცობით. თხელი მომრგვალებული ნაპირები ზურგის მხრიდან თანმიმდევრული, მკრთალი რეტუშითაა ვაფორმებული. იარაღს წვერი მოტეხილი აქვს, ორივე სიბრტყე ხალებითა და ლაქებითაა დაფარული, ზომა: 3X3X0,5 სმ.

სახოკი კაეის, ბრტყელ, მოგრძო ანამტრევეზე ვაფორმებული. იარაღის ცალი ნაპირი სწორი და რეტუშირებულია, ხოლო მეორე არასწორი და ამოღარულია. იგი დაფარულია სქელი პატინით და არქაულობის იერს ატარებს, ზომა: 7X5X3 სმ.

სახოკი წვეტანისებური (ტაბ. I, 2). კაეის ლევალუაზური მოგრძო ანატკეცებზეა ჩამოყალიბებული. იარაღის ორივე ნაპირი საფეხურიანი (ჩანატეხეზიანი) რეტუშითაა დამუშავებული, სქელი წვერი ორივე სიბრტყიდანაა შესწორებული და ოდნავ მარცხნივაა მოხრილი. დარტყმის მოედანი სწორი და ოდნავ დახრილია, მუცელი ტალღოვანი, ზურგზე ანატკეცების აცლის კვალი გამოპყლია. იარაღი მთლიანად სქელი, ნაცრისფერი პატინითაა დაფარული. იგი ერთ-ერთი სრულყოფილი იარაღთაგანია. ზომა: 7X3, 5X1,4 სმ.

დანა—სახოკი გრძელი (ტაბ. II 6), ჩამოყალიბებული მუქი ფერის, სქელ, ორფერდა ანატკეცებზე, რომლის წვერი და ორივე ნაპირი თანმიმდევრულ საფეხურიანი რეტუშითაა დამუშავებული. იარაღი სამკუთხა ვანი-

⁴ ნ. ბერძენიშვილი, ქვედაპალეოლითური ნაშთების ქუთაისის მდამოებლადან, მასალები საქართველოს და კავკასიის არქეოლოგიისათვის, VI, 1974, გვ. 12. ტაბ. V, 4.

⁵ დ. თუშაბრაშიშვილი, ყვირილას ხეობის არქეოლოგიური ექსპედიციის მიერ 1968—1969 წლებში ჩატარებული სამუშაოების შედეგები, საქართველოს სახ. მუზეუმის არქეოლოგიური ექსპედიციები, II, 1971, გვ. 17. ტაბ. X, 10.

კვეთიანია, აქვს დიდი დარტყმის მოედანი, ტალღისებური მუცელი და მაღალწიბოიანი ზურგი, ზომა: 8X4X2,5 სმ.

ს ა ხ ო კ ი მომრგვალებული სამუშაო პირით (ტაბ. II, 5), გაფორმებული ოვალური მოყვანილობის სქელ ანატკეცებზე. სამუშაო პირი ზურგის მხრიდან რეტუშითაა შესწორებული, მაღალ ზურგზე ემჩნევა ფართე ანატკეცების აცლის კვალი, ზომა: 6X5X3 სმ.

ა რ ქ ა უ ლ ი ანატკეცები, მასიური, ძლიერ პატინირებული, დიდი დარტყმის მოედნითა და შესაბამისი ბურცობით, ბრტყელი მუცლითა და შემალბებული ზურგით, რომელზედაც ფართო ანატკეცების აცლის კვალი ჩანს და აქა-იქ ქერტიც შემორჩენიათ, მათი სიგრძე 7,5 სმ.

ა რ ქ ა უ ლ ი ანატკეცები რეტუშისა და ხმარების კვლით, 6 ც. სქელი პატინით დაფარულ ლევალუზურ ფართო ანატკეცებს ეტყობა რეტუშისა და გამოყენების კვალი. ყველა მათგანს შემორჩენილი აქვს დარტყმის მოედანი და ბურცობი, ტალღოვანი მუცლითა და შემალბებული ზურგით, რომელზედაც ანატკეცების აცლის კვალი ემჩნევა. მათი სიგრძე 3,5 — 6,5 სმ შორის მერყეობს (ტაბ. I, 7,9—10), აღსანიშნავია, რომ ამ ტიპის ანატკეცებიც ნაპოვნია თეთრამიწის ნამოსახლარზე⁶.

ა რ ქ ა უ ლ ი ანატკეცები, მუსტიური იერის. 18 ცალი, მასიური, დიდი დარტყმის მოედნებით და შესაბამისი ბურცობებით, პატინირებული, ზოგ მათგანს ბუნებრივი ქურტიც შემორჩენია. ანატკეცების ნაპირებს ეტყობა გამოყენების კვალი.

ნ ე ო ლ ი თ უ რ ი ხანის შესატყვისი მასალა მელოურის კოლექციაში ყველაზე დიდი რაოდენობითაა წარმოდგენილი (1700 ც), ესენია: ნუკლეუსები, ანატკეც-ანამტვრევები, ლამელები, საფხეკები, სახვრეტები, ჩასართები, საჭირისები, შვერილიანი და გვერდამოღარული („ლექალას“), ტიპის იარაღები, რიყისქვის ცულები, ჩაქურები, სასრესები, სალესები, ხელსაფქვავეები და სხვ.

ნ უ კ ლ ე უ ს ე ბ ი მელოურის ნეოლითურ ნამოსახლარზე დიდი რაოდენობითაა წარმოდგენილი (100 ც), ფორმის მიხედვით მრავალადაა, როგორც ამფორული (ტაბ. II, 17 — 20), ისე პრიზმულები (ტაბ. II, 11, 28), გვხვდება აგრეთვე კონუსური (ტაბ. II, 21, 23), ფანქრისებრი (ტაბ. II, 11) და ბრტყელი ნუკლეუსები.

ფუძის მიხედვით არის, როგორც ერთფუძიანი (ტაბ. II, 11, 21, 27), ისე ორ (ტაბ. II, 20, 22) და სამფუძიანი (ტაბ. II, 28, 30) ნუკლეუსები. ზომის მიხედვით არიან მასიური (ტაბ. I, 2), უმეტესად საშუალო სიდიდის (ტაბ. II, 24), და მიკრონუკლეუსები (ტაბ. II 11). უდიდესი მათგანის ზომაა 10X8X7 სმ. უმცირესის კი 2X1X0,7 სმ. მიუხედავად ზომის ასეთი სხვაობისა ორსავეს, სხვადასხვა სისქე-სიფართის, მაგრამ ერთნაირი რაოდენობის (12) ანატკეცის აცლის კვალი ემჩნევა. ნუკლეუსების დიდი ნაწილი უტილიზირებულია. ჭარბობს უხეში ფორმის ნუკლეუსები, რომელთაგან ბევრი სხვადასხვა სისქის პატინით, ლაქებითა და ხალებითაა დაფარული. ზოგს კიდევ ბუნებრივი ქერტიც შემორჩენია. კოლექციაში შემავალი ნუკლეუსების ერთი ჯგუფი ბურთისებრად დაამრგვალებული, ირგვლივ მოკლე ფაცეტების აცლის გზით. შესაძლოა ისინი ნინო ბერძენიშვილის მიერ თეთრამიწაზე გამოყოფილი ნუკლეუსების ერთი

⁶ ნ. ბერძენიშვილი, დასახ. ნაშრომი, ტაბ. 12, ტაბ. IV, 3.

ჯგუფის მსგავსად შურდულით სასროლ ქვებს წარმოადგენენ⁷. საერთოდ აქაურ ნუკლეუსებს მეტ-ნაკლებად მსგავსება აქვს საქართველოს ტერიტორიაზე მიკვლეულ სინქრონიულ ნამოსახლარების ნუკლეუსებთან.

ანატაკეები მელოურის კოლექციაში ყველაზე მრავალრიცხოვანია 400 ერთეული, აქედან 70 ც. ქერქიანი უსახო ანატაკეცია, ხოლო 300 ცალი უქერქო უხეში ანატაკეცია. პირველი ჯგუფის ანატაკეები შედარებით მასიურებია. ყველა მათგანს ახლავს დარტყმის მოედანი და შესაბამისი ბურცობი. ისინი ატაკეცილია ნუკლეუსის გულგულას მომზადების დროს, ამიტომ მათ ზურგზე გამოყოლილი აქვთ ბუნებრივი ქურქი. მეორე ჯგუფის ანატაკეები პირველთაგან განსხვავებით ქერქის გარეშეა წარმოდგენილი. ზურგზე მათ პირველადი ანატაკეების აცლის კვალი გამოპყლიათ. ყველა მათგანს ახლავს ფართო დარტყმის მოედანი და მალალი შესაბამისი ბურცობი. მუცელი ბრტყელი და ტალღოვანი აქვთ, ზურგი შემადლებული, ნაპირები თხელი, რომელზედაც ზოგიერთს ეტყობა გამოყენების კვალი. ზომის მიხედვით ორივე ჯგუფის ანატაკეები სხვადასხვაგვარია. გვხვდება, როგორც მასიური, ისე საშუალო და მიკრო ანატაკეები. ზოგი მათგანი ცეცხლშია ნაყოფი.

ლამელები და მათი ნატეხები მელოურის ნეოლითურ ნამოსახლარზე დიდი რაოდენობითაა წარმოდგენილი. სულ სადღეისოდ შეგროვილია 204 ცალი. აქედან 14 ცალი მთელი, მოგრძო, დანისებრი, ლამელაა (ტაბ. III, 10.). ასევე მთელია 42 ც. რამდენადმე შედარებით უსახო ლამელაა (ტაბ. III, 35, 32, 34). ლამელისებრი ანატაკეი 46 ცალია. ლამელების თავები 27 ც. წვერები— 28 ც. ხოლო 47 ც. ლამელათა ფრაგმენტებია. მათ თავი და ბოლო მოტეხილი აქვთ (ტაბ. III, 32, 33, 42). ზოგი მათგანი ჩასართავებად ან მათ ნამზადად შეიძლება ჩაითვალოს.

ლამელების გარკვეული ნაწილი რეტუშირებულია და იარაღადაა გამოყენებული. გვხვდება, როგორც ცალგვერდრეტუშირებული, ისე ორგვერდრეტუშირებული ლამელები. ზოგი მათგანი ურეტუშია, მაგრამ ეტყობა გამოყენების კვალი.

რეტუშირებული ლამელები (ტაბ. III, 31—49), დიდი რაოდენობითაა, სხვადასხვა ზომისა და ფერის ლამელებს უმეტესად თითო, ხოლო გამო-ნაკლისად ორივე ნაპირი რეტუშირებული აქვს, როგორც ზურგის, ისე მუცლის მხრიდან. ზოგ მათგანს რეტუში მთელ სიგრძეზე ვასდევს, ზოგი კი ნაწილობრივია რეტუშირებული. გვხვდება ცალ და ორგვერდრეტუშირებული ლამელაც. ლამელებზე უმეტესად საფხეკები და დანა-საფხეკები უმზადებიათ. გვხვდება, როგორც გვერდრეტუშირებული, ისე თავსწორრეტუშირებული და თავიობრეტუშირებული ლამელები, რომლებიც საფხეკებად გამოიყენებოდა. განვიხილოთ თითოეული ჯგუფი ცალ-ცალკე:

თავრეტუშირებული ლამელები დამზადებულია კაყის ორ და სამფერდა ლამელების ბოლოზე, სხვადასხვა ზომისა და ფერის. თხელი და ბასრი ნაპირებით, მახვილი, მარცხნივ მოხრილი წვერით, რომლებიც ზურგის მხრიდან რეტუშირებითაა გაფორმებული, მათი სიგრძე 2,5 სმ-დან 5 სმ-მდე მერყეობს. აღნიშნული იარაღები საფხეკად და დანებად შეეძლოთ გამოიყენებინათ, მათი სიგრძე 2 სმ-დან 5 სმ-მდე აღის.

თავსწორრეტუშირებული ლამელა (ტაბ. III, 31), დასახელებულ კო-

⁷ ნ. ბერძენიშვილი, ქვედა პალეოლითური ნაშთები ქუთაისის მიდამოებდან, მასალები საქართველოსა და კავკასიის არქეოლოგიისათვის, ტ. VI, 1974, გვ. 8.

ლექციაში ერთადერთია. მოგრძო ყავისფერი ორფერდა ლამელას სამუშაო პირი ძალზედ პატარა ფაცეტების აცლის გზით სწორად აქვს რეტუშირებული. თხელსა და ბასრ ნაპირებს აქა-იქ ემჩნევა მკრთალი რეტუში და გამოყვების კვალი. ლამელა მუცლის მხრიდან ოდნავ ჩაზნექილია. შემადლებულ ზურგზე წიბო მიუყვება. იარაღი ემჩნევა დარტყმის მოედანი და შესაბამისი ბურცობი, ცალ ნაპირზე შემორჩენილი აქვს ბუნებრივი ქერქი. მიუხედავად ამისა იგი სრულყოფილი იარაღის იერს ატარებს. მისი ზომა 4X1X0,4 სმ.

ს ა ფ ხ ე კ ე ბ ი მელითურის ნეოლითურ ნამოსახლარზე ყველაზე მრავალრიცხოვანია, 114 ც. (ტაბ. IV, 1—52), ისინი ძირითადად დამზადებულია კაჟის მომრგვალო ფორმის მაღალ ანატკეცებზე (ტაბ. IV, 28-29, 32, 34, 44, 56). გვხვდება აგრეთვე თხელ ანატკეცებზე დამზადებული მომრგვალო სამუშაო-პირიანი საფხეკები, 20 ც. (ტაბ. IV, 14, 22, 33, 47-48). მომრგვალო მიკრო საფხეკები 30 ც. (ტაბ. IV, 6-7, 18, 25), ლამელისებურ ანატკეცებზე გაფორმებული საფხეკები 10 ც. (ტაბ. IV, 57, 61), ლამელზე დამზადებული საფხეკები 5 ცალი და ანამტვრევებზე ჩამოყალიბებული საფხეკები 10 ც. (ტაბ. IV, 51). დამუშავების ტექნიკის მიხედვით საფხეკები გვხვდება: მრგვალსამუშაოპირიანები, სწორსამუშაოპირიანები, ირიბსამუშაოპირიანები, ვიწროსამუშაოპირიანი, ბრჩხილისებრი საფხეკები და სხვ. საფხეკების ძირითადი ნაწილი საგულდაგულოდაა რეტუშით დამუშავებული. ზოგ შემთხვევაში რეტუში ნაპირიდან ზურგზეც გადადის (ტაბ. IV, 38,39), ზოგჯერ კი მხოლოდ სამუშაო პირს შემოუყვება მკრთალად. ზომის მიხედვით გვხვდება უმეტესად პატარა (2 სმ) და საშუალო სიდიდის საფხეკები (4,5 სმ), ზემოაღნიშნული ტიპის საფხეკები დადასტურებულია მრავალ მეზოლითურ (ემახი⁸, ჯანაღლი⁹), და ადრენეოლითურ ნამოსახლარზე (ვირიკე, ხუცუბანი¹⁰, პალური¹¹, სოსრუკო¹² და ანასეული¹³).

მ რ გ ვ ა ლ ი ს ა ფ ხ ე კ ე ბ ი (ტაბ. IV, 25) გაფორმებულია კაჟის შედარებით სქელ ანატკეცებზე, ფართო სამუშაო პირით, რომელიც ზურგის მხრიდან თანმიმდევრულად, მაღალი რეტუშითაა შემომრგვალებული, რომელიც ზოგჯერ ზურგზეც გადადის. ფართო დარტყმის მოედნითა და შესაბამისი ბურცობით. ბრტყელი ტალღოვანი მუცლითა და შემადლებული, ირგვლივ დამუშავებული ზურგით. იარაღი მკრთალი პატინითა და ლაქებითაა დაფარული, ზომა: 2,3X3X1,2 სმ. ამგვარი იარაღები ცნობილია ოდიშიდან¹⁴, კისტრიკიდან¹⁵.

მ ო მ რ გ ვ ა ლ ო სამუშაოსპირიანი ს ა ფ ხ ე კ ი (ტაბ. IV, 23), ჩამოყალიბებული ლამელისებურ მოვარდისფრო კაჟის ანატკეცის ბოლოზე, მოგრძო სამფერდა ანატკეცების თხელი სამუშაო პირი ზურგის მხრიდან პატარა ფაცეტების აცლის გზით არის შემოსწორებული. თხელი ნაპირები მუცლის

⁸ მ. გ ა ბ უ ნ ი ა, თრიალეთის მეზოლითური კულტურა, თბ., 1976, ტაბ. III, 3—35.

⁹ ლ. შ ე რ ე თ ე ლ ი, მეზოლითური კულტურა კავკასიის შავიზღვისპირეთში, თბ., 1973, ტაბ. XV VII, 1—5, 13—15.

¹⁰ ს. გ ო გ ი ტ ი ძ ე, სამხრეთ-დასავლეთ საქართველოს ძეგლები, III, თბ., 1973, გვ. 38—71, ტაბ. 1, 7—10.

¹¹ გ. გ რ ი გ ო ლ ი ა, ცენტრალური კოლხეთის ნეოლითი პალური, თბ., 1977, ტაბ. VIII, 15—16.

¹² ესარგებლობთ გ. გრიგოლის დასახ. ნაშრომით, ტაბ. XXXII, 1—3.

¹³ ლ. ნ ე ბ ი ე რ ი ძ ე, დასავლეთ ამიერკავკასიის ნეოლითი, თბ., 1970, ტაბ. XXV, 8,

¹⁴ იქვე, ტაბ. XXV, 7.

¹⁵ იქვე, ტაბ. XII, 3.

მხრიდან წვერთან ამოღარულია. იარაღს ფართო და სწორი დარტყმის მოედანი აქვს, ბურცობი კი შესწორებული, ზომა: 3,4X2X0,5 სმ.

თავსწორებრეტუშიანი საფხეკი (ტაბ. IV, 52), დამუშავებული ხორცისფერ, სამფერდა ლამელაზე, ფართო სამუშაო პირი ზურგის მხრიდან მართალი რეტუშითაა შესწორებული. ნაპირები თხელი და ბასრი აქვს. მუცელი ოდნავ ჩაზნექილი და ტალღოვანი, ზურგი სწორი და მაღალი, რომელზედაც ორი წიბო ერთიმეორეს წვერამდე პარალელურად მიუყვება. იარაღი განივკვეთში ტრაპეციებისურია, ზომა: 4X1, 3X0,5 სმ.

ბრჩხილისებური საფხეკი (ტაბ. III, 1) ვაფორმებულია კაჟის მოგრძო, ნაცრისფერ ანატყეცზე. მომრგვალებული სამუშაო პირი ციცაბო რეტუშითაა დამუშავებული, რომელიც ნაპირებზე გადადის, იარაღი ნაკლულია, მოტეხილი აქვს თავი. ნაპირები დამაბლავებელი რეტუშით აქვს შესწორებული მუცლის მხრიდან. გვერდი ამოღარული აქვს, ზურგზე ორი პარალელური წიბო გადასდევს, ბოლომდე, ზომა: 3X2X0,6 სმ.

მიკროსაფხეკი, მომრგვალებული სამუშაო პირით (ტაბ. IV, 19), პატარა სქელი ანატყეცების ნაპირები მაღალი რეტუშითაა შემომრგვალებული. მუცელი ბრტყელი და სწორი აქვს, ემჩნევა ფართო, სწორი დარტყმის მოედანი და პატარა ზომის შესაბამისი ბურცობი, ზომა: 1,5X1,5X0,6 სმ.

სახვრეტები (ტაბ. III, 6-8), ამ ტიპის იარაღები კოლექციაში ერთობ მცირეა, სულ 4 ც. სახვრეტები დამზადებულია უსახო ანატყეცებსა და ანამტერევებზე. სახვრეტი მორჩი ორი მხრიდან რეტუშითაა ვაფორმებული, რომელიც ხმარების შედეგად დაბლაგვებულია. იარაღებს ემჩნევა ფაცეტების აცლის კვალი და აქა-იქ ბუნებრივი ქერქიც შემორჩენიათ. მათი სიგრძე 2-3,5 სმ-ია.

ჩასართები (24 ც). ტაბ. III, 16—31, 65—69) დამზადებულია კაჟის ორფერდა და სამფერდა ლამელათა ფრაგმენტებზე, ჭარბობს ორგვერდ-რეტუშირებული ტრაპეციისებრი ჩასართები. მხოლოდ ორი ჩასართია სამგვერდრეტუშირებული. ზოგიერთ მათგანს სამუშაო პირი ამოღარული აქვს (ტაბ. III, 16-18, 30, 68-69) ან სამუშაო პირის ორივე წვერიდან სასაჭრისე ჩამონატყეცები აქვს აცლილი (ტაბ. III, 23). მსგავსი ჩასართები ცნობილია ლუმურიშიდან¹⁶. ფორმის მიხედვით ძირითადად გვხვდება ტრაპეციის ფორმის ჩასართები. თითო ოროლა გვაქვს წელში გამოყვანილი (ტაბ. III, 68) და სამკუთხედისებრი ჩასართები (ტაბ. III, 66). ამ ტიპის ჩასართები ცნობილია ჩხორთოლის¹⁷, ანასეული I-ის¹⁸, გურიანთადან¹⁹ და სხვ. ნეოლითურ ნამოსახლარებიდან.

საჭრისები (ტაბ. III, 4-5; ტაბ. IV, 66-78). ძირითადად დამზადებულია კაჟის უსახო ანამტერევებსა და ანატყეცებზე. რაოდენობის მიხედვით, მკლოურის ნამოსახლარზე შეგროვებულ კოლექციაში საჭრისებს მეოთხე ადგილი უჭირავს (13 ც). გვხვდება უმეტესად მარტივკუთხა საჭრისები, მარტივი შეუღა და კიდურა საჭრისები. ერთი მათგანი ორმაგი საჭრისია (ტაბ. IV,

¹⁶ კ. კალანდაძე, ლუმურიშის ნეოლითური ნამოსახლარი, მასალები საქართველოსა და კავკასიის არქეოლოგიისათვის, ტ. V, 1973, გვ. ტაბ. III, 7.

¹⁷ კ. კალანდაძე, ჩხორთოლის ნეოლითური ნამოსახლარი, მასალები საქართველოსა და კავკასიის არქეოლოგიისათვის, ტ. VI, 1974, გვ. 791, ტაბ. VI, 19, 45.

¹⁸ ლ. ნებეირიძე, დასავლეთ ამიერკავკასიის ნეოლითი, თბ., 1972, ტაბ. X, 3.

¹⁹ ლ. ნებეირიძე, დასახ. ნაშრომი, ტაბ. XXVII, 20—24.

72). იგი გაფორმებულია ლამელისებურ სამფერდა ანატკეცების თავსა და ბოლოზე, რომლის ერთი ბოლო თავსწორეტუშირებულია, ხოლო მეორე ამოღარული.

აკვრდრეტუშირებული შვერილიანი იარაღები ნეოლითურ კომპლექსებში გარკვეულ ადგილს იჭერს — 6 ცალი. იარაღების ეს ჯგუფი ბრტყელსა და უხეში ანატკეც-ანამტვრევებზეა დამზადებული, რომლებსაც ერთი ნაპირი ზურგის მხრიდან რეტუშით აქვთ მთელ სიგრძეზე დამუშავებული. რეტუშირებულ ნაპირზე თითო ან ორი დაბალი შვერილი აქვთ გამოყვანილი (ტაბ. III, 59-63). მსგავსი იარაღები ცნობილია პალურის და ლეზიქის²⁰ ნეოლითურ ნამოსახლარებიდან, რომლებსაც გ. გრიგოლია გვერდამოღარულ ანკესისებურ შვერილიან იარაღებს უწოდებს. ე. წ. ლეკალოს ტიპის ანუ მრუდე იარაღები, გვერდამოღარული (ტაბ. IV, 59, 63-64) მელოურის კოლექციაში ჯერჯერობით 9 ცალია. იარაღთა ამ ჯგუფსაც ცალი გვერდი რეტუშით აქვთ ამოღარული და ბოლოზე შვერილი აქვთ გამოყვანილი. ისინი ძირითადად პატარა ზომის უსახო ანატკეცებზეა დამზადებული და ასიმეტრიული ფორმა აქვთ. ასეთი იარაღები ცნობილია პალურიდან²¹, ანასეული II-დან²², სამხრეთ ოსეთში (ჯერმუხი, ჯოჯოხეთში, ნავუთნში)²³, ჩრდ. კავკასიაში (სოსრუკო)²⁴. რიყის ქვის იარაღები:

ცული (ტაბ. I, 4) გახეხილ-გაპრიალბებული, ფართო, მჭრელ სამუშაოპირიანი, ოვალურგანივკვეთიანი, ზომა: 7X5X3 სმ.

მსგავსი ცულები ცნობილია: ანასეული II-დან²⁵, ოდიშიდან²⁶, ლუმურიშიდან²⁷.

ცული ბლაგვიპირიანი (ტაბ. I, 7) გახეხილი, ოვალურგანივკვეთიანი, ფართო პირდაბლაგვეული (ხმარების შედეგად), ვიწრო დაჩეჩქვილი ბოლოთი. ზომა: 7X6X3,5 სმ.

ცული ვიწროსამუშაოპირიანი (ტაბ. I, 3, 5-6), რიყის ქვის ნაკლული; გახეხილი, ოვალურგანივკვეთიანი, თავმოტეხილი.

ხელჩაქუჩი (ტაბ. V, 1) რიყის ქვის, პირდაჩეჩქვილი, ვიწრო ბოლოთი, რომელიც მარჯვედ ჯდება ხელში, ოვალურგანივკვეთიანი, ზომა 10X5, 5X3 სმ.

სატეხ-სათლელები (ტაბ. I, 8, ტაბ. V, 12) რიყის ქვის, გახეხილი, ბრტყელი, ფართო, ბლაგვიპირიანები, ოდნავზურგამობურცული და ბრტყელი მუცლით, თავდაჩეჩქვილი 2 ც, სიგრძე პირველის 6 სმ., მეორის 8 სმ. ამგვა-

²⁰ გ. გრიგოლია, ცენტრალური კოლხეთის ნეოლითი პალური, თბ., 1977, ტაბ. IX: 13—22; ტაბ. X, 1—9; ტაბ. XXI, 16—21; მისივე, ქვის ხანის ლია ნამოსახლარები კოლხეთში, მასალები, საქართველოსა და კავკასიის არქეოლოგიისათვის, ტ. VI, 1974, გვ. 90, ტაბ. VIII, 22—23.

²¹ გ. გრიგოლია, დასახ. ნაშრომი, გვ. 90, ტაბ. VIII, 2427.

²² ლ. ნებეიძე, დასავლეთ ამურკავკასიის ნეოლითი, ტაბ. IX, 31—32.

²³ В. П. Любин, Первые сведения о мезолите горного Кавказа (Осетия), МИА, 126, 1966, М.-Л., გვ. 162—163.

²⁴ С. Н. Замятни, П. Г. Акрита, Раскопки грота Сосурко в 1955, Учен. зап. КБНИИ, т. XIII, 1957, с. 431—452, рис. 9.

²⁵ ლ. ნებეიძე, დასავლეთ ამურკავკასიის ნეოლითი, თბ., 1974, ტაბ. XI.

²⁶ ლ. ნებეიძე, დასახ. ნაშრომი, ტაბ. XXVII, 4—5.

²⁷ კ. კალანდაძე, ლუმურის ნეოლითურ ნამოსახლარზე 1970 წ. ჩატარებული სამუშაოთა შედეგები, მასალები საქართველოსა და კავკასიის არქეოლოგიისათვის, V, თბ., 1973, გვ. 139, ტაბ. VI, 5.

რი იარაღები აღმოჩენილია ანასეულ II-ში²⁸, ოდიშში²⁹, გურიანთაში³⁰, ჩხორთოლში³¹.

სასრესები, 2 ცალი, ოვალური ფორმის (ტაბ. V, 9) და მოგრძო (ტაბ. V, 10), გახეხილი, ცალმხრივი, ეტყობათ გამოყენების კვალი.

მიწის საჩიქნი იარაღი (ტაბ. V, 2), რიყის ქვის გრძელი, ვიწრო, მრგვალგანივკვეთიანი, პირჩამოტეხილი.

ჯამისებური ქურჭელი (ტაბ. V, 8) დამზადებული ტუფოგენური ფორმებიანი ქვისაგან, ნაკლული, მოტეხილი აქვს ნაპირები, ჯამისებურად ჩაღრმავებული. ამდაგვარი იარაღები ცნობილია ჩხორთოლიდან³².

სალსები (ტაბ. V, 3, 7; ტაბ. V, 14-15) რიყის ქვის, 7 ცალი, გრძელი, ვიწრო სხვადასხვა სისქის, უმეტესად ოვალურგანივკვეთიანი, გამოჩაქისად მრგვალგანივკვეთიანი.

სხვადასხვა იარაღთა ფრაგმენტები, ძირითადად გვხვდება ცულის, სალესის, ჩაქუჩისა და სხვა იარაღთა ნატეხები, რომელთაც აშკარად ემჩნევათ დამუშავების კვალი. მათი რიცხვი 18 ცალამდე აღწევს. გარდა ამისა გვხვდება ისეთი ნატეხებიც, რომლებიც ფრაგმენტულობის გამო არ განისაზღვრებიან.

ხელსაფქვავეები ქვედა, მასიური, ოთხკუთხა, მოხაზულობის, სქელი, სამუშაო პირი დეკენილი აქვთ, ნაკლული, ჩამომტვრეული, აქვთ კუთხეებო, 4 ც. ზომა: 2X15X6,5 სმ.

ხელსაფქვავეები (ტაბ. V, 11-13) ზედა, გრძელი, ვიწრო, სამუშაო პირი ბრტყელი აქვს, ეტყობა ხმარების კვალი, ზურგი შემალღებული, 2 ც. ორივე ნაკლულია, მოტეხილი აქვთ თითო ბოლო, სიგრძე 9-16 სმ.

წარმოების ნაშთის სიმრავლე მიგვანიშნებს, რომ ახალი ქვის ხანის ადამიანი აქ დიდი ხნის მანძილზე მჯდარა და ადგილზევე უმზადებია მეურნეობის სხვადასხვა დარგში საჭირო იარაღ-ხელსაწყოები, რომელთა შორის წამყვანია შინამონმარების საგნები (საფხეკები, საჭრისები, სახვრეტები, დანები), და სამიწათმოქმედო იარაღები (ხელსაფქვავეები, ჩასართები; მიწის საჩიქნები და სხვა).

ჩვენ ხელით არსებული მასალების სინქრონულ ნამოსახლარებთან შედარება მიგვანიშნებს, რომ კვლევის დღევანდელ სტადიაზე იგი ადრენეოლითის ხანას უახლოვდება.

მელიორი, გ. გრიგოლის მიერ გამოყოფილ ე. წ. „მთის ნეოლითის“ (პალურ-ნაგუთნის)³³ კულტურის განვითარებულ ფორმას წარმოადგენს. იგი ადრე ნეოლითის დასასრულისა და შუა ნეოლითის დასაწყისში შეიძლება მოთავსდეს. როგორც აღინიშნა მას გენეტიკური ფესვები გადადგმული აქვს არა მარტო ადრენეოლითურ ძეგლებში (ანასეული I, ხუცუბანი, კინტრიში, ნაგუთნი, პიჩიჯინი, და სხვ.), არამედ მეზოლითურ კულტურაში (საწურბლიას ეხი, ჯამპალი, ეძანი და სხვ.). რიყის ქვის გახეხილი იარაღებით (ცულები, ჩაქუჩი, სას-

²⁸ ლ. ნ ე ბ ი ე რ ი ძ ე, დასახ. ნაშრომი, ტაბ. XII, 4.

²⁹ ლ. ნ ე ბ ი ე რ ი ძ ე, დასახ. ნაშრომი, XXVIII, 9.

³⁰ ლ. ნ ე ბ ი ე რ ი ძ ე, დასახ. ნაშრომი, ტაბ. XXXIX, 3-4.

³¹ ქ. კ ა ლ ა ნ დ ა ძ ე, ჩხორთოლის ნეოლითურ ნამოსახლარზე 1971-73. ჩატარებული ანგარიშის შედეგები, მასალები საქ. კავსაიის არქეოლოგიისთვის, ტ. VI, 1974, ტაბ. VII, 10-11.

³² ქ. კ ა ლ ა ნ დ ა ძ ე, დასახ. ნაშრომი, ტაბ. XII, 5; ნ. ბ ე რ ძ ე ნ ი შ ვ ი ლ ი, ქ. კ ა ლ ა ნ დ ა ძ ე, შავიზღვისპირეთის შემსწავლელი არქეოლოგიური ექსპედიციის გაღის რაზმის 1977 წ. მუშაობის შედეგები (ხელნაწერი), ტაბ. VI, 5 და ტაბ. XI.

³³ გ. გ რ ი გ ო ლ ი ა, ცენტრალური კოლხეთის ნეოლითი პალური, თბ., 1977, გვ. 108.

რესები, სათლეები, ადრეული ფორმის ხელსაფქვევებით, სალესებით, შურდულის ქვებით) იგი ახლოსაა მთისწინა ზოლში გამოვლენილ შედარებით განვითარებულ ნეოლითურ ძეგლებთან (ლუმურიში, ჩხორთელი ანასეული I და სხვ.).

ადრეული ტიპის ძეგლებს მელოთური შემდეგი ნიშნებით უახლოვდება:

1. მელოურშიც დომინირებს უხეში ანატეციის ტექნიკა, 400 ანატეცია, 204 კი ლამელა, წამყვანი იარაღებია მრგვალი საფხეკები, რომელთა რიცხვი 114 ც. ანატეცეებზეა დამზადებული. საჭრისები და მოგრძო საფხეკებიც ანატეცეებზე და ანატეცისებრ ლამელებზეა დამზადებული. ლამელებზე დამზადებულია დანები და ტრაპეციისებრი ჩასართები.

2. იარაღების მეორადი დამუშავების დროს გამოყენებულია ციკაბო დამბლაგვებელი რეტეში, რომელიც დატანილია როგორც მუცლის, ასევე ზურგის მხრიდან, გვერდების გასწვრივ თანაბრად.

3. მელოურის კოლექციაში პალურის მსგავსად წარმოდგენილია ანკისისებრშვერილიანი ანუ ლეკალას ტიპის იარაღები ამდაგვარი იარაღების გაჩენას გ. გრიგოლია მეზოლითის ხანაში ვარაუდობს და მათ ნამგლის პირების პროტოტიპად მიიჩნევს³⁴.

4. ნუკლეუსთა შორის წამყვანი ადგილი ამორფულთან ერთად ბრტყელ ნუკლეუსებს უჭირავს, რომელთა არსებობას ნეოლითურ ძეგლებზე მკვლევართა ერთი ნაწილი მის არქაულობას მიაწერს.

5. მელოურის ნამოსახლარი წარმოდგენილია კერამიკისა და გაპრიალებული რიყისქვის იარაღების ვარეშე.

პალურ-ნაგუთნის ტიპის ძეგლებთან შედარებით მელოურში დიდი რაოდენობითაა წარმოდგენილი გახეხილი იარაღები: ცულები, სატეხ-სათლეები, სალესები. სასრესები და გეომეტრიული იარაღები, ეს უკანასკნელნი დამუშავების ტექნიკითაც განსხვავდება პალურის ამავე ტიპის იარაღებ-საგანს³⁵.

ესაა ის ძირითადი ნიშნუები მელოურის ნეოლითური ხანის ნამოსახლარისა, რომელთა გათვალისწინებით იგი წინასწარულად ადრე ნეოლითიდან შუაზე გარდამავალ ძეგლად შეიძლება ჩაითვალოს. მელოური ასევე შუალედური რგოლია გეოგრაფიული თვალსაზრისითაც, რომელიც მთისწინა ზოლში მდებარეობს.

წყალტუბო-ქუთაისის მხარეში აღმოჩენილი ქვის ხანის ნამოსახლარების ტოპოგრაფიული განლაგების მიხედვით თითქოს და შეინიშნება მათი თანმიმდევრული ჩამონაცვლება მთიდან ბარისაკენ ეპოქის საფეხურების მიხედვით. ასე მაგალითად, მელოურის მთებიდან უნდა მიმდინარეობდეს ჩვენ მიერ აღმოჩენილი აშელური მასალა (ტაბ. I, 1.), მთისძირა ზოლში დადასტურდა მუსტიერული იარაღები (ტაბ. II, 1—10), ასევეა ციმთას ტერასებზეც³⁶. ზედაპალეოლითური, მეზოლითური და ადრენეოლითური ნამოსახლარი მიკვლეულია მელოურზე დაბლა, საწურბლიას მღვიმურ კომპლექსებში³⁷ და თვით მელოურში, გვიანნეოლითური სადგომი ცნობილია უკვე ბარში თეთრა მიწაზე³⁸.

³⁴ გ. გრიგოლია, დასახ. ნაშრომი, გვ. 107.

³⁵ გ. გრიგოლია, დასახ. ნაშრომი, გვ. 63—64, ტაბ. XI, 2—15.

³⁶ ალ. კალანდაძე, კ. კალანდაძე, წყალტუბოს ექსპედიციის 1975 წ. საველე მუშაობის ანგარიში (ხელნაწერი).

³⁷ ალ. კალანდაძე, კ. კალანდაძე, დასახ. ნაშრომი.

³⁸ ნ. კილაძე, ახალი ქვისხანის ძეგლები თეთრამიწიდან, მასალები საქართველოსა და კავკასიის ისტორიიდან, ნაკვ. 29, თბ., 1951.

ენეოლითური და მომდევნო ხანის კულტურები ასევე ბარში, თეთრ მღვიმეში (სოფ. ხომული) და მის მეზობელ ტერიტორიაზეა მიკვლეული³⁹. ამ შემთხვევაში ნამოსახლარების მთიდან ბარისაკენ ჩამონაცვლების კანონზომიერება ორ შემთხვევაშია დარღვეული; ერთი, როცა ზედაპალეოლითელი მელოურის მთებიდან 10-15 კმ. დაბლა (პირდაპირი ხაზით) თეთრ მღვიმეში ცხოვრობს, ხოლო მეორე შემთხვევაა, როცა ზედაპალეოლითელი და მეზოლითელი 3-4 კმ-ით დაბლა ჩამოსულა საწურბლიას მღვიმეში თავშესაფარად, ხოლო ადრე ნეოლითში ისევ აბრუნებულია მელოურში საცხოვრებლად. თავდაპირველად რიონის ხეობაში სულ ადრენეოლითური კულტურა მის სათავისაკენ (1700-1800 მ სიმაღლეზე გამოჩნდა ადგილ ბულანარსა⁴⁰ და ნაკურალბში⁴¹. შემდეგ, როგორც ჩანს ჩამონაცვლა მელოურში და ბოლოს ქუთაისში (თეთრამიწა). მოძრაობის ეს კვალი განსაკუთრებით ეტყობა საწურბლია-მელოურის ნამოსახლარებზე შესწავლილ იარაღებს, როგორც ტიპოლოგიურად ასევე, დამუშავების ტექნიკის მხრივ, განსაკუთრებით კი ორივე პუნქტის მომრგვალო საფეხკეები ჰვავს ერთმანეთს.

კანონზომიერებიდან გადახრის ეს ორი შემთხვევაც იმდროინდელი კლიმატური პირობების მკვეთრი შეცვლით უნდა ყოფილიყო ნაკარნახები. ჩვენში საყოველთაოდ ცნობილია, რომ ზედაპალეოლითური და მეზოლითური ძეგლების უდიდესი ნაწილი მღვიმურ წარმონაქმნებშია დადასტურებული, რასაც მკვლევარები ცივი კლიმატის არსებობით ხსნიან. მოცემულ მაგალითზეც ბუნებრივია მელოურელმა ადამიანმა ხსენებულ ეპოქებში იძულებით ჩამონაცვლა დაბლა. კერძოდ იქ, სადაც დახურული თავშესაფარები იყო, ხოლო ადრე ნეოლითისათვის კვლავ დაუბრუნდა მაღლა მდებარე რია სადგომს. გვიან ნეოლითში კი მისი ჩამოსვლა ბარში გამოწვეულია არა იძულებით, არამედ განპირობებულია ცხოვრების კარნახით, მეურნეობის ევოლუციური განვითარებით.

ბარის თანდათანობით ათვისების სურათი, ასევე კარგად იკითხება აფხაზეთის ტერიტორიაზე განლაგებულ ქვის ხანის ნამოსახლარებზე. მდ. ოქუშის ხეობაში ამ მხრივ შემდეგი სურათი გვაქვს: ქვედაპალეოლითური ნაშთები გვხვდება მაღალმთიან ზონაში— ოჭაქეში— 1800 მ. ზღვის დონიდან, ოსრეში— 700 მ⁴². სოფ. ლუმურიშში— 350 მეტრზე, შუანეოლითური ხანის ადრეული საფეხურის ადამიანები ბინადრობენ⁴³. შედარებით განვითარებულ ნეოლითური კულტურის მატარებელი საზოგადოება ჩანს ცოტა უფრო ქვევით, ჩხორთოლში⁴⁴, 300 მ სიმაღლეზე, ხოლო კიდევ უფრო დაბლა, პირველ გალში 200-250 მ. სიმაღლეზე შედარებით განვითარებული ნეოლითის ხანის მძლავრი ნამოსახლარია, ბარის ნეოლითური კულტურისათვის დამახასიათებელი ყველა ნიშნებით.

³⁹ ალ. კ ა ლ ა ნ დ ა ძ ე, კ. კ ა ლ ა ნ დ ა ძ ე, თეთრი მღვიმე, «მეგლის მეგობარი», 39, «საბჭოთა საქართველო», 1975, გვ. 67—72.

⁴⁰ ზ. ქ ი ქ ო ძ ე, თ. მ ე შ ვ ე ლ ი ა ნ ი, ყვირილას ხეობის არქეოლოგიური ექსპედიციის 1975—76 წწ. დახვერვების შედეგები (ხელთნაწერი).

⁴¹ ლეჩხუმის სადაზვერვო არქეოლოგიური ექსპედიციის 1976 წ. ანგარიში.

⁴² ნ. ბ ე რ ძ ე ნ ი შ ვ ი ლ ი, ქვის ხანის ახალი ძეგლები ზღვისპირეთში, არქეოლოგიური კვლევა-ძიება საქართველოში 1969 წელს, თბ., 1971, გვ. 3—5.

⁴³ ნ. ბ ე რ ძ ე ნ ი შ ვ ი ლ ი, დასახ. ნაშრომი, გვ. 3.

⁴⁴ კ. კ ა ლ ა ნ დ ა ძ ე, ჩხორთოლის ნეოლითურ ნამოსახლარზე 1971—73. წ. ჩატარებული ანგარიშების შედეგები, მასალები საქართველოსა და კავკასიის არქეოლოგიისათვის, თბ., 1974, გვ. 176.

საკუთრივ ნეოლითური ეპოქის სხვადასხვა ასაკის ნამოსახლარების მიიდან ბარისაკენ მონაცვლეობა ჩანს სვანეთ-სამეგრელოს იმ ტერიტორიაზე (მდ. ენგურის ხეობა), სადაც მანძილი მთასა და ბარს შორის უფრო დიდია ვიდრე ზემოთ განხილულ რეგიონებში. აქ ადრენეოლითელი ადამიანების ნამოსახლარები მთაშია დადგენილი მაგ., ლებიჭვი⁴⁵ (მესტიის რაიონი), იმავე ადრენეოლითურ ხანაში, მაგრამ ცოტა უფრო მოგვიანებით ამ კულტურის მატარებლები მდ. ენგურის შუა დინებაში სახლობენ, კერძოდ პალურში⁴⁶. განვითარებულ ნეოლითში კი ისინი მთლიანად ბარშია განსახლებული, სახელდობრ ურთასა და ოდიშში⁴⁷ (ზუგდიდის რაიონი), და ბოლოს ღვისპირას, კისტრიკში⁴⁸ (გუდაუთის რაიონი).

აჭარის ტერიტორიაზე ამ მხრივ შემდეგი სურათი გვაქვს: მთაში ადრენეოლითი ჩანს ბეშუმში, ხიხაძირში და უფრო ქვევით — დანისპირულში, შემდეგ მოდის ჩაის უბანი, სახალაშო, ქობულეთი, ხუცუბანი და მახვილაური⁴⁹. თუ თვალს გვაადევნებთ მთიდან ბარიშაკენ მოძრაე ნეოლითურ კულტურის განვითარებას, აშკარად შევნიშნავთ ევოლუციურად აღმავალ გზას, მიმავალს მთის პრიმიტიული მეურნე-მესაქონლე ტომებიდან, ბარის მძლავრ მიწათმოქმედ საზოგადოებისაკენ. ამ გზის კვალდაკვალ ჩანს საწარმოო ძალთა თანდათანობითი განვითარება, სამუშაო იარაღების გაუმჯობესება, მათი დამუშავების ტექნიკის სრულყოფა, იარაღების დიფერენცირება, ფუნქციონალური დანიშნულებისამებრ. საბრძოლო-სამონადირეო იარაღები ადვილს უთმობს სამიწათმოქმედოს. მთისწინა ზოლში მატულობს გახეხილ რიყის ქვის იარაღთა რიცხვი (ერთეული ცალები გვხვდება გაპრიალებულიც) განსაკუთრებით ჭარბობს მიწათმოქმედებისათვის საჭირო იარაღები, ხელსაფქვავეები, მიწის საჩიჩქნები, (პიკისებური), სატეხ-სათლელები, სასრესები, ცულები, ნამგლისპირები, ჩასართები და ა. შ.) ლუმურიში, ანასეული I, ხორში, ჩხორთლი და სხვ.).

ბარის ნეოლითურ ძეგლებში (პირველი ვალი, ანასეული II, გურიანთა, ოდიში, კისტრიკი და სხვ.) აღნიშნული იარაღები უფრო სრულყოფილი და მრავალრიცხოვანია, ამასთან მატულობს გაპრიალებული რიყის ქვის იარაღები, ჩნდება კერამიკა.

ბარის ათვისების ტემპი დამოკიდებული ჩანს ტექნიკის თანდათან სრულყოფაზე, მეურნეობის მართვის ჩვევების დაუფლებაზე და კლიმატური პირობების გაუმჯობესებაზე (ბუნების მიერ გამოთავისუფლებული — გამოშშრალი, ტერასების ათვისების შესაძლებლობაზე).

მთელ ამ პროცესს წითელ ზოლად გასდევს ადამიანის მიზანსწრაფული ლტოლვა ბარისაკენ მეურნეობის ახალი ფორმის-მიწათმოქმედობის გაფართოების მიზნით, ისე, რომ იმავე დროს არაა დავიწყებული მეურნეობის მეორე ძირითადი სახე მესაქონლეობა და სხვა დამხმარე ფორმები მეთევზეობა-მონადირეობა.

არის ერთეული ფაქტებიც, რომლებიც ადასტურებენ, რომ ნეოლითის ადრეულ საფეხურზე ადამიანის ბარისაკენ სწრაფვა მარტო მიწათმოქმედების


⁴⁵ გ. გ რ ი გ ო ლ ი ა, ცენტრალური კოხეთის ნეოლითი პალური, თბ., 1977, გვ. 88—110

⁴⁶ გ. გ რ ი გ ო ლ ი ა, დასახ: ნაშრომი, გვ. 30—35.


⁴⁷ ალ. კ ა ლ ა ნ დ ა ძ ე, მეზოლითურ და ნეოლითურ კულტურათა ნაშთებისაქართველო. ში, „ენიშის“ მოამბე, 4, 3, თბ., 1939, გვ. 363—371.

⁴⁸ А. Л. Л у к и н, Неолитическое селище кистрик близ Гудаут, СА, XII, гв. 247—286.



⁴⁹ ს. გ ო გ ი ტ ი ძ ე, დასახ. ნაშრომი, გვ. 122—123.



1



2




3




4



5



6




7




8


Շժ. I.



ՇՊ. II.



ՇՊ. III.



ՇժԸ. IV.



Շժ. V.

განვითარებით კი არაა გამოწვეული, არამედ მეურნეობის სხვა დარგითაც, კერძოდ, მეთევზეობით. გ. გრიგოლიას დადგენილი ფაქტებით⁵⁰, პალურის მაგალითიდან ჩანს, რომ „მთის კულტურის“ მატარებელი ნეოლითიელი ადამიანი ჩამოღის დაბლა 350 მ სიმაღლეზე, ამ შემთხვევაში პალურში, სადაც მდ. ენგურის მეჩხერ წყალში იმდენად საუკეთესო პირობებია, შემოდგომით, ორგულზე ნადირობისათვის, რომ მეურნეობის ეს სახე ადამიანისათვის დღემდე ხელმისაწვდომი დარჩა.

განსხვავება ადრე და გვიანნეოლითურ ხანაში მომხდარ ჩამოსახლებულებს შორის ის არის. რომ პირველ შემთხვევაში იგი დროებითია. თევზჭერის სეზონის დამთავრების შემდეგ, ადრანეოლითელი ადამიანი იძულებულია მთას დაუბრუნდეს. როგორც ჩანს, იმდროინდელი კლიმატური პირობები და წარმოების პრიმიტიული საშუალებანი არ აძლევს მას იმის გარანტიას, რომ მუდმივად დასახლდეს დაბლა, სადაც მეტი სინესტეა და წარმართოს მეურნეობა. მთაში კი საამისო პირობები მაშინ უნდა ყოფილიყო. ცნობილია, რომ ხორბლის გარეული ჯიშები და სხვა ნაყოფის მომცემი ველური მცენარეულობა, როლებიც თანამედროვე კულტურების წინაპარია, კავკასიაში ძირითადად მთიან ზოლში ხარობს — 700—1800 მეტრზე. სვანეთის მხარეში კი ისინი უფრო მაღლაც გვხვდება მაგ., ბალი 1980 მ-ზე, ვაშლი — 2130 მ-ზე, ხოლო მსხალი 2500 მეტრზეც აღის⁵¹. ამგვარი ტყე ცხადია ცხოველებითაც იყო მდიდარი. აქედან გამომდინარე, იმდროინდელი მთის ეკოლოგიური პირობები უფრო ხელსაყრელი უნდა ყოფილიყო ადრენეოლითური კულტურის ჩასახვა-განვითარებისათვის, ვიდრე ბარის.

გვიანნეოლითელს კი უკეთესი პირობა აქვს მუდმივად დასახლდეს ბარში და წარმატებით განავითაროს მეურნეობის ძირითადი დარგები: მიწათმოქმედება და მესაქონლეობა. როგორც ჩანს, ამის საშუალებას უკვე იძლეოდა, როგორც იმდროინდელი ბარის ეკოლოგიური პირობები, ისე შედარებით უფრო სრულყოფილი შრომის იარაღები. თუ ადრე იგი მთაში სახლდებოდა მუდმივად (ლებიქვი, პიჩიჯინი, სოსრუკო, ნაგუთნი, ბურღნარი, ნაკურალეში, ბეშუმი, პალური, მელოური და სხვა) და ბარში სეზონურად ჩამოდებოდა, მეურნეობის დამხმარე დარგის საწარმოებლად, გვიან კი პირიქით ხდებდა, ადამიანი ბარში მუდმივად დაამკვიდრებულ (ანასეული II, ოდიში, ჩხობთოლი, პირველი ველი, კისტრიკი და სხვა), ხოლო მთაში სეზონურად ბრუნდება სანადიროდ, მომდევნო ეპოქებში (ენეოლით — ადრებრინჯაო) კი საქონლის საიპლადლოდ.

ამგვარად, სავსებით ვეთანხმებით გ. გრიგოლიას, რომ კავკასიაში ნეოლითურ ხანაში დასტურდება ორი კულტურა: „მთის ნეოლითი“ და „ბარის ნეოლითი“. მაგრამ ჩვენი აზრით, ისინი ერთდროულად კი არ ვითარდებიან, მსგავსად ტაჯიკისტანის ჭეითუნის (ბარის) და ჰისარის (მთის) კულტურებისა, რომლებსაც, მკვლევრები თანადროულად არსებულ კულტურებად თვლიან⁵², არა-

⁵⁰ გ. გრიგოლია, დასახ. ნაშრომი, გვ. 102.

⁵¹ Н. И. Вавилов, Кавказский очаг формообразования плодовых деревьев и кустарников, избранные труды, т. II, издательство Академии наук СССР, М., -Л., 1960, გვ. 344.

⁵² А. П. Окладников, Исследования памятников каменного века Таджикистана, МИА, 66, 1958, გვ. 14—20; Г. Ф. Коробкова, Орудия труда и хозяйство неолитических племен средней Азии, МИА, 1958, А, 1959, გვ. 6—16; В. Раиов, Г. Коробкова, Турквал-многослойное поселение Гисарской культуры в южном Таджикистане, СА, 2, 1971, გვ. 145—147.

მედ პირიქით, საქართველოში ისინი თანმიმდევრულად ვითარდებიან. ჯერ არსებობს „მთის ნეოლითი“, ხოლო შემდეგ მისგან განვითარდა „ბარის ნეოლითი“. ისინი ერთი კულტურის ორი საფეხური უნდა იყოს — ადრეული და გვიანი.

მელოურის ნეოლითურ ნამოსახლარზე მოპოვებული მასალები გვევარაუდებინებს, რომ ნეოლითის კანონზომიერი განვითარების შემდეგ უნდა ჩამოყალიბებულიყო ბარის ნეოლითი. მათ შორის არსებობს გენეტიკური კავშირი. სადღეისოდ მათი დამაკავშირებელი ჯერჯერობით მხოლოდ მელოურია. მას ფეხვები აქვს, როგორც მეზოლითური (ჭახათი, ჯემპალი, ეძანი, საწურბლია) და ადრენეოლითური (პალური, ლებიქვი, სოსრუკო, პიჩიჯინი, ნაგუთნი, ჯოჯოეთი, ხუცუბანი, ანასეული I და სხვ.) ხანის ძეგლებთან — მრგვალი საფეხეებისა და „მრუდე“ იარაღების ერთგვაროვნებით, ისე შუანეოლითური ხანის ძეგლებთან (ღუმურიში, ჩხორთოლი, ხორში და სხვ.) ვახეხილი რიყისქვის იარაღების, ადრეულ ხანისათვის დამახასიათებელი ბრტყელი ხელსაფეხეებისა და სხვათა მსგავსებით.

მელოურის ნამოსახლარის კვლევა გრძელდება. მისი საფუძვლიანი შესწავლა აქ დასმულ საკითხებს მეტი სიზუსტით გააშუქებს.

K. C. КАЛАНДАДЗЕ

ПОСЕЛЕНИЕ КАМЕННОЙ ЭПОХИ ИЗ МЕЛОУРИ

Резюме

В поселении Мелоури, находящиеся к северу от Цхалтубо, в горах, на высоте 350 м над уровнем моря, были найдены материалы следующих периодов каменной эпохи:

1. Ашельского периода — нуклеусы и нуклеусовидные обломки (табл. I, 1).

2. Мустнерского периода — орудие типа остроконечника (табл. II, 1—4), скребло (табл. II, 5), нож-скребло (табл. II, 6) и множество отщеп и обломков, как с ретушью, так и без нее (табл. II, 7—10).

3. Неолитические материалы представлены следующими типами: кремневые скребки разных типов — 114 единиц (табл. IV, 1—41); проколки—4 шт. (табл. III 6—8); резцы—13 (табл. III, 4—5; табл. IV, 66—67); вкладыши — 24 (табл. III, 16—30, 64—68); пластинки разных типов — 204 (табл. III, 31—58), нуклеусы — 100 (табл. II, 11—30); орудие из булыжника — топоры (табл. I, 3—7); молотки (табл. V, 1), стамески (табл. I, 8 и табл. V, 12); терки (табл. V, 9—10); зернотерки (табл. V, 11, 13) и другие.

Данные материалы из Мелоури принадлежат поздним этапам ранне-неолитической культуры.

წარმოადგინა საქართველოს სსრ მეცნიერებათა აკადემიის
 ივ. ჯავახიშვილის სახ. ისტორიის არქეოლოგიის და ეთნოგრაფიის
 ინსტიტუტის ქვის ხანის განყოფილებამ

ხ ნ ო ბ ე ბ ი ღ ა უ ე ნ ი უ ვ ნ ე ბ ი

მარადი ხმეჭრინანი

გარე სამოვარზე გაცვლა და მისი როლი საქართველოს გლეხთა სოციალურ-ეკონომიკურ ცხოვრებაში (1864-1905 წწ.)

გარე სამოვარზე გაცვლა, რომელიც ესოდენ მასობრივი ვახდა ბატონ-ყმობის გადავარდნის მომდევნო ხანის საქართველოში, სასაქონლო-ფულადი ურთიერთობის და კაპიტალიზმის განვითარების გამოხატულება და შედეგი იყო. გლეხობის კლასობრივი დიფერენციაციის პროცესის ვალდებულების პარალელურად სამოვარზე გაცვლის მასშტაბი იზრდებოდა. სამოვარზე მოსიარულე გლეხობის დიდი ნაწილი თანდათან ავსებდა სასოფლო-სამეურნეო და სამრეწველო პროლეტარიატის რიგებს, სხვები კი ქმნიდნენ კაპიტალიზმის სარეზერვო არმიას, რაც ამ ახალი ფორმაციის შემდგომი განვითარების აუცილებელ პირობას წარმოადგენდა.

ეს დიდი მნიშვნელობის მოვლენა ჯერ კიდევ არაა სათანადო სიღრმისისრულით შესწავლილი. პ. გუგუშვილის¹, ი. ანთელავას², ალ. ბენდიანიშვილის³, ვ. გოგიჩაიშვილის⁴, ი. კაჭარავას, ა. ჩარკვიანის⁵, ბ. ნიქარაძის⁶, მ. ახოზაძის⁷ და სხვათა ნაშრომებში, მართალია, სხვა საკითხებთან ერთად სამოვარზე გაცვლის მასშტაბსა და მნიშვნელობაზეც არის ლაპარაკი, მაგრამ საკითხი სპეციალური კვლევის საგნად აქამდე არავის გაუხდია. ჩვენი მიზანია ქართული საბჭოთარი ისტორიული მეცნიერების ამ ხარვეზის რამდენადმე შევსება.

გლენტა გარე სამუშაოზე გაცვლის ძირითადი მიზეზი იყო მცირემიწიანობა, სოფლის მეურნეობიდან მიღებული უმნიშვნელო შემოსავალი, მაღალი სადგილმამულო და სახელმწიფო გადასახადები, საერთოდ უშუალო მწარმოებელი სოფლის მოსახლეობის დიდი ნაწილის სიღატაკე და გაჭირვება.

¹ პ. გუგუშვილი, აგრარული ურთიერთობანი ამიერკავკასიაში XIX—XX სს. მიჯნაზე, თბ., 1955.

² ი. ანთელავა, საქართველოს ისტორიის ნარკვევები, ტ. V, თბ., 1970. Государст, венные крестьяне в Грузии в XIX веке, т-т-1—II, 1962—1969 гг.

³ ალ. ბენდიანიშვილი, აგრარული ურთიერთობანი საქართველოში 1890—1917 წწ. თბ., 1965.

⁴ ვ. გოგიჩაიშვილი, რჩეული ნაწერები, ტ. I, თბ., 1974; Малоземельные средикрестьян закавказье.

⁵ ი. კაჭარავა, სოციალ-პოლიტიკური ცხოვრების განსაკუთრებული პირობები და გლეხთარეკლუციური მოძრაობის თავისებურებანი საქართველოში 1905—1907 წწ., თბ., 1959.

⁶ ა. ჩარკვიანი, სვანეთი, თბ., 1967.

⁷ ბ. ნიქარაძე, ისტორიულ-ეთნოგრაფიული წერტილები, ტ. II, თბ., 1964.

⁸ მ. ახოზაძე, გლენტა მოძრაობა საქართველოში XIX საუკუნის 60—90-იან წლებში, თბ., 1970.

ეს ფაქტორები ბატონყმობის დროსაც უბიძგებდა გლეხს, სოფელს. მე-ბატონეს, საკუთარ კარმიდამოს გასცლოდა, სხვაგან ეძებნა არსებობის საშუალებანი, ცხოვრების უკეთესი პირობები, მაგრამ იმ დროს პირად თავისუფლებას მოკლებული ყმა-გლეხის ინიციატივა შეზღუდული იყო. იგი მე-ბატონის ნებართვის გარეშე ქალაქს სამუშაოდ ვერ წავიდოდა, შემოსავლის ახალ წყაროს ვერ გაიჩენდა. თბილისში დაქირავებული მუშების კონტიგენტს ძირითადად მეზატონეთაგან გაქცეული ყმაგლეხები ქმნიდნენ.

საგლეხო რეფორმამ ყმას პირადი თავისუფლება მიანიჭა, თავისუფალი მეწარმეობის, საკუთარი სამუშაო ძალის „თავისუფლად“ გაყიდვის საშუალება მისცა. და ძირითადად ამაში მდგომარეობდა აგრარული რეფორმის პროგრესული მნიშვნელობა. მაგრამ სავალალო ის იყო, რომ იმავე რეფორმამ გლეხობის მნიშვნელოვანი ნაწილი წარმოების ძირითადი საშუალების—მიწისგანაც გაათავისუფლა. საგლეხო რეფორმა იყო „გლეხობის ყოვლად უსინდისო გაძარცვა“ (ვ. ი. ლენინი). ეყრდნობოდნენ რა მეფის მთავრობის მოხელეთა მიერ შედგენილ ადგილობრივ დებულებებს, ქართველმა მემამულეებმა ქართველ გლეხებს წაართვეს ბატონყმობის დროს მათ სარგებლობაში არსებული მიწების მესამედი ნაწილი. უნადელოდ, სრულიად უმიწაწყლოდ დარჩა 7 ათასამდე კომლი გლეხი.

ბურჟუაზიული რეფორმების შემდეგ, სასაქონლო-ფულადი და კაპიტალისტური ურთიერთობის განვითარებას პირობებში გაძლიერდა გლეხობის კლასობრივი დიფერენციაციის პროცესი. გლეხობის უმრავლესობის ხარჯზე მცირერიცხოვანი ზედაფენა გამდიდრდა. კულაკები 50—100, 500—1000 დესეტინა მიწას ფლობდნენ. დაქირავებული შრომის გამოყენებით დიდი მასშტაბის მეურნეობას უძღვებოდნენ. საშუალო გლეხებმა კომლზე 3—5 დეს. მიწა შეინარჩუნეს. სოფლის უშუალო მწარმოებელი მასის ნახევარზე მეტი კი ნახევრად პროლეტარისა და პროლეტარის მდგომარეობაში აღმოჩნდა.

XX ს-ის დამდეგს დასავლეთ საქართველოში 22 600 „მესაკუთრე“ გლეხი კომლზე 0,1—1 დესეტინამდე მიწას ფლობდა⁹. უმიწო და მცირემიწიანი გლეხები საკმაოდ ბევრი იყვნენ აღმოსავლეთ საქართველოშიც, ასეთი გლეხები ან კაბალურ მოიჯარეებად უნდა გადაქცეულიყვნენ, ანდა საკუთარი სამუშაო ძალის გაყიდვით მოეპოვებინათ არსებობის საშუალებანი.

ლარიბი გლეხისათვის საშოვარზე შორს წასვლა თვითმიზანს როდი წარმოადგენდა. იგი უპირველეს ყოვლისა ცდილობდა თავის სოფელშივე ეპოვა სამუშაო, ხელს ჰკიდებდა სხვადასხვა სახის დამხმარე სარეწებს, ეწეოდა ხელოსნობას, ქირაზე მუშაობდა ადგილობრივი მემამულისა და კულაკის მეურნეობაში. მაგრამ საქართველოს უმეტეს რაიონებსა და სოფლებში ადგილობრივი სამუშაო ძალის ბაზარი მეტად ვიწრო იყო. ეს კი ვალატაკებულ გლეხებს აიძულებდა, დედინაცვლად გადაქცეული საკუთარი სოფელი მიეტოვებინათ და სამუშაოდ საქართველოს, კავკასიის და რუსეთის სავაჭრო-სამრეწველო ცენტრებში წასულიყვნენ. ისინი უმთავრესად ამ გზით შოულობდნენ ფულს, იძენდნენ ოჯახისათვის საჭირო პირველი მოთხოვნილების საგნებს, ისტუმრებდნენ სხვადასხვა სახის გადასახადებს.

რეფორმის შემდეგდროინდელი 40 წელი ვ. ი. ლენინის განცხადებით, —

⁹ ა. ბენდიანიშვილი, საქართველოს სოფელი 1864—1917 წლებში, სადოქტორო დისერტაცია, გვ. 377.

„ეს არის განგლეხების მთლიანი პროცესი. გლეხის ცხოვრება დაქვეითდა მათხოვრულ დონემდე. ის პირუტყვთან ერთად ცხოვრობდა, ძონძები ეცვა, ბალახ-ბულახით იკვებებოდა. გლეხი გარბოდა თავის ნადელიდან, რა წამსაც დაინახავდა გასაქცევ ადგილს“¹⁰.

სოფლიდან გასაქცევი და სამუშაო ძალის გასაყოფი ადგილების —სავაჭრო-სამარეწველო ცენტრების რაოდენობა, კაპიტალიზმის აღმავალი განვითარების პარალელურად, თანდათან მრავლდებოდა და ამის შესაბამისად თანდათან იზრდებოდა გარე სამოვარზე გასვლის მასშტაბი.

გარე სამუშაოებზე, მეტ-ნაკლები რაოდენობით. საქართველოს ყველა კუთხის გლეხობა გადიოდა, მაგრამ ამ მოვლენამ განსაკუთრებით მასობრივი ხასიათი მიიღო დასავლეთ საქართველოში. სამოვარზე გასვლას დიდი მნიშვნელობა ჰქონდა თანმიმდევრობით რაჭის, ლეჩხუმის, სვანეთის, იმერეთის, გურჯისტანის და სამეგრელოს გლეხთა ეკონომიკურ ყოფაში¹¹.

გლეხთა სამოვარზე გასვლის მასშტაბით პერველ ადგილზე იყო რაჭა¹². 1873 წელს რაჭის მაზრის უფროსი ქუთაისის გუბერნატორს წერდა: „თქვენთვის ცნობილია, რომ ჩემდამი რწმუნებული მაზრის მცხოვრებლები, მათი განმტკიცებული ჩვეულების გამო. სამემოდგომო სამუშაოთა დამთავრების შემდეგ მიდიან ამიერკავკასიის სხვადასხვა ადგილებსა და ქალაქებში სამუშაოდ. რაჭველებმა უმეტესწილად უკვე (1873 წლის 17 ნოემბრისათვის. — მ. ხ.) დატოვეს თავის კუთხე და შეუძლებელი გახდა სოფლებში თანამდებობის პირთა არჩევნების ჩატარება. ეს ღონისძიება შეიძლება განხორციელდეს მხოლოდ მოსავალი წლის გაზაფხულზე, როცა მცხოვრებლები დაბრუნდებიან თავიანთ სოფლებში“¹³.

XIX ს-ის 70-იან წლებში სამოვარზე გასვლა, თუ რაჭველებში განმტკიცებულ „ჩვეულებას“ წარმოადგენდა, მით უფრო ითქმის ეს მომდევნო ხანის შესახებ, როცა გლეხთა სოციალური ღიფერენციაციის პროცესის გარმავებასა და მოსახლეობის რიცხვის ზრდასთან ერთად, სამოვარზე გასვლა გაღატაკებული უშუალო მწარმოებელი მასისათვის სულ უფრო აუცილებელი ხდება და გარეშე შემოსავალი მისი არსებობის მთავარ წყაროდ იქცევა. 1884 წელს ი. ბახტაძე წერდა: „როგორც ქვემო, ისე ზემო რაჭველები ერთნაირად ცდილობენ შეიგსონ თავიანთი სამეურნეო დეფიციტი გარე სამუშაოებზე გასვლით. განსხვავება მათ შორის ისაა, რომ მაშინ, როცა პირველთათვის გარეშე გამოიმუშავება მეურნეობის მნიშვნელოვანი დამხმარე საშუალებაა, მეორენი მასში ხედავენ არსებობის მთავარ და თითქმის ერთადერთ წყაროს., ... ამიტომ გარეთ გასულთა ზუსტად განსაზღვრული რიცხვი იქნება თითქმის იგივე, თუ მივუთითებთ შრომისუნარიან მამაკაცთა რიცხვზე. გამონაკლისს, მეტად უმნიშვნელოს, შეადგენს ის ბედნიერი, რომელნიც ცხოვრობენ თავიანთი კაპიტალის სარგებლით“თითქმის ყველა სოფელში, კითხვაზე ვინ და სად მიდის, გლეხები ლაკონურად პასუხობენ: „ყველა და სადაც მოხვდება“¹⁴.

მიმოსვლის საშუალებათა გაუმჯობესება-განვითარებასთან ერთად სამო-

¹⁰ ვ. ი. ლენინი, თხზულებანი, ტ. IV, გვ. 520.
¹¹ Обзор Кутаисской губернии за 1889, გვ. 43.
¹² აღ. ბენდიანიშვილი, რაჭის სოფელი XIX—XX სს. მიჯნაზე, საკანდიდატო დისერტაცია, გვ. 121—138.
¹³ სცისა, ფ. 19, საქ. 88, ფურც. 1.
¹⁴ И. Бахтадзе, Экономический быт государственных крестьян Рачинского уезда, 1885, გვ. 72.

ვარზე გასულთა მოქმედების ასპარეზი ფართოვდება. XIX—XX სს. მიჯნაზე რაჭველებმა შეაღწიეს რუსეთის იმპერიის თითქმის ყველა მხარეში. „ივერიის“ კორესპონდენტი იუწყებოდა: „იშვიათად ნახავთ რუსეთსა, ციმბირისა და კასპიის ზღვის იქითა მხარეში ცოტაოდნათ მოზრდილ ქალაქს, რომ რამდენიმე რაჭველს ფეხი არ მოედვას და ცხოვრების სახსარი არ მოეუოვოს., ... ცხანდია, დროთა გარემოებამ რაჭველს ალღო ააღებინა, მისცა იმის უნარი, რომ სხვა გამოსარჩენ ადგილებში წავიდეს და რამე იშოვოს. ამ მხრივ საქართველოს ვერც ერთი მაზრის მცხოვრებნი ვერ შეედრებიან რაჭველებს“¹⁵.

რაჭიდან საშოვარზე გასვლა მასშტაბის ზრდის ტენდენციად ნათელ წარმოდგენას იძლევა სტატისტიკური მასალა. ამ კუთხიდან გარე სამუშაოზე წასულა: 1862 წელს — 1253 კაცი, 1867 წ. — 3896, 1892 წ. — 6635, 1897—10994, 1910 წ. — 14151 კაცი. თუ გავითვალისწინებთ რაჭის მოსახლეობის საერთო რაოდენობას, მის სქესობრივ და ასაკობრივ შემადგენლობას და შევადარებთ ზემოთ მოტანილ ციფრებს, მივალთ იმ დასკვნამდე, რომ XIX—XX სს. მიჯნაზე რაჭიდან გარე სამუშაოებზე გადიოდა შრომისუნარიანი მამაკაცი მოსახლეობა 80—90%.

დიდი მნიშვნელობა ჰქონდა გარე სამუშაოზე გასვლას ლეჩხუმის მაზრის მშრომელი მოსახლეობის ცხოვრება-საქმიანობაში. რაჭის მსგავსად ლეჩხუმსა და სვანეთშიც ადგილობრივი სამუშაო ძალის ბაზარი ვიწრო იყო. აქაური მემამულეებისა და კულაკების მეურნეობებში უმიწაწყლო, გაღატაკებულ გლეხთა მცირე ნაწილი იყო დასაქმებული. აბსოლუტური უმრავლესობა თავის კუთხის გარეთ გადიოდა, შრომა-საქმიანობას ეწეოდა საქართველოს ქალაქებში, ჩრდ. კავკასიაში და რუსეთის იმპერიის სხვა მხარეებში. ზოგი გლეხი წლობით ტოვებდა თავის სოფელსა და ოჯახს, უმრავლესობა გარე სამუშაოებზე სეზონურად გადიოდა — საშემოდგომო სამუშაოების დამთავრების შემდეგ საგაზაფხულო სამუშაოების დაწყებამდე. მაზრიდან საშოვარზე გადიოდა შრომისუნარიანი მამაკაცი მოსახლეობის 50—60%¹⁶.

ლეჩხუმის მაზრაში შედიოდა სვანეთი, რომელიც გამოირჩეოდა გლეხთა საშოვარზე გასვლის დიდი მასშტაბით. ზამთრის პირზე სვანები ასობით და ათასობით ტოვებდნენ მთებს, ჩადიოდნენ ბარის საქართველოში, მძიმე ფიზიკურ შრომას ეწეოდნენ სოფლებსა და ქალაქებში. ყველაზე უფრო ღარიბი კომლები, რომლებსაც თავიანთ მინიატურულ მეურნეობაში ოჯახის წევრ მამაკაცთა ნახევარის დასაქმებაც კი არ შეეძლოთ, ზედმეტ მუშახელს საშოვარზე გზავნიდნენ ზაფხულის თვეებშიც. ისინი ქედს გადაღმა გადადიოდნენ, დაქირავებულ მთიბავებად მუშაობდნენ ყუბანის ველებზე. ზემო სვანეთიდან საშოვარზე სეზონურად თითქმის ყველა შრომისუნარიანი მამაკაცი მიდიოდა. 1904 წელს, მაგალითად, გარე სამუშაოზე გასულა 1645 კაცი. სვანები ძირითადად მზარავებად და მთიბავებად მუშაობდნენ, ამიტომ მათი ხელფასი მცირე იყო. სვანეთის პრისტავის ცნობით, საშოვარზე გასულ ზემო სვანთა ყოველწლიური გამომუშავება არ აღემატებოდა 20 ათას მანეთს, აქაური აგრონომის გაანგარიშებით კი აღწევდა 30 ათას მანეთს. აღნიშნული თანხა ძირითადად მარცვლეულის შესყიდვაზე იხარჯებოდა¹⁷.

¹⁵ გაზ. „ივერია“, 1903 წ., № 9, გვ 2.

¹⁶ ЦГИА СССР в Ленинграде, ф. 573, оп.—25, д. 514, л. 221 (მითითებულია ა. ჩარკვიანის ნაშრომში).

¹⁷ ЦГИАЛ, ф. 1276, оп 19, д. 534, л. л. 2—4 (მითითებულია ალ. ბენდიანიშვილის ნაშრომში).

ჩვენ ხელთ არსებული მასალები ცხადყოფენ, რომ გარე სამუშაოებზე დიდი რაოდენობით გადიოდნენ იმერელი გლეხებიც. შორაპნის მაზრის სასოფლო საზოგადოებების მამასახლისებმა გლეხებზე გასცეს პასპორტი: 1862 წელს — 487, 1867 წ. — 810, 1892 წ. — 1093, 1897 წ. — 4711¹⁸. ზემო იმერეთის გლეხთა დიდი ნაწილი, რომელიც დასაქმებული იყო ჭიათურის მანგანუმის მრეწველობაში, გარე სამუშაოებზე გასულთა სტატისტიკაში შეტანილი არაა.

გარე სამუშაოზე გასვლას საკმაოდ დიდი მასშტაბი ჰქონდა მიღებული ქუთაისის მაზრაშიც. მაგრამ წყაროებში ყურადღება გამახვილებულია იმაზე, რომ აქაური გლეხები ეტანებოდნენ მეურმე-გაღამზიდაობას¹⁹, სახაზინო და კერძო პირთა (ძირითადი ვაჭარ-მრეწველთა და კულაკთა) ტვირთის გადაზიდვით პოულობდნენ ცხოვრების სახსარს. ამ სახის საქმიანობით გამოირჩეოდნენ სოფლები — კვახჭირი, იდილაური, ვაკისუბანი, მესხეთი, ქვიტირი, მათხოჯი და ხონი. იმერელი მეურმეები დიდი რაოდენობით იყვნენ დასაქმებული ჭიათურაში. ისინი მანგანუმის მადანს მალარობიდან რკინიგზის სადგურისაკენ ეზიდებოდნენ.

ეკონომიკურმა ვაჭირებამ, რაც უპირატესად უმიწობა მცირემიწიანობით და გადასახადების სიმძიმით იყო შეპირობებული, ამოძრავა გურია-სამეგრელოს გლეხობა და საკუთარი სამუშაო ძალის გაყიდვის გზაზე დააყენა. გურულ გლეხს ყველაზე მეტად ახლოს მდებარე მზარდი ქალაქი ბათუმი, მისი ფაბრიკა-ქარხნები იზიდავდა, მაგრამ ყველა მსურველის დასაქმება ამ ქალაქში შეუძლებელი იყო და გურულები დიდი რაოდენობით მიდიდნენ სხვა სავაჭრო-სამრეწველო ცენტრებშიც. ამაყი, მაგრამ ვალატკებული გურული მეკურტნეობასაც აღარ თავილობდა. ამიერკავკასიის რკინიგზის მაგისტრალზე მდებარე სადგურებში ბევრი გურული მეკურტნე მუშაობდა²⁰. კრიმ გირეის გურიაში მოგზაურობის ანგარიშებიდან ჩანს, რომ 1905 წელს ამ კუთხიდან გარე სამუშაოებზე გასული იყო შრომისუნარიანი მამაკაცი მოსახლეობის ნახევარზე მეტი. ასე მაგალითად, სოფ. ზემო ხეთის სასოფლო საზოგადოებიდან სხვაგან სამუშაოდ იყო წასული 266 კაცი, ნანეიშვილიდან — 222, ერკეთიდან — 300 და სხვ²¹.

სტატისტიკა უფრო ზუსტ ცნობებს გვაწვდის სამეგრელოს გლეხთა მოძრაობის შესახებ. 1892 წელს ამ კუთხიდან გარე სამუშაოებზე გასულა 7934 კაცი 1897 წელს კი — 10008 კაცი²².

შედარებით ნაკლები მასშტაბისა იყო გარე სამუშაოებზე გასვლა აღმოსავლეთ საქართველოში. 1897 წლის საყოველთაო აღწერის მომენტში საცხოვრებელ ადგილზე არ აღმოჩნდა, სხვა მაზრებსა და გუბერნიებში იყო წასული: თბილისის მაზრიდან — 4543 სული, ახალქალაქის — 14156, ახალციხის — 967, ბორჩალოს — 3221, გორის — 4478, დუშეთის — 3364, სიღ-

¹⁸ ი. კ ა ქ ა რ ა ვ ა, დასახ. ნაშრომი, გვ. 60.

¹⁹ სცსია, ფ. 12, ანაწ. 7, საქ. 3710, ფურც. 25.

²⁰ სცსია, ფ. 63, საქ. 6123, ფურც. 3—4; გაზ. „ქველი“, 1899 წ., № 35, გვ. 620.

²¹ А. А б р а м о в, Крестьянское революционное движение в Грузии 1902—1905 гг., Ленинград, 1940, გვ. 16.

²² Обзор Кутаийской губернии за 1898 г., გვ. 19.

ნალის — 3134, თიანეთის — 3416. თელავის მაზრიდან — 903 სული²³. უდავოა, ამოდრავებული მოსახლეობის დიდი უმრავლესობა საშოვარზე იყო გასული, სამუშაო ძალის გაქირავებით პოულობდა არსებობის საშუალებას, დამატებით შემოსავალს. მაგრამ თუ იმდროინდელი დამკვირვებლები და ავტორები ყუ-რადღებას არ ამხავილებენ გუბერნიის გლეხობის გარე სამუშაოებზე გასვლის შესახებ, ეს იმით აიხსნება, რომ აღმოსავლეთ საქართველოს მაზრათა უმეტე-ობაში ადგილობრივი სამუშაო ძალის ბაზარი საკმაოდ ფართო იყო, აქაური ლატკი გლეხები მშობლიური სოფლის ახლოს, თავისთავად მაზრასა და გუბერ-ნიაში პოულობდნენ სამუშაოს, სხვა მხარეებში ნაკლებად მიდიოდნენ.

გორის მაზრის მცირემიწიანი გლეხები ათასობით იყვნენ დასაქმებული ხე-ტყის სარეწებში. განსაკუთრებით დიდ მუყაითობას ამ დარგში იჩენდნენ ბორჯომის ხეობის მკვიდრნი, რომლებიც დიდი რაოდენობით ამზადებდნენ მორებს მიხვილ რომანოვის, ციციშვილების, ჭავჭავიშვილების, თარხნიშვილე-ბისა და სხვა მემამულეთა ტყეებში.

თავდაპირველად გლეხობის უმეტესობა დამოუკიდებელი მესარეწე იყო, იჯარით აღებულ ტყეში დამზადებული მასალა თვით გაჰქონდა ბაზარზე. XIX ს-ის 80-იანი წლებიდან ახალციხისა და გორის მაზრის ტყეებში თანდათან მომრავლდნენ პოდრიადჩიკები. ეს გაქნილი საქმოსნები წარმოების ხელმძღვა-ნელობას იჩემებდნენ, გრძელვადიან საიჯარო ხელშეკრულებათა საფუძველზე ტყის დიდ მასივებს ეპატრონებოდნენ და დამოუკიდებელ მესარეწე გლეხებს თანდათან დაქირავებულ მუშებად აქცევდნენ. 90-იან წლებში ხე-ტყის სა-რეწების კაპიტალისტური განვითარების ტენდენცია კიდევ უფრო გაძლიერ-და. გორის მაზრის უფროსი 1894 წლის ანგარიშში აღნიშნავს, რომ შედარე-ბით შეძლებული გლეხები ტყის ნაკვეთებს ყიდულობდნენ და ბაზარზე გა-მოდინ, როგორც ხე-ტყის მესაკუთრენი, ხოლო უმეტესობა ხე-ტყის ქარხნე-ბის პატრონებისაგან ავანსებს იღებს, დამზადებულ მორებსა და მტკვარზე თბილისისაკენ დატურებულ ტივებს მექარხნეთა რწმუნებულებს აბარებსო. მაზრის უფროსის 1899 წლის ანგარიშში კი ნათქვამია, რომ გლეხთა დიდი ნა-წილი ტყეს მფლობელობს, აგრეთვე მრეწველთა ხე-ტყეს ამზადებს და ატუ-რებს მტკვარზე, რისთვისაც გარკვეულ ქირას ღებულობსო²⁴. გორის მაზრის ხე-ტყის სარეწებში ჩაბმული იყო: 1882 წ. — 1450 კაცი, 1883 წ. — 7600, 1884 წ. — 7300, 1885 წ. — 7350 კაცი. ისინი ყოველწლიურად მტკვარზე სა-შუალოდ ატურებდნენ 4600 ტივს, რომლის ღირებულება იყო 700000 მა-ნეთი²⁵.

აღმოსავლეთ საქართველოს გლეხობის ერთი მცირე ნაწილის შემოსავლის წყარო იყო მეურმე — გადამზიდაობა. ახალქალაქის მაზრაში ცხენის ფურგუ-ნით, ხარის ურმით და სასაპალნე ცხენით ტვირთების გადაზიდვას ეწეოდა: 1883 წ. — 2201 კაცი, 1885 წ. — 1934, 1887 წ. — 2252 კაცი. ახალქალაქელი მეურმე-ჩალვადრები ტვირთებს ეზიდებოდნენ თბილისში, ყარსში, არტაანში ალექსანდრეპოლში, ახალციხეში და ხაშურში²⁶.

²³ Первая всеобщая перепись населения XIX в., Тифлисская губерния, 1905, გვ. 4—5.

²⁴ სცსია, ფ. 17, საქ. 3621, ფურტ. 132; იქვე, ფ. 414, საქ. 3, ფურტ. 395—396.

²⁵ სცსია, ფ. 414, საქ. 36, ფურტ. 3; ფ. 17, საქ. 3621, ფურტ. 132.

²⁶ სცსია, ფ. 414, საქ. 37, ფურტ. 9.

კახეთის რკინიგზის ხაზის გაყვანა 1915 წლამდე დაგვიანდა და ამიტომ სავაჭრო ოპერაციებთან დაკავშირებული სასოფლო-სამეურნეო და სამრეწველო საქონლის გადაზიდვის მთელი სიმძიმე მეურმეებს აწვა კისრად. ასევე იყო მთიან რაიონებში, მხოლოდ იმ განსხვავებით, რომ მთის საცალფეხო ბილიკებზე მხოლოდ სასაბაღე ცხენები მოძრაობდნენ. მეურმე ვადაზიდავთა შემოსავლის რაოდენობის შესახებ ცნობები არ გავაჩნია, მაგრამ უდავოა, რომ ამ სახის საქმიანობით გლეხობის მცირე ნაწილი იუმჯობესებდა რამდენადმე თავის ეკონომიკურ მდგომარეობას.

მოტანილი მასალა ცხადყოფს, რომ გარე სამუშაოებზე მეტ-ნაკლებად საქართველოს ყველა კუთხის გლეხობა გადიოდა. ამ მოვლენამ უფრო ფართო მასშტაბი დასავლეთ საქართველოში მიიღო. სტატისტიკური ცნობების მიხედვით, დასავლეთ საქართველოდან 1892 წელს საშოვარზე გავიდა 21258, ხოლო 1897 წელს 35 ათასი კაცი. 1897 წლის აღწერის მომენტში თბილისის გუბერნიის ძირეული მოსახლეობიდან ადგილზე არ აღმოჩნდა, ძირითადად სამუშაოდ იყო წასული 28846 კაცი.

უნდა აღინიშნოს, რომ მეფის მთავრობის ოფიციალური სტატისტიკა გარე სამუშაოებზე გასულთა შესახებ არასრულ, შემცირებულ ცნობებს იძლევა. ამ ცნობების საფუძველია სასოფლო საზოგადოებების მამასახლისთა მიერ გაცემული განცხადების მოწმობების — პასპორტების რაოდენობა, რაც არ ემთხვევა გარე სამუშაოებზე წასულთა რიცხვს. მოხუც მოხრობელებთან საუბრის შედეგად ჩვენ იმ დასკვნამდე მივედით, რომ ბევრი გლეხი ერიდებოდა პასპორტის აღებისათვის ფულისა და დროის დახარჯვას. უნებართვოდ მიდიოდა სხვა გუბერნიებსა და მხარეებში სამუშაოდ. ისინი კი საშოვარზე გასულთა სტატისტიკაში, ბუნებრივია, ვერ მოხვედებოდნენ.

გარე სამუშაოებზე მარტო სრულსაკოვანი მამაკაცები როდი გადიოდნენ. საქმოდ ფართო მასშტაბი მიიღო საშოვარზე მცირეწლოვანთა გასვლამაც. ღარიბი ოჯახის წევრს, პატარა ბიჭს ან მამა წაიყვანდა ქალაქში, ან ნათესავი და თანასოფელი. მეურვე გამოუძებნიდა ყმაწვილს შესაფერის ადგილს, რეკომენდაციას უწევდა ნაცნობებთან, ასწავლიდა დამქირავებელთან თავის დაქვრას. მფარველობა გრძელდებოდა მანამდე, ვიდრე ბავშვი არ წამოიზრდებოდა, არ შეითვისებდა ქალაქური ცხოვრების წესებს, არ შეძლებდა დამოუკიდებელ შრომით ცხოვრებას. ამის შემდეგ იგი თვით ხდებოდა თავის პატარა თანასოფელთა მფარველი და გზის გამკვლევი.

საშოვარზე გასულთა პროფესია და საქმიანობა მეტად მრავალგვარი იყო. მათი მცირე ნაწილი მუშაობდა ფაბრიკა-ქარხნებში, უფრო მეტი კი ავსებდა სავაჭრო ოპერაციებთან დაკავშირებულ სეზონურად და დღიურად დაქირავებულ მუშათა რიგებს. ბევრი მუშაობდა ხეივანულ, მხერხავად, მენახშირედ, მეკურტნედ, მზარეულად, მეპურედ, შინამოსამსახურედ, მეზღვედ და სხვ.

სოფლიდან წასულ, უცხო გარემოში, უცნობ ქალაქში მოხვედრილ გლეხობას, ბუნებრივია, უჭირდა შესაფერისი სამუშაოს გამოძებნა, დამქირავებელთა თვითნებობის აღკვეთა, ექსპლუატატორთა წინააღმდეგ ბრძოლა. გამოცდილებამ გლეხები გაერთიანების საჭიროების შეგნებამდე მიიყვანა. ჩვენს ხელთ არსებული მასალა ცხადყოფს, რომ საშოვარზე გასულთა უმრავლესობა ამხანაგობებს ქმნიდა. არტელის შრომის ორგანიზაციაზე და წევრთა შორის შრომის განაწილების ხასიათზე იმდროინდელი დამკვირვებელი ასეთ

ცნობას გვაწოდებს: თუ ერთი სოფლიდან თბილისში ჩამოვიდა 10 მუშაო, რაც ხდება ჩვეულებრივ ზამთრის დასაწყისში, სასოფლო-სამეურნეო სამუშაოთა რამთავრების შემდეგ, მომდევნო წლის გაზაფხულზე მუშათა ამ რიცხვიდან მხოლოდ ნახევარი ბრუნდება სამშობლო სოფელში სასოფლო-სამეურნეო სამუშაოთა შესასრულებლად. ისინი ვალდებული არიან მიწის დამუშავებაში დაეხმარონ ქალაქში დარჩენილ თანასოფელელი მუშების ოჯახებსაც. ზამთრის პირზე ეს გლეხები კვლავ ბრუნდებიან თბილისში, რათა მეორე ზაფხულს თვითონ დარჩენ იქ, ხოლო მათი ხუთი ამხანაგი სოფლად გაიგზავნოს ამხანაგობის წევრთა მიწის ნაკვეთების დასამუშავებლად. ასე იცვლებიან ისინი წლიდან წლამდე, ვიდრე ისე არ მოეწყობიან, რომ აღარ საჭიროებდნენ თავის სოფლის გარეთ ხანგრძლივად ყოფნას²⁷.

შრომის ასეთი განაწილება განსაკუთრებით საჭირო და ხელსაყრელი მცირემიწიანი გლეხებისათვის იყო. არტელის ყველა წევრის ქალაქიდან სოფლად დაბრუნება მიწის პატარა, მცირეშემოსავლიანი ნაკვეთების დამუშავებისათვის არ იყო მიზანშეწონილი, რადგან ქალაქში დარჩენა და ქირაზე შრომა მეტ სარგებლობას ჰპირდებოდა მათ. შრომის განაწილებით მუშათა არტელი ახერხებდა როგორც მიწის ნაკვეთების დამუშავებას, ისე დროის რაციონალურად გამოყენებას გარეშე გამომუშავებისათვის. შრომის განაწილების ბუნება შემოსავლის განაწილების ხასიათზეც მიუთითებს, ამხანაგობის ყოველი წესი გაქირავებული შრომის შედეგად მიღებული შემოსავლიდან თანაბარ წილს ღებულობდა.

ამხანაგობებს ქმნიდნენ ტვირთის მზიდავი მუშები, ხუროები, მხერხაეები, მენახშირეები. XIX ს-ის 70-80-იან წლებში მუშათა არტელის მარტივი წესდება წევრებს ავალბდა ყოველდღიური გამომუშავების საერთო სალაროში შეტანას, რაც შემდეგ თანაბრად უნდა განაწილებულიყო. XIX—XX სს. მიჯნაზე არტელის ხასიათი შეიცვალა. ამხანაგობის წევრები მეტი დამოუკიდებლობის გამოიჩინეს იწყებენ, გამომუშავებულ თანხას არტელის სალაროს აღარ აბარებენ. ასეთი ამხანაგობა უკვე აღარ წარმოადგენდა მტკიცე ორგანიზაციას. იგი ძველი ტრადიციებიდან ინარჩუნებდა მხოლოდ შემდეგ ნიშნებს: არტელის წევრები უმეტესწილად ცხოვრობდნენ ერთად, ეხმარებოდნენ ერთმანეთს სამუშაოს გამოქებნაში და იცავდნენ ერთმანეთს გარეშე პირებისაგან.

საშოვარზე გასულ გლეხთა შრომისა და ცხოვრების პირობები ძალიან ცუდი იყო. ი. ბახტაძე, მაგალითად, ასე ახასიათებს მტვირთავი მუშის მდგომარეობას: „ზაფხულის სამუშაოების დამთავრების შემდეგ გლეხი ტოვებს თავის კუთხეს“, „გზაზე, სოფლიდან სოფლად, არ თაკილობს არავითარ შემთხვევით სამუშაოს. ქალაქში იგი მუდამ ბაზარზეა, სასწორთან, სადაც სწარმოებს ყიდვა-გაყიდვა და საერთოდ მეტია მოთხოვნილება ტვირთის მზიდავი მუშის შრომაზე, მისი ცხოვრება ამ დროს, ავსილი ყველა შესაძლებელი გაქირავებით, არის უთავშესაფარო ცხოვრება უბინაო პროლეტარისა,..... იკვებება მუშა შავი პურითა და მწვანილით. უდრტივნიველად ატარებს რა ესოდენ მძიმე ცხოვრებას, იგი ამავე დროს საქმეს ეძებს, იგებს, სად მეტია მოთხოვნილება შრომაზე, სად შეიძლება მეტი გასამრჯელოს მიღება. მუშა ბევრს არ ფიქრობს, მოავროვებს თავის ბარგი-ბარხანას და მიდის ამ ალტკმულ ქვე-

²⁷ «Кавказ», 1884 г., № 87.

ყანაში. თქვენ ხედავთ მას ბათუმში, სოხუმში, ფოთში, სევასტოპოლში, ქერჩში, თბილისში, ქართლ-კახეთისა და დასავლეთ საქართველოს სოფლებში. ყველგან მიდის იგი თავის ცხენური ძალით, პირდაპირ ცხოველური მოთმინებით და გროშების შოვნის უსაზღვრო სურვილით²⁸.

ასეთ მიმე, დამკანცველი შრომისათვის საშოვარზე გასულნი ძალიან მცირე გასამრჯელოს ლეზულობდნენ. ტვირთის მზიდავი მუშების თვიური გამომუშავება არ აღემატებოდა 10—15 მანეთს²⁹. შედარებით მეტ შემოსავალს იღებდნენ ხუროები, მზარეულები, მეპურეები. საერთოდ კი თავის კუთხის გარეთ შრომა-საქმიანობით მხოლოდ უმნიშვნელო ნაწილი ახერხებდა შედარებით დამაკმაყოფილებელი ეკონომიკური მდგომარეობის მიღწევას. საშოვარზე გასულთა ძირითადი მასის გამომუშავება იმდენად უმნიშვნელო იყო, რომ მხოლოდ ნაწილობრივ ივსებდნენ მცირემიწიანობა-უმიწაყულობით გამოწვეულ საარსებო საშუალებათა დანაკლისს.

ამგვარად, XIX—XX სს. მიჯნაზე საქართველოს სოფლის მოსახლეობის მნიშვნელოვანი ნაწილი ნახევრად პროლეტარის და პროლეტარის დონეზე იყო დასული, საარსებო საშუალებებს საშოვარზე გასვლით და საკუთარი სამუშაო ძალის გაქირავებით პოულობდა. მაგრამ ვალატაყებული გლეხობის შედარებით მცირე ნაწილი გადადიოდა სამრეწველო მუშათა კლასის რიგებში. უმრავლესობა თავის შრომითი საქმიანობით დაკავშირებული იყო სავაჭრო თებრაციებთან, ქალაქმშენებლობასთან, მდიდართა საოჯახო მეურნეობებთან და ქმნიდა სეზონურად და დღიურად დაქირავებულ მუშათა კონტიგენტს. გარე სამუშაოებზე დასაქმებულნი კიდევ დიდხანს ინარჩუნებდნენ კერძო მესაკუთრულ ფსიქოლოგიას, ნელა ითვისებდნენ მუშურ ჩვევებსა და მისწრაფებებს. დიდი ნაწილი ქალაქს თავისი შრომითი საქმიანობის დროებით ასპარეზად თვლიდა და იმაზე ოცნებობდა, რომ აღებული გროშებით სოფლად საკუთარი მეურნეობა გაეფართოებინა. აქეთკენ უბიძგებდნენ სოფლელ ლატაკებს წვრილბურჟუაზიული ინტელაგენციის წარმომადგენლებიც.

გაზ. „კოლხიდაში“ დაიბეჭდა წერილი — „სამუშაოდ გადახვეწილ ქართველთა საყურადღებოდ“. რედაქცია ოდესაში საშოვარზე წასულ გლეხებს ურჩევდა შეედგინათ ამხანაგობა, გაეერთიანებინათ თავისი დანაზოგი და შეესყიდათ სახელმწიფო საგლეხო ბანკის ხელთ დარჩენილი მიწები ზუგდიდის მაზრაში. ბანკს შეგიძლიათ შეეკრათო ცალკე პირობით, ხოლო მამულის დამუშავება მოაგვართო კოოპერაციის საფუძველზე. ამით შესძლებთ ბანკისაგან აღებული სესხის ყოველწლიური პროცენტის გასტუმრებას, ხოლო მომავალში სრული მესაკუთრენი გახდებითო. ეს ნაყიდი ნაკვეთები, რედაქციის აზრით, დიდ სამსახურს გაუწევდა კოოპერაციის წევრებს შრომისა და კაპიტალის გამწვავებული კონფლიქტის პირობებში³⁰.

ღარიბ გლეხთა ერთი ნაწილი მართლაც ახერხებდა მიწის მცირე ნაკვეთების შესყიდვას. XIX—XX სს. მიჯნაზე კულაკთა ხელში მიწების კონცენტრაციის პარალელურად მიმდინარეობდა საკუთრების პარცელაციის პროცესი და, ამდენად, წვრილ მეურნეთა რიცხვი იზრდებოდა. მაგრამ მათ პატრონებს ცალი ფეხი საკუთარ მიწაზე ედგათ, მეორე კი დამქირავებლის წარმოებაში. სოფლის

²⁸ ი. ბ ა ხ ტ ა ძ ე, დასახელებული ნაშრომი, გვ. 72—73.

²⁹ «Кавказ», 1884 г., № 87.

³⁰ გაზ. „კოლხიდა“, 1913 წ. № 30.

ვალატაყებული უშუალო მწარმოებელი მასის გარე სამუშაოებზე გასვლის მიზეზები კი არ მცირდებოდა, არამედ იზრდებოდა. კაპიტალის პირობებში აგრარული ჭარბმოსახლეობის არსებობა ჩვეულებრივი მოვლენა იყო, სოფლის ნახევრად პროლეტარული და პროლეტარული ფენების გარეშე სამუშაოებზე გასვლის მასშტაბი გაფართოების ტენდენციას ამჟღავნებდა.

სოფლის ნახევრად პროლეტარები და პროლეტარები, რომლებიც ათასობით გადიოდნენ გარე სამუშაოებზე და რომლებიც ძირითადად საკუთარი სამუშაო ძალის გაყიდვით ცხოვრობდნენ, თითქმის არ განსხვავდებოდნენ სამრეწველო მუშებისაგან. ის გარემოება, რომ სოფლის პროლეტარები ფლობდნენ მიწის მცირე ნაკვეთებს, არაფერს ცვლიდა მათ სოციალურ ბუნებაში. მართალია, სოფლის პროლეტარები სამრეწველო მუშებს ჩამორჩებოდნენ კლასობრივი თვითშეგნებით და ორგანიზებულობით, მაგრამ სოფლებში ისინი პროგრესის პიონერები იყვნენ. სამოვარზე მავალი გლეხები პრაქტიკულად ახორციელებდნენ საბრძოლო კავშირს მუშათა კლასსა და გლეხობას შორის, თავისი დიდი წვლილი შეჰქონდათ საერთო დემოკრატიულ და მუშათა კლასის რევოლუციურ მოძრაობაში.

М. А. ХЕЦУРИАНИ

ОТХОЖИЕ ПРОМЫСЛЫ И ИХ РОЛЬ В СОЦИАЛЬНО-ЭКОНОМИЧЕСКОЙ ЖИЗНИ КРЕСТЬЯН В ГРУЗИИ (1864—1905 гг.)

Резюме

В статье, составляющей часть подготовительной монографии доказывается, что отхожие промыслы стали массовыми после реформы.

Отходничество было вызвано следующими причинами: малоземельем, безземельем, экономически-бедственным положением крестьян, увеличением налоговой системы, развитием капиталистической торговли и т. д.

Отхожие промыслы приняли массовый характер по всей Грузии, особенно в Западной Грузии.

Отхожие промыслы имели важные последствия и влияние на жизнь и культурно-бытовые условия сельского населения пореформенной Грузии.

Отходничество в определенной степени способствовало экономическому развитию крестьянских хозяйств, улучшению их культурного уровня.

В статье сказано, что после выхода на отхожие промыслы ощутило повысилось классовое самосознание крестьян. Крестьяне, вышедшие на отхожие промыслы и испытавшие на себе влияние специфических фабрично-заводских условий, активно включаются в классовую борьбу, борются против несправедливости и феодально-крепостнического строя. В условиях сельской жизни они сами ведут пропаганду оппозиционных идей.

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ახალი ისტორიის განყოფილებამ

იუზა ჰანენბაძე

ახალციხის საქალაქო თვითმმართველობა

1876—1917 წწ.

საგლეხო რეფორმის შემდეგ საქართველოში სწრაფი ტემპით ვითარდებოდა კაპიტალიზმი. მისი განვითარების პარალელურად ძლიერდებოდა ბურჟუაზია, მაგრამ ეს უკანასკნელი მოკლებული იყო პოლიტიკურ უფლებებს, რის გამოც უკმაყოფილებას გამოთქვამდა. მოსალოდნელი გართულებების თავიდან აცილების მიზნით მეფის მთავრობა იძულებული გახდა დათმობაზე წასულიყო და 1870 წლის საქალაქო დებულებით ბურჟუაზიისათვის მისი მოქმედების მთავარ ასპარეზზე — ქალაქებში მიენიჭებინა შეზღუდული თვითმმართველობის უფლება.

1870 წლის დებულება ბურჟუაზიული ხასიათისა იყო. იგი მხედველობაში არ ღებულობდა მოსახლეობის წოდებრივ დაყოფას და საარჩევნო თანრიგებს საფუძვლად უდებდა არა მოქალაქეთა სოციალურ წარმოშობას, არამედ ეკონომიკურ მდგომარეობას. ამის შესაბამისად ქალაქში ყალიბდებოდა სამი თანრიგი, სამი საარჩევნო კრება. პირველში შედიოდნენ მსხვილი მესაკუთრენი, მეორეში — საშუალო შეძლების მოქალაქენი, მესამეში — ის წვრილი მესაკუთრენი, რომლებიც იხდიდნენ გარკვეულ გადასახადს.

საქალაქო თვითმმართველობის განმკარგულებელ ორგანოს წარმოადგენდა სათათბირო, რომელიც ირჩევადა ქალაქის თავს და თავის წინაშე ანგარიშვალდებულ გამგეობას. თვითმმართველობის ყველა ორგანოსა და თანამდებობის პირთა არჩევა ოთხი წლით ხდებოდა.

ქალაქის საზოგადოებრივი თვითმმართველობა არ ითვლებოდა ადგილობრივი ხელისუფლების ორგანოდ. მართალია, იგი დებულებით განსაზღვრულ ჩარჩოებში დამოუკიდებლად მოქმედებდა, მაგრამ იმავე დებულების სხვა მუხლები მნიშვნელოვნად ზღუდავდნენ თვითმმართველობებს და ადმინისტრაციის კონტროლს ამყარებდნენ მათ საქმიანობაზე.

მიუხედავად ამისა, თვითმპყრობელობის პირობებში ქალაქებისათვის თვითმმართველობის მინიჭება მაინც პროგრესულ მოვლენას წარმოადგენდა, რადგან რამდენადმე ილაგმებოდა სახელმწიფო ბიუროკრატიული აპარატის თვითნებობა და იქმნებოდა პროგრესული ძალების მოქმედების ასპარეზი.

აღნიშნული დებულება საქართველოს ქალაქებში სხვადასხვა დროს გატარდა. ამის მიზეზი ცარიზმის კოლონიური პოლიტიკა იყო.

1875 წლის თებერვლიდან საქალაქო დებულების გატარებისთვის მზადება ახალციხეშიც დაიწყო (დებულების გატარებამდე ქალაქს პოლიცია განაგებდა). 1876 წლის მარტში მოეწყო ამომრჩეველთა პირველი კენჭისყრა. არჩევნებში მოსახლეობის მცირე ნაწილი მონაწილეობდა. ქალაქის 14 000 მცხოვრებიდან ხმის უფლებით სარგებლობდა მხოლოდ 258 კაცი, ანუ მთელი მოსახლეობის 1,8 %. ამასთან კენჭისყრისას ადგილი ჰქონდა წესების დარღვევას, რაც აშკარა მიკერძოების ტენდენციას ატარებდა.

1876 წლის ივნისში ახალციხეში საბოლოოდ ჩამოყალიბდა თვითმმართველობის ორგანოები¹. არჩეულ იქნა სათათბირო, ქალაქის თავი და გამგეობა.

სათათბიროში თითოეული თანრიგის ამომრჩეველთა მიერ არჩეულ იქნა 14 — 14 ხმოსანი, სულ 42 კაცი. პირველი თანრიგის ამომრჩეველებიდან სათათბიროში შევიდნენ: ნ. მეფისაშვილი, ა. ყაზაზოვი, ა. ფოზოვეი, მ. მუტაფოვი, ი. ბუდულოვი და სხვ.

მეორე თანრიგის ამომრჩეველებმა სათათბიროში გაიყვანეს: მ. მეფისაშვილი, კ. მეფისაშვილი, ო. გევამიანცი, ა. მანანდოვი, ა. სუზანაჯევი და ა. შ.

მესამე თანრიგის ამომრჩეველებმა სათათბიროში ნდობა გამოუცხადეს შემდეგ ხმოსნებს: მ. ბახჩინოვს, ა. რაფაელოვს, მ. რახმატოვს, ო. კრუნკოვს, ა. მანუკოვს და სხვ.²

ქალაქის თავის თანამდებობა წილად ხვდა საზოგადოებრივი თვითმმართველობის მოსამზადებელი კომისიის თავმჯდომარეს მიხ. ხითაროვს.

გამგეობის წევრებად აირჩიეს ს. კახხოვეი, გ. ბუდულოვი და ა. არუთინოვი. მდივნის მოვალეობა ი. მამულოვს დაეკისრა.

არჩევნებთან დაკავშირებით ვინმე ახალციხელი „დროების“ რედაქციას აცნობებდა: „დიდს მხიარულებაში ვართ ამჟამად ჩვენ, რადგან ქალაქის გამგეობის ახალ წესს მოვესწარით და იმედნეულად ვართ უფალმა ხითაროვმა ბევრი კეთილი განკარგულება მოახდინოს, თუ ჩვენც შესაფერისი წევრები ამოვურჩიეთ“.³

თვითმმართველობაში თავიდანვე მსხვილი სომეხი ბურჟუაზია გაბატონდა. არასომეხი მოსახლეობის წარმომადგენლები რიცხობრივად ნაკლები იყვნენ.

1876 წლის 19 ივნისს შედგა ახალციხის ახლად არჩეული თვითმმართველობის პირველი სხდომა, რომელმაც თავის წევრებს შორის გაანაწილა ფუნქციები და დამტკიცა მუდმივმოქმედი კომისიის შემადგენლობა.

ახლად არჩეული ქალაქის თავი მიხ. ხითაროვი არ გამოირჩეოდა თავის პოსტზე მაინცდამაინც აქტიურობით. მიუხედავად იმისა, რომ დაკავებული თანამდებობისათვის წლიურ ჯამაგირად საკმაოდ მოზრდილ თანხას — 3 000 მანეთსღებულობდა, მას ქალაქისათვის რაიმე მნიშვნელოვანი და დასამახსოვრებელი არ გაუკეთებია. ავადმყოფობისა თუ სხვა მიზეზების გამო იგი ხშირად მოწყვეტილი იყო ქალაქის საქმიანობას და ასეთ შემთხვევაში ქალაქის თავის ფუნქციებს მისი მოადგილე ო. გევამიანცი ასრულებდა. მიხ. ხითაროვი ისე ჩამოშორდა ქალაქის ხელმძღვანელობას, რომ დებულებით გათვალისწინებული ოთხწლიანი საარჩევნო ვადა არ დაუსრულებია.

1879 წელს ქალაქის თავად დაინიშნა ო. გევამიანცი. ეს ფაქტი არ იყო ერთეული შემთხვევა ახალციხეში. აქ არცთუ იშვიათად უგულებელყოფდნენ საარჩევნო წესების დაცვას და ამა თუ იმ ხელმძღვანელ პირს ხელისუფლება ნიშნავდა.⁴ მისი წლიური ჯამაგირი 2000 მანეთით განისაზღვრა.

ახალციხის ახალმა ოფიციალურმა ხელმძღვანელმა შედარებით სერიოზულად მოჰკიდა ხელი ქალაქის კეთილმოწყობის საქმეს. მისი თაოსნობით

¹ საქართველოს ისტორიის ნარკვევები, ტ. V თბ., 1970 გვ. 327.

² «დროება», 1876, № 61.

³ «დროება», 1876, № 20.

⁴ «Кавказ», 1876, № 41.

1876 წელს გაიხსნა 6 საწოლიანი საავადმყოფო და სააუქციონერო კამერა, 29 საეენის სიგრძეზე ქვის ღობით გამაგრდა მდ. ფოცხოვის მარცხენა სანაპირო, რამდენადმე ვადიდდა ქალაქის შემოსავალი, მიღებულ იქნა დადგენილება ქალაქის ორივე ნაწილისათვის ქვის ახალი სასაკლავო მშენებლობის შესახებ, დაიწყო ზრუნვა საზოგადოებრივი ბანკის გახსნაზე და სხვ.

80-იან წლებში, თბილისის გუბერნიის ქალაქთა საკრებულოს ბრძანებით, ახალციხის სათათბიროს ხმოსანთა რიცხვი 42-დან 36-მდე შემცირდა, ვინაიდან ქალაქი ნელა იზრდებოდა და არ გააჩნდა დიდი შემოსავალი.

1880 წლისათვის ახალციხეში დაიწყო მზადება სათათბიროს ხმოსანთა ახალი არჩევნებისათვის. ამ დროს ქალაქში ხმის უფლებით სარგებლობდა 525 კაცი. აქედან, პირველი თანრიგის ამომრჩეველთა სიაში შეტანილი იყო 20 ამომრჩეველი, მეორეში — 80, მესამეში — 425, თითოეულმა თანრიგმა სათათბიროში აირჩია 12 — 12 ხმოსანი. სულ 36 კაცი⁵.

არჩევნების შედეგად სათათბიროში შევიდნენ: ნ. მეფისაშვილი. პ. ბეთანიშვილი, ნ. ფირალიშვილი, ა. მოშიაშვილი, ი. მუტაფოვი, თ. გეგამიანი, კ. საგათელოვი, თ. მეღჭოიანი და სხვ.⁶

სათათბიროს არჩევას მომდევნო წელს ქალაქის თავის ახალი არჩევნები მოჰყვა. ამ თანამდებობაზე სათათბიროს ხმოსანთა სხვადასხვა დაჯგუფების ანუ პარტიების მიერ წამოყენებულ იქნა 5 კანდიდატი. ესენი იყვნენ: ქალაქის ყოფილი თავი თ. გეგამიანი, ი. მუტაფოვი, კ. მეფისაშვილი, პ. ბეთანიშვილი და ი. ბუდულოვი.

კენჭის ყრის დროს პარტიებს შორის გაჩაღდა ცხარე და დაუნდობელი ბრძოლა, დატრიალდნენ მდიდარი ხმოსნები. ისინი თავისი კანდიდატურის გასაყვანად არ ერიდებოდნენ არაფერს (დებულების დარღვევას, ძალდატანებას, მუქარას, მოსყიდვას და სხვ.). არჩევნებში გამარჯვების ყველაზე მეტი შანსი თ. გეგამიანს ჰქონდა. ეს ასეც მოხდა. მან მიიღო 20 ხმა, ი. მუტაფოვი — 7, კ. მეფისაშვილი — 5, პ. ბეთანიშვილი და ი. ბუდულოვი — 1.

ვინაიდან ორმა უკანასკნელმა კანდიდატმა ყველაზე ნაკლები ხმა მიიღო მათ უარი განაცხადეს საარჩევნო ბრძოლის შემდგომ გაგრძელებაზე. დარჩენილი სამეულიდან თ. გეგამიანის საბოლოო გამარჯვება არავითარ ეჭვს არ იწვევდა, მაგრამ ასეთ დროს მოხდა ერთი უბრეცენდენტო შემთხვევა, რამაც დამსწრენი ძალიან გააკვირვა. ყველასაგან მოულოდნელად თ. გეგამიანმა დღის წესრიგიდან თავისი კანდიდატურა მოხსნა. ამის მიზეზი ის იყო, რომ ერთ-ერთმა ყველაზე გავლენიანმა და მდიდარმა ხმოსანმა, რომელსაც ქალაქის თავად თავისი ახლო ნათესავის ი. მუტაფოვის არჩევა სურდა, სათათბიროს წინასწარ მიაღებინა გადაწყვეტილება, რომლითაც ქალაქის თავის ჯამაგირი 2 000 მანეთიდან 500 მანეთამდე მცირდებოდა. ამხე კი თ. გეგამიანი არ დათანხმდა.

ქალაქის თავის არჩევნების მეორე ტურში ერთმანეთის პირდაპირ აღმოჩნდნენ ი. მუტაფოვი და კ. მეფისაშვილი, მაგრამ გამარჯვება წილად ხვდა პირველს. თუმცა უნდა ითქვას, რომ მას ამჯერადაც არ მიუღია ხმების აბსოლუტური უმრავლესობა. 34 ხმოსნიდან მის ქალაქის თავად არჩევას ხმა მისცა 18 კაცმა, მოწინააღმდეგეს 16 ხმოსანმა. სხდომის დაშლის შემდეგ ძალიან

⁵ სსცია, ფ. 17, ანაწ. 1, საქმე 479, ფურც. 23—26, 47—48

⁶ Кавказский календарь на 1882, адрес календарь, გვ. 41.

ბერს უკვირდა, თუ როგორ მოველნა ქალაქის თავად ახალციხეს ხალხისთვის ნაკლებად ცნობილი ი. მუტაფოვი⁷.

ქალაქის მოსახლეობის სხვადასხვა ფენა მტრულად უპირისპირდებოდა ერთმანეთს. ყველა მათგანი ცდილობდა თვითმმართველობაში გაბატონებას და ამ დაწესებულების თავის ინტერესებისათვის გამოყენებას. საქალაქო სათათბიროები, გამგებები და ქალაქის თავები უმეტესწილად მოსახლეობის ზედაფენების ინტერესებს გამოხატავდნენ და იცავდნენ. ქალაქის მოსახლეობის დაბალი მასა კი, არსებული საარჩევნო სისტემის პირობებში, თავის წარმომადგენელთა სათათბიროში გაყვანას იშვიათად ახერხებდა.

მდიდრების თვითნებობისა და დაბალი ხალხის ინტერესების უგულვებლყოფის გამო ახალციხის აღშფოთებული ლარიბი მოსახლეობა 1881 წლის ქალაქის თავის არჩევნებთან დაკავშირებით გუბერნატორს წერდა: „ჩვენ ლარიბი ხალხი მოკლებული ვართ თავისუფლებას და განვიციდით ჩაგვრას ადგილობრივი კაპიტალისტებისაგან. საქალაქო დებულებამ თითქოს თანაბარი გავგზავდა ყველა, მაგრამ ეს მხოლოდ ერთი შეხედვით, რადგან ყველგან და ყველაფერში მდიდარი კლასის წარმომადგენლებს ირჩევენ. ასე მოხდა ამჯერადაც ხალხისთვის უცნობი ი. მუტაფოვის არჩევის გამო, რომელიც მისმა მდიდარმა ნათესაებმა გაიყვანეს ქალაქის თავად. ამიტომ გთხოვთ, არ დაამტკიცოთ ამ თანამდებობაზე“⁸.

ქალაქის ბატონ-პატრონად ერთი მუჰა მდიდრების გადაქცევას და მათ მიერ მოსახლეობის დაბალი ფენების ჩაგვრას, თვით ი. მუტაფოვის წინამორბედი ქალაქის თავი ო. გეგამიანციც აღიარებდა. გუბერნატორისადმი გაგზავნილ საპასუხო წერილში იგი აღნიშნავდა: „ხალხის საჩივარს ი. მუტაფოვის ქალაქის თავად არჩევის გამო მე ვხსნი იმით, რომ ისინი მდიდრებს უყურებენ როგორც არასანდო ადამიანებს, რადგან მათ ხელშია მთელი ვაჭრობა და ისინი ექსპლოატაციას უწევენ მათ. ჩემი ქალაქის თავად ყოფნის პერიოდში ახალციხელი მდიდრები სისტემატურად ჩაგრავენდნენ ლარიბ მოსახლეობას. ამიტომ არამეგობრულ დამოკიდებულებაში იყვნენ და არიან მათთან“⁹.

ხალხის საჩივარს არაფერი შედეგი არ მოჰყოლია. ი. მუტაფოვი ქალაქის სრულუფლებიანი მეთაური გახდა. მის მოადგილედ არჩეულ იქნა ო. გეგამიანცი, მდიდრად — გ. ბატალბაშევი¹⁰.

ჩვეულებრივი სიმწვავეით ჩაიარა სათათბიროს ხმოსანთა 1884 წლის არჩევნებმაც. დიდი ბრძოლების შემდეგ ამომრჩევლებმა სათათბიროში გაიყვანეს: კ. ფირალიშვილი, პ. ბეთანიშვილი, კ. მეფისაშვილი, მ. ფირალიშვილი, ა. ჯანაშვილი, გ. ბუღულუცი, ა. აკობჯანოვი, ს. ფაფაშოვი, ა. ვართანოვი, ფ. ათაბეგოვ-ქობულაინსკი და სხვ.¹¹

კიდევ უფრო მწვავე გამოდგა იმავე წლის ქალაქის თავის მორიგი არჩევნების კომპანია. ხალხს იმედი ჰქონდა, რომ ახლა მაინც წარიპირებოდა საქმე ობიექტურად და არ გამეორდებოდა ის ისტორია, რომელსაც ადგილი ჰქონდა წინა არჩევნების დროს, მაგრამ სამწუხაროდ, მოხდა პირიქით. ხალხის

⁷ «Кавказь», 1881, № 11.

⁸ სსცია, ფ. 17, ანაწ. 1, საქმე 674, ფურც. 11.

⁹ სსცია, ფ. 17, ანაწ. 1, საქმე 674, ფურც. 10

¹⁰ «Кавказь», 1881, № 58

¹¹ Кавказский календарь, на 1885, адрес Календарь, გვ. 39

სურვილის წინააღმდეგ ქალაქის თავად ისევ ი. მუტაფოვი აირჩიეს. ამის გამო ერთ-ერთი დამსწრე წერდა: „თითოეული ჩვენთაგანი დარწმუნებული იყო იმაში, რომ ცოტა ხნის წინათ ფიცმიცემული ხმოსნები ახლა მინც შეწყვეტდნენ ინტრიგებს და არ ჩაუგდებდნენ თვითმმართველობას ხელში რამდენიმე მდიდარს, მაგრამ საქმე ასე არ დამთავრდა. არჩევნების მსვლელობაში წავიდა სხვადასხვა დაპირებები, დაშინება და თხოვნა, რისი შედეგიც იყო ყოფილი ქალაქის თავის კანდიდატურის ხელმეორედ წამოყენება ხალხის სურვილის მიუხედავად, რომელსაც არაერთხელ განუცხადებია პროტესტი ამ პირის წინააღმდეგ. არჩევნების დროს წინა პლანზე იდგა მსხვილი ბურჟუაზიის ძალა და ნათესაობა. ამიტომ ეს პარტია „ძალის“ პარტიად იყო ცნობილი და ყოველთვის გამარჯვებული გამოდიოდა“.¹²

ქალაქის თავის მოადგილედ არჩეულ იქნა ნიკ. ტერ-გრიგოროვი. გამგეობის წევრებად: ი. მუტაფოვი, ნ. ტერ-გრიგოროვი და ა. აირაპეტოვი. მდივნად — გ. ჩატალბაშევი.

დროთა განმავლობაში საარჩევნო ბრძოლები ახალციხეში სულ უფრო-დაუფრო ძლიერდებოდა. ამის გამო ზოგჯერ სათათბიროს ხმოსანთა და ქალაქის თავთა არჩევნების ჩატარება დებულებით გათვალისწინებულ ვადებში ვერ ხერხდებოდა.

1889 წელს ახალციხეში მოეწყო სათათბიროს ხმოსნებისა და გამგეობის წევრთა ახალი არჩევნები მომავალი 4 წლის ვადით (1890—1894 წწ.). სიაღმატიკეებულ იქნა გუბერნატორის მიერ და ხმოსნებმა დადეს დებულებით გათვალისწინებული ფიცი.

ძალიან გაჭიანურდა ქალაქის ახალი თავის არჩევის საქმე. ი. მუტაფოვს თავის უფლებამოსილების ვადა 1887 წლის დასასრულისათვის უმთავრდებოდა და თავის დროზე კიდევ დაიწყო მზადება ქალაქის ახალი თავის შერჩევისათვის, მაგრამ მზადების პროცესში პარტიებს შორის ისეთი დაუნდობელი ბრძოლა გაჩაღდა, რომ შეუძლებელი გახდა მათი შეთანხმება. სწორედ ამ ბრძოლის შედეგი იყო ის, რომ მთელი ორი წლის მანძილზე (1888—1889 წწ.) ვერ მოხერხდა ქალაქის ახალი თავის არჩევა და გუბერნატორის ნებართვით მისი ფუნქციების შესრულებას დროებით ისევ ი. მუტაფოვი განაგრძობდა. კრიზისთან დაკავშირებით ერთ-ერთი ახალციხელი კორესპონდენტი წერდა: „ყველაფერი კარგად იქნებოდა ჩვენთან „უთავოდ“ რომ არ ვიყოთ. ამ ახალი ავადმყოფობით დიდი ხანია ვიტანჯებით ჩვენ და როდის მოვრჩებით ალაჰმა იცის. ხმოსნების არჩევნები უკვე მოეწყო, სიაც კი იქნა წარდგენილი გუბერნატორთან დასამტკიცებლად, მაგრამ თავს ჩვენს მხრებზე ვერაფრით ვერ შეაჩვენო, თუგინდ საზღვარგარეთიდან გამოიწეროთ. დიდი და პატარა დაკავებულია ახლა ამ საკითხით და იყოფიან მრავალ პარტიად, რომელთაგან თითოეული ცდილობს დაეწუნოს მეორე პარტიის კანდიდატურა და უსათუოდ გაიყვანოს თავისი. პარტიათა ბრძოლა მივიდა იქამდე, რომ, ალბად, ჩვენ კიდევ დიდხანს ვიქნებით „უთავოდ“.“¹³

1890 წლის 11 ივნისს როგორც იქნა მოეწყო არჩევნები. კანდიდატებად დაასახელეს 4 კაცი: გრ. მოსესოვი, ნიკ. ტერ-გრიგოროვი, კ. მეფისაშვილი და ტ. არაბჯევი. არჩევნების დასაწყისში შექმნილი მწვავე ვითარების გამო, ბო-

¹² სსცია, ფ. 17, ანაწ. 1, საქმე 9018, ფურც. 3—4.

¹³ «Новое обозрение», 1889, № 2043.

ლო ორმა პრეტენდენტმა თავისი კანდიდატურა მოხსნა. კენჭი იყარეს გრ. მოსესოვმა და ნიკ. ტერ-გრიგოროვმა. ცხარე ბრძოლაში გაიმარჯვა ამ უკანასკნელმა, რომელსაც ჯამაგირად წელიწადში 1 000 მანეთი დაენიშნა.¹⁴

იმავე წლის 16 თებერვალს ახლად არჩეული ქალაქის თავის თავმჯდომარეობით ჩატარდა სხვა თანამდებობის პირთა არჩევნები. კერძოდ, ქალაქის თავის მოადგილისა და მდივნის. უკომპრომისო ბრძოლაში ქალაქის თავის თანაშემწედ აირჩიეს გრ. მოსესოვი, ხოლო მდიუნად — ა. ვაზაროსიანიც.

მალე გამოირკვა, რომ ბევრი ხმოსანი არაკანონიერად იყო არჩეული, რადგან როგორც წინათ, ისე ახლა კანდიდატებს ხმა მისცეს ისეთმა ამორჩევლებმა, რომლებსაც ქონებრივი ცენზი უკვე დაკარგული ჰქონდათ და დებულების თანახმად მათ უფლება ერთმეოდათ მონაწილეობა მიეღოთ არჩევნებში.

არჩევნების წესის დაცვის უზულებელყოფა მოსახლეობის სამართლიან აღშფოთებას იწვევდა. ამასთან ერთად უშუალოდ თვითმმართველობაშიც გამოჩნდნენ ადამიანები, რომლებმაც ხმა აიმაღლეს არსებული დამახინჯების წინააღმდეგ. მათ რიცხვს ეკუთვნოდა ხმოსანი გ. ჩატალბაშევი, რომელიც თავის მომხრე მცირერიცხოვან ჯგუფთან ერთად რადიკალობდა და გაბედულად აკრიტიკებდა ადგილობრივ თვითმმართველობას მიღებული არასწორი გადაწყვეტილებების გამო.

საქალაქო თვითმმართველობები თანდათან მეტ როლს ასრულებდნენ საზოგადოებრივ-პოლიტიკურ ცხოვრებაში. ამის კვალობაზე უფრო მწვავედებოდა ბრძოლა მოსახლეობის სხვადასხვა ფენას შორის თვითმმართველობაში გაბატონებისათვის. იმის გამო, რომ საქართველოს ქალაქების მოსახლეობა მრავალეროვანი იყო კლასობრივ და შინაკლასობრივ ბრძოლას ნაციონალური ელფერი გადაჰკარავდა.

საქალაქო დებულება თვითმმართველობაში გზას უხსნიდა მაღალი ქონებრივი ცენზის მქონე ბურჟუაზიას. კაპიტალისტური ურთიერთობის პირობებში ქონების დაგროვება ვაჭრობა-მრეწველობით ხდებოდა. ვინაიდან ამ საქმით დაინტერესებას პირველ ხანებში უპირატესად სომეხი ბურჟუაზია იჩენდა და დიდძალი ქონება დააგროვა, ამის გამო ზოგი ქალაქის თვითმმართველობაში. ისინი აღმოჩნდნენ გაბატონებულნი.

როცა ქართველი ბურჟუაზია გამოფხიზლდა და ვაჭრობა-მრეწველობას მოჰკიდა ხელი, ყოველ ფეხის ნაბიჯზე აწყდებოდა სომეხი ბურჟუაზიის წინააღმდეგობას. პირველად სომეხი და ქართველი ბურჟუაზია ერთმანეთს ებრძოდა ქალაქის ეკონომიკასა და ბაზარზე უპირატესი მდგომარეობის მოპოვებისათვის, მაგრამ ეს ბრძოლა ცხოვრების ზედაპირზე ნაკლებად ჩანდა. XIX ს-ის 80-იან წლებში მდგომარეობა უფრო დაიძაბა. ისინი ერთმანეთს დაუპირისპირდნენ თვითმმართველობაში უმრავლესობის მოპოვების საკითხშიც. „ნაციონალური ბრძოლა აღმავალი კაპიტალიზმის პირობებში წარმოადგენს ბურჟუაზიული კლასების ბრძოლას ურთიერთშორის“.¹⁵

სომეხ და ქართველ ბურჟუაზიას შორის შინაკლასობრივი ბრძოლა და ნაციონალური ქიშპობა მწვავე იყო ახალციხეში. თვითმმართველობაში გაბატონებული სომეხი ბურჟუაზია ყველა ღონეს ხმარობდა იმისათვის, რომ წმინდა ნაციონალური თვითმმართველობა ჰქონოდა, თავის გვერდით არ დაეშ-

¹⁴ «Новое обозрение», 1890, № 2090.

¹⁵ ო. ბ. ს ტ ა ლ ი ნ ი, თხზულებანი, ტ. 11, 1947, გვ. 331.

ვა სხვა ერის წარმომადგენელი. თუ უკიდურეს შემთხვევაში ამას ვერ შეძლებდა, მაშინ ყვლაფერი ელონა მათი თავიდან მოცილებისათვის. უნდა ითქვას, რომ მეფის ხელისუფლების დროს არსებული კაცთმოძულეობისა და მოსყიდვა-მეჭრთამეობის პირობებში, ამ პოლიტიკას ზოგჯერ წარმატებით ახორციელებდნენ. ამიტომ იყო, რომ ჯერ კიდევ 1878 წელს ქალაქის ძველი ნაწილის — რაბათის ქართველი ღარიბობა გულისტყვივლით აღნიშნავდა: „ძველი ქალაქის ღარიბებს ორი ქომავი გვყავდა გამგეობაში — მიხ. მეფისაშვილი და სტ. ქარხიაშვილი, მაგრამ ისინი არტაანში გადაიყვანეს და ჩვენ უბატრონოდ დავრჩითო“.¹⁶

როცა ქართველმა ბურჟუაზიამ დაინახა, რომ თვითმმართველობის კარი მისთვის მაგრად იყო დაკეტული, რის გამოც არ შეეძლო უშუალოდ სათათბიროს სხდომებზე დაეცვა თავისი ინტერესები, ოპოზიციაში ჩაუდგა სომეხ ბურჟუაზიას, მაგრამ თავისი მცირერიცხოვნებისა და სისუსტის გამო რაიმე წარმატებას ვერ აღწევდა. როდესაც ეს მიზეზი ქართველი ბურჟუაზიისათვის აშკარა გახდა, მათ საკუთარი მიზნების მისაღწევად ერის სხვა სოციალურ ძალებსაც მოუხმეს. „სხვადასხვა ქვეყნის ბურჟუაზია საკუთარი კლასობრივი ინტერესებიდან გამომდინარე აწარმოებს ბრძოლას. მით უმეტეს კლასობრივ ხასიათს ატარებდა ერთი სახელმწიფოს, ერთი ქალაქის ფარგლებში მოქმედ ქართველ და სომეხ ბურჟუაზიას შორის მომხდარი ბრძოლა. ისინი თავის კლასობრივ ინტერესს საერთო ნაციონალურ ინტერესად აცხადებდნენ და ცდილობდნენ ამ ბრძოლაში ერის სხვა სოციალური ძალების ჩაბმასაც“.¹⁷

ოპოზიციურმა ბლოკმა, როცა სომეხი ბურჟუაზიის წინააღმდეგ ადგილზე ბრძოლით წარმატებას ვერ მიაღწია მოქმედების თავისებური გეგმა შეიმუშავა და ბრძოლის ასპარეზი ქალაქის ფარგლებს გარეთ გადაიტანა. ამ გეგმის მთავარი შინაარსი ის იყო, რომ მათ უმაღლესი თუ საგუბერნიო ხელისუფლების წინაშე სისტემატიურად უნდა ემხილებინათ სომეხი ბურჟუაზიის პოზიცია არასომეხი მოსახლეობის მიმართ და ამით ნიღაბი აეხადათ მათი ტენდენციური მოქმედებისათვის.

ქართველი ბურჟუაზიის მიერ აგეტირებულ ახალციხელ ცენზიან მოქალაქეთა ერთი ჯგუფი 1889 წელს მთავარმართებლისადმი მიცემულ თხოვნაში წერდა, თვითმმართველობის შემოღებამ ჩვენი მდგომარეობა გააუარესაო. ამის მიზეზი კი ისაა, რომ თვითმმართველობის ყველა დაწესებულება თავიდანვე ვაჭართა ერთმა ნაწილმა ჩაივლო ხელთ და ქალაქის ხაზინას თვითნებურად განაგებსო. აღნიშნული პარტია მხოლოდ სომეხი გრიგორიანელებისაგან შედგება და ყველანაირად ცდილობს ქალაქის მართვა-გამგეობაში არ დაუშვას სხვა ერებისა და სარწმუნოების წარმომადგენლები. იმის გამო, რომ გამგეობაში სომეხები არიან გაბატონებულნი, არასომეხეთა თიხით აგებული ქონი 3—4-ჯერ მეტად ფასდება, ვინემ სომეხთაგან აშენებული ქვითიკრის სახლები. ასეთი პოლიტიკის პირობებში სავადასახადო ტვირთის მთელი სიმძიმე მართლმადიდებლებსა და კათოლიკებს აწევს. სომეხი გრიგორიანები კი, რომლებიც მოსახლეობის ორ მესამედს შეადგენენ და თანაც ვაცილებით მდიდრები არიან, შედარებით მსუბუქად იბეგრებიანო.¹⁸

¹⁶ «დროება», 1878, №9.

¹⁷ ა. ლ. ბ ე ნ დ ი ა ნ ი შ ვ ი ლ ი, თბილისის საქალაქო თვითმმართველობა, თბ., 1960, გვ. 23.

¹⁸ სსცია, ფ. 12, ანაწ. 7, საქმე 663, ფურც. 4—7.

ახალციხის ქართველი ბურჟუაზიის მოქმედების ასეთი არჩევანი ცხადია არ მიეკუთვნებოდა ბრძოლის აქტიურ ფორმას. იგი მოწინააღმდეგის მიმართ დაპირისპირებულობის პასიური გამოხატულება იყო. ასეთ შემთხვევაში ქართველი ბურჟუაზიის თვითმმართველობაში გაბატონების ხელისშემშლელ მიზეზებს, როგორც იყო მისი სიმცირე და სისუსტე, ბუნებრივად ემატებოდა სხვა მიზეზიც — გამოუცდებლობა. მაშინ, როცა მეფე და მისი მოხელეები ყოველნაირად უწყობდნენ ხელს სხვადასხვა ერებს შორის შუღლისა და მტრობის გაღვივებას. უმაღლესი ხელისუფლების წინაშე თვითმმართველობაში მონაწილეობას მოკლებული ქართველი ბურჟუაზიის ჩივილი და საქმის მოწესრიგების შემცველი თხოვნის აღძვრა, მხოლოდ წყლის ნაყვა იყო და მეტი არაფერი.

არასომეხი მოსახლეობის მოქმედებას სომეხი ბურჟუაზია გარეგნულად მშვიდად უყურებდა. სხვის მოსაჩვენებლად თითქოს ყველაფერს ასწორებდა, მაგრამ სინამდვილეში ეს ასე არ იყო. იგი თანდათან აგრესიული ხდებოდა და კიდევ უფრო მეტად ახორციელებდა თავის მოწინააღმდეგეთა შეზღუდვის პოლიტიკას. უფრო მეტიც, სომეხ ბურჟუაზიას სრულ იზოლიაციაში ჰყავდა სათათბიროს ის ორიოდ ქართველი ხმოსანიც, რომელთა არჩევა მოსახლეობას ესოდენ დიდი ჯაფისა და ენერჯის დახარჯვის ფასად უჭდებოდა. ამიტომ იყო, რომ ქართველები მტკიცედ მოითხოვდნენ მათგან გააქტიურებას, რათა არ ყოფილიყვნენ ბრმად მორჩილნი¹⁹.

თვითმმართველობაში არჩევის სამართლიანობის დაცვის მიზნით, ოპოზიციურმა ბლოკმა, რომელსაც სათავეში ახლად აღორძინებული ქართველი ბურჟუაზია ედგა, იმავე 1889 წელს მთავარმართველისადმი გაგზავნილ თხოვნაში წამოაყენა წინადადება, რომ ქალაქის მართვა-გამგეობას საფუძვლად დადებოდა ეროვნულ-რელიგიური პრინციპი. წინააღმდეგ შემთხვევაში გაეუქმებინათ თვითმმართველობა, თხოვნას ხელს აწერდა 216 ქართველი, 12 რუსი 8 თურქი და 3 სომეხი კათოლიკე²⁰.

თუ ეს პრინციპი ცხოვრებაში გატარდებოდა, მაშინ ახალციხის წვრილი ბურჟუაზია, რომელიც მნიშვნელოვანწილად ქართული იყო, სათათბიროში გაიყვანდა თავისი ინტერესების დამცველ საკმაო რაოდენობის ხმოსნებს. იგივე პრინციპი სათათბიროში გზას გაუხსნიდა ინტელიგენციას, მაგრამ თხოვნა უყურადღებოდ იქნა დატოვებული.

მოწინააღმდეგეთა თვალში ერთგვარი რეაბილიტაციის მიზნით, ქალაქის ახალმა თავმა ნიკ. ტერ-გრიგოროვმა თავის სამოღვაწეო გეგმაში შედარებით მეტი ყურადღება დაუთმო განათლებისა და ჯანმრთელობის დაცვის მდგომარეობას. ამასთან დაკავშირებით 1890—1895 წლებში სათათბიროში რამდენიმე საყურადღებო საკითხი აღიძრა და გადაწყდა. შედარებით გაფართოვდა პრაქტიკული საქმიანობის სფეროც: ქალაქის 4 კლასიან სასწავლებელთან გაიხსნა სასოფლო-სამეურნეო და სახელოსნო განყოფილებები, შემოღებულ იქნა მუსიკის სწავლება. გადაწყდა ხსენებული სასწავლებლის პირველი სართულის რემონტი და დამტკიცდა მასზე მეორე სართულის დაშენების პროექტი. განსაკუთრებული ყურადღება მიექცა ჯანმრთელობის დაცვისა და სანიტარული კეთილმოწყობის საქმეს. ეს შემთხვევითი არ ყოფილა. მას უშუალოდ კავშირი

¹⁹ ს სცია, ფ. 17, ანაწ. 1, საქმე 2827, ფურც. 5—6.

²⁰ ს სცია ფ. 12, ანაწ. 7, საქმე 663, ფურც. 4—7.

ჰქონდა საქართველოს ქალაქებში 1892 წელს გავრცელებულ ქოლერის ეპიდემიასთან. ამ საშინელი სენის წინააღმდეგ საბრძოლველად თბილისიდან მოიწვიეს ცნობილი ექიმი — ეპიდემიოლოგი პრეობრაჟენსკი და 2 ფერშალი. დაავადებულთათვის გაიხსნა სპეციალური ბარაკი აფთიაქით და სხვ.

ნაროდოვოლცების მიერ ალექსანდრე II-ის მოკვლის შემდეგ თვითმპყრობელობა დაადგა კონტრარეფორმების გატარების გზას. ამის ერთ-ერთ გამოვლენას 1892 წლის ახალი საქალაქო დებულება წარმოადგენდა, რომლითაც მნიშვნელოვნად შეიკვეცა ქალაქთა თვითმმართველობის უფლებები და მათ საქმიანობაზე დამყარდა მკაცრი ადმინისტრაციული კონტროლი. მაღალი საარჩევნო ცენზის გამო ხმის უფლება დაკარგა წვრილბურჟუაზიულმა ფენამ. მუნიციპალურ ორგანოებში განუყოფლად გაბატონდა საშუალო და მსხვილი ბურჟუაზია.

ახალი საქალაქო დებულებით საქართველოს სხვა სამაზრო ქალაქების მსგავსად, განსაკუთრებით შეკვეცილი აღმოჩნდა ახალციხის თვითმმართველობის უფლებები. ამ ქალაქში შემოღებულ იქნა თვითმმართველობის გამართვებული სტრუქტურა, რომლის საფუძველზე ხმოსნების ნაცვლად ირჩევდნენ რწმუნებულებს, ხოლო ქალაქის თავის მაგიერ — მამასახლისს. სათათბიროს რწმუნებულთა, ანუ საქალაქო კრება უწოდეს. რწმუნებულთა რიცხვი 36-დან 15-მდე შემცირდა. მათზე და მამასახლისზე კიდევ უფრო მკაცრი კონტროლი დაწესდა.

1894 წლის 7 აგვისტოს პირველად მოეწყო ახალი სისტემით საქალაქო კრების რწმუნებულთა არჩევნები. რწმუნებულთა კრებაშიც სომეხი ბურჟუაზია გაბატონდა²¹.

იმავე წლის 11 დეკემბერს ახალციხეში ჩატარდა ქალაქის მამასახლისის არჩევნები. ამ თანამდებობის მთავარ მძიებლად, ისევე როგორც წინა არჩევნების დროს, ამჯერადაც ნიკ. ტერ-გრიგოროვი და გრ. მოსესოვი გამოვიდნენ. მძაფრ შეჯახებაში მცირე უპირატესობით გაიმარჯვა ნიკ. ტერ-გრიგოროვმა და მეორედ იქნა არჩეული ქალაქის მეთაურად. მოადგილის თანამდებობა ძველებურად წილად ზედა გრ. მოსესოვს, ხოლო მდიენისა — ა. გაზაროსიანცს.

ქალაქის მამასახლისის ხელფასი დაენიშნა 1 200 მანეთი, მოადგილეს — 800 მანეთი, მდივანს — 600 მანეთი²².

არჩევნებში ნიკ. ტერ-გრიგოროვის გამარჯვებამ ცუდ გუნებაზე დააყენა გრ. მოსესოვი. იგი თავის პარტიასთან ერთად, რომელსაც პირობითად შეიძლება „მოადგილის“ პარტია ეწოდოს, ოპოზიციაში ჩაუდგა ქალაქის მამასახლისს და მის მოღვაწეობას კრიტიკის ქარცეცხლში ატარებდა. გრ. მოსესოვის მარჯვენა ხელი ამ ბრძოლაში ა. გაზაროსიანცი იყო. მოწინააღმდეგეთა ბანაკს არ მოწონდა ქალაქის მამასახლისის უმოქმედობა და საქალაქო ცხოვრების გაუმჯობესების მოთხოვნით გამოდიოდა. სინამდვილეში კი ამ ბრძოლას ერთი მიზანი ჰქონდა — გრ. მოსესოვის ქალაქის ხელმძღვანელად გახდომა.

აქვე უნდა აღინიშნოს, რომ მოწინააღმდეგეებს ჰქონდათ ნიკ. ტერ-გრიგოროვის კრიტიკის საფუძველი. თუ ქალაქის თავად ყოფნის პირველ ოთხწლეულში შედარებით მეტ ყურადღებას უთმობდა სწავლისა და ჯანმრელობის დაცვის საკითხებს, მეორე ოთხწლეულში მისი საქმიანობა არაფრის მთქმელი იყო.

²¹ «Новое обозрение», 1894, № 6353.

²² «Новое обозрение», 1894, № 3776.

პარტიათა ბრძოლამ და დაპირისპირებულობამ ბოლოს ისეთ კულმინაციას მიიღწია, რომ 1897 წელს საჭირო შეიქმნა ახალციხეში გუბერნატორის ჩამოსვლა და საქმის სპეციალური გამოძიება. გუბერნატორის განჩინებით დამნაშავედ ცნეს ნიკ. ტერ-გრიგორივი, რომელიც გადააყენეს დაკავებული თანამდებობიდან²³ და ქალაქის მამასახლისის ახალი არჩევნების მოწყობამდე ეს პოსტი დროებით ისევ ქალაქის ყოფილ თავს ი. მუტაფოვს მიანდეს.

1898 წელს მოეწყო საქალაქო კრების მორიგი არჩევნები. გამარჯვებულნი გამოვიდნენ შემდეგი რწმუნებულები მ. მეფისაშვილი, გრ. მოსესოვი, ა. გაზაროსიანცი, ა. კასაბაშევი, მ. პეტროსოვი, ა. მანანდოვი, დ. კუბალოვი, ქ. კორიანცი და სხვ¹⁴.

იმავე წელს ახალციხის მამასახლისად გრ. მოსესოვი აირჩიეს, რომელსაც 1916 წლის ჩათვლით ე. ი. მთელი 19 წლის მანძილზე ზედისედა ეკავა ქალაქის მამასახლისის სავარძელი. იგი არჩევნებში გამარჯვებული გამოვიდა ოთხჯერ (1898, 1904, 1908, 1914 წწ.). მასთან ერთად იგივე ხანგრძლივობით ქალაქის მამასახლისის მოადგილის თანამდებობა უწყვეტად ეჭირა მის თანამებრძოლს ა. გაზაროსიანცს.

გრ. მოსესოვმა, მამასახლისად არჩევის შემდეგ გადატანილი ბრძოლების გამართლებისა და ქალაქზე ნამდვილი გულშემატკივრის სახელის მოხვეჭის მიზნით, პირველ ხანებში ენერგიულად დაიწყო მოქმედება. თუმცა მის დროინდელი რწმუნებულთა კრების მიერ გატარებული ზოგიერთი ღონისძიება იძულებით ხასიათს ატარებდა. 1900—1910 წლებში ახალციხეში აშენდა მთელს ამიერკავკასიაში პირველი რაციონალური სადგომი ბაკი პირუტყვისათვის, მთლიანად გადაკეთდა ქალაქის სასაკლაო, საკუთარ შენობაში გადავიდა ამბულატორიული საავადმყოფო-სამკურნალო, გაიხსნა აფთიაქი და პროგიმნაზია. 1910 წელს გავრცელებულ ქოლერის ეპიდემიასთან დაკავშირებით აშენდა ქოლერის ახალი ბარაკი, თბილისიდან მოიწვიეს ცნობილი ეპიდემიოლოგი ექიმი მეგრადიანცი და ორი ფერშალი.

1911—16 წლებში დაიწყეს პროგიმნაზიის საკუთარი შენობის მშენებლობა, ენითლის წყალსადენის რეკონსტრუქცია, ქალაქში დამატებით დადგეს 5 შადრევანი. ტიფის გავრცელების წინააღმდეგ გააძლიერეს სანიტარული მუშაობა და სხვ.

თვითმმართველობაში გაბატონების საკითხი სომეხ და ქართველ ბურჟუაზიას შორის მუდამ მწვავედ იდგა აღმოსავლეთ საქართველოს ქალაქებში.

მძაფრ და დაუნდობელ ბრძოლებში ზოგიერთი ქალაქის ქართველი ბურჟუაზია ზოგჯერ ახერხებდა ქალაქის თავად თავისი კანდიდატის გაყვანას, რაც აქაური ქართველი ბურჟუაზიის დიდი გამარჯვება იყო. ახალციხის ქართველი ბურჟუაზიის მსგავს წარმატებაზე ამას ვერ ვიტყვით. სომეხი ბურჟუაზიის წინააღმდეგობა მათთვის გადაუღალავ ბარიერად იქცა. მართალია, 80-იანი წლებიდან ქართველმა ბურჟუაზიამ აქტიური ბრძოლა დაიწყო თვითმმართველობაში გაბატონებისათვის, მაგრამ სასურველ მიზანს ვერ მიიღწია. თვითმმართველობის შემოღების დღიდან საბჭოთა ხელისუფლების დამყარებამდე (1876—1921 წ.წ.) ახალციხეში ქალაქის თავი თუ მამასახლისი ცხრაჯერ გამოიცვალა და ყველა მათგანი მსხვილი სომეხი ბურჟუაზიის წარმომადგენ-

²³ «Новое обозрение», 1897, № 4739.

²⁴ Кавказский календарь, на 1899, адрес календарь, გვ. 124.

ლი იყო. კიდევ უფრო მეტი, ზოგიერთი ქალაქის თავი თუ მამასახლისი ხელოვნურად ატარებდა სხვა ეროვნების წარმომადგენელთა იგნორირების პოლიტიკას. ხელს უშლიდა სათათბიროს ხმოსნებად (საქალაქო კრების რწმუნებულებად) და გამგეობის წევრებად მათ არჩევას. ამ პოლიტიკის გატარება განსაკუთრებით გრ. მოსესოვის ქალაქის მამასახლისად ყოფნის დროს იგრძნობოდა.

ამრიგად, ახალციხის თვითმმართველობაში ადგილი ჰქონდა მწვავე პარტიულ ბრძოლებს. ეს ბრძოლები ბოლო ეტაპზე სომეხი და ქართველი ბურჟუაზიის ძლიერ დაპირისპირებულობაში გადაიზარდა.

თვითმმართველობის პოლიტიკა და მისი ორგანოების მოქმედება განიხილებოდა იმით, თუ რამდენად მეტი მასა ლეზულობდა მასში მონაწილეობას: არჩევნებში მონაწილეობის დიდი ქონებრივი ცენზი ქალაქის ბატონ-პატრონობას უმცირესობას უდებდა ხელში.

1908 წელს ახალციხეში ცხოვრობდა 21 333 სული. აქედან საარჩევნო ხმის უფლება ჰქონდა 300 კაცს²⁵ ე. ი. მთელი მოსახლეობის 1,4 %. მათი უმრავლესობა იყო ქალაქის ახალი ნაწილის — პლანის სომეხი ბურჟუაზია — მსხვილი ვაჭრები, მრეწველები და სახლთმფლობელები, რომლებსაც თავის ინტერესების დამცველად საქალაქო კრებაში ყოველთვის გაჰყავდათ სომეხი რწმუნებულები. რაც შეეხება ქალაქის ძველი ნაწილის — რაბათის მოსახლეობას, მისი აბსოლუტური უმრავლესობა მოკლებული იყო ხმის უფლებას. ამიტომ რაბათი ყოველთვის უპირისპირდებოდა პლანს, გამოდიოდა თვითმმართველობის დემოკრატიზაციის მოთხოვნით.

ბურჟუაზიის ხელში მოქცეული ქალაქის თვითმმართველობა ვიწრო კლასობრივ იარაღად იყო გადაქცეული. დაუსრულებელი გადასახადების გაწერა, მშრომელი ხალხით დასახლებული ქალაქის განაპირა ადგილების საშინელი ანტისანიტარული მდგომარეობა, ფულის გაფლანგვა, სრული უკონტროლობა, ნათლიანობა ქალაქის საქმეებში — აი რით ხასიათდებოდა ქალაქის „მამების“ მოქმედება. ამას თან ერთოდა ნაციონალური ჩაგვრაც. ამიტომ მშრომელი ხალხის მესვეურნი ყველგან მოითხოვდნენ არსებული საქალაქო არჩევნების წესის შეცვლას, თვითმმართველობის დამოუკიდებლობას საგუბერნიო ადმინისტრაციისაგან, ქალაქის მართვა-გამგეობაში თავისუფლების გაფართოებას, ეროვნული სამართლიანობის დაცვას, რაც იქნებოდა დემოკრატიის სრული გამარჯვება.

ახალციხის თვითმმართველობაში მოკალათებული სომეხი ბურჟუაზიის მიერ არასომეხი მოსახლეობის იგნორირების პირობებში არ ხდებოდა ქალაქის რწმუნებულთა კრებისა და გამგეობის შემადგენლობის განახლება. მათი მოღვაწეობა იყო ბიუროკრატიული და ფორმალური. „ზემოდან ჩანდა უფრო მეტი ნომრიანი ქალაქები, ვიდრე ცოცხალი საქმის გამკეთებელი პატრონის ხელი“²⁶. საქალაქო კრების რწმუნებულები და გამგეობის წევრები არავითარ პასუხისმგებლობას არ გრძნობდნენ საქმისადმი. სწორად აცდენდნენ სხდომებს. მეტწილ შემთხვევაში ამა თუ იმ საკითხს წყვეტდა 7-8 კაცი²⁷. საკითხის გადაწყვეტა ატარებდა ტენდენციურ ხასიათს. ამის გამო თვითმმართველობა ყუ-

²⁵ სსცია, ფ. 414, ანაწ. 1, საქმე 77, ფურც. 14.

²⁶ Н. Н. Немировский, Реформа городского самоуправления, 1911, გვ. 84.

²⁷ სსცია, ფ. 193, ანაწ. 1, საქმე 66, ფურც. 22—24.

რადლებას აქცევდა მხოლოდ პლანის კეთილდღეობის საქმეს. რაც შეეხება რაბათს, იგი უპატრონოდ იყო მიტოვებული. ამიტომ 1913 წელს გუბერნატორისადმი გაგზავნილ მორიგ თხოვნაში, რომელსაც ხელს აწერდა 102 კაცი, რაბათელები მკაცრად აკრიტიკებდნენ თვითმმართველობას. ქალაქის ძველი ნაწილის მიმართ უყურადღებობის მიზეზად ასახელებდნენ იმას, რომ თვითმმართველობაში არ ჰყავდათ თავისი წარმომადგენელი. ისინი წერდნენ: „მიუხედავად იმისა, რომ ჩვენ ქალაქის ძველი ნაწილის მცხოვრებნი, ქალაქის ახალი ნაწილის მცხოვრებთა თანაბრად ვიხდით ყველა სახის გადასახადს, ქალაქის ძველი ნაწილის მდგომარეობის გასაუმჯობესებლად არაფერი არ კეთდება. ქუჩები მოუკირწყლავია, არა გვაქვს სასმელი წყალი, სანიტარული ზედამხედველობა, განათებაზე ხომ ლაპარაკიც ზედმეტია ქალაქის თვითმმართველობის მიერ ახალციხის ძველი ნაწილის მოსახლეობის ინტერესების ასეთი იგნორირება შეიძლება აიხსნას მხოლოდ იმით, რომ მასში არ გვყავს ჩვენი წარმომადგენელი, რომელიც დაიცავდა ჩვენს ინტერესებს“²⁸.

სომეხი ბურჟუაზიის წინააღმდეგ მებრძოლმა ქართველმა ბურჟუაზიამ, რომელიც მთელი რაბათის მშრომელი ქართველების სახელით მოქმედებდა, თავის მიზნების მისაღწევ ბრძოლაში XX ს-ის 10-იან წლებში ინტელიგენციაც ჩააბა და უფრო გაბედული პროგრამა წამოაყენა. უმაღლეს ხელისუფლებას თხოვა, რომ ქალაქი ახალციხე გაყოფილიყო ორ საარჩევნო უბნად. ისე, როგორც ეს საპოლიციო უბნებად იყო გაყოფილი (რაბათი და პოანი. — **ო. გ.**) და არჩევნებისათვის საფუძვლად დაედოთ არა ქონებრივი ცენზი, არამედ მოსახლეობის ეროვნული რაოდენობის პროცენტული შეფარდების პრინციპი²⁹.

რაბათის ქართველების მოთხოვნას მხარი აუბა გაზეთმა „ზაკავკაზიემ“, რომლის კორესპონდენტმა სასტიკად გაილაშქრა ახალციხის კონსერვატიული თვითმმართველობის წინააღმდეგ და მოითხოვა დემოკრატიზმისა და ინტერნაციონალიზმისათვის ფართო გზის გახსნა. ამისთვის უპირველეს ყოვლისა გადაუდებელ საჭიროებად მიაჩნდა არსებული საქალაქო დებულების შეცვლა. ამასთან დაკავშირებით ის წერდა: „დიდი ხანია გადაუდებლად საჭირო გახდა ახლა მოქმედი საქალაქო დებულების ძირფესვიანი რეფორმა. ქალაქის წარმომადგენელთა საძირკველს, როგორც ცნობილია, ამჟამად საფუძვლად უდევს საცენზო საწყისი, რომელიც არ უშვებს ქალაქის არჩევნებში მონაწილეობისათვის ქალაქის მოსახლეობის ფართო ფენებს. ამის გამო ზემოთ დასახელებული რეფორმის განუხორციელებლობის შემთხვევაში ძნელია ისე მოეწყოს საქალაქო თვითმმართველობა, რომ მასში შევიდეს ქალაქის მოსახლეობის ყველა წარმომადგენელი და ფართო ფენების საჭიროებისა და ინტერესების განმომხატველნი“³⁰. ამის გამო წერილის ავტორს გადაუდებელ ამოცანად მიაჩნია ის, რომ ქალაქის პროგრესული ელემენტები გააქტიურდნენ, მაქსიმალურად განოიყვნონ ყველა ის მცირე საშუალება, რასაც არსებული კანონი იძლევა, რათა წინასაარჩევნო კომპანიაში გამარჯვება ალარ ოარჩეთ მათ, ვინც შეიადგენდა თვითმმართველობის ყოფილ კადრს. ავტორი შეშფოთებას გამოთქვამს იმის გამო, რომ ახალციხის თვითმმართველობაში სულ ერთი და იგივე პირები ზიან,

²⁸ სსცია, ფ. 29, ანაწ. 1, საქმე 971, ფურც. 13.

²⁹ იქვე.

³⁰ «Закавказье», 1913, № 157.

არ ხდება მისი შემადგენლობის კანონიერი ცვლა და დასძენს: „დაე, შევიდნენ ქალაქის გამგეობაში ახალი ხალხი, რომლებიც მზად იქნებიან პატიოსნად და ენერგიულად იმუშაონ ქალაქის მოსახლეობის სასარგებლოდ... საქალაქო საქმისათვის საჭიროა საქმის მცოდნეები, საჭიროა უქერქო, პატიოსანი მომუშავეები განუსხვავებლად იმისა, თუ რომელი ეროვნება იქნება გამგეობის წევრი“³¹.

შემდეგ იგი ეხება ქალაქის რწმუნებულთა საქმიანობას, ააშკარავებს მათ უსაქმურობას და აღნიშნავს, რომ სათათბიროს (რწმუნებულთა კრებას) ყოველთვის უნდა ჰქონდეს წინასწარ შედგენილი სამოქმედო პროგრამა, სადაც მთავარი ყურადღება მიექცევა ქალაქის ფინანსების სწორ რეგულირებას, რომლის მოხმარების მთავარი ობიექტი უნდა იყოს ქალაქის კეთილმოწყობა და მშრომელი ხალხის საჭიროების დაკმაყოფილება. „ქალაქის კეთილმოწყობა უნდა იდგეს პირველ რიგში. უნდა გაიფიქროს ხორცი, პური, წყალი, სათბობი. საჭიროა ქალაქის გადასახადების აუცილებელი რეგულირება და საგადასახადო ტვირთის განაწილება. საქალაქო გადასახადების ტვირთი ღარიბ ხალხს უნდა შეუმსუბუქდეს“³².

1913 წელს ახალციხეში ჩატარდა საქალაქო კრების რწმუნებულთა მორიგი არჩევნები. ყველას ეგონა, რომ ამდენი ბრძოლისა და მხილების შემდეგ თვითმმართველობის სომეხი ბურჟუაზიის ბლოკი ახლა მაინც დაუთმობდა გზას მცირეოდენ დემოკრატიზმს, მაგრამ ეს იმედი არ გამართლდა. საქალაქო კრებაში ისევ ძველი რწმუნებულები აირჩიეს. ამ აღმამფოთებელი ფაქტის შესახებ სათათბიროს ყოფილი ხმოსანი გ. ნიკოლაევი გუბერნატორს ატყობინებდა და მოითხოვდა არჩევნების შედეგების გაუქმებას.³³

არჩევნების არაკანონიერად ჩატარებას, დემოკრატიზმის პრინციპების უგულვებელყოფას და არჩევნების დროს არასომეხი მოსახლეობის იგნორირების ფაქტებს უარყოფდა ქალაქის მამასახლისი გრ. მოსესოვი, მაგრამ, საქმის ვითარება სულ სხვას ღადაღებდა, 1913 წლისთვის ახალციხეში ცხოვრობდა 21 683 სული. აქედან არჩევნებში მონაწილეობის უფლება ჰქონდა 459 კაცს. ე. ი. მთელი მოსახლეობის 2 %. მათ შორის ქართველი ბურჟუაზიის წარმომადგენელი იყო 11 ამომრჩეველი, რაც შეადგენდა მთელ ამომრჩეველთა 2,3 %. ანდენივე წარმომადგენელი ჰყავდა რუს ბურჟუაზიასაც, ესენი სულ შეადგენდნენ 22 კაცს, ანუ მთელ ამომრჩეველთა 4,6 %. დანარჩენი 437 ამომრჩეველი, ანუ 95,4 % სომეხი ბურჟუაზიის ინტერესებს გამოხატავდა.

ამ 459 ამომრჩეველმა საქალაქო კრების რწმუნებულთა კანდიდატებად დაასახელა 91 კაცი. მათგან აირჩიეს 15 რწმუნებული, რომელთა შორის არც ერთი ქართველი და რუსი ბურჟუაზიის წარმომადგენელი არ ყოფილა.³⁴ ცარიზმის ანტიხალხური პოლიტიკის პირობებში ახალციხის საქალაქო თვითმმართველობა პლუტოკრატიის ბატონობის იარაღს წარმოადგენდა.

³¹ „Закавказье“, 1913, № 157.

³² იქვე.

³³ სსცა, ფ. 29, ანაწ. 1, საქმე 993, ფურც. 37—38.

³⁴ იქვე, ფურც. 23, 33, 35.

Ю. Б. ГВЕНЕТАДЗЕ

АХАЛЦИХСКОЕ ГОРОДСКОЕ САМОУПРАВЛЕНИЕ
 (1876—1917 гг.).

Резюме

Со второй половины XIX века социально-экономическое развитие в Ахалцихе пошло по капиталистическому пути. На основе преобразования ремесленного производства ясно была видна тенденция к возникновению и развитию капиталистической промышленности. Постепенно увеличивалось число преобразованных предприятий. Вместе с этим внедрялись капиталистические формы торговли и кредита.

Ахалцихское городское самоуправление возникло на капиталистической социально-экономической базе и отвечало ее требованиям. При выборах ахалцихского самоуправления имели место борьба партий, нарушение соответствующих положений и использование «силовых» методов. Среди разных слоев буржуазии борьба партий носила национальный характер, в основном происходила между армянской и грузинской буржуазией, причем в большинстве случаев побеждала армянская буржуазия.

В условиях существовавшей системы выборов низшим слоям населения не удавалось иметь в самоуправлении своих представителей. Поэтому народ требовал демократизации самоуправления, но этим требованиям не сопутствовал успех.

წარმოადგინა საქართველოს სსრ მეცნიერებათა აკადემიის
 ივ. ჯავახიშვილის სახ. ისტორიის, არქეოლოგიისა და ეთნოგრაფიის
 ინსტიტუტის საქართველოს ახალი ისტორიის განყოფილებამ

კობა ხარაძე, იოსებ ქართველიშვილი

XVIII ს-ის I მეოთხედის ქვემო ქართლის მოსახლეობის
რეტროსპექტული კარტოგრაფირება¹

საქართველოს რეტროსპექტული კარტოგრაფირება ჯერ კიდევ ნაკლებად არის შესწავლილი; ისტორიულ წყაროებში, საბუთებსა და აღწერებში მოცემული ცნობები, საშუალებას გვაძლევს აღვადგინოთ ისტორიულ-კარტოგრაფიული სახე. ეს საჭიროა იმიტომ, რომ წარსულის მრავალი მოვლენა თავის დროზე კარტოგრაფიული შემეცნების გარეშე რჩებოდა, ხოლო ამ მოვლენების სივრცითი კანონზომიერების შესახებ ცოდნა მეცნიერების კუთვნილების სფეროდან გამოდიოდა. ეს, რა თქმა უნდა, ერთგვარი დანაკლისი იყო, რადგან წარსულის კარტოგრაფიული ასახვა თავისთავად მეცნიერულ ინტერესს წარმოადგენდა და ამასთან, თანამედროვე კარტოგრაფიული ასახვის მეცნიერული შეფასებისას წარსულთან შედარების საჭიროებაც დგება.

საქართველოს მოსახლეობის აღწერის მასალები, ანუ ისტორიულ დემოგრაფიული ცნობები, დაკუთვნილია ძველ ქართულ და უცხოურ ლიტერატურულ და ისტორიულ წყაროებში; ამავე დროს, მოსახლეობის აღწერის შესახებ ცნობები VII საუკუნემდე არ მოგვეპოვება², რაც უძველესი ძეგლების განადგურებით აიხსნება. სამწუხაროდ, XVI საუკუნეზე ადრე, ჩვენამდე მოღწეული არ არის აღწერის უშუალო მასალებიც³; მხოლოდ XVIII ს-ის მოსახლეობის აღწერის მასალები მოგვეპოვება მრავალმხრივი სტატისტიკური მასალების სახით. განსაკუთრებით მდიდარი მონაცემები გვაქვს ქვემო ქართლის შესახებ, რომლის დიდი ნაწილი „მეწინავე სადროშოს“ წარმოადგენდა. სწორედ ამ მხარის, კერძოდ, 1721 წლის აღწერის⁴ მასალები, რომელიც ვახტანგ მეექვსის ბრძანებით შეუსრულებიათ ვახუშტი ბაგრატიონსა და მდივან-მწიგნობარ გივი თუმანიშვილს, გახდა ჩვენი კვლევის ძირითადი ობიექტი. აღნიშნული სტატისტიკური აღწერა წარმოადგენს საქართველოს ისტორიული გეოგრაფიისა და ისტორიული კარტოგრაფიის მნიშვნელოვან ძეგლს.

1721 წლის აღწერა გამოაქვეყნა წინასიტყვაობით ე. თაყაიშვილმა⁵, ხოლო გამოიკვლიეს ი. ჯავახიშვილმა⁶, ი. ლორთქიფანიძემ⁷ და სხვ.

¹ რეტროსპექტული (ლათ. „რეტრო“ და „სპექტო“) „უკან ვუყურებ“, ე.ი. წარსულისაკენ მიმართული, წარსულის განხილვისადმი მიძღვნილი; ძველი თემატური რუკების აღდგენას არაკარტოგრაფიული წყაროების გზით და ამგვარად შედგენილ ისტორიულ რუკას რეტროსპექტული კარტოგრაფირება ჰქვია.

² ცნობა დაკუთვნილია „ქართლის ცხოვრებაში“, ტ. I, თბ., 1955, გვ. 231.

³ მხედველობაში გვაქვს გურჯისტანის ვილაიეთის დიდი დავთარი, წ. 2, თბ., 1941.

⁴ ქვემოთ ყველგან „აღწერაში“ იგულისხმება 1721 წლის აღწერა.

⁵ მასალანი საქართველოს სტატისტიკური აღწერისათვისა შეთვრამეტე საუკუნეში, გამოცემული ექ. თაყაიშვილის რედაქტორობით, თბ., 1907.

⁶ ი. ჯ ა ვ ა ხ ი შ ვ ი ლ ი, საქართველოს ეკონომიური ისტორია, წ. I, ტფ., 1930.

⁷ ი. ლ ო რ თ ქ ი ფ ა ნ ი ძ ე, ქვემო ქართლი, ნაწ. I და II, თბ., 1935; მისივე, ქვემო ქართლი, ნაწ. III და IV, თბ., 1938.

მიუხედავად იმისა, რომ 1721 წლის აღწერა არ შეიცავს რუკას, არც გეოგრაფიულ აღწერას, მასში მოცემული მდიდარი სტატისტიკური მასალა შეიძლება ვახდეს კარტოგრაფიული კვლევის საგანი. წინამდებარე შრომის რეტროსპექტულ კარტოგრაფირებაში ვეყრდნობით ა. ასლანიკაშვილის ერთ-ერთ შრომას⁸, რომელიც ეხება XVI ს-ის თურქულ სტატისტიკურ მასალას. გარდა ამისა, გამოვიყენეთ შემდეგი წყაროები: 1. ვახტანგ მეექვსის „დასტურლამალი“, 1707-1709 წწ;⁹ 2. ვახუშტი ბაგრატიონის „აღწერა სამეფოსა საქართველოსა“, 1745 წ;¹⁰ 3. ვახუშტი ბაგრატიონის „საქართველოს ატლასი“, 1745 წ¹¹; 4. გასული საუკუნისა და თანამედროვე მსხვილმასშტაბიანი რუკები.

მოსახლეობის რეტროსპექტული კარტოგრაფირების შესწავლისათვის აუცილებელია დავადგინოთ საკვლევი ტერიტორიის ადმინისტრაციული საზღვრები, რაც თავისთავად რთული პროცესია. მართალია, ვახუშტის რუკებზე გამოყოფილია ქვემო ქართლისა და მასში შემავალი მხარეების საზღვრები, მაგრამ ისინი არ უთავსდებიან თანამედროვე რუკების საფუძველს. ამან გამოიწვია თანამედროვე რუკებზე მათი ახლად დადგენა. აღნიშნული სამუშაოს შესრულებაში გარკვეული დახმარება გავეწვია ი. ლორთქიფანიძის შრომებმა¹², კერძოდ, ქვემო ქართლის მთლიანი და მასში შემავალი ზოგი მხარის საზღვრების დადგენაში. საკვლევი ტერიტორიის საზღვრების რუკაზე გამოსახაზავად გამოვიყენეთ 1:200 000 მასშტაბის რუკები, სადაც საზღვრები ძირითადად ბუნებრივ მიჯნებზე გავატარეთ (წყალგამყოფი, მდინარე და სხვ.).

ქვემო ქართლში შემავალი ზოგი მხარის საზღვრების დადგენაში წვაყყადით მცირე შეუსაბამობას; ვახუშტის რუკებზე ნაჩვენებია შემდეგი მხარეები: ალგეთი, დბანის ხევი, თრიალეთი. სკვირეთი, ტაშირი, სომხითი, ქციის ხრა-მი, ზურტაკეტი (ყარაბულახი), ყაიყული (აბოცი), ბერდუჯი, ყარაია; აქედან ბერდუჯში გაერთიანებულია ლორე და ბამბაკი (ამგვარად არის აღწერილი მისივე „საქართველოს გეოგრაფიაში“). რაც შეეხება ლოქინის ხევის მიდამოებს, ვახუშტის უსახელოდ აქვს რუკაზე დატანილი. ი. ლორთქიფანიძეს¹³ მიაჩნია, რომ ამ მხარეს პირობითად ეწოდოს მტკვრის გაღმა მხარე. მისივე აზრით, ლორე ტაშირში უნდა იქნეს გაერთიანებული¹⁴, ხოლო ჩვენ ცალკე მხარედ გამოვყავით, რადგან XVIII საუკუნეში იგი ცალკე ადმინისტრაციულ ერთეულს წარმოადგენდა; ამასთან, ლორეს შესახებ არსებობს სტატისტიკური მონაცემები.

XVIII ს-ის I მეოთხედის ქვემო ქართლისა და მასში შემავალი მხარეების საზღვრების გავლების შემდეგ, მოხერხდა კარტოგრაფიული გამოსახულების მიღება 1:200 000 მასშტაბში. მიღებული რუკიდან ჩანს, რომ ქვემო ქართლი მოიცავს საქართველოს სსრ შემდეგ ადმინისტრაციულ რაიონებს: ბოლნისის, გარდაბნის, დმანისის, თეთრიწყაროს, მარნეულის, წალკის; უმნიშვნე-

⁸ ალ. ასლანიკაშვილი, „გურჯისტანის ვილაიეთის დიდი დაფორის“ კარტოგრაფიული შესწავლის ზოგორთი შედეგი, თსუ შრომები, 1956, ტ. 58.

⁹ ვახტანგ მეექვსე, დასტურლამალი, პ. უმიკაშვილის რედაქტორობით, ტფ., 1886.

¹⁰ ვახუშტი, აღწერა სამეფოსა საქართველოსა, თ. ლომოურისა და ნ. ბერძენიშვილის რედაქტორობით, თბ., 1941.

¹¹ ვახუშტი, საქართველოს ატლასი, 1745 წ., საქართველოს სსრ ცენტრალური არქივის ფონდი, 105.

¹² ი. ლორთქიფანიძე, დასახ. ნაშრომები.

¹³ ი. ლორთქიფანიძე, დასახ. ნაშრომი, ნაწ. I და II, გვ. 237—238.

¹⁴ იქვე, გვ. 246.

ლო ნაწილი გადადის ბოგდანოვკის, ბორჯომის და სავარეჯოს რაიონების ტერიტორიაზე; გარდა ამისა, მცირე ნაწილი გადადის სომხეთის სსრ ჩრდილო რაიონების და აზერბაიჯანის სსრ (ყაზახის რ.) ტერიტორიებზე.

XVIII ს. I მეოთხედის ქვემო ქართლის
სქემატური რუკა



ნახ. 1.

ზემოაღნიშნულ რუკაზე გამოვსახეთ: 1. საზღვრები — საქართველოს ისტორიულ გეოგრაფიული პროვინციის (ქვემო ქართლი) და მისი შემადგენელი ნაწილები (მხარეები); 2. ჰიდროგრაფიული ქსელი — მთავარი მდინარეები და ტბები; 3. ქვემო ქართლის მსხვილი დასახლებული პუნქტები (ნახ. 1).¹⁵

მიღებულმა კარტოგრაფიულმა გამოსახულებამ ყოველი ადმინისტრაციული დანაყოფის ტერიტორიის ფართობის გაზომვის საშუალება მოგვცა. დადგენილ ფარგლებში ქვემო ქართლის მთელი ფართობი 12 670 კმ²-ს შეადგენს; აქვე უნდა აღვნიშნოთ, რომ ბამბაკ-ბერდუჯისა და ყარაიას მხარეების შესახებ არასაკმარისი სტატისტიკური მასალა გავვაჩინდა, რის გამოც ამ მხარეების კვლევა მიზანშეწონილად არ ჩავთვალეთ. ამრიგად, მთლიანი ფართობიდან ბამბაკ-ბერდუჯისა (2 690 კმ²) და ყარაიას (1 230 კმ²) გამოკლებით საკვლევ ტერიტორიის ფართობი შეადგენს 8 750 კმ², ანუ მთელი ქვემო ქართლის ფართობის 69%-ს. მხარეებს შორის ყველაზე დიდი ტერიტორია ეჭირა თრიალეთს (1 550 კმ²), ალგეთს (1 280 კმ²), სომხითს (1 250 კმ²), შემდეგ მოდის ყაიყული (1 000 კმ²), ტაშირი (950 კმ²), დბანის ხევი (860 კმ²), ქციის ზრამი (720 კმ²); შედარებით მცირე ფართობი ეკავათ: ზურტაკეტს (410 კმ²), მტკვრის ვაღმა მხარეს (290 კმ²), ლორეს (230 კმ²) და სკვირეთს (210 კმ²).

¹⁵ შრომაზე დართული ყველა ნახაზი გააფორმა ც. ვაშაქიძემ.

მოსახლეობის გეოგრაფიული განლაგების სურათის კარტოგრაფიული გამოსახვისათვის საჭიროა აღწერის სტატისტიკური მასალის გადამუშავება, იმ სახით, რომ მოსახლეობის გეოგრაფიული განლაგების სურათი აგვეხსნა. აღწერაში ქვემო ქართლის დასახლებული პუნქტების მოსახლეობა (კომლები)¹⁶ დანაწილებულია მფლობელობის მიხედვით; ამ გზით ერთ და იმავე სოფლის მოსახლეობა სხვადასხვა მხარეში გადადის, ხოლო ერთი და იგივე სოფელი სხვადასხვა მფლობელს მიეწერება; ასე მაგალითად, სხვადასხვა მეზატონის ერთი და იგივე სოფელი აღწერაში რამდენჯერმე მგორდება, იმის მიხედვით, თუ რამდენ მეზატონეს ჰყავდა მასში კომლი (სოფ. ანდრია აღწერაში დასახლებულია 11-ჯერ, აბულმაგი 9-ჯერ და სხვ.).

მოცემული მასალა წინამდებარე კვლევისათვის ამ სახით არ გამოდგებოდა, რადგან საჭირო იყო მხარეების მიხედვით მათი დაჯგუფება; აღწერის მასალები ადმინისტრაციული პრინციპით დალაგებული აქვს ი. ლორთქიფანიძეს¹⁷, რომლის მონაცემებიდანაც ვსარგებლობთ. სულ აღწერა მოიცავს 554 დასახლებულ პუნქტს, საიდანაც ი. ლორთქიფანიძეს ცალკე აქვს დაჯგუფებული დასახლებული პუნქტები (22), რომლებიც გაურკვეველია თუ რომელ მხარეს ეკუთვნის ისინი. აქედან ჩვენ დავადგინეთ დასახლებულ პუნქტთა (19) უმეტესი ნაწილის ადგილმდებარეობა მხარეების მიხედვით. გარდა ამისა, აღწერის გარეშე დარჩენილა 193 დასახლებული პუნქტი, საიდანაც 16 დასახლებული პუნქტი გაურკვეველი მხარის ჯგუფშია მოქცეული; აქედან, დავადგინეთ 8 დასახლებული პუნქტის ადგილმდებარეობა მხარეების მიხედვით; ხოლო 76 ელის თაბუნთან¹⁸ ი. ლორთქიფანიძეს გარკვეული აქვს 28 თაბუნის ადგილმდებარეობა.

ამრიგად, დამატებებისა და შევსების შემდეგ XVIII ს-ის I მეოთხედის ქვემო ქართლის დასახლებულ პუნქტთა რაოდენობა შეადგენს 868-ს, სადაც ცხოვრობს 13 237 კომლი. ამასთან, საინტერესო იყო მოსახლეობის რაოდენობა გამოგვესახა სულადობით, მაგრამ ეს შეუძლებელი აღმოჩნდა, იმის გამო, რომ აღწერაში ნაჩვენებია კომლთა რაოდენობა. მართალია, მიღებულია საშუალოდ ერთ კომლში ხუთი სულის რაოდენობა, მაგრამ კარტოგრაფიული ასახვისას იმავე სახეს მივიღებდით.

ყოველივე ამის შემდეგ, XVIII ს-ის I მეოთხედის ქვემო ქართლისა და მასში შემავალი მხარეების ტერიტორიული მოცულობისა და მოსახლეობის სტატისტიკური მონაცემების ცხრილმა შემდეგი სახე მიიღო (იხ. ცხრილი 1).

მესამე სვეტში მოთავსებულია ქვემო ქართლისა და მასში შემავალი მხარეების ფართობი, რომელიც გავზომეთ მსხვილმასშტაბიან (1:200 000) რუკებზე; მე-4-7 სვეტებში ნაჩვენებია დასახლებულ პუნქტთა რაოდენობა (მე-4 აღწერის მიხედვით, მე-5 გამოტოვებული სოფლები, ანუ აღწერის გარეშე დატოვებული, მე-6 ელის დასახლებული პუნქტები და მე-7 სულ დასახლებული პუნქტები), მე-8 სვეტში ნაჩვენებია ფართობის ყოველ 10 კმ²-ზე დასახლებულ პუნქტთა სიმჭიდროვე; მე-9-12 სვეტებში მოცემულია მხარის კომლთა რიცხვი (მე-9 აღწერის მიხედვით, მე-10 გამოტოვებული კომლთა რიცხვი ანუ აღრიცხვის გარეშე დატოვებული, მე-11 ელის მოსახლეობა და მე-12 სულ

¹⁶ ქვემოთ ყველგან მოსახლეობა კომლობით იგულისხმება.

¹⁷ ი. ლორთქიფანიძე, დასახ. ნაშრომები.

¹⁸ ადამიანთა ჯგუფის დასახლება, იგივე სოფელი. ელი კი ჩამოსახლებული თურქმანებია.

XVIII ს. I მეოთხედის ქვემო ქართლისა და მისი შემადგენელი მხარეების ტერიტორიული მოცულობა¹⁹ და მოსახლეობა

№№ რიგ-ზე	მხარეები ²⁰	ფართობი კმ ²	სოფლები				დასახლებულ პუნქტთა სიმჭიდროვე 10 კმ ²	კომუნარიცხვი				კომუნარიცხვის სიმჭიდროვე ერთ კმ ² -ზე	კომუნარიცხვის მოცულობა ერთ სოფელში საშუალოდ
			აღწერითი	გამოტოვ.	ვლის	სულ		აღწერითი	გამოტოვ.	ვლის	სულ		
1	2	3	4	5	6	7	8	9	10	11	12	13	14
1	აღვეთი	1 280	89	30	3	122	0,95	1 410	442	197	2049	1,60	16,8
2	ღმანის ხევი	860	116	31	1	148	1,72	1 498	341	43	1832	2,19	12,7
3	თრიალეთი	1 550	59	29	—	88	0,57	506	261	—	827	0,53	9,4
4	მტკვრის ვადმა მხარე	290	6	8	13	27	0,93	81	104	818	1003	3,45	37,1
5	სვერეთი	210	12	—	—	12	0,57	154	—	—	154	0,73	12,8
6	სომხთი	1 250	105	44	5	154	1,23	1 434	527	127	2088	1,67	13,5
7	ტაშირი	950	53	12	—	65	0,68	722	165	—	887	0,93	13,6
8	ქციოს ხრამი	720	68	16	6	90	1,25	897	176	262	1335	1,85	14,8
9	ხურტაქეთი (ყარაბუღახი)	410	40	15	—	55	1,34	351	139	—	490	1,19	8,9
10	ყაფელი (აბოცი)	1 000	—	39	—	39	0,39	—	429	—	429	0,43	11,0
11	ლორე	230	—	9	—	9	0,39	—	118	—	118	0,51	13,1
	გამოერყვევილი	—	3	8	48	59	—	8	89	1878	1975	—	—
	სულ	8 750	551	241	76	868	0,99	7 121	2 791	3 325	13 237	1,51	15,25

¹⁹ ფართობი ნაჩვენებია ტბების გარეშე.

²⁰ ცხრილში ნაჩვენებია არ არსებამბაკ-ხერდუჯი (ფართობი 2 690 კმ²) და ყარაია (ფართობი 1230 კმ²).

მოსახლეობის რაოდენობა); მე-13 სვეტში აღნიშნულია მოსახლეობის სიმჭიდროვე ყოველ ერთ კმ²-ზე, ხოლო მე-14 სვეტში კომლთა რიცხვი ერთ სოფელში საშუალოდ.

ცხრილის მიხედვით გამოურკვეველია 59 დასახლებული პუნქტის ადგილმდებარეობა, რომელთა მოსახლეობის რაოდენობა 1975 კომლია. აღნიშნული მონაცემები ცხრილის საერთო რიცხვში შევიტანეთ, ხოლო კარტოგრაფების შედგენისას მხედველობაში არ მივივლია.

როგორც დემოგრაფიული მონაცემების სტატისტიკური ცხრილიდან ჩანს, განისაზღვრა XVIII ს-ის I მეოთხედის ქვემო ქართლისა და მისი ცალკეული მხარეების: ა) დასახლებულ პუნქტთა სიმჭიდროვე ფართობის ყოველ 10 კმ²-ზე; ბ) მოსახლეობის სიმჭიდროვე ფართობის ყოველ ერთ კმ²-ზე; გ) კომლთა რიცხვი ერთ სოფელში საშუალოდ. ცხრილიდან ჩანს, რომ ქვემო ქართლის დასახლებულ პუნქტთა საშუალო სიმჭიდროვე ყოველ 10 კმ²-ზე 0,99 სოფლით გამოისახებოდა, ხოლო კომლთა საშუალო სიმჭიდროვე ყოველ ერთ კმ²-ზე 1,51 კომლს უდრიდა. აქედან ნათლად ჩანს, რომ საკვლევი ტერიტორიის ყოველ 10 კმ²-ზე ერთი სოფელიც არ მოდიოდა; ერთი შეხედვით, შეიძლება ეკვივ შეგვეპაროს ქვემო ქართლის მჭიდროდ დასახლებაზე, მაგრამ გასათვალისწინებელია ამ მხარის ნაოხარ-ნასოფლარების საკმაო რაოდენობა, რომელთა რიცხვი შემდეგში კიდევ უფრო გაიზარდა (მხოლოდ XIX ს-ის მანძილზე ამ ნასოფლარების უმეტეს ნაწილში თურქეთიდან გადმოსახლებულმა მოსახლეობამ კვლავ შეავსო დასახლებულ პუნქტთა და მოსახლეობის რაოდენობა). რაც შეეხება მოსახლეობის რაოდენობას ერთ სოფელში საშუალოდ (14 კომლი), მათი რიცხვიც თითქოს დაბალია, მაგრამ აღსანიშნავია ის გარემოება, რომ ზოგ სოფელში სულ რამდენიმე კომლი ცხოვრობდა, რაც საერთო მაჩვენებელს დაბლა სწევს.


ქვემო ქართლისა და მისი შემადგენელი მხარეების დემოგრაფიულ მონაცემთა სტატისტიკურ-კარტოგრაფიული ანალიზის საფუძველზე შეიძლება განისაზღვროს: ა) ქვემო ქართლის დასახლებულ პუნქტთა სიმჭიდროვე 10 კმ²-ზე; ბ) ქვემო ქართლის მოსახლეობის სიმჭიდროვე ფართობის ყოველ კმ²-ზე; ამის საფუძველზე შევადგინეთ შესაბამისი კარტოგრაფები.

შედგენილი ცხრილისა და კარტოგრაფების მიხედვით წარმოდგენა გვეძლევა დასახლებულ პუნქტთა სიმჭიდროვეზე ყოველ 10 კმ²-ზე; დასახლებულ პუნქტთა სიმჭიდროვის მიხედვით პირველ ადგილზე დგას დაბანის ხევი (1,72), მეორე ადგილზეა ზურტაკეტი (1,34), შემდეგ მოდის ქციის ხრამი (1,25), სომხთი (1,23), და ა. შ. დასახლებულ პუნქტთა ყველაზე დაბალი სიმჭიდროვეთ გამოირჩევა ყაიყული; ზემოთ მოცემული ცხრილის ამ სვეტში განლაგებული ციფრობრივი მონაცემები სინამდვილესთან ახლოს უნდა იყოს, რადგან აღნიშნული ხეობები ყოველთვის გამოირჩეოდნენ დასახლებულ პუნქტთა მაღალი სიმჭიდროვეთ; აქვე გაედინებოდა ქვემო ქართლის უმთავრესი მდინარეები (ქცია, მაშავერა, ყარაბულახი და სხვ.), რომლებიც დასახლებისათვის ქმნიდნენ ხელსაყრელ პირობებს; ამავე დროს, ამ მხარეებში გადიოდა ძირითადი დამაკავშირებელი გზები.

ცხრილის მიხედვით ჩანს, რომ ალგეთსა და თრიალეთს დასახლებულ პუნქტთა სიმჭიდროვეთ საშუალო ადგილი უჭირავს; ეს გარემოება გამოწვეული უნდა იყოს იმით, რომ ამ მხარეთა ტერიტორიის ფართობი ძალზე გაზრდილია ირგვლივ მოსაზღვრე მთიანი რელიეფით, რაც საბოლოო ჯამში დაბლა

სწევს დასახლებულ პუნქტთა სიმჭიდროვეს. შეიძლება დასახლებულ პუნქტთა სიმჭიდროვე გამოგვეანგარიშებინა განსახლების ფართობზე, რითაც განსხვავებულ სურათს მივიღებდით²¹, მაგრამ ჩვენ ამ შემთხვევაში გვიანტერესებდა სიმჭიდროვე მთლიან ტერიტორიაზე. მოსახლეობის განლაგების თავისებურებებზე, ცალკეული მხარეების მიხედვით ნათელ წარმოდგენას გვაძლევს დასახლებულ პუნქტთა სიმჭიდროვის კარტოგრამა (ნახ. 2).

XVIII ს. I მართხლის ძველი ქართლის დასახლებულ პუნქტთა სიმჭიდროვე (ფართობი ყოველ 10 კმ²-ზე საშუალო)



ნახ. 2.

როგორც ზემოთ აღვნიშნეთ, მოსახლეობის სიმჭიდროვის გასაგებად გამოვიყენეთ აღწერის მასალები კომლების მიხედვით; ამ შემთხვევაში კომლთა რაოდენობა გამოვიანგარიშეთ ყოველ კმ²-ზე, რომელიც აისახა ცხრილის მე-13 სვეტში (კომლთა რაოდენობის შეფარდებით). მასში ნათლად ჩანს, რომ მოსახლეობის საშუალო სიმჭიდროვის მხრივ პირველ ადგილზეა მტკვრის ვალმა მხარე (3,45 კომლი), მეორე ადგილზე დბანის ხევი (2,19 კომლი), შემდეგ მოდის ქციის ხრამი (1,85 კომლი), სომხითი (1,67 კომლი) და ა. შ. მოსახლეობის ყველაზე დაბალი საშუალო სიმჭიდროვეა ყაიყულში (0,43 კომლი); როგორც ვხედავთ, აქაც თავისებური კანონზომიერებაა; გამოჩაქისის შეადგენს მტკვრის ვალმა მხარე, რომელმაც მოსახლეობის საშუალო სიმჭიდროვით პირველი ადგილი დაიკავა. ეს გამოწვეული უნდა ყოფილიყო იმით, რომ ამ მხარის ფართობი შედარებით მცირეა და ამასთან, ქალაქ თბილისს²² უშუალოდ ეკვრის. გარდა ამისა, XVIII საუკუნიდან ელის მოსახლეობის მიგრაცია ამ

²¹ მსგავსი საშუაოს შესრულება ვანზრახული გეაქვს საქართველოს სხვა მხარის მოსახლეობის რეტროსპექტული კარტოგრაფირების დროს.


²² წინამდებარე შრომაში ქალაქ თბილისის მოსახლეობის რაოდენობას მხედველობაში არ ვიღებთ.

მხარეში საკმაოდ გაიზარდა²³. ამასთან, მოსახლეობის საშუალო სიმჭიდროვე კვლავ მაღალია მთავარი მდინარეების ხეობებში; ყოველივე ეს კარგად ჩანს მოსახლეობის საშუალო სიმჭიდროვის კარტოგრამაზე (ნახ. 3).

ორივე კარტოგრამის (ნახ. 2,3) შედარების საფუძველზე ირკვევა, რომ განსაკუთრებული გადახრები არ შეიმჩნევა; დასახლებულ პუნქტთა სიმჭიდროვე შეესაბამება მოსახლეობის საშუალო სიმჭიდროვეს; გამოჩნდა მტკვრის ვალმა მხარე, რომლის შესახებ ზემოთ აღვნიშნეთ. პირველ ზონაში²⁴ ორივე კარტოგრამაზე მოქცეულია დბანის ხევი, მეორე ზონაში სომხითი და ქტია; მოსახლეობის საშუალო სიმჭიდროვის მეორე ზონაში მოხვდა ალგეთი, ზურტა-

XVIII ს. I კვეთის კვეთი ქართლის მოსახლეობის (კმ²/სა)

სიმჭიდროვე (ფართობი უდრს კმ²-ს)



ნახ. 3.

კეტი კი მოექცა მესამე ზონაში; სამაგიეროდ, დასახლებულ პუნქტთა საშუალო სიმჭიდროვის კარტოგრამაზე ზურტაკეტმა გადაინაცვლა მეორე ზონაში. შემდეგ ზონაში გაერთიანდნენ დანარჩენი მხარეები, გარდა ყაიყულისა. დასახლებულ პუნქტთა სიმჭიდროვის ბოლო ზონაში ყაიყულთან გადაინაცვლა ლორემ.

ჩვენ მიერ ჩატარებული კვლევის შედეგად უნდა დავასკვნათ, რომ XVIII ს-ის პირველი მეოთხედის ქვემო ქართლის აღწერის მასალები წარმოადგენს საქართველოს ისტორიული გეოგრაფიისა და ისტორიული კარტოგრაფიის ძვირფას წყაროს, რომელიც ნათელ წარმოდგენას გვაძლევს იმ დროის მოსახლეობის მთელ რიგ საკითხებზე.

²³ შაჰ-აბასის მიერ აღმოსახლებული ელის მოსახლეობა თავდაპირველად ქურდუაქრის ხევიში (ახლანდელი დებედას ქვემო ნაწილი) ცხოვრობდა, შემდეგ კი ქვემო ქართლის სხვა მხარეებშიც გადასულა.

²⁴ ზონაში ვგულისხმობთ კარტოგრამების ლეგენდას მეტიდან ნაკლებისაკენ.

Ж. П. ХАРАДЗЕ, И. Д. КАРТВЕЛИШВИЛИ

РЕТРОСПЕКТИВНОЕ КАТОГРАФИРОВАНИЕ НАСЕЛЕНИЯ КВЕМО (НИЖНЕЙ) КАРТЛИ I ЧЕТВЕРТИ XVIII в.

Резюме

В работе по данным переписи населения за I четверть XVIII в. дано ретроспективное картографирование одной из частей Грузии — Нижней Картли. По данным материалам составлена таблица территориального объема и населения исследуемой территории (табл. 1). Кроме того составлена административная карта Нижней Картли (рис. 1); измерена площадь составных ее частей, после чего по данным переписи населения была составлена картина географического размещения населения.

По демографическим данным составлены картограммы:

1. Плотности населенных пунктов на каждые 10 км² территории (рис. 2);

2. Средней плотности населения на 1 км² территории (рис. 3).

На основе составленных картограмм установлены некоторые закономерности размещения населенных пунктов, география населенных пунктов и география населения Нижней Картли.

თინა ივალავილი

ნიშნობის წმინდა სამცხე-ჯავახეთში

საქორწინო ურთიერთობის სფეროში, რასაც მონოგრაფიულად ესწავლობთ სამცხე-ჯავახეთის ეთნოგრაფიული მონაცემების მიხედვით, ერთ-ერთ ძირითად საფეხურად წარმოგვიდგება საქორწინო გარიგება და ნიშნობა. მონოგრაფიაში ეს საკითხი განიხილება საქორწინო კავშირის დამყარებისათვის სავალდებულო წინაპირობების შესწავლის შემდეგ. საქორწინო გარიგება და ნიშნობა თავის მხრივ სამ ეტაპად იყოფა, რომელთა შორის პირველ რიგში გასათვალისწინებელია მოციქულის ფუნქციების გარკვევა, მეორე ეტაპზე ხდებოდა მხარეთა მოლაპარაკება და შეთანხმება, რასაც სამცხე-ჯავახეთში ერქვა „ბემს შეცვლა“, ხოლო მესამე საფეხური იყო ნიშნობა, რითაც მთავრდებოდა ოჯახებს შორის დამოყვრების შესახებ ადრე დაწყებული მოლაპარაკება.

ნიშნობის აუცილებელ პირობად ითვლებოდა წინასწარ დანიშნული დროისათვის ვაყის ოჯახიდან ქალის ოჯახში რამდენიმე კაცის მისვლა, ნიშნის მიტანა და ნიშნობის რიტუალში მონაწილეობის მიღება. ასეთ საპატიო და საპასუხისმგებლო მოვალეობის შესრულებაში ხუთი-ექვსი კაცი მონაწილეობდა: ვაყის მამა, უფროსი ძმა, ბიძა, სიძე, ნათლია. მათ შორის აუცილებლად უნდა ყოფილიყო მოციქულიც. ძველად ნიშნობაში სასიძოს მხრიდან ქალის მონაწილეობა მიუღებელი იყო. მხოლოდ ჩვენი საუკუნის 20-იანი წლებიდან შემოვიდა წესად სასიძოს მამიდის ან დედის, ხოლო კათოლიკურ მოსახლეობაში სადღეამთილოს მონაწილეობაც.¹

წარსულში ნიშნობის დროს საპატარძლოს ოჯახში სასიძოს მისვლა მიუღებელი იყო არა მარტო სამცხე-ჯავახეთში, არამედ საქართველოს სხვა კუთხეებშიც¹. XX ს-ის 20—30-იანი წლებიდან კი მისი წასვლის წესი თითქმის ყველგან ვრცელდება.

ვაყის ოჯახს, მისი ეკონომიკური შესაძლებლობის მიხედვით, საპატარძლოსათვის მიჰქონდა ქსოვილი ტანსაცმელისათვის და ცოტაოდენი ძღვენი საქმელ-სასმელის სახით. უნდა აღინიშნოს, რომ ნიშნობის დროს ძღვნის მიტანის წესს სამცხე-ჯავახეთში მხოლოდ მართლმადიდებელი მოსახლეობა ასრულებდა. ძღვენიში შედიოდა: ერთი-ორი ცხვარი, იქ მისულ თითო კაცზე ერთი თუნგი (4 ლიტრი) არაყი ან ნახევარი ფუთი ღვინო, ცოტაოდენი ქადა-ნახუქი და „სუფთა“ (დიკის) პური. ცალკობით მისატანი წყვილი უნდა ყოფილიყო.

რაც შეეხება კათოლიკურ მოსახლეობას, მათთან სასიძოს ოჯახიდან ნიშნობის დროს მიტანილი ხარჯი მეტად მცირე იყო. „თეფურაზე“ (ხის ტაბაკზე) დაალაგებდნენ მხოლოდ ყათმარ-ქადას, ერთ მოხარშულ ქათამს, ერთ ლიტრ

¹ მ. ჯანაშვილი, საინგილო, გაზ. „ივერია“, 1889, № 193; ა. ნოდია, წერილითხაზითიდან, გაზ. „ივერია“, 1902, № 68; თ. სახოკია, ეთნოგრაფიული ნაწერები, თბ., 1955, გვ. 87; ი. ჭყონია, ქორწინების ინსტიტუტისათვის, თბ., 1955, გვ. 121; ვ. ითონიშვილი, ქართველ მთელთა საოჯახო ურთიერთობის ისტორიიდან, თბ., 1960, გვ. 145; მ. ბეჭია, ძველი და ახალი საქორწინო ტრადიციები აჭარაში, ბათუმი, 1974, გვ. 35.

არაყს და ასე მიიტანდნენ. თუ საპატარძლოს ოჯახი სხვა სოფელში ცხოვრობდა (რაც იშვიათი იყო), ამ ხარჯს ხურჯინით წაიღებდნენ.

საქართველოს სხვა კუთხეების მსგავსად² ძველის მიტანის არსებობა გამონათქვამი უნდა იყოს იმ ადრეული წესისა, როდესაც ნიშნობის მთელ ხარჯს ვაყის ოჯახი კისრულობდა. შემდეგ, საზოგადოების სოციალურ-ეკონომიკური ცხოვრების განვითარების შესაბამისად, ამ წესმა ცვლილება განიცადა, რაც გამოიხატა ვაყის ოჯახის ხარჯების შემცირებასა და საპატარძლოს ოჯახის ხარჯების გაზრდაში. მიუხედავად ამ ცვლილებებისა, ძველი ჩვეულება მთლიანად არ მოიშალა, ჩვენი საუკუნის 40-იან წლებამდე არსებობდა და აქა-იქ დღესაც სრულდება.

ისევე როგორც საქართველოს ზოგიერთ კუთხეში³, სამცხე-ჯავახეთშიც ნიშნობისათვის გარკვეული დრო ჰქონდათ შერჩეული. უმეტესად ნიშნობას გაზაფხულზე მართავდნენ, როცა საგაზაფხულო ხვნა-თესვას დაამთავრებდნენ და ხალხი სამეურნეო საქმეებით ნაკლებად იყო დაკავებული. შემოდგომა ქორწილის დროდ ითვლებოდა. მთხრობელთა გადმოცემით, უკეთესი იყო ნიშნობა რომელიმე რელიგიურ დღესასწაულს დამთხვეოდა (ყველიერი, აღდგომა). მარხვის გამოკლებით, ვინიდან მარხვაში ნიშნობის და ქორწილის გადახდა მიუღებელი იყო.

სასიძოს ოჯახიდან საპატარძლოს სახლში „მონიშნეების“⁴ წასვლა დასამუშავები იყო კვირის ყოველ დღეს გარდა ორშაბათისა, რამდენადაც ხალხის რწმენით, ორშაბათი თარს, ნავსიან დღედ ითვლებოდა. საერთოდ, ამ დღეს ერიდებოდნენ მგზავრობასაც და სტუმრობასაც.

მონიშნეები საპატარძლოს ოჯახში შუადღისას ან საღამოხანს მივიდოდნენ. მათ ოჯახის უფროსი ნათესავ-მოკეთებების თანხლებით მიეგებებოდა. მისალმება-მოკითხვის შემდეგ მოსულ სტუმრებს ცხენებს ჩამოართმევდნენ და სახლში შეიწვევდნენ. სახლში შესვლისთანავე „მოყვარე“⁵ მოტანილ ძველს საპატარძლოს ოჯახის უფროსს ჩააბარებდა.

სამცხე-ჯავახეთში ნიშნობის სუფრას მონიშნეების მოსვლის მეორე დღეს, ხოლო იშვიათად მათი მოსვლის დღესვე მართავდნენ. ნადიმი დამსწრეთა რაოდენობით, საქმელ-სასმელის სიუხვით და ხანგრძლივობით ქორწილის სუფრას არ ჩამორჩებოდა. ამასთან დაკავშირებით ხალხს უთქვამს: „ქალის ნიშანი უნდა ჰქამო და ვაყის ქორწილი“-ო. სუფრის სიდიდე დამოკიდებული იყო საპატარძლოს ოჯახის მიერ მოწვეული ნათესავ-მოკეთებების რაოდენობაზე. ნიშ-

² მ. ჯ ა ნ ა შ ვ ი ლ ი, საინგილო, გაზ. „ივერია“, 1889; № 193; ს. ს. ი. კ. ო., გლეხური ქორწილი ქვემო ქართლში, გაზ. „ივერია“, 1888, № 199; ი. ჭ ყ ო ნ ი ა, ქორწინების ინსტიტუტი მთიულეთში, თბ., 1955, გვ. 148; თ. ს ა ხ ო კ ი ა, დასახ. ნაშრომი, გვ. 87; ვ. ი თ ო ნ ი შ ვ ი ლ ი, დასახ. ნაშრომი, გვ. 139; მ. ბ ე ქ ა ი ა, დასახ. ნაშრომი, გვ. 35.

³ ვ. ი თ ო ნ ი შ ვ ი ლ ი, დასახ. ნაშრომი, გვ. 142.

⁴ „მონიშნე“ სამცხე-ჯავახეთში ეწოდება ნიშნობის დროს სასიძოს მხრიდან მოსულ ხალხს. სამწუხაროდ, ქართულ სიტყვარებში ამ სიტყვის განმარტება მოცემული არ არის. გამოცხადისია მხოლოდ პ. ხუბუტაის „თუშური კილო“, სადაც „მონიშნე“, არის „ახლადდანიშნულთათვის ნიშნის მიმტანი“ (ა. ხ უ ბ უ ტ ი ა, თუშური კილო, თბ., 1969, გვ. 121).

⁵ ქართული ენის განმარტებითი ლექსიკონით მოყვარე არის „ცოლის ნათესავი ქრმის ნათესავებისათვის და ქმრის ნათესავი ცოლის ნათესავებისათვის“ (ქართული ენის განმარტებითი ლექსიკონი, V, თბ., 1958, გვ. 1918) სამცხე-ჯავახეთშიც ასეა, მაგრამ აქ მოყვარეს მართლმადიდებელი მოსახლეობა მხოლოდ მამრობითი სქესის წარმომადგენელს უწოდებს, მღვდლობითი სქესის წარმომადგენელს კი მძახხალს.

ნობაში კი ოჯახი იწვევდა იმ ნათესავ-მოკეთეებს, რომლებიც ქორწილშიც უნდა დაეპატიჟა.

საქმელ-სასმელის მომზადება მთლიანად საპატარძლოს ოჯახს ევალებოდა, თუ მხედველობაში არ მივიღებთ მონიშნების მიერ მოტანილ მცირეოდენ ძღვენს. ოჯახს პურ-მარილის მომზადებაში დახმარებას უწევდნენ ნათესავ-მოკეთეები.

ნიშნობასა და ქორწილში სასმელად ჯავახეთში უმთავრესად არაყს, ხოლო შეძლებულ ოჯახში ღვინოსაც იყენებდნენ. ჯავახეთისაგან განსხვავებით, სამცხეში უმთავრესად ღვინოს ხმარობდნენ, ვინაიდან ეს კუთხე მევენახეობა-მელვინეობის ფართო განვითარებისა და ვაჭის მთელი რიგი აბორიგენული ჯიშების კერად არის მიჩნეული⁶.

დაპატივებული ხალხის რაოდენობის შესაბამისად ნიშნობას მართავდნენ ოდაში, დარბაზში ან ბოსელში. სუფრა იშლებოდა ფეხდაბალ მაგიდებზე, რომელსაც ადგილობრივი მოსახლეობა დღემდე ფეშხუმს⁷ უწოდებს. ფეშხუმებს დარბაზსა თუ ბოსელში კედლების გასწვრივ ისე დააწყობდნენ ორ რიგად, რომ რიგებს შორის გასასვლელი ადგილი დაეტოვებინათ მომსახურე პერსონალისათვის. ფეშხუმთა რიგებს ორსავე მხრიდან ჯეჯიმებს მოუფენდნენ და ხალხი ფეხმორთხმით დასხდებოდა ოთხ რიგად ფეშხუმების ირგვლივ.

ოჯახს თუ დიდი ოდა ჰქონდა და შესაძლებელი იყო მოწვეული ხალხის მასში მოთავსება, მაშინ სუფრას ოდაში გაშლიდნენ. სამცხე-ჯავახეთში ოდები უმეტესად ოთხმუსანდრიანი (ოთხსაქვიანი)⁸ იყო. ოდაში, ბუხრიდან მარჯვენა და მარცხენა მხარის კედლების გასწვრივ, კიბურად იყო გაკეთებული ორ-ორი მუსანდარი. ბუხარი რა სივანის ადგილსაც გაიტანდა შემოსასვლელამდე, ის თავისუფალი იყო.

როცა სუფრას ოდაში შლიდნენ, მუსანდრებზე ჯერ „ადგილის“ შაღებს (ჯეჯიმზე უფრო სქელი ნაქსოვი) დააფენდნენ, ხოლო შემდეგ ფეშხუმებს დააწყობდნენ. ხალხი ფეხმორთხმით ცალპირად მოუსხდებოდა ისე, რომ ზურგით კედლსაკენ ყოფილიყო.

როგორც ნიშნობის, ისე ქორწილის დროს სუფრასთან ხალხის დასხდომა გარკვეული წეს-რიგით ხდებოდა. ქორწილის დროს სუფრასთან ჯდომის წესი რამდენადმე განსხვავებული იყო, რაზედაც ცალკე გვექნება საუბარი: ნიშნობის სუფრა თუ ოდაში იყო გაშლილი, სუფრის თავში, ბუხრის მარჯვენა მხარეს, აუცილებლად ოჯახის უფროსი ან მისი მოვალეობის შემსრულებელი უნდა დამჯდარიყო. ის მარჯვენა მხარეს მოისვამდა სასიძოს მხრიდან მოსულ მოყვარეს (სასიძოს მამას ან სხვა რომელიმე ახლობელს), ხოლო მოყვრის მარჯვენა მხარეს მონიშნები დასხდებოდნენ უფროს-უმცროსობის მიხედვით, შემდეგ სუფრასთან „წვეულები“ (სხვა სოფლებიდან მოპატივებული ნათესავ-მოკეთეები) იკავებდნენ ადგილს; ასევე წლოვანების მიხედვით ჯდებოდა და-

⁶ მ. რ. ა. მ. ი. შ. ვ. ი. ლ. მევენახეობის განვითარება მესხეთში, „საქართველოს სასოფლო-სამეურნეო ინსტიტუტის შრომები“, 14, თბ., 1943, გვ. 11.

⁷ ფეშხუმში უარმოადგენს 1—1, 5 დიამეტრის შქონე მრგვალი, დაბალი მაგიდას, რომლის ფეხების სიმაღლე 15—20 სანტიმეტრია.

⁸ საქვე სამცხე-ჯავახეთში ეწოდება საწოლ ტახტს, ოდის მუსანდარს. ასევე აქვს ის განმარტებული ი. მ. ა. ი. ს. უ. რ. ა. მ. ე. ს.: „საქვე საწოლი ტახტი“ (ივ. ჯავახიშვილის სახ. სამცხე-ჯავახეთის ისტორიული მუზეუმი, ფონდი № 3066, გვ. 44).

ნარჩენი ხალხი. სუფრის ბოლო ყოველთვის ახალგაზრდებისათვის იყო განკუთვნილი.

სუფრასთან მამაკაცები და მანდილოსნები ცალ-ცალკე სხდებოდნენ. მამაკაცების დასხდომის შემდეგ თუ თავისუფალი ადგილი დარჩებოდა, ქალები იზოლირებულად განლაგდებოდნენ, მაგრამ როდესაც საერთო სუფრასთან თავისუფალი ადგილი აღარ იყო, მაშინ ისინი სხვა სახლში — ოდასა ან დარბაზში მოთავსდებოდნენ. მამაკაცების მსგავსად მანდილოსნებიც უფროს-უმცროსობის მიხედვით იკავებდნენ ადგილს.

როცა ხალხი დღლაგდებოდა, იწყებდნენ სუფრის გაწყობას. სუფრის გაშლა ყოველთვის ოჯახის უფროსის ფეშხუმიდან იწყებოდა. ყველა სახის საჭმელს ჯერ მას მიართმევდნენ და მერე სხვა მონადიმეებს. სუფრაზე თავდაპირველად წყვილ-წყვილ შოთს⁹ და ყველს დაწყობდნენ. პირველ კერძად მიჰქონდათ ხორცის წვნიანი საჭმელი კარტოფილით. მეორე კერძად იცოდნენ ხორბლის ფლავი. თუ საპატარძლოს ოჯახი შეძლებული იყო, აკეთებდნენ ხორბლისა და ბრინჯის ნარევ ფლავს. მას ხის ტაბაკებით ან სპილენძის სინებით დადგამდნენ ფეშხუმებზე და ვისაც სურდა თავის ჯამში გადაიღებდა. ნიშნობის ნადიმის აუცილებელი კერძი იყო „ერიშტა“¹⁰, რომელიც სუფრაზე მესამე კერძად მიჰქონდათ. სულ ბოლო კერძი იყო „ყაისაფა“¹¹.

სუფრას ახალგაზრდები ემსახურებოდნენ. მათ ერთი ხელმძღვანელი ჰყავდათ. ის თვალ-ყურს ადევნებდა ყველა ფეშხუმზე საჭმელ-სასმელის თანაბარ განაწილებას.

ძველი ტრადიციის მიხედვით, როდესაც სასმისად ყანწებს ხმარობდნენ, სუფრასთან მერიქიფეები ტრიალებდნენ. ერთ ან ორ ფეშხუმს ერთი მერიქიფე ემსახურებოდა. ის თავის სამეთვალყურო სუფრასთან მსხდომ ხალხს ყოველი სადღეგრძელოს წინ რიგ-რიგობით აწვდიდა არყით თუ ღვინით საცხე ყანწს. როგორც წესი, პირველად ყანწი ყველაზე უფროსისათვის უნდა მიეწოდებინა. მას შემდეგ, რაც ყანწის ნაცვლად ჰქია შემოვიდა ხმარებაში, მერიქიფეთა რიცხვი შემცირდა. |

⁹ შოთს სამცხე-ჯავახეთში უწოდებენ ფურნეში გამომცხვარ 300—350 გრამიან მრგვალ და შუაში გახვრტილ პურს.

¹⁰ ერიშტას აკეთებდნენ შემდეგნაირად: ხორბლის ან დიკის ფქვილისაგან მოხვდნენ საკმოდ მაგარ ცომს. მას გუნდნენ დაქრილს უხლავით თხელ უხებად გამოიღნენ. მისი დიამეტრი დაახლოებით ერთი მეტრი იყო. უხას სათითოდ გახურებულ საჭზე (საჭზე გამოაცხობდნენ. შემდეგ მათ თბილ-თბილს ერთმანეთზე დაალაგებდნენ და ტილოში შეახვევდნენ. გამოცხობის დამთავრების მერე იწყებდნენ მათ დაჭრას. ორ-სამ უხას ერთად ჩაახვევდნენ ვიწრო მილივით და მას წვრილად დაჭრდნენ. დაჭრილს გაოგვილ-გამოსუფთავებულ ნელ-თბილ ფურნეში შეყრიდნენ ვასხმობად. მის გახმობას 2—3 საათი ჰქირდებოდა. გამხმარ ერიშტას გასინჯავდნენ, თუ მტკიცეა და იწყებდა, უკვე მზად იყო და ფურნიდან გამოყრიდნენ. სუფრაზე მიტანამდე ერიშტას ჯერ მღულარე წყალს დაასხამდნენ, რომ „დათუთქულ“-დარბილებულიყო, ხოლო შემდეგ გამდნარ ერბოს ბლომად მოასხამდნენ, აურეოდნენ და საჭმელად მზად იყო.

¹¹ ყაისაფა საზამთროდ გამოიყენებოდა, მსხლის ჩირისაგან და ხმელი ჰანჭურისაგან მზადდებოდა. ჯერ ჰურჭელში ერბოში მოშუშავდნენ ხახვს. მას გარკვეული რაოდენობის წყალს დაასხამდნენ და ააღულებდნენ. აღულებულ წვენი ჩაყრიდნენ გარეცხილ-გასუფთავებულ ვაშლს ან მსხლის ჩირს და ხმელ ჰანჭურს. ჩვეულებრივ 1/3 იყო ვაშლის თუ მსხლის ჩირი ან ორივე ერთად და 2/3 ხმელი ჰანჭური. ამ შენაზავს აღულებდნენ მანამ, სანამ ჩირი და ჰანჭური არ მოიხარშებოდა. გამოადებულ ყაისაფას თიხის ჯამებში გაანაწილებდნენ და სუფრაზე კაცის თავზე თითო ჯამს ჩამოარიებდნენ. ეს საჭმელი მომთაბო-მოტკბილო გემოთი ხასიათებოდა, ამიტომ მსუყე კერძების შედგე, ის სასიამოვნო დესერტს წარმოადგენდა.

ფეშუმზე პურის და ყველის მიტანის შემდეგ აუცილებლად თამადა უნდა აერჩიათ. მართლმადიდებელ მოსახლეობაში თამადას ოჯახის უფროსი ირჩევდა. ის ხელში აიღებდა ყანწს ან ჭიქას, დაასახელებდა თამადას და თან მიულოცავდა. თუ სუფრასთან მღვდელი იჯდა, თამადა აუცილებლად ის უნდა ყოფილიყო. თამადად ირჩევდნენ ისეთ კაცს, რომელმაც წესრიგი იცოდა და მკვერმეტყველებით გამოირჩეოდა. სამცხე-ჯავახეთში მცხოვრები კათოლიკური მოსახლეობის უმრავლესობაში (ადიგენის რ-ნი, სოფ. უღე, არალი) თამადად აუცილებლად სასიძოს ნათლია უნდა ყოფილიყო, რომელიც მონიშნებთან ერთად მოდიოდა საპატარძლოს ოჯახში.

სუფრაზე თამადა სადღეგრძელოებს გარკვეული რიგით ამბობდა. ამ რიგის არევა არ შეიძლებოდა. მას პირველად აუცილებლად ოჯახის სადღეგრძელო უნდა ეთქვა. რიგით მეორე იყო სანეფო-სადედოფლოს სადღეგრძელო, მესამე — მოყვრების (საპატარძლოს მამის და სანეფოს მამის), მეოთხე — მძახლების (საპატარძლოს დედის და სანეფოს დედის), მეხუთე — დანარჩენი მონიშნეების, მეექვსე — მოციქულის, მეშვიდე — წვეულების, მერვე — საპატარძლოს ოჯახის განაყრების, შემდეგ მოდიოდა მორიგი სადღეგრძელოები: ნათესავების, მეზობლების, წინაპრების, სამშობლოსა და ა. შ. საქართველოს ზოგიერთი კუთხის მსგავსად¹², სამცხე-ჯავახეთშიც ყოველგვარ ნადიმზე დამამთავრებელი სადღეგრძელო იყო „სამება-ერთარსება, ყველა წმინდა ღვთისმშობელი შეეწიოს და ააშენოს ეს ოჯახი“. ამის შემდეგ წარმატებას და ღვთის შეწყენას უსურვებდნენ იმ საქმეს, რომელთან დაკავშირებითაც იყო ეს ნადიმი მოწყობილი. საკუთრივ ნიშნობის სუფრაზე კი წყვილების ბედნიერებას შესთხოვდნენ ღვთისმშობელს. სამება-ერთარსების სადღეგრძელოს ჩამოვლის შემდეგ ნადიმი დამთავრებული იყო და მონადიმე ხალხიც ყოველგვარი გაფრთხილების გარეშე იწყებდა დაშლას.

ნიშნობის სუფრასთან საპატარძლო ჯერ არ ჩანდა. თამადა ვიდრე ნადიმი მსვლელობას მისცემდა და სადღეგრძელოების წარმოთქმას დაიწყებდა, მანამ მოყვარე (სასიძოს მამა) საპატარძლოს მოიკითხავდა: „ჩვენ აქ დანაკარგი გვაქვს და ამიტომაც მოვსულვართ ცხრა მთის იქიდან; გვიშოვეთ, მოიყვანეთ რომ ჩვენც გული საგულეში დაგვიდგეს და უფრო კარგად ვიძხიარულოთ“¹³. მოყვრის ამ მოთხოვნის შესასრულებლად მაშინვე უნდა წასულიყვნენ¹⁴. სამამამთილო საპატარძლოს ზოგჯერ ერთი-ორი სადღეგრძელოს ჩამოვლის შემდეგ მოიკითხავდა.

მოკითხვის შემდეგ საპატარძლო, რომელიც ამ დროისათვის სხვა სახლში, ახლო ნათესავთან იმყოფებოდა, აუცილებლად უნდა გამოეყვანათ. ის მონიშნეების წინაშე მართო არ წარსდგებოდა. მას ყოველთვის თან ახლდა ერთი ქალი, მაშიდა ან დეიდა, და ბიძაშვილი ვაჟი. მონიშნეებთან მისვლისას წინ სიმღერით მიდიოდა მისი ბიძაშვილი ვაჟი, შემდეგ თანმხლები ქალი და ბოლოს საპატარძლო.

ჯავახეთში წესად იყო, საპატარძლოს გამოყვან ქალს ხელში ეჭირა ტაბაკი. რომელზედაც ეწყო სასამელი, ტბილეული და ენთო სამი სანთელი¹⁴. მას

¹² თ. იველაშვილი, კახეთის ეთნოგრაფიული ექსპედიციის მასალები, 1976, რე. № 1, გვ. 25, 35; მ. ი. ივ. კახეთის ეთნოგრაფიული ექსპედიციის მასალები, 1977, რე. № 3, გვ. 12, 24, 38.

¹³ საქართველოს სსრ მეცნიერებათა აკადემიის ფ. ჯავახიშვილის სახ. სამცხე-ჯავახეთის ისტორიული მუზეუმი, ფონდი № 87, გვ. 35.

¹⁴ ფ. ჯავახიშვილის სახ. სამცხე-ჯავახეთის ისტორიული მუზეუმი, ფონ. № 4443/1, გვ. 58.

მონიშნებთან მოსვლისას მოყვრის წინაშე დებდა. აქვე ნიშნობის სუფრასთან საპატარძლოს გამოყვანა იცოდნენ ჩარყათით. ჩარყათი წარმოადგენდა სქელი ქსოვილის ნაჭერს, რომელიც მას თავზე ჰქონდა გადაფარებული და მიელ სახეს უფარავდა. საპატარძლო სამამამთილოს და, მონიშნებებს სახით არ უნდა ჩვენებოდა, თორემ სახელი გაუტყდებოდა როგორც ურცხვსა და მოურიდე-ბელს¹⁵.

საპატარძლო და მისი მომყვანი, როდესაც მონიშნებთან მივიდოდნენ, სათითაოდ ყველას ხელს ჩამოართმევდნენ. საპატარძლო ხელის ჩამოართმევასთან ერთად მათ ხელზე კოცნიდაც მოიკითხავდა.

ანალოგიური წესები დამოწმებულია ართვინის სომეხებში¹⁶ და ახალი ბაი-აზეთის მოსახლეობაში¹⁷. მონიშნეები საპატარძლოს და მის მომყვან ქალ-ვაჟს მცირეოდენი ფულით ასაჩუქრებდნენ. ძველად დიდი რაოდენობის ფულით დასაჩუქრება არ იცოდნენ. თითოეული მონიშნე ათი შაურიდან მანეთამდის თუ გაიღებდა. ჩვეულებრივ, ყველაზე მეტი რაოდენობით ფული სამამამთი-ლოს — მოყვარეს უნდა ეჩუქებინა. მასზე მეტი საჩუქრის გაღების უფლება სხვას არ ჰქონდა. ისინი ამ ფულად საჩუქარს სუფრაზე ცალ-ცალკე დადებდნენ. საჩუქრის ხელში მიცემა წესად არ იყო. როდესაც ყველა გაიღებდა საჩუქარს, სუფრასთან მჯდომი ვინმე კაცი აიღებდა ამ ფულს, სათითაოდ დათვლი-და და ხმამალა ყველას გასავონად გამოაცხადებდა საპატარძლოსა და მისი მომყვანთათვის მონიშნეების მიერ გაღებული ფულადი საჩუქრის ოდენობას. მხოლოდ ამის შემდეგ ვაცემდა ის ყველას თავის კუთვნილ საჩუქარს. სა-პატარძლოს ფულადი საჩუქრის ოდენობა მონიშნეთა მიერ ნებაყოფლობით გამოღებულ თანხაზე იყო დამოკიდებული. ამ დროს ზოგჯერ მას ათ თუმნამ-დეც კი უგროვებოდა¹⁸, რაც მისი კუთვნილება იყო და როგორც სურდა ისე მოიხმარდა.

• მისაღმების შემდეგ საპატარძლო და მისი მხლებელი ქალი კარებთან დად-გებოდნენ⁹. მთხრობელთა გადმოცემით კი საპატარძლო სამამამთილოს ზურგს უკან დადგებოდა — „თავზე დაადგებოდა“ და მას ემსახურებოდა. რამდენჯერ-რაც, სამამამთილო სასმისს დაკლიდა, იმდენჯერ მას საპატარძლო „ხელზე მოიკითხავდა“²⁰. თუ სამამამთილო ნებას დართავდა, ცოტა ხნის შემდეგ მი-

¹⁵ კ ა რ ა ნ თ ე ლ ი, ნიშნობისა და ქორწინების ჩვეულებანი ჭავჭავთში, ვახ. „ივერია“, 1886, № 196.

¹⁶ Н. С. Д е р ж а в и н, Из жизни артевинских Армян, «Сборник материалов для описания местностей и племен Кавказа», т. 36, 1906, გვ. 29.

¹⁷ Д. П о п а н д о п у л о, Местные юридические взгляды и обычаи, «Юридическое обозрение», 1885, № 215, გვ. 579.

¹⁸ ივ. ჭავჭავიძის სახ. სამცხე-ჯავახეთის ისტორიული მუზეუმი, ფონდი № 4443/II გვ. 59.

¹⁹ კ ა რ ა ნ თ ე ლ ი, ნიშნობისა და ქორწინების ჩვეულებანი ჭავჭავთში, ვახ. „ივერია“, 1886, № 196.

²⁰ შ. ნიყარაძის განმარტებით, ხელზე მოკითხვა ხელზე მთხვევაა, ამბორია (შ. ნ ი ქ ა რ ა ძ ე, ქართული ენის აჭარული ლექსიკონი, ბათუმი, 1871, გვ. 433). საერთოდ, ხელზე კოცნა ძველ ჩვეულებას უნდა წარმოადგენდეს, რომელიც, შესაძლებელია, თავიანთსივემას უკავშირდება. თავდაპირველად ეს წესი რელიგიურ ხასიათს ატარებდა (R . M e k e l e i n, Georgisch-Deutsches Wörterbuch, Berlin, 1928, გვ. 223). შემდეგში მან ნაწილობრივ დაკარგა რელიგიური ხასიათი და სოციალური უთანასწორობის გამომხატველად იქცა. უფროს უმცროსი, გვარშიველს მდებო ხელზე ემთხვეოდა, რითაც თავის სოციალურ უთანასწორობას და თავმდალობას განიხატავდა.

დიოდა ის და სხვა ახალგაზრდებთან ერთად საერთო სუფრას ემსახურებოდა. მოყვრების სადღეგრძელოს შემდეგ, ოჯახის ახლობელი, სიტყვამოსწრებელი ახალგაზრდა კაცი მონიშნეების მორთმეულ ძღვენს გამოიტანდა მონადიმეებთან, თვალსაჩინო ადგილზე დადებდა და ყველას გასაგონად გამოაცხადებდა: „სასახლოს ღმერთმა ჩვენი მოყვარე, ურმით მოსულა. თავის საპატარძლოსათვის მიუროთმევიანა ესა და ეს“, — და სათითაოდ ჩამოთვლიდა მონატანს. სასმელს და ქადა-ნაზუქს ყველა ფეშხუმზე გაანაწილებდნენ, ხოლო ხორცს მონატანისთანავე კერძების მოსამზადებლად იყენებდნენ.

ნიშნობის ნადიმი საპატარძლოს ოჯახში ერთ დღეს გრძელდებოდა, ხოლო შემდეგ მონიშნეებს ამ ოჯახის ახლო ნათესაეები დაპატიებდნენ. ამ წესს ასრულებდნენ პირველ რიგში საპატარძლოს ოჯახის განაყრები, გვარის წევრები, დედის ძმა, დეიდები და მამიდები, თუ ისინიც ოჯახები ამავ სოფელში ცხოვრობდნენ. სამცხე-ჯავახეთში მონიშნეების დაპატიების ამ ჩვეულებას მისდევდა მხოლოდ მართლმადიდებელი მოსახლეობა.

ეს წესი სავალდებულო არ იყო და საპატარძლო ოჯახი ამ წესის შესრულებას ვერავის დააკისრებდა. მაგრამ ამ ოჯახის განაყრები და გვარის წევრები, რომლებიც იმ სოფელშივე ცხოვრობდნენ, თავს ვალდებულად თვლიდნენ მეჭორწილე ოჯახისათვის პატივი ეცათ და მისი მონიშნეები დაეპატიყათ. უფრო მეტიც, რამდენადაც ბევრი დამპატიებელი აღმოჩნდებოდა, იმდენად დიდი სახელი იყო საპატარძლოს ოჯახისათვის. თუ მათ არავინ დაიპატიებდა, შეიძლება ხალხს ეს ოჯახი სალექსოდაც კი გაეხადა, როგორც „გვარ-ნათესავ ამოწყვეტილები“.

საპატარძლოს ოჯახის ნათესაეების მიერ მონიშნეების დაპატიების წესი, როგორც ჩანს, იმ დროის გადმონაშთი უნდა იყოს, როდესაც ქალის გამთხოვებლად გამოდიოდა არა მხოლოდ ოჯახი, არამედ მთელი გვარი. ამ წესის მოქმედების ფარგლები შემდეგ კიდევ უფრო შეიკვეცა ისე, რომ ის სრულდებოდა ჯერ განაყრების წრეში, ხოლო ბოლოს მხოლოდ ოჯახის საქმედ იქცა.

როგორც აღენიშნეთ, ნიშნობის ნადიმი მხოლოდ ერთი დღე გრძელდებოდა, მაგრამ მონიშნეები ამ ოჯახში შეიძლება მთელ კვირაზე მეტსაც კი დარჩენილიყვნენ. ეს დამოკიდებული იყო იმაზე, თუ საპატარძლოს ოჯახის მხრიდან მათ რამდენი ახლობელი დაპატიებდა. თუ არავინ არ დაპატიებდა, მაშინ ისინი ორ დღეს მაინც დარჩებოდნენ და მესამე დღეს სასიძოს სახლში ბრუნდებოდნენ.

ვიდრე მონიშნეები საპატარძლოს ოჯახში იმყოფებოდნენ, საპატარძლოს მათთვის ყოველ საღამოს, დაძინების წინ ფეხები უნდა დაებანა და საწოლი მოემზადებინა. ისინი მას მომსახურებისათვის მცირეოდენი (30—50 კაპიკი) თანხით ასაჩუქრებდნენ²¹. საპატარძლო განსაკუთრებული პატივისცემით ეპყრობოდა სამამამთილოს. ის ყველგან და ყოველთვის თან ახლდა მას, მის ზურგს უკან იდგა და ემსახურებოდა. იგი ვალდებული იყო იქ ყოფნის დროს ყოველ საღამოს სამამამთილოს გვერდით ან მისი საწოლის კიდეზე დაწოლიყო. ეს წესი საკმაოდ დიდხანს (ჩვენი საუკუნის 20—30-იან წლებამდე) შემორჩა სამცხე-ჯავახეთის ეთნოგრაფიულ სინამდვილეს, რის შესახებაც სხვა დროს გვექნება საუბარი.

²¹ ივ. ჯავახიშვილის სახ. სამცხე-ჯავახეთის ისტორიული მუზეუმი, ფონდი № 4443/1, გვ. 63.

ნიშნობის დამთავრებისა და ოჯახთან გამომშვიდობებისას მონიშნები საპატარძლოს ისევ ფულთ ასაჩუქრებდნენ. ისიც ყველა მონიშნეს ცხვირსახოცით, შინ ნაქსოვი წინდებით, ხელთათმანებით და „ქესებით“ ასაჩუქრებდა²². მათთვის განკუთვნილ საჩუქარს ცალ-ცალკე გამოკრავდა ცხვირსახოცში და სამამათილოს ხურჯინის ერთ თვალში ჩაუდებდა, ისე რომ არც ერთმა არ იცოდა რა საჩუქარი მიიღო. როდესაც მონიშნები სასიძოს ოჯახში დაბრუნდებოდნენ, სამამათილო გახსნიდა ხურჯინს და ყველას თავის წილ საჩუქარს გადასცემდა. საპატარძლოს მათი ხელითვე საჩუქარი უნდა გაეგზავნა საქმროს ოჯახის ყველა წევრისათვის.

ნიშნობის შემდეგ თუ რაიმე რელიგიური დღესასწაული იქნებოდა, სასიძოს ოჯახი აუცილებლად ძღვენით მოიკითხავდა საპატარძლოს, ასევე საპატარძლოც თავის მხრივ მცირეოდენ საჩუქრებს უგზავნიდა საქმროს ოჯახის წევრებს.

ქორწილი შეიძლება გადაეხადათ ნიშნობიდან 9-10 თვის, ან ერთი წლის შემდეგ. ამ ხნის განმავლობაში ვაჟს საცოლეს ნახვის უფლება არ ჰქონდა. მის სინახავად მხოლოდ ვაჟის ოჯახის წევრები წაიდოდნენ, დანიშნულ საპატარძლოს მორიდება მართებდა. ნიშნობის შემდეგ იგი სახლიდან გარეთ იშვიათად გადიოდა, რის გამოც ხალხი ამ პერიოდს „საპატარძლოს ტყვეობას“ უწოდებს. ლიტერატურული წყაროებით ნიშნობის შემდეგ ქალის მიტოვებისა ან ქალის ოჯახის მიერ სასიძოზე უარის დამადასტურებელი ფაქტები ვერ დავადგინეთ. მთხრობელთა აზრით, ჯვარდაწერილი კანონიერი მეუღლის მიტოვება უფრო შეიძლებოდა, ვიდრე დანიშნულისა.

ჯვარდაწერილ ერთ-ერთი დანიშნულის გარდაცვალების შემთხვევაში, მეორე მას ისე გლოვობდა როგორც ჯვარდაწერილ კანონიერ მეუღლეს, მიუხედავად იმისა, რომ შეიძლება მათ ერთმანეთი ნანახიც კი არ ჰყოლოდათ. მთხრობელები ამის არა ერთ ფაქტს გვისახელებენ: ერთ-ერთ სოფელში ჯვარდაწერილ რამდენიმე დღით ადრე გარდაიცვალა სასიძო, რომელიც საპატარძლოს არ ჰყავდა ნანახი. მაგრამ მას ისე უგლოვია, როგორც კანონიერი ჯვარდაწერილი მეუღლე. შვიდი წელი „თავშეკობილი“ მგლოვიარედ იჯდა მამის სახლში და საქმროს გლოვობდა. ამ დროის გასვლის შემდეგ ყოფილმა სამამათილომ ითავა მისი ხელახლა გათხოვება და მოციქულად თვითონ შევიდა. ქალი სასტიკ უარზე იყო, მაგრამ ბოლოს უფროსებმა დაითანხმეს.

ერთ-ერთი დანიშნულის გარდაცვალების შემთხვევაშიც ქალ-ვაჟის ოჯახები ერთმანეთთან ურთიერთობას არ წყვეტდნენ, ჰირსა თუ ლხინში ერთმანეთს მხარში ედგნენ და ეხმარებოდნენ. ამიტომ ნიშნობაზე მინატანის უკან დაბრუნებაზე ან მოთხოვნაზე ლაპარაკი მათ შორის მეტად უხერხული იყო.

ნიშნობის შემდეგ სასიძოს ან საპატარძლოს გარდაცვალების შემთხვევაში ვაჟის ოჯახიდან მინატანის რა ნაწილი უნდა დარჩეს ქალის ოჯახს, ეს ხაზგასმით არის აღნიშნული უძველესი სამართლის ძეგლებში. ეშმუნის მეფის ბიულაუმის კანონების მიხედვით, „უკეთუ კაცის ვაჟიშვილი სიმამრის ოჯახში გამოსასყიდს მიიტანს, თუ ორთავან ერთი (სასიძო ან საპატარძლო) მოკვდება, ვერცხლი უბრუნდება მხოლოდ მის პატრონს“ (მუხ. 17)²³.

თუ ერთ-ერთმა მხარემ უარი თქვა შემდგომ ქორწინებაზე, დგებოდა ნიშ-

²² ი. ვ. ჯავახიშვილის სახ. სამცხე-ჯავახეთის ისტორიული მუზეუმი, ფონდი № 100.

²³ ი. დ. ო. ი. ძ. ძველი აღმოსავლეთის სამართალი, თბ., 1960, გვ. 13.

ნობაზე მისატანის განაწილების საკითხი, რაც ნათლად ჩანს ხეტების კანონთა პირველი ტაბულიდან: „უკეთუ ქალიშვილს გაურიგებენ კაცს, და მან გაიღო მისი საქორწინო გამოსასყიდი, ხოლო შემდეგ მამა და დედა გააუქმებენ ხელ-შეკრულებას და ქალს არ მიათხოვებენ იმ კაცს, მათ უნდა აანაზღაურონ გამოსასყიდი ორმაგი“ (მუხ. 29). „უკეთუ კაცი არ წაიყვანს ქალს ცოლად და უარს იტყვის მასზე, იგი ჰკარგავს გამოსასყიდს, რომელიც მან მიიტანა“ (მუხ. 30)²⁴.

ძველ სომხურ სამართალში მითითებულია: „ქალი ვისიც იყოს დროს გათხოებისა და დაინიშნოს იგი ქალი, და ვინცა გაუგზავნონ ნიშანი, ოქრო თუ ვერცხლი ანუ სხვა რაგინდარა, და მოკდეს ბრძანება ღთისა და მიიცვალოს ვაჟი იგი დანიშნული მისი, დაუქორწინებელი, და ვაჟის პატრონმა სთხოოს ქალის პატრონს ნიშანი, — თუ ერთმანეთი უნახავთ მათ დანიშნულთა, უთამაშნიათ ან უკონცნიათ ერთმანერთისათვის, ნახევარი ნიშანი ქალის პატრონმა დაიჭიროს და ნახევარი ვაჟის პატრონს შეუბრუნოს.

თუ ვაჟს არა ყუანდეს მამა, არც დედა და არც ძმა, სხვისაგან არ ეთხოვის და დარჩეს მას ქალსა.

და თუ დანიშნულთა ერთმანეთი არ უნახავთ და ისე სიტყუით გარდუწყუეტიათ ნიშნობა. ისრევ მთლივ შეუბრუნონ ვაჟის პატრონსა. და თუ ქალი მიიცვალოს, გამოართვას ვაჟმან ნიშანი ვაგზავნილი მისი. თუ რამ ან გასაცვეთი ყოფილა ან შესასმელ-შესაჭმელი, იმრიგს რაგინდარას ნულარას სთხოვენ“ (მუხ. 57)²⁵.

დანიშნულის გარდაცვალების შემთხვევაში რა შეიძლება დაუბრუნდეს ვაჟის ოჯახს ნიშანში მონატანიდან, ამის შესახებ სათანადო განმარტება მოცემულია აგრეთვე ვახტანგ ბატონიშვილის სამართალში: „ან ვაჟი მოკუდეს და ან ქალი, თუ რამ გასაცვეთი მისელია და სიცოცხლეში გაუცვეთია, ვერას შეუა, — რომე სიძესაც ბევრს მიეცემა.

მას გარდა სულ უნდა მიეცეს ნიშნის პატრონსა“ (მუხ. 223)²⁶.

რაც შეეხება ბექას და აღბულას სამართალს, რომელიც მეტად მნიშვნელოვანი წყაროა ამ კუთხის შესწავლისათვის, ჩვენთვის საინტერესო საკითხებზე მასში არაფერი არ არის ნათქვამი.

თუ ზემოთ განხილული ძეგლების მიხედვით სამცხე-ჯავახეთის შესახებ ვიმსჯელებთ, გამოჩნდება, რომ ერთ-ერთი დანიშნულის სიკვდილის შემთხვევაში, ვაჟის ოჯახს მინატანიდან რაიმეს უკან მოთხოვნის უფლება არ ჰქონდა, რადგან მისი მინატანი უმთავრესად ტანსაცმელი და სამელ-საჭმელი იყო. რაც შეეხება ნიშნობის დროს მონიშნეების მიერ საპატარძლოს ფულით დასაჩუქრებას, ეს ფულადი საჩუქარი ისეთი მცირე იყო, რომ მასზე საერთოდ არც ლაპარაკობდნენ.

სამცხე-ჯავახეთში ნიშნობის რიტუალმა, რა თქმა უნდა, მოსახლეობის სოციალურ-ეკონომიკური ცხოვრების შემდგომი განვითარების შესაბამისად ცვლილებები განიცადა; რაც ჩანს ჩვენს ხელთ არსებული ლიტერატურული და ეთნოგრაფიული მასალების მიხედვით. არსებული ფაქტობრივი მონაცემების

²⁴ ი. დოლიძე, დასახ. ნაშრომი, გვ. 105.

²⁵ ქართული სამართლის ძეგლები, ტექსტი გამოსცა, გამოკლევა და ლექსიკონი დაურთო ი. დოლიძემ, I, თბ., 1963, გვ. 243.

²⁶ იქვე, გვ. 539.

საფუძველზე შესაძლებელია თვალი გავადევნოთ ნიშნობის რიტუალის ცვლილებას XIX ს-ის II ნახევრიდან დღემდე.

როგორც ზემოთ აღვნიშნეთ, ძველად, დაახლოებით XIX ს-ის 20—30-იან წლებამდისაც კი ნიშნობაში სასიძოს წაყვანა მიუღებელი იყო. შემდეგში ის ამ რიტუალის ერთ-ერთ მთავარ მონაწილედ იქცა. სასიძოსთან შედარებით საბატარძლომ მეტად გვიან მოიბოვა იმის უფლება, რომ მას თავის ნიშნობაში დაეკავებინა კუთვნილი ადგილი სასიძოს გვერდით.

უნდა აღინიშნოს, რომ 50—60-იანი წლებიდან სამცხე-ჯავახეთში ნიშნობის გადახდას ნაკლები ყურადღება ექცევა. ხალხი საჭიროდ აღარ თვლის ნიშნობისათვის განკუთვნილი ზედმეტი ხარჯების გაღებას; ამიტომ ზოგჯერ ბემს მიტანას უშუალოდ ქორწილი მოსდევს. მიუხედავად ამისა, მაინც ვხვდებით ზოგჯერ ნიშნობის ერთეულ შემთხვევებს.

განხილული ეთნოგრაფიული მასალებისა და ლიტერატურული მონაცემების მიხედვით შეიძლება დავასკვნათ, რომ სამცხე-ჯავახეთის მოსახლეობაში ნიშნობა საქორწინო ურთიერთობის ერთ-ერთ მნიშვნელოვანი ეტაპი იყო და ის დიდხანს ინარჩუნებდა ტრადიციულ თავისებურებებს. ამასთან ერთად ნიშნობის წესმა, ისევე როგორც ხალხურმა წეს-ჩვეულებებმა საერთოდ, სათანადო ცვლილებები განიცადა საზოგადოებრივ-ეკონომიკური ცხოვრების ევოლუციასთან დაკავშირებით, რის გამოც ძველი წესების დიდი ნაწილი ახალ ვითარებაში უმთავრესად გადმონაშთების სახით შემოგვრჩა. ეს ცვლილებები აშკარად გამოჩნდა მხარეთა შორის ეკონომიკური ურთიერთვალდებულების სფეროში. საგრძნობლად შემცირდა ნიშნობის გადახდისათვის სავალდებულო ხარჯები, მაგრამ, სამაგიეროდ, კიდევ უფრო გაიზარდა დანიშნული ქალისათვის განკუთვნილი საჩუქრების რეალური ღირებულება. ეს თავისთავად იმის მაჩვენებელია, რომ ძველი ტრადიციის ახალი წეს-ჩვეულებით შეცვლა ყოველთვის სასურველი შედეგებით არ მთავრდება. ძველი დროის გადმონაშთებთან ერთად ახალ ვითარებაში ზოგჯერ ჩნდება ხალხისათვის უსარგებლო ჩვეულებები, რომლის წინააღმდეგ ბრძოლა დღეს საზოგადოებრივ მნიშვნელობას იძენს. სწორედ ასეთ ვითარებას ეხება საქართველოს კომპარტიის ცენტრალური კომიტეტის 1975 წლის დადგენილება მავნე წეს-ჩვეულებათა წინააღმდეგ ბრძოლის ღონისძიებათა შესახებ, რომლის განხორციელებისათვის სამცხე-ჯავახეთის მოსახლეობის საქორწინო ტრადიციების შესწავლასაც გარკვეული სარგებლობის მოტანა შეუძლია.

Т. В. ИВЕЛАШВИЛИ

ОБЫЧАИ ПОМОЛВКИ В САМЦХЕ-ДЖАВАХЕТИ

Резюме

В результате изучения этнографических материалов и литературных данных можно сделать вывод, что среди населения Самцхе-Джавახети в бракосочетании помолвка является одним из значительных этапов, сохранивших традиционное своеобразие. Вместе с тем, помолвка, как и другие свадебные обычаи, изменилась соответственно эволюции общественно-экономической жизни, а отдельные ее элементы

в новых условиях сохраняются как пережитки прошлого. Изменения особенно проявились в сфере экономических отношений между семьями новобрачных; уменьшились расходы при помолвке, но значительно увеличилась стоимость подарков для невесты. Это показывает, что замена старых традиций новыми не всегда приводит к желательным результатам. Часто в новых условиях, вместе с пережитками прошлого, зарождаются бесполезные обычаи, борьба против которых в настоящее время принимает общественное значение. Против данного обстоятельства направлено Постановление Центрального Комитета компартии Грузии от 1975 года «О мерах по усилению борьбы с вредными традициями и обычаями», для осуществления которого определенную пользу может принести и изучение свадебных традиций населения Самцхе-Джавахети.

წარმოადგინა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიის და ეთნოგრაფიის ინსტიტუტის საქართველოს ეთნოგრაფიის განყოფილებამ

ცოალა ღვაპაროჲ

რამდენიმე ნუმიზმატიკური ტერმინის შესახებ XIII-XIV სს ქართული
წერილობითი წყაროების მიხედვით

თეთრი და ღრაჲკანი

1296 წელს ილხანთა ირანში განხორციელდა სამონეტო რეფორმა, რომელიც ყაზან ყაენის (1295-1304 წწ.) რეფორმის სახელითაა ცნობილი. შემოღებულ იქნა ახალი სამონეტო სისტემა, რომელსაც საფუძვლად დაედო ვერცხლის ღირჲემი. ღირჲემის წონითი სტანდარტი განისაზღვრება 2.13 გრამით და უდრიდა დაახლოებით ნახევარ მისხალს. ამ ძირითად ერთეულზე დამყარებით ილხანთა სამფლობელოში უშვებდნენ ვერცხლის მონეტების სხვადასხვა ნომინალს: ნახევარ ღირჲემს, ღირჲემს, ორიან ღირჲემს და ექვსიან ღირჲემს ანუ დინარს. ყაზან ყაენის მიერ შემოღებული სამონეტო სისტემა სავალდებულო იყო ილხანთა ირანში შემავალი ყველა ქვეყნისათვის და მათ შორის საქართველოს სამეფოსათვის, რომელიც ილხანთა ვასალად ითვლებოდა.

ყაზანის ფულადი რეფორმით დაკანონებული ღირჲემის წონა დაედო საფუძვლად საქართველოს ზარაფხანებში (თბილისი, ახალციხე, ანისი...) მოჭრილ ვერცხლის მონეტებსაც. საქართველოს სამეფოს ზარაფხანებში აღნიშნულ ნომინალებიდან იჭრებოდა: ნახევარი ღირჲემი, ღირჲემი და ორიანი ღირჲემი. მართალია ჯერჯერობით ექვსიანი ღირჲემი (დინარი) არა გვხვდება, მაგრამ მისი ემისია საქართველოს ზარაფხანებში არ არის გამორიცხული.

ამჯერად ჩვენ გვიანტერესებს არა ის თუ როგორი იყო ილხანთა მონეტების ემისიის ხასიათი საქართველოში ყაზან ყაენის სამონეტო რეფორმის შემდეგ, არამედ ის, თუ როგორ აისახა ახალი სამონეტო სისტემა ქართულ სამონეტო ტერმინოლოგიაში. ამ თვალსაზრისით საინტერესოა სამი ქართული იურიდიული ძეგლი: ბექა მანდატურთუხუცესის სამართალი, რომელიც დაიწერა—1295-1304 წწ. შორის¹, და ამდენად თანამედროვე იყო ყაზან ყაენის სამონეტო რეფორმისა; გიორგი ბრწყინვალის (1314-1346 წწ.) „ძეგლის დადება“, რომელიც დაიწერა 1334-1335 წწ². და ათაბაგ აღბუღას სამართალი, რომელიც 1381-1386 წწ. განეკუთვნება³.

ილხანთა ირანში „ღირჲემი“ იყო ოფიციალური სამონეტო ტერმინი, მაგრამ როგორც ზემოთ დსახელებული სამი ქართული იურიდიული ძეგლი გვიჩვენებს, საქართველოში ოფიციალურ სამონეტო ტერმინად ჩანს მხოლოდ „თეთრი“, რომლითაც ხდება სისხლის დაურეგება⁴.

წერილობითი წყაროს ანალიზი ფაქტობრივ ნუმიზმატიკურ მასალასთან

¹ ს. კ ა ბ ა ძ ე, საფასის ისტორიისათვის საქართველოში, „სისტორიო მოაზნე“, წ. I, 1925, გვ. 15.

² ი. დოლიძე, გიორგი ბრწყინვალის სამართალი, თბ., 1957, გვ. 15.

³ ქართული სამართლის ძეგლები, ი. დოლიძის, გამოც., თბ., 1963, ტ. I, გვ. 619.

⁴ ქართული სამართლის ძეგლები, I, გვ. 403; 405—408; 415; 418; 421; 426—429; 434—436; 457; 462; 463.

კავშირში საშუალებას გვაძლევს აღვადგინოთ საქართველოში საფასის აღმნიშვნელი ამ ტერმინის შინაარსი.

ივ. ჯავახიშვილის განსაზღვრით, „თეთრი“ იყო ვერცხლის საფასის აღმნიშვნელი ზოგადი ტერმინი, და ამავე დროს ფულის გარკვეული ერთეულის აღმნიშვნელიც⁵. „თეთრი“, როგორც ფულის გარკვეული ერთეულის აღმნიშვნელი ტერმინი საქართველოში პირველად XIII ს-ის საბუთებში ჩნდება⁶.

თეთრის ოდენობის დადგენაში ჩვეულებრივ, ათაბაგ აღბუღას სამართლის შესავალს ემყარებოდა, რომელშიც აღბუღამ განმარტება მისცა წინამორბედ კანონმდებელთა სამართალში დამოწმებულ სამონეტო ტერმინ თეთრს. თვალსაჩინოების მიზნით მთლიანად მოგვაქვს შესავლის ტექსტი: „პატრონისა პაპის ჩემისაგან განაჩენი ყაზანური თეთრი იყო და ამასა ქამთ შიგა ყაზანურობა აღსადმე მოკლებულიყო. და დიდის წარჩინებულის მეფის გიორგის ქამისა თეთრი გვაჩინეთ: ორიანი ზუთი დანგი⁷ წმინდა ვერცხლი და როგორცა აწ ქამისა თეთრი იყოს, ანგარიშით ამა წესით აღილებდენ. ამად არა ჩამოვამცრევით, რომე ავი საქმე ნუ ვისვანმე გადავიღდების“⁸.

კონტექსტიდან ჩანს, რომ თეთრის მეტროლოგიური შინაარსი ბექასა და გიორგი ბრწყინვალის სამართლის ძეგლებში განსხვავებულია. აღბუღა წერს, რომ აღრე, მისი პაპის ბექას დროს, გადახდა „ყაზანური თეთრით“ ხდებოდა, რაც აღნიშნავდა ყაზან ყაენის სახელით, 1296 წლის ფულადი რეფორმის შემდეგ გამოშვებულ ვერცხლის ფულს. აღბუღას დროს ყაზანური თეთრი აღარ იყო; ამიტომ იგი სისხლის განაჩენს ადგენს გიორგი ბრწყინვალის დროის თეთრით. ს. კაკაბაძის განსაზღვრით, ეს ნიშნავს იმას, რომ ათაბაგ აღბუღას სისხლის საზღაურად შემოუღია გიორგი ბრწყინვალის (1314-1346 წწ.) დროინდელი თეთრი, რომლის საფუძველიც ჰულაგუიდური ფულადი სისტემა იყო და მისი ფონა ილხან აბუ საიდის (1316-1336 წწ.) სახელით მოჭრილ ვერცხლის ფულს გაუთანაბრა⁹.

მკვლევრებმა, აღბუღას სამართლის შესავალის საფუძველზე, რამდენიმე განსხვავებული მოსაზრება წამოაყენეს „გიორგის ქამის“ (დროის) თეთრის ოდენობის თაობაზე. გიორგის დროის თეთრი ს. კაკაბაძის¹⁰, დ. ლანგისა¹¹ და გ. დუნდუას¹² აზრით, 5 დანგის წონის ვერცხლის ნომინალი იყო და შესასაბამებოდა ილხან აბუ საიდის თანადროულ ორ დირჰემს. ივ. ჯავახიშვილისა¹³ და თ. ლომოურის¹⁴ თვალსაზრისით, იგი აღნიშნავდა 10 დანგის წონის ვერცხლის მონეტას და ამდენად შესაბამისი გამოდის ოთხი დირჰემისა.

⁵ ივ. ჯავახიშვილი, ქართული საფას-საზომთ მცოდნეობა ანუ ნუმისმატიკა-მეტროლოგია, 1925, გვ. 18.

⁶ ს. კაკაბაძე, სასისხლო სიგელების შესახებ, „საისტორიო მოამბე“, 1924, № II, გვ. 72; ქართალმწერელი, ქართლის ცხოვრება, ტ. II, თბ., 1959; გვ. 235; 238; თ. ჟორდანიას, ქრონიკები, წიგნი მეორე, ტფ., 1897; გვ. 102; 129; 134; 161.

⁷ ცნობილია, რომ დანგი, როგორც წონის ერთეული არაბულ წონით სისტემაში შეადგენს მისხლის 1/6 ნაწილს.

⁸ ქართული სამართლის ძეგლები, ტ. I, გვ. 425.

⁹ ს. კაკაბაძე, სასისხლო სიგელების შესახებ.

¹⁰ ს. კაკაბაძე, საფასის ისტორიისათვის საქართველოში, „საისტორიო მოამბე“, № I; 1925, გვ. 7. მისივე, სასისხლო სიგელების შესახებ, გვ. 83; 88; 89.

¹¹ D. M. L. A. n. g, Georgia in the reign of Giorgi the Brilliant, B S O A S, XVII/I, I 1955, გვ. 87—88.

¹² გ. დუნდუა, სამონეტო მიმოქცევის საკითხისათვის XV საუკუნის საქართველოში, თბ., 1964; გვ. 45, 47, 49, 54.

¹³ ივ. ჯავახიშვილი, დასახ. ნაშრომი, გვ. 51—52.

¹⁴ თ. ლომოური, უკანასკნელი ილხანების ფული საქართველოში (ხელნაწერი), გვ. 14.

თეთრის ოდენობის გასარკვევად გასაღებს გიორგი ბრწყინვალის სამართალი „ძველის დაღება“ გვაძლევს. მის ძირითად დადგენილებაში დატულია ცნობა, რომლის მიხედვითაც თვალნათლივ დგინდება, რომ ამ დროის თეთრი ეკვივალენტურია ერთი დირჰემისა.

გიორგი ბრწყინვალის სამართალში განმგებლის¹⁵ და ხევისბერის¹⁶ სისხლის ფასი ექვსი ათას თეთრად არის შეფასებული. ჰეროვანს, — „სისხლი ორასი დრაჰკანი დაეურვოს — ათას ორასი თეთრი“¹⁷, — ნათქვამია კანონმდებლობაში. რამდენადაც დოკუმენტში გაყოფის ნიშანი არ არის ნახმარი, ამიტომ ივ. ჯავახიშვილს ვარაუდი აქვს გამოთქმული: „საფიქრებელია, რომ აქ დამნაშავეისათვის ერთგვარი თავისუფალი არჩევნის შესაძლებლობა იყო და მას შეეძლო გინდ ოქროს, გინდ ვერცხლის ფულად გადაეხადა“¹⁸.

ეფიქრობთ, რომ ვარაუდით გამოთქმული მოსაზრების გარკვევა შესაძლებელია უარზანგობის¹⁹ წესის გამოთვლის საშუალებით. უარზანგობის საქმე სამართალში შემდეგნაირად არის დადგენილი „ვისიც თორმეტი ათასი თეთრია სისხლის ფასი, მას ერთი უარზანგობა სამასი თეთრი არის. აზნაურთა, ხევისბერთა ასორმოცდაათი თეთრი არის ერთი უარზანგობა; ჰეროვანთა — ოცდაათი თეთრი“²⁰.

როგორც კანონშია გათვალისწინებული, დიდებულების ერთი უარზანგობა მისი სისხლის ფასის ნაწილია და შეადგენს 300 თეთრს (12000 თეთრი: 40=300 თეთრს). ასევე ხევისბერის ერთი უარზანგობა 150 თეთრია (6000 თეთრი: 40=150 თეთრს), ჰეროვანის ერთი უარზანგობის ფასია 30 თეთრი (1200 თეთრი: 40=30 თეთრს). როგორც მოვიხსენიეთ, ჰეროვანის სისხლის ფასი კანონმდებლობაში განსაზღვრულია შემდეგნაირად: „ორასი დრაჰკანი — ათასორასი თეთრი“. ჰეროვანის ერთი უარზანგობის ფასი (სისხლის $\frac{1}{40}$ ნაწილი) 30 თეთრი გამოვიდა მხოლოდ 1200 თეთრიდან და იგი შეესაბამება მის სრულ ღირებულებას.

უარზანგობის გამოთვლამ გვიჩვენა, რომ 200 დრაჰკანი 1200 თეთრის ეკვივალენტია. ამ მუხლიდან ჩანს, რომ გიორგი ბრწყინვალის კანონით დრაჰკანსა და თეთრს შორის შეფარდება არის 1:6-თან (1200 თეთრი: 200 დრაჰკ.= 6), ე. ი. ერთი დრაჰკანი ექვსი თეთრის ტოლფასია. სწორედ ისევე, როგორც ყაზან ყენის ფულადი სისტემის ძირითად ერთეულებში, სადაც დინარი უდრის ექვს ღირჰემს. ქართულ წყაროებში დირჰემს ცვლის ტერმინი თეთრი. როგორც ჩანს, ეს ორი სამონეტო ტერმინი (თეთრი და დირჰემი) XIV ს-ის საქართველოში იყო სინონიმური ტერმინები.

¹⁵ ქართული სამართლის ძეგლები, ტ. I, გვ. 403.

¹⁶ იქვე, გვ. 405.

¹⁷ იქვე, გვ. 407.

¹⁸ ივ. ჯავახიშვილი, დასახ. ნაშრომი, გვ. 53.

¹⁹ ი. დოლიძის გამოკვლევით: „უარზანგობა ქართულ სამართალში ნიშნავს განსაკუთრებულ გადასახადს — უპატიობის საზღაურს, ანუ საუპატიოს, რომელიც დამნაშავემ უნდა გადაიხადოს დაზარალებულის პატივისა და ღირსების შელახვისათვის... უარზანგობა სისხლის 1/40 ნაწილს შეადგენს... უარზანგობის ოდენობა სისხლის ოდენობაზე, მის მეტ-ნაკლებობაზეა დამოკიდებული, ვისაც სისხლი უდროსი იყოს ანუ უმეტრო, უარზანგობაც ამ გაჩენით იყოს“ (ი. დოლიძე, გიორგი ბრწყინვალის სამართალი, გვ. 76—77).

²⁰ ქართული სამართლის ძეგლები, ტ. I, გვ. 415.

გიორგი ბრწყინვალის „ძეგლის დადებით“ ირკვევა, რომ აღბუღას სამართალში დადგენილი „გიორგის ქამის თეთრი“ აღნიშნავს გიორგი ბრწყინვალის დროს მოჭრილ ვერცხლის ერთ ღირებულს, რომელიც იწონის 2,5 დანგს და შეესაბამება ილხან აბუ საიდის სახელით მოჭრილ ღირებულს.

ვფიქრობთ, რომ 2,5 დანგის წონის თეთრი (1,77 გრ.) არის საფუძველი, რომელსაც აღბუღა აგრეთვე ადგენს თავის სამართალში. ეს დასკვნა საშუალებას იძლევა გავერკვიოთ აღბუღას შესავალში გამოთქმულ „თეთრი ვაჟა-ჩინეთ: ორიანი ხუთი დანგი წმინდა ვერცხლი“. ბექას სამართლის ერთი „ყაზანური თეთრი“ რომ ერთი ღირებულის (სამი დანგის წონის ვერცხლის მონეტის) შესაბამისია, მტკიცებას აღარ მოითხოვს. მიუხედავად იმისა, რომ XIV ს-ის მანძილზე ღირებულის (თეთრის) წონა თანდათანობით მცირდება, და აღბუღას დროისათვის საშუალოდ იწონის 0,6-დან 0,8 გრ. მონეტის ნომინალი უცვლელი რჩება.

აღბუღა თავისი სამართლის შესავალში განმარტებას იძლევა თუ როგორი ფულით უნდა მომხდარიყო საზღაურის გადახდა: „როგორცა აწ ქამისა თეთრი იყო, ანგარიშით ამა წესით აღიღებდნენ“ — კანონმდებელს მიზანშეწონილად მიაჩნია, რომ ყოველი ვერცხლის ფული, რომელიც ტრიალებდა იმ დროს საქართველოში, გამოყენებული ყოფილიყო თეთრის გადახდის საშუალებად; ოღონდ მის მიერ დაწესებულ თეთრის წონას უთანაბრებს გიორგი ბრწყინვალის დროინდელ თეთრს.

ათაბაგი აღბუღა გიორგის ქამის თეთრს, XIV ს-ის 80-იან წლებში, სისხლის საზღაურად აწესებს ათასების ფარგლებში. მაშინ, როდესაც თვით გიორგი ბრწყინვალის დროს 3,54 გრამის წონის ორიანი ღირებულები და ღირებულები დაახლოებით 17 წლის განმავლობაში იჭრებოდა (1316-1333 წწ.) გადამხდელისათვის შეუძლებელი იქნებოდა ასეთი წონის თეთრის შოვნა XIV ს-ის ბოლო მეოთხედში. საზღაურის გადახდა მოხდებოდა იმ ფულით, რომელიც აღბუღას დროს იყო საქართველოში მიმოქცევაში; ეს იქნებოდა ილხანების, ჯელაირიდებისა თუ კირმანეული თეთრი. ამ შემთხვევაში უცხო საფასიდან ჯუჯიდური ფულიც არ არის გამორიცხული, რადგან მას XIV ს-ის მეორე ნახევრიდან საქართველოს ეკონომიკაში მეტად დიდი ადგილი ეკავა.

აღბუღას სამართალში უცხო არ არის ვერცხლის ფულის წონით გადახდა. სამართლის 95-ე მუხლში ნათქვამია, „თუ კაცს თეთრი „წიგნითა“ ანუ ვერცხლი აწონით ევალოს, იგი დაპირება თუ არა, ოდესღაც გარდაიხადოს, მის დღის შარვანისა თეთრისა მიზეზი ნუ იკადრების“²¹. დოკუმენტიდან ჩანს: რადგან „თეთრის“ (ღირებულის) წონა სტაბილური არ იყო, გაესხებულ იქნა ვერცხლის ფულის წონა აღინიშნებოდა ხელწერილში და არა თეთრის რაოდენობა. მოვალეს, რომ არ ეკადრა „დაკინებული“ შარვანული თეთრით ფულის გადახდა, ამიტომ ვალს წონით დააბრუნებდა.

როგორც ზემოთ მოვიხსენიეთ, თეთრთან ერთად „ძეგლის დადებაში“ დასახელებულია დრაჰკანიც. ცნობილია, რომ დრაჰკანს საქართველოში უწოდებდნენ ოქროს მონეტას XIII ს-ის ჩათვლით. ამ ტერმინით აღნიშნავდნენ ბიზანტიურ ოქროს მონეტას სოლიდს ან ნომისმას და მუსლიმურ დინარსაც²².

²¹ ქართული სამართლის ძეგლები, ტ. I, გვ. 462.

²² გ. ჯ ა ფ ა რ ი ძ ე, ოქროს მონეტის ტერმინოლოგია XI—XIII საუკუნეების საქართველოში, მაცნე, ისტორიის სერია, 1975, № 3, გვ. 88.

რა მდგომარეობაა საქართველოში XIV ს-ში? გიორგი ბრწყინვალის „ძეგლის დადებაში“ დასახელებული დრაპკანი უკვე აღარ არის ოქროს მონეტა. როგორც აღვნიშნეთ ყაზან ყაენის რეფორმის შემდეგ ილხანთა სახელმწიფოში დინარი გახდა ვერცხლის ფულის მსხვილი ნომინალი. დინარის ქართული შესატყვისი დრაპკანი უცვლელად დარჩა, მაგრამ შეიცვალა მისი შინაარსი. „ძეგლის დადებაში“ დადასტურებული დრაპკანი არის ილხანთა სამონეტო სისტემის ვერცხლის დინარის შესაბამისი ტერმინი. ამ შემთხვევაში საქმე გვაქვს არა ოქროს მონეტასთან, როგორც ამის შესახებ ვარაუდი აქვს გამოთქმული ივ. ჯავახიშვილს, არამედ ვერცხლის დინართან, რომელიც ილხანთა სამონეტო სისტემაში შეადგენს ექვს ღირჭემს. დრაპკანი XIV ს-ის ქართულ წყაროებში, ისევე როგორც მონღოლური დინარი, საანგარიშო ერთეული, იყო და შეიცავდა თეთრს.

ამრიგად, ქართული საისტორიო ძეგლების სამონეტო ტერმინოლოგიის ანალიზი გვიჩვენებს, რომ მიმართება დრაპკან — თეთრს შორის შეესაბამება ილხანთა ფულის ძირითადი ნომინალების მიმართებას.

ქართულ წყაროებში ნათლად აისახა ილხანთა ირანის სამონეტო საქმეში მომხდარი ცვლილებები.

დ რ ა მ ა

XIV ს-ში მონეტა დრამის მოხსენიება ჩანს მხოლოდ უცხოეთში, იერუსალიმის ჯვრის მონასტერისადმი გავზავნილ ფულად შეწირულებაში²³. ისმება კითხვა: XIV ს-ის ქართულ საკანონმდებლო ძეგლებსა და საბუთებში, ტრადიციულად დამკვიდრებული მონეტის ერთეულის აღმნიშვნელი ტერმინი „დრამა“ რად შეიცვალა ტერმინით „თეთრი“.

ჯერ კიდევ ადრე ივ. ჯავახიშვილი დაინტერესდა ამ საკითხით „რაკი დრამი“ და „თეთრი“, ორივე ვერცხლის ფულის ერთეულის სახელი იყო და არის ხანა, როდესაც ორივე ტერმინი იხმარებოდა, მომავალში უნდა გამოირკვეს თუ რა განსხვავება უნდა ყოფილიყო მათ შორის²⁴.

„დრამა, ან დრამი მომდინარეობს ბერძნული დრახმე (δραχμή)-დან რომელიც როგორც მონეტა, ფართოდ გავრცელდა მახლობელი აღმოსავლეთის ქვეყნებში. დრამის (dram) ფორმით ის შეთვისებულ იქნა ირანელებისა და სომხების, ღირჭამის (درهم) ფორმით კი — არაბების მიერ. საქართველოში დამკვიდრებული ამ ტერმინის ფორმა — დრამა (დრამი) ფონეტიკურად ყველაზე ახლო ფალაურთან დგას და მოწმობს, რომ ის ჩვენში ირანის გზით უნდა შემოსულიყო“²⁵.

ქართულ წყაროებში დრამა მხოლოდ IX-X საუკუნეებიდან ჩანს ჯერ, როგორც მონეტის სახელწოდება, შემდეგ, როგორც წონის ერთეულიც²⁶.

²³ ვ. მ. ე ტ რ ე ე ე ლ ი, მასალები იერუსალიმის ქართული კოლონიის ისტორიისათვის (XI — XVIII სს.), თბ., 1962, ალაბი № 25; 86; 96; 110; 108, 151; 183; 220; 271; 305.

²⁴ ივ. ჯ ა ვ ა ხ ი შ ვ ი ლ ი, დასახ. ნაშრომი, გვ. 18.

²⁵ გ. ჯ ა ფ ა რ ი ძ ე, ნარკვევი ქართული მეტროლოგიის ისტორიიდან, თბ., 1973, გვ. 33.

²⁶ ივ. ჯ ა ვ ა ხ ი შ ვ ი ლ ი, დასახ. ნაშრომი, გვ. 17, 70; გ. ჯ ა ფ ა რ ი ძ ე, დასახ. ნაშრომი, გვ. 33.

9. „მ ა ც ნ ე“, ისტორიის სერია, 1979, № 4

XIII ს-ის შუა ხანებისათვის საქართველო და წინა აზიის ქვეყნები მონღოლებმა დაიმორჩილა. ე. პახომოვის თქმით, ამ ქვეყნებში ვერცხლის ფულის ემისია (ე. წ. ვერცხლის კრიზისის შემდეგ) დაიწყო არა მონღოლთა დაპყრობების შემდეგ, არამედ უფრო ადრე, როდესაც მონღოლები ის-ის იყო გამოდიოდნენ ასპარეზზე²⁷.

ცნობილია, რომ XIII ს-ის ფულადი-წონითი სისტემა საქართველოსიეთანხმებოდა ადრე არსებულ არაბულ ფულად-წონით სისტემას. მონღოლებმა მიიღეს რა ეს სისტემა (XIII ს-ში), გააგრძელეს ამავე სისტემით თავის ქვეშევრდომ სამფლობელოებში მონეტების ემისია. არაბულ წონით სისტემაში კი გ. ჯაფარიძის სიტყვით „მისკალი (მისხალი. — ც. ღ.) უმნიშვნელოვანესი ერთეულია. ყველა სხვა ერთეულის წონითი ოდენობა ფაქტობრივად მისკალის და აგრეთვე დირჰამის ბაზაზე იანგარიშებოდა... არაბულ წონით სისტემაში განასხვავებდნენ ორი სახის მისკალს: მონეტის წონას — 4.25 გ., რომლის საფუძველზეც იჭრებოდა ოქროს მონეტა — დენარი, და სავაჭრო წონას... მისკალის წონითი შეფარდება დირჰამთან თეორიულად. კანონმდებლობით შეადგენდა 7:10-ს... მაგრამ პრაქტიკაში ისინი ისე შეეფარდებოდნენ ერთმანეთს, როგორც საქართველოშიც, მიტყალის (მისხალის. — ც. ღ.) წონითი შეფარდება დრამასთან იყო 2:3-თან, ე. ი. პრაქტიკული შეფარდება. ამგვარად ჩვენში დრამა-მიტყალის ურთიერთობაში დაცული იყო არაბული წონის სისტემისათვის დამახასიათებელი თავისებურება“²⁸.

დადგენილია, რომ IX-X სს. დრამა, როგორც მონეტის აღმნიშვნელი ტერმინი, შეესაბამება არაბულ დირჰემს²⁹. ხოლო ქართული დრამის წონა და მისი სისტემა, შეესაბამებოდა არაბული ვერცხლის დირჰამსა და მის სისტემას³⁰.

დრამის ოდენობა, მისი 4-დანგანობა დაასაბუთა გ. ჯაფარიძემ. დრამის სისტემაში დრამა შეიცავს 4 დანგს. წყაროებზე დაკვირვებით მას აგრეთვე გამოკვლევული აქვს, რომ დრამის წონითი სისტემა უცვლელი რჩება საქართველოში XVIII ს-მდე³¹.

როგორც ირკვევა, არაბული სამონეტო სისტემის ძირითადი ნომინალი ვერცხლის დირჰემი ანუ დრამა დაკავშირებული იყო მისხლის სისტემასთან და შეადგენდა მისხლის 2/3-ს, ანუ შეიცავდა 4 დანგ ვერცხლს. ადრე, XIII ს-ში, საქართველოში ამ სისტემით იჭრებოდა დირჰემები, იგივე დრამები.

ყაზან ყაენმა სამონეტო სისტემაში ცვლილება შეიტანა. მის მიერ ჩატარებული ფულადი რეფორმით შეიქმნა ახალი ფულადი-წონითი სისტემა. რომელიც არაბულ სისტემასთან კავშირს გამოხატავდა შემდეგით: მისხალი აქ (ყაზანის სისტემაში), ისე უმნიშვნელოვან ერთეულად რჩება: ძირითადი ერთეული დირჰემი კი შემცირდა და გახდა სამი დანგის წონის. თუ არაბულ წონით სისტემაში მისხალსა და დირჰემს შორის პრაქტიკული შეფარდება იყო 2:3-

²⁷ Е. Пахомов, Монеты Грузии, Тб., 1970, გვ. 131.

²⁸ გ. ჯაფარიძე, ქართული მეტროლოგიის ისტორიიდან, მახლობელი აღმოსავლეთის ისტორიის საკითხები, II; თბ., 1972, გვ. 36—37 (ხაზგასმა აქაც და ქვემოთაც ჩვეთია).

²⁹ ივ. ჯავახიშვილი, დასახ. ნაშრომი, გვ. 16, 17, 25.

³⁰ გ. ჯაფარიძე, ნარკვევი ქართული მეტროლოგიის ისტორიიდან, გვ. 34; ე. თაყაიშვილი, 1917 წლის არქეოლოგიური ექსპედიცია სამხრეთ საქართველოში, თბ., 1960, გვ. 49.

³¹ გ. ჯაფარიძე, ნარკვევი ქართული მეტროლოგიის ისტორიიდან, გვ. 40.

თან, ყაზანის რეფორმით მათ შორის თანაფარდობა შეიცვალა და გახდა 2:1-თან. ე. ი. მისხალი ისევ 6-დანგიანი წონითი ერთეულია, მხოლოდ ღირებულება კანონით დააკლდა ერთი დანგი და გახდა ნახევარი მისხალი ანუ სამი დანგი.

ყაზან ყენის ფულადი რეფორმით ღირებულების წონის ერთი დანგით შემცირებდას, ილხანთა ეპოქის სპარსი ისტორიკოსი, ყაზანის პირველი ვეზირი რაშიდ ად-დინი თავის ისტორიაში გამართლებას აძლევს. ყაზანის ბრძანებით: *Ежали это постановление в силу вдруг, то весь народ потерпит ущерб и поднимет волю, Лучше так: раз прежде каждый дирхем чеканили в четыре данека (а затем) без того, чтобы в этом была государственная нужда*³². რაშიდ ად-დინის ცნობა მეტად მნიშვნელოვან და ჩვენთვის საყურადღებო დოკუმენტს წარმოადგენს. აქ პირდაპირ არის ნათქვამი, რომ ყაზან ყენამდე ღირებულება 4 დანგის წონის ვერცხლის მონეტის გამომხატველი იყო (მიუხედავად XIII ს-ის ბოლო მეოთხედში ძირითადი ერთეულის ღირებულების წონის შემცირებისა).

ჩვენი აზრით, ყაზანის სამონეტო რეფორმის შემდეგ, რადგან მონეტის სახელწოდება დრამა, აღარ შეესაბამებოდა თავის რეალურ წონით მნიშვნელობას (4 დანგის წონის შემცველ ვერცხლის მონეტას) და ფულადი სახელწოდება დრამა დაშორდა მის თავდაპირველ წონით ოდენობას, ყაზან ყენის ფულადი რეფორმის შემდეგ შედგენილ სამსავე ქართულ საკანონმდებლო ძეგლში ღირებულების საზომად და გადახდის კანონიერ საშუალებად სამონეტო ტერმინი „თეთრი“ ფიგურირებს და „დრამა“ ქრება, როგორც მონეტის ერთეულის აღმნიშვნელი ტერმინი. საქართველოში საუკუნეების მანძილზე დამკვიდრებული არაბული წონითი სიტემა, რომელიც დრამის სისტემას მოიცავდა, უცვლელად დარჩა XVIII ს-მდე, როგორც წონის ერთეული. რადგან საქართველოში XIV ს-ში დრამა (4 დანგის წონის) რჩება, როგორც სავაჭრო წონის ერთეული, სამონეტო ტერმინოლოგიაში „დრამის“ ადგილს იკავებს „თეთრი“.

დრამის, როგორც მონეტის აღმნიშვნელი ტერმინის გაქრობას XIV ს-ის საკანონმდებლო ძეგლებიდან ჯერ კიდევ ივ. ჯავახიშვილი შენიშნავდა: „საფიქრებელია, რომ დრამას ვითარცა ფულის ერთეულის ტერმინს ამ ხანაში უკვე დრო მოჰქმული უნდა ჰქონოდა და თანდათანობით გამქრალიყო“³³.

მონეტა დრამა ჩანს მხოლოდ საზღვარგარეთ იერუსალიმის ჯგრის მონასტრის აღაპებში, სადაც პარალელურად ორივე ეს ტერმინი: დრამა და თეთრი იხმარებოდა. ვფიქრობთ, რომ აქ დრამა აღნიშნავს ძველს, ანუ XIII ს-ის ღირებულებას, განსხვავებით XIV ს-ის ღირებულებისაგან, რომლებიც თეთრად იწოდებიან. ამის ერთ-ერთი საბუთია აღაპებში მოხსენიებული „სორტული დრამა“, რომელიც გ. ჯაფარიძის სამართლიანი ვარაუდით, უნდა შეესაბამებოდეს სელჯუკების ღირებულებას, რომლებიც დრამა სულტნის სახელწოდებით იხსენიებიან³⁴. შესაძლებელია აგრეთვე, აღაპებში დადასტურებულ დრამებში იგულისხ-

³² Фазлуллах Рашид ад-дин, Джами-ат-таварих (Сборник летописей), т. III, Баку, 1957, გვ. 280.

³³ ივ. ჯავახიშვილი, დასახ. ნაშრომი, გვ. 17.

³⁴ გ. ჯაფარიძე, რამდენიმე ნუმისმატიკური ტერმინის შესახებ XIII—XIV სს. ქართულ წერილობით წყაროებში, საქართველოს სსრ მეცნიერებათა აკადემიასთან არსებული არქეოგრაფიული კომისიისა და ხელნაწერთა ინსტიტუტის გაერთიანებული სამეცნიერო სესია, მიძღვნილი ხელნაწერთა ინსტიტუტის დარსტის დაარსების 20 წლისთავისადმი (მუშაობის გეგმა და მოხსენებათა თეზისები), თბ., 1978, გვ. 12—13.

მებოდეს XIII ს-ში დაეით VII-ისა (1293—1311 წწ.) და ვახტანგ III-ის (1302—1308 წწ.) სახელებით მოჭრილი დირჰემები, ან ქართულ-ჰულაგუიდური დრამები.

ამრიგად, ყაზანის ფულადი რეფორმის შემდეგ მონეტა დრამა აღარ არსებობს. მონღოლური დირჰემის მსგავსად საქართველოში თეთრი ჩანს ერთ ნომინალიანი ვერცხლის მონეტის სახელად. XIV ს-ის აღაბებში დამოწმებული „დრამა“ აღნიშნავს ძველი არაბული ფულადი-წონითი სისტემით XII ს-ის დასასრულისა და XIII ს-ში მოჭრილ ვერცხლის ფულის ძირითად ერთეულს — თოხი დანგის წონის დირჰემს, რომელიც შემორჩა XIV საუკუნეშიც ილხანთა სახელმწიფოს გარეთ.

Ц. М. ГВАБЕРИДЗЕ

О НЕКОТОРЫХ НУМИЗМАТИЧЕСКИХ ТЕРМИНАХ ПО ГРУЗИНСКИМ ПИСЬМЕННЫМ ИСТОЧНИКАМ XIII—XIV ВВ.

Резюме

В XIV в. в Грузии была распространена, введенная Газан-Кханом (1295—1304) новая монетная система, основанная на серебряном дирхеме — 6 дирхемов соответствовали одному динару. Эту систему отражают и означающие денежные стоимости термины, засвидетельствованные в грузинских письменных источниках. Некоторые из этих терминов и рассматриваются в настоящей статье.

В грузинских письменных источниках XIV в. встречаются следующие термины, обозначающие серебряные монеты: «драма», «сортнули драма», «тетри», «казанури тетри» (тетри Газана), «გიორგის ჯამის ტეტრი» (тетри времен Георгия), «კირმანეული ტეტრი», «ძველი ტეტრი» (старое тетри), «კირმანეული» и «соми».

Устанавливается, что монетный термин «драма» обозначал выпущенную в XIII в. по старой арабской системе основную денежную единицу — дирхем, весом в 4 данга, которая в единичных экземплярах осталась в кладах в начале XIV века.

В противоположность «драме», «тетри» в XIV в. обозначал серебряный дирхем нового типа. Устанавливается, что в течение всего XIV в. «тетри» (несмотря на уменьшение веса основной денежной единицы — дирхема) соответствовал современному ему монгольскому дирхему.

«Казанури тетри» обозначает выпущенный при Газан-Кхане серебряный дирхем, весом в 3 данга, который чеканился и обращался в Грузии в начале XIV в.

Исследователями были выдвинуты несколько иные соображения о стоимости «გიორგის ჯამის ტეტრი» (деньги времен царя Георгия). В действительности же, судя по сообщению судебногоника Георгия Блистательного (1314—1346 гг.) «Дзеглис дадеба», устанавливается, что упомянутая в судебнике атабага Агбуги в качестве возмещения за кровь денежная единица «გიორგის ჯამის ტეტრი» обозначает выпущенную при Георгии Блистательном серебряную монету, вес которой по сравнению с монетой Газана уменьшен и составляет 2,5 данга. Эта монета соответствует одному дирхему времен ильхана Абу-Саида (1316—1336 гг.)

В грузинских письменных источниках XIV в. встречаются следующие

შიე термины, обозначающие золотую монету: «драхкани» и «плури».

Известно, что еще в XIII в. в Грузии золотую монету называли и «драхкани», подразумевая византийские золотые монеты солиды или номисмы, а также мусульманский золотой динар. В XIV веке, как мы установили, термин «драхкани» уже не обозначал золотую монету. После денежной реформы Газан-Кхана в государстве Ильханов динар превратился в серебряную монету крупного номинала и грузинский термин «драхкани» также изменил свое содержание. Упомянутый в «Дзеглис дадеба» Георгия Блистательного «драхкани» обозначает уже серебряный динар монетной системы ильханов. «Драхкани» в грузинских письменных источниках XIV в., также как и монгольский динар этого времени, являлся счетной денежной единицей и соответствовал шести «тетри».

წარმოადგინა საქართველოს სსრ მეცნიერებათა აკადემიის
ს. ჯანაშიას სახ. სახელმწიფო ბიბლიოთეკამ.

ახთანდოილ წარეთელი

ახიის ველის უორღანული სამაროვანი არტანის მტკვრის
აუზში

XX საუკუნის 30-იან წლებში თრიალეთში ბ. კუფტინმა აღმოაჩინა და შესწავლა მანამდე სრულიად უცნობი დიდი ყორღანების „ბრწყინვალე კულტურა“, რომელიც მან შუა ბრინჯაოს ხანას მიაკუთვნა. უკანასკნელ დრომდე ამ კულტურის გავრცელების საზღვრები ძირითადად ამ მაღალმთიანი რაიონით შემოიფარგლებოდა. სადღეისოდ, როგორც არქეოლოგიური აღმოჩენები მოწმობენ, ამ კულტურის არეალი თავდაპირველი აღმოჩენის რაიონს ბევრად სცილდება, რამაც, ბუნებრივია, ბევრი საინტერესო საკითხი აღძრა მისი წარმოშობის, განვითარებისა და ხასიათის შესახებ.

თრიალეთური კულტურის ძეგლები აღმოჩენილ იქნა ჩრდილო-დასავლეთ და ცენტრალურ სომხეთში¹, შიდა ქართლში², ქვემო ქართლის ვაკეზე³, წალკის პლატოს მიმდგომ ზურტაკეთის ზეგანზე⁴, კახეთში⁵. როგორც ცნობილია, თრიალეთური კულტურის მასალა ძირითადად სამარხებიდან მომდინარეობს და ამ ხნის ნამოსახლარები ჯერ კიდევ ნაკლებადაა გამოვლენილი და შესწავლილი. ამიტომ მეტად საინტერესოა და პერსპექტიული იორ-ალაზნის ორმდინარეთში სულ უკანასკნელ ხანს აღმოჩენილი ნასახლარი ბორცვები, სადაც სხვადასხვა დროის ფენათა შორის შუა ბრინჯაოს ხანის კვალი ჩანს⁶. სამიოდე წლის წინათ რამდენიმე ნასახლარის ნაშთი მიკვლეულ იქნა არარატის ველის წინამთების ზოლში⁷.

თრიალეთური კულტურის შესწავლისათვის დიდი მნიშვნელობა ჰქონდა ამ კულტურის ახალი მძლავრი კერის აღმოჩენას მესხეთში, არტანის მტკვრის აუზში. აქ, 1970 წელს თბილისის სახელმწიფო უნივერსიტეტისა და საქართველოს სახელმწიფო მუზეუმის გაერთიანებული არქეოლოგიური ექსპედიციის მიერ აღმოჩენილ იქნა და 1977 წლამდე ისწავლებოდა ყორღანული, სამარხები, რომლებიც განლაგებულია არტანის მტკვრის აუზის ორივე ნაპირის ტერასებზე. განსაკუთრებით დიდი რაოდენობით აღმოჩნდა ყორღანები მტკვრის მარცხენა სანაპიროს ტერასებზე. გარდა ყორღანული სამარხებისა,

¹ Б. Б. Пиотровский, Археология Закавказья, Л., 1949, Г. Е. Арешян, Новые исследования памятников среднего бронзового века Армении, Тезисы Всесоюзной археологической сессии, М., 1977.

² საქართველოს ისტორიის ნარკვევები, ტ. I, თბ., 1970, გვ. 201—243.

³ ქვემო ქართლის არქეოლოგიური ექსპედიციის შედეგები (1965—1971), თბ., 1975.

⁴ თ. ჯაფარიძე, არქეოლოგიური გათხრები თრიალეთში, თბ., 1969.

⁵ К. Н. Пицхелаури, Ш. Ш. Дедабришвили, Археологические исследования на новостройках Кахети, в кн.: Археологические исследования и новостройки ГССР, Тб., 1976.

⁶ К. Н. Пицхелаури, Ш. Ш. Дедабришвили, დასახ. ნაშრომი, გვ. 16.

⁷ Г. Е. Арешян, დასახ. ნაშრომი.


მესხეთში პირველად ამიერკავკასიის არქეოლოგიაში აღმოჩნდა და შესწავლილ იქნა ლოდოვანში გამართული უზარმაზარი ყორღანული სამაროვნები („ყაჩაღები“, „ველახარაღები“), რამაც ახლებურად დააყენა საკითხი მესხეთში მოსახლე ტომების ცხოვრების ხასიათის შესახებ.

1970—1972 წლებში ექსპედიცია გათხრებს აწარმოებდა არტანის მტკვრის მარცხენა სანაპიროს მესამე ტერასაზე — ახჩიის მინდვრებზე*.

ახჩია მდებარეობს ვარძიიდან 6 კმ დაშორებით მტკვრის გაყოლებით ზემოთ, მის მარცხენა ნაპირზე. იგი ვერტიკალურად განლაგებული რამდენიმე ტერასისაგან შედგება ყორღანების ცალკეული ჯგუფები გვხვდება სულ ქვედა ტერასიდან მოკიდებული, სადაც ადრე სოფ. ახჩია მდებარეობდა, ვიდრე ერუშეთის პლატომდე. ყველაზე მეტად ყორღანები კონცენტრირებულია ზედა ტერასის ორსავე სართულზე — „ახჩიის მინდვრებზე“ ქვედა სართული ამ ტერასისა, რომელიც კონცხივითაა წინ წამოწეული და არც თუ ისე მოზრდილ ველს წარმოადგენს, ყორღანების დიდ ჯგუფს უკავია. ამ ჯგუფში გამოირჩევა ერთი, ყველაზე მოზრდილი ყორღანი მაღალი ქვაყრილით, რომელიც ზედ ველის პირას მდებარეობს. აქვე გვხვდება ზომით საშუალო ქვამიწაყრილიანი ყორღანები და შედარებით მომცრო ზომის უყრილო ყორღანები.

უფრო მცირე ჯგუფი ყორღანებისა ახჩიის ველის მაღლა მდებარეობს, ჩრდილო-დასავლეთით, შედარებით მომცრო ტერასაზე, ნიალისკენ მიმავალი გზის პირას. აქაც ისევე როგორც ქვედა ტერასაზე, გვხვდება ერთი დიდი

ყორღანი №1



სურ. 1.

* ო. ჯაფარიძე, ი. კიკვიძე, გ. ავალისვილი, მესხეთ-ჯავახეთის არქეოლოგიური ექსპედიციის 1970 — 1971 წლების მუშაობის ანგარიში, საქართველოს სახელმწიფო მუზეუმის ექსპედიციები (შემ. სსმე), ტ. III, თბ., 1974; ო. ჯაფარიძე, ი. კიკვიძე, გ. ავალისვილი, მესხეთ-ჯავახეთის არქეოლოგიური ექსპედიციის 1972—1973 წლების მუშაობის ანგარიში, სსმე, ტ. IV, თბ., 1975.

ქვაყრილიანი ყორღანი, დანარჩენი ყორღანები პატარა ზომისაა, დაბალი ქვა-მიწაყრილით.

1970 წელს ახჩიის მინდვრებზე გაითხარა სამი ყორღანი⁹.

ყორღანი № 1 (სურ. 1, ტაბ. 1—1) ქვაყრილიანი, დიდი. მდებარეობს ველის პირას და გარეგნულად არ განსხვავდება წალისა და გომარეთის პლატოების ქვაყრილიანი ყორღანებისაგან. კამერა წარმოადგენს საკმაოდ მოგრძო ტალანს, ნაგებია მშრალად, მოზრდილი ნაგლევი ქვებისაგან. სიგრძე 5,70 მ, სიგანე შესასვლელთან 2,83 მ. დასავლეთ კედელთან 2,20 მ, სიმაღლე 2,75 მ, გრძივი კედლები ისეა ნაგები, რომ მათ შორის მანძილი ზევით ვიწროვდება და სახურავთან 1,25 მ-ია. სახურავად გამოყენებულია ქვის ფილები. ფილებს შორის არე ამოვსებულია წვრილი ქვით.

დასაკრძალავ კამერას აღმოსავლეთით მოკლე დრომოსი აქვს — სიგრძე 3,5 მ, სიმაღლე შესასვლელთან 1,1 მ, კამერასთან 2,25 მ. სიგანე შესასვლელთან 2 მ, კამერასთან 3 მ. დრომოსიც ნაგებია მშრალად, დიდი ნაგლევი ქვებისაგან. მისი იატაკი კამერისაკენ თანაბრადაა დაქანებული. დრომოსი და კამერა გაყოფილია მოზრდილი ქვებით ნაგები ტიხრით. გათხრისას დრომოსსა და კამერაში სხვადასხვა ადგილს ჩნდებოდა შავპირილა და წითელი თიხის ნატეხები, უპირატესად მოზრდილი ქურჭლისა. კამერის დასავლეთ კედელთან აღმოჩნდა ხის ნაშთი. კამერის აღმოსავლეთსა და დასავლეთ ნაწილში ბევრია მსხვილფეხა საქონლის ძვლები.

კამერის სამხრეთ აღმოსავლეთ კუთხეში ტიხართან აღმოჩნდა ქვის სამი „სადგარი“. მათ ცილინდრული ფორმა აქვთ და შუა ნაწილზე ბრტყელი სახელურია გამოყვანილი. მსგავსი ნივთები ჩვენთვის ცნობილი არ არის. კამერის დაახლოებით შუა ნაწილში ნაპოვნი იყო ორი პატარა, ყუნწიანი სატევრისპირი. აქვე იყო ოქროს ფუტურო მძივი და ოქროს ფირფიტის ნატეხი.

ყორღანი № 2 (ტაბ. I—II) დაშორებულია № 1 ყორღანიდან 200 მ სამხრეთ-დასავლეთით. ეს ყორღანი განსხვავებული ხასიათისაა. მას დაბალი ქვა-მიწაყრილი აქვს და ირგვლივ დიდი ქვებისაგან შემდგარი წრე შემოპყვება, დმ-9, 36. ყორღანის ცენტრალურ ნაწილში ამოღებული იყო 4,90 მ. დიამეტრის ორმო. ორმოში ამოშენებული იყო კამერა და დრომოსი. კამერა ზემოდან გადახურული იყო სამი დიდი ბრტყელი ქვით: სახურავი წრის ქვიდან 0,30 მ სიღრმეზე იყო. დრომოსი და კამერა ერთიანი მთლიანი კედლისაგან შედგება. კედლები ნაგებია მშრალად, მოზრდილი ქვებისაგან. დრომოსის კედლები კლდე უბჯინებიან. კლდე დამრეცადაა ჩაჭრილი და ამიტომ დრომოსის ზედა რიგი უფრო გრძელია, ვიდრე ქვედა. ზედა რიგი კედლისა წრეს აღწევს. კამერის სიგრძე 3,17 მ., სიმაღლე 2,52 მ, სიგანე იატაკთან 1,85 მ., სახურავთან 0,94 მ, სიგანე შესასვლელთან 1,91 მ, კამერასთან 1,36 მ.


დრომოსი და კამერა თავიანთ ამოვსებული იყო მიწით და ქვით. წმენდის დროს კამერაში სხვადასხვა ადგილას ამოდიოდა ადამიანის ძვლები, როგორც ჩანს, რამდენიმე მიცვალებული იყო დაკრძალული. ტიხართან აღმოჩნდა ცხვრის თითქმის მთლიანი ჩონჩხი, სამარხეული ინვენტარი მხოლოდ თიხის ქურჭლებით არის წარმოდგენილი.

ყორღანი № 3 (სურ. 2) დასავლეთის მხრიდან მას ქვამიწაყრილი აქვს,

⁹ ო. ჯ ა ფ ა რ ი ძ ე, ი. კ ი კ ვ ი ძ ე, გ. ა ვ ა ლ ი შ ვ ი ლ ი, მესხეთ-ჯავახეთის არქეოლოგიური ექსპედიციის 1970—1971 წწ. მუშაობის ანგარიში,

აღმოსავლეთის მხრიდან კი ქვაყრილი. მას ფუძე არ ეტყობა, ოღონდ ყრილის ძირზე მოზრდილი ქვების წრე შემოუყვება. სიმაღლე — 1,40 მ, დმ — 20 მ. დრომოსი და კამერა ორმოშია მოთავსებული და შემდეგ დაბალი ქვამიწაყრილია დაყრილი. დრომოსი ნაგებია დიდი ქვებისაგან. იგი სწრაფად ღრმავდება კამერისაკენ. მისი კედლები დამრეცადაა ნაგები. იგი შესასვლელთან უფრო განიერია და შემდეგ კამერისაკენ თანდათანობით ვიწროვდება. სიგანე შესასვლელთან 1,90 მ, კამერასთან — 1,0 მ, სამხრეთის კედლის სიმაღლე

ყორღანი №3



სურ. 2.

კამერასთან 3, 80 მ, დრომოსის შესასვლელთან 1,30 მ. ჩრდილო კედელიც დამრეცია (სხვაობა 0,35 მ), მისი სიმაღლე კამერასთან 3,90 მ, დრომოსის დასაწყისთან — 1,08 მ. დრომოსის სიგრძე 4,0 მ. დრომოსსა და კამერას შორის მოზრდილი ქვებისაგან არაწესიერად ნაგები ტიხარი იყო. კამერა დრომოსზე დაბალია და ამიტომ კამერაში შესასვლელთან საფეხური იქმნება. საფეხურის სიმაღლეა — 0,53 მ.


კამერის სიგრძეა 5 მ, სიგანე 1,95 მ, სიმაღლე 3,10 მ. გადახურულია ოთხი მოზრდილი ქვის ფილით. კამერის შიგნით წმინდა მიწა იყო. მასში ოთიქმის არ იყო შერეული ქვა.

კამერის წინა ნაწილში, შესასვლელიდან დაახლოებით 0,80 მ. დაშორებით აღმოჩნდა ადამიანის ძვლები, სამწუხაროდ, მიცვალებულის პოზის დადგენა ვერ მოხერხდა. გარდა თავის ქალის სარქველის ნატეხებისა, ქვედა ყბისა და რამდენიმე სხვა ძვლის მეტი, არაფერი აღმოჩენილა. ყბაზე შერჩენილი კბილებით შეიძლება ითქვას, რომ მიცვალებული საკმაოდ ახალგაზრდა იყო. კამერაში სხვადასხვა ადგილას მსხვილფეხა საქონლის ძვლებს ვპოულობდით. გვხვდებოდა აგრეთვე წვრილფეხა საქონლის ძვლებიც.

კამერაში ნაკლები იყო თიხის ჭურჭელი. აღმოჩენილი ჭურჭლიდან შედარებით მეტი იყო კამერის სამხრეთის კედელთან. ამ კედლის დასავლეთ ნაწილში აღმოჩნდა ერთი მთელი შევპრიალა ჭურჭელი წერტილოვანი ორნამენტით. განსაკუთრებით აღსანიშნავია კამერის ამავე ნაწილში აღმოჩენილი მოხატული ჭურჭლის ფრაგმენტები. კერამიკა ჩნდებოდა, აგრეთვე, კამერის წინა ნაწილში. სამხრეთის კედლის მახლობლად, დაახლოებით შუა ნაწილში თიხის ჭურჭლის ნატეხებთან, აღმოჩნდა ბრინჯაოს შუბის პირი ოქროს სალტეთი მასრის ბოლოზე. კამერის ჩრდილო-დასავლეთ კუთხეში, დასავლეთ კედელთან 0,10 მ დაშორებით, აღმოჩნდა ბრინჯაოს გრეხილი მეთული. ამავე კუთხეში, დასავლეთის კედლის ძირზე, ჩრდილო კედლიდან 0,15 მ დაშორებით ნაპოვნი იყო მოზრდილი ოქროს მძივი. დასავლეთი კედლის სამხრეთ ნაწილში კედელზე მიყრდნობილი იყო ეტლის თვალი (შერჩენილია თვლის შუა ნაწილი). სეგმენტები თითქმის მთლიანად დამპალი იყო.

1971 წელს ახჩიის მინდვრებზე გაითხარა კიდევ 6 ყორღანი¹⁰. ყორღანი № 4 (სურ. 3.) წარმოადგენს საშუალო ზომის ყორღანს დმ—20 მ, სიმაღლე 2 მ. დრომოსი და კამერა ჩაპრილია მიწაში და წარმოადგენს ნავლეჯი ქვები-

ყორღანი № 4



სურ. 3.

საგან ამოშენებულ ერთ მთლიანს, 8 მეტრი სიგრძის ტალანს. დრომოსის იატაკი კამერისაკენ მკვეთრად დაქანებული პანდუსია, რომელიც საფეხურიო გადადის კამერის იატაკზე. კამერა დრომოსისაგან გამოყოფილია ქვებისაგან ნაგები ტიხარით და წარმოადგენს საკმაოდ მოზრდილ სათავსს 4. 80 X 2.40

¹⁰ ო. ჯაფარიძე, ო. კიკვიძე, გ. ავალიშვილი, მესხეთ-ჯავახეთის არქეოლოგიური ექსპედიციის 1970—1971 წწ. მუშაობის ანგარიში.

მ. კედლები ნაგებია ისე რომ კამერა სახურავისაკენ თანდათან ვიწროვდება და ვადახურულია 1,5—2 მ სიგანის ოთხი უხეშად გათლილი ქვის ფილით. სიგრძეზე კედლებში დატანებულია საკმაოდ მოზრდილი ნიშები. სამწუხაროდ, ყორღანი გაპარცული აღმოჩნდა. სამარხეული ინვენტარი წარმოდგენილია მხოლოდ თიხის ჭურჭლის ნატეხებით, რომლებიც ფიქსირებულია როგორც კამერაში, ასევე დრომოსში. დრომოსი ამოვსებული იყო ქვის ლოდებით.

ყორღანი № 5 პატარა ზომის, უყრილო ყორღანია. ინვენტარს მხოლოდ კერამიკა შეადგენდა.

ყორღანი № 6. უყრილო, ამ ყორღანში აღმოჩნდა ერთი თიხის ჭურჭელი და ერთიც მძივსაკიდი. თიხის ჭურჭელი რუხი ფერისაა, ყელმაღალი, განიერი მხრებით, მუცელი ძირისაკენ სწრაფად ვიწროვდება, ბრტყელძირიანია. ფორმით ჰგავს მტკვარ-არაქსულს. მძივსაკიდი მოწითალო სერდოლიკისაა.

ყორღანი № 7, ყრილი ქვამიწისა, დაბალი — 0,70 მ სიმაღლის, წრის დიამეტრი O—W 8,0 მ N S მიმართულებით — 8,0 მ. კამერა გადახურული იყო სამი ბრტყელი ქვით კამერა მიმართულია O—W, დრომოსი არა აქვს. კამერის სიგრძე 3,0 მ, სიგანე კამერის ძირზე — 1,33 მ, კამერის თავთან — 0,90 მ.

კამერა მთლიანად მიწით იყო სავსე. კამერის ჩრდილო-დასავლეთ კუთხეში ქვაში რამდენიმე ჭურჭელი იდო, რომელთაგან ერთში ადამიანის თავის ქალა იყო მოთავსებული. ჭურჭლების თავზე ადამიანის ბარძაყის ძვალი აღმოჩნდა. ჭურჭლებს ქვეშ მსხვილფეხა და წვრილფეხა საქონლის ძვლები იყო. ყორღანის ჩრდილო კედელთან, ჩრდილო-დასავლეთ კუთხიდან 0,70 მ დაშორებით კიდევ მეორე თავის ქალა აღმოჩნდა ქვაზე დადებული. აქვე იყო საქონლის ძვლები. რამდენიმე ჭურჭელი აღმოჩნდა კამერის ჩრდილო აღმოსავლეთ კუთხეში. სამხრეთის კედელთან სამი ჯამი იდგა, რომელთაგან მოზრდილში საქონლის ძვლები იდო. ერთი სატკერის პირი აღმოჩნდა ცენტრალურ ნაწილში.

ყორღანი № 8*.

ყორღანი № 9 ტერასში იყო ჩასმული, გარშემო ქვის წრე შემოუყვებოდა — დმ 12,5 მ. კამერის სახურავი 0,40 მ სიღრმეზე იყო მიწის პირიდან. ყორღანი აღმოსავლეთით დრომოსი ჰქონდა, რომელიც კამერისაკენ თანდათანობით ღრმავდებოდა. დრომოსის კედლები სიმაღლეში თანდათან ვიწროვდებოდა, კედლები დამრეცადაა ნაგები. დრომოსის ჩრდილო კედელი ექვსი რიგისაგან შედგებოდა. მისი სიგრძეა 4,50 მ, სიმაღლე დასაწყისში 0,50 მ, კამერასთან — 2,50 მ. დრომოსის სამხრეთი კედელი 6—7 რიგისაგან შედგებოდა. სიგრძე — 4,0 მ, სიმაღლე დასაწყისში — 0,50 მ, სიმაღლე კამერასთან 2,70 მ. დრომოსის სიგანე დასაწყისში — 2,80 მ, კამერასთან — 2,40 მ. დრომოსის კედლები პირდაპირ გადადიოდა კამერის კედლებში. კამერა დასავლეთისაკენ თანდათანობით ვიწროვდება. კამერის კედლებიც დამრეცადაა ნაგები. კამერის ჩრდილო კედელი შვიდი რიგისაგან შედგება. კამერის სამივე ძირა ქვა მოზრდილია ზედა რიგის ქვები უფრო პატარებია. ჩრდილო კედლის სიგრძე — 5,30 მ, სიმაღლე 3,50 მ, დამრეცობის სხვაობა — 0,40 მ. სამხრეთის კედლის სიგრძე — 5,20 მ, სიმაღლე — 3,60 მ, დამრეცობის სხვაობა — 0,40 მ. სამხრე-


* პატარა ყრილის აღების შემდეგ გამოჩნდა ყამირი, როგორც ჩანს, ყორღანი არ უნდა ყოფილიყო.

თის კედელი შეიდი რიგისაგან შედგება. დასავლეთის კედელი ექვსი რიგისაა. კამერა ოთხი ქვით იყო გადახურული. კამერასა და დრომოსს შორის ტიხარი იყო. ტიხრის კედელი არაწესიერი წყობის მოზრდილი ქვების ხუთი რიგისაგან შედგებოდა, და თითქმის კამერის სახურავს აღწევდა. ქვედა რიგზე ორი დიდი ქვა იღო — სიგრძე — 2,40 მ, სიმაღლე 1,26 მ. კამერის მიმართულება O—W.

დრომოსი დიდი ქვებით იყო ამოვსებული. დრომოსის შესასვლელთან დაახლოებით შუა ადგილას ქვებში აღმოჩნდა ერთი შავი ქილა წერტილოვანი ორნამენტით ყორღანის თავიდან 1,0 მ სიღრმეზე. იგი თითქოს საგანგებოდ იყო ჩადგმული და ქვებით შემოწყობილი.

კამერა მთლიანად მიწით იყო ამოვსებული. ზედა ნაწილში სუფთა მიწა იყო ჩაყრილი, შემდეგ კი ქვა და მიწა იყო. კამერის შუა ნაწილში სახურავის ქვიდან 2,50 მ. სიღრმეზე, ქვებზე აღმოჩნდა ადამიანის ძვლები. ადამიანის თავის ქალა ჩრდილო კედელთან იყო, ფეხები მოკეცილი ჰქონდა. აქვე იყო მსხვილფეხა და წვრილფეხა საქონლის ძვლები. კამერის მთელ ფართობზე ამოდიოდა დიდი რაოდენობით მსხვილფეხა და წვრილფეხა საქონლის ძვლები და კერამიკა. ამდენი ძვლები საქონლისა არც ერთ სხვა ყორღანში არ შეგვხვედრია. კამერის შუა ნაწილში პირველი ჩონჩხის ქვეშ კიდევ აღმოჩნდა ადამიანის თავის ქალა ჩრდილოეთით და კიდურების ძვლები სამხრეთით. ჩრდილო კედელთან აღმოჩნდა მოხატული ჭურჭლის ნაწილები. კამერის სხვადასხვა ადგილას ჩნდებოდა ბრინჯაოს ფირფიტის ნატეხები. შესასვლელთან აღმოჩნდა ქვის ჯამი. დასავლეთ კედელთან ზედ ყამირზე ადამიანის ქვედა ყბის ორი ნატეხი იყო, ერთი მოზრდილი და მეორე ბავშვის. ადამიანის თავის ქალის ნატეხები აღმოჩნდა, აგრეთვე, სამხერთ-დასავლეთ ნაწილში, ზედ ტი-

ყორღანი №10



სურ. 4.

ზართან ჩრდილო კედლის კუთხესთან, სახურავის ქვიდან 3,10 მ სიღრმეზე აღმოჩნდა ადამიანის თავის ქალა. მის გვერდით ორი მიღისებრი რალაც ჭურჭელი იყო ორივე თავთან ვახერტელი. შესასვლელთან ერთი ფუძე ამოღარული ობსიდიანის ისრის პირი და სერდოლიკის მძივები.

ყორღანი № 10 (სურ. 4) წრე მოზრდილი ქვებისაგან იყო შეკრული, ყრილი არ ეტყობოდა. წრის დიამეტრი OW—7,15 მ, NS—7,45, წრის შუა ნაწილში კამერის სამი სახურავის ქვა ჩანდა.

ორმოში ჩადგმული კამერა მიწით იყო სავსე. იგი ოთხივე მხრიდან ბრტყელი მოზრდილი ქვებით იყო ნაგები. კამერის მიმართულება O—W. ზომებია: ჩრდილო კედლის სიგრძე — 2,15 მ, სიმაღლე — 1,38 სამხრეთის კედლის სიგრძე — 1,90 მ, სიმაღლე — 1,45 მ, დასავლეთის კედლის სიგრძე — 0,95 მ, სიმაღლე — 1,30 მ, აღმოსავლეთის კედლის სიგრძე — 1,0 მ, დარჩენილი ნაწილის სიმაღლე — 0,76 მ.

კამერის დასავლეთ ნაწილში უწესრიგოდ ჩადგმული იყო 30-მდე მთელი ჭურჭელი, ძირითადად ქილები და ბადიები. ყველა ქილა წაქცეული იყო. ზოგიერთი ჭურჭელი ერთმანეთზე იყო. ერთ-ერთ ქილაში წვრილფეხა საქონლის ძვლები აღმოჩნდა. კამერაში რამდენიმე მიცვალებული იყო. თავის ქალის ნაწილი ჩანდა ჩრდილო კედლის შუა ნაწილში, ერთი დამტვრეული თავის ქალა და კიდურების ძვლები აღმოჩნდა ჩრდილო-აღმოსავლეთ ნაწილში. ისეთი შთაბეჭდილებაა, რომ მიცვალებული იწვა ძლიერ მოკრუნჩხული ფეხებით. ორი თავის ქალა აღმოსავლეთ კედელთანაც აღმოჩნდა. აქვე იყო წვრილფეხა საქონლის ძვლები.

1972 წელს აზიის მინდვრებზე გაითხარა კდე 7 ყორღანი¹¹.

ყორღანი № 11, სიმაღლე — 1,50 მ, დიამეტრი — W—S — 16,0 მ. ქვის წრის დიამეტრი — 10,5 მ. სამხრეთის მხრიდან ყორღანი უფრო მაღალია, აღმოსავლეთით კი უფრო დაბალი. ქვის წრე მოზრდილი ქვებისაგან შედგება და ქვამიწაყრილი ამ ქვებს სიმაღლით მაინცდამაინც არ სცილდება. კამერა შიგ ქვის წრის ცენტრშია ნაგები. კამერის მიმართულება 0—W.

დრომოსი, რომელიც აღმოსავლეთის მხრიდან იყო, იწყებოდა ზედ ქვის წრიდან, რომელიც ნელ-ნელა ღრმავდებოდა კამერისაკენ. ჩრდილო კედლის სიგრძე შუბლის ქვამდე — 2,25 მ. სამხრეთის კედლის სიგრძე 2,90 მ. სივანე დრომოსისა დასაწყისში — 2,25 მ, კამერასთან — 2,13 მ. დრომოსის სამხრეთის კედლის სიმაღლე — 2,60 მ, ჩრდილო კედლის სიმაღლე — 2,50 მ. სამხრეთის კედელი შედგება 6 რიგისაგან, ჩრდილოეთისა 7 რიგისაგან.

კამერასა და დრომოსს შორის ტიხარია, რომელიც მოზრდილი ქვებისაგან შედგებოდა. შერჩენილია მხოლოდ ტიხრის ორი რიგი. დრომოსის კედლები ტიხრის ამ ქვებთან მთავრდება. ტიხრის შერჩენილი ნაწილის სიმაღლეა — 0,80 მ, სივანე — 0,77 მ, სიგრძე — 2,0.

კამერის ქვედა რიგი მოზრდილი ქვებისაგან შედგება. ორივე გრძივ კედლებში ქვედა რიგად სამ-სამი ქვა დევს, ზედა რიგი უფრო მომცრო ქვებით იყო ნაგები. ჩრდილო კედელი შედგება 5—6 რიგისაგან, სამხრეთისა — 5 რიგისაგან, დასავლეთის კედელი კი 4 რიგისაგან. კამერის სიგრძე — 3,60 მ,

¹¹ ო. ჯ ა ფ ა რ ი ძ ე, ი. კ ი კ ე ძ ე, გ. ა ვ ა ლ ი შ ვ ი ლ ი, მესხეთ-ჯავახეთის 1972-1973 წწ. მუშაობის ანგარიში, სსმე, ტ. IV, თბ., 1975.

სიგანე — 1,80 მ, სიმაღლე კამერის შესასვლელთან 2,60 მ, ორივე გრძივი კედელი დამრეცადაა ნაგები.

კამერა გადახურული იყო ოთხი ქვით. სახურავის მთლიანი სიგრძე 3,60 მ. კამერა თითქმის მთლიანად ქვითა და მიწით იყო ამოვსებული. მის ზოგად ზედაპირზე ამოდიოდა თიხის ჭურჭლის ნატეხები, ადამიანის და ცხოველის ძვლები. აღმოჩნდა მსხვილფეხა საქონლის თავის ქალა. კამერის სამხრეთ-დასავლეთ კუთხეში იდო ერთი ღია ფერის ბაღია, რომელშიც ადამიანის ქვედა ყბა აღმოჩნდა. ადამიანის ძვლებთან ერთად აქვე იყო მსხვილფეხა და წვრილფეხა ცხოველების ძვლებიც, აღმოჩენილი თიხის ჭურჭლის ნატეხებიდან უფრო მეტია ტიპური „მესხური“ კერამიკისათვის დამახასიათებელი ღია ფერის ნატეხები. ერთ-ერთ ნატეხზე შემორჩენილა მხრებზე სამი კონუსისებრი კოპი. რამდენიმე ბადიის ნატეხი უფრო ღია ფერისაა. განსხვავებული ფორმისაა შავბრიალა ზედაპირიანი ერთი ღრმა ჯამი, რომელსაც ზედა ნაწილში სამი ფართო ღარი აქვს.

ყორღანი № 12. ქვისწრიანი ყორღანი. ქვაყრილი თითქმის არ ეტყობა. კარგად შეკრული წრე შემოუყვება მოზრდილი ქვებისაგან. წრის დიამეტრი — 7,50 მ. კამერა მოთავსებული იყო არა წრის ცენტრში, არამედ უფრო აღმოსავლეთ ნაწილში. გადახურვის ქვა გამოჩნდა 0,50 მ. სიღრმეზე. დრომოსი არ ჰქონდა. კამერის წინა მხრიდან დიდი ქვები იყო ჩაწყობილი. კამერა იწყებოდა ქვის წრიდან 2,70 მ დაცილებით. კამერა სამი დიდი ქვით იყო გადახურული. სახურავის საერთო სიგრძე — 3,50 მ. შუბლის ქვამდე იდო მოზრდილი ქვა, რომლის სიმაღლე 1,0 მ. უდრიდა. სიგანე კი 1,17 მ. ამ ქვის აქეთ-იქით შუბლის ქვაზე ორი პატარა ქვა იდო.

შესასვლელთან კამერას ტიხარი ჰქონდა. შემორჩენილი იყო ტიხრის ოთხი რიგი. შუბლის ქვიდან ტიხრამდე 1,26 მ. შერჩენილი ტიხრის სიმაღლე — 1,54 მ, სიგრძე — 1,70 მ.

კამერა ნაგები იყო მოზრდილი ქვებით ჩრდილო-დასავლეთის კედლის ზომებია: სიგრძე — 3,43 მ, სიმაღლე 2,74 მ. სამხრეთ-აღმოსავლეთის კედლის სიგრძე — 3,40 მ, სიმაღლე 2,60 მ, სამხრეთ-დასავლეთ კედლის სიგრძე 2,60 მ, სიმაღლე 1,80 მ. ჩრდილო კედელი შედგებოდა 6—7 რიგისაგან, სამხრეთისა და დასავლეთის კი 5—6 რიგისაგან. კამერის სამივე კედელი დამრეცადაა ნაგები, სიგანე კამერისა ძირზე — 2,0 მ, სახურავთან კი 1,02 მ. კამერა მთლიანად ამოვსებული იყო მიწითა და ქვით. მთელ ფართობზე სხვადასხვა დონეზე ჩნდებოდა ადამიანის და საქონლის ძვლები და კერამიკის ნატეხები. ნაპოვნი იყო ქვის ჯამი.

ყორღანი № 13. მას ყრილი არ ეტყობა მოზრდილი ქვებისაგან შეკრულ წრეს ოვალური მოყვანილობა ჰქონდა. წრის ზომებია: — სიგრძე 3,20 მ (SW—NO), სიგანე — 2,60 (NW—OS) კამერა წრის ცენტრში კი არ იყო, არამედ O მხარეში, ზედ წრის ქვებთან. წრის NW ნაწილში ყამირი იწყებოდა 1,0 მ სიღრმეზე. ამ მხრიდან კამერის სიგრძივი კედელი წრეს 1,10 მ. იყო დაშორებული — კამერას დრომოსი არ ჰქონდა. მისი შესასვლელი ზედა ქვის წრესთან იწყებოდა. გადახურვიდან შერჩენილი იყო მხოლოდ ორი ქვა კამერის NO ნაწილში.

კამერის კედლები მოზრდილი ქვითაა ნაგები. NW კედელი ოთხი მწკრივისაგან შედგება. მისი სიგრძეა 2,30 მ, სიმაღლე — 1,40 მ. OS კედელი ხუ-

თი რიგისაგან შედგებოდა. სიგრძე 2,15 მ სიმაღლე 1,57 მ. NO განივი კედელი აგრეთვე ხუთი რიგისაგან შედგებოდა — სიგრძე — 1,02 მ, სიმაღლე — 1,35 მ. SW კედელი კამერას არ ჰქონდა და ორივე სიგრძივი კედელი ყამირს ებჯინებოდა. კედლები კამერისა ოდნავ დამრეცადაა ნაგები. კამერის სიგანე ძირზე — 1,25 მ., გადახურვის ქვებთან — 0,70 მ.

კამერის დასავლეთ კუთხეში აღმოჩნდა ადამიანის თავის ქალა, ძლიერ დაშლილი. მის გვერდით მენჯის ძვალი იყო. აქვე აღმოჩნდა ერთი ქილა. დანარჩენი ექვსი ჭურჭელი ნაპოვნი იყო სამხრეთ კუთხეში და სამხრეთ-აღმოსავლეთის გრძივ კედელთან. აქედან ხუთი მოზრდილი ქილაა, შეპირილა, ერთიც ბაღია — კამერის სამხრეთ-აღმოსავლეთ კედლის ძირას ჭურჭლებს შორის აღმოჩნდა სპილენძის სპირალი. ერთ-ერთ ჭურჭელში მივიხილო. ძვლის სახელური ორი სამანჭველე ნახვრეტით იყო კამერის შუა ნაწილში. წვრილფეხა საქონლის ძვლები აღმოჩნდა სხვადასხვა ადგილას.

აღსანიშნავია, რომ ყველა ნივთი აღმოჩნდა კამერის იმ ნაწილში, სადაც გადახურვის ქვები იყო შერჩენილი. იმ ნაწილში, სადაც გადახურვის ქვები არ იყო, ერთი ჭურჭლის ძირის გარდა, არაფერი აღმოჩნდა.

ყორღანი № 14 ტერასის პირასაა ნაგები. კამერა შიგ ტერასშია შეპირილი. ტერასის წინ დიდი ქვებისაგან შეკრული ნახევარი წრეა, რომლის ორივე ბოლო ტერასას ებჯინება. ყორღანს მოზრდილი ქვებისაგან დაბალი ყრილი ჰქონდა, რომლის სიმაღლე ნახევარწრიდან 1,0 მ. უდრიდა.

ნახევარი წრე შედგებოდა ექვსი მოზრდილი ქვისაგან, რომელიც ზედ ყამირზე იყო. ნახევარი დიამეტრი NS მიმართულებით — 6,20 მ. მანძილი ნახევარ წრიდან შუბლის ქვემდე — 2,60 მ. ყორღანის მიმართულებაა O—W. აღმოსავლეთის მხრიდან მოკლე დრომოსი ჰქონდა. მისი ჩრდილო კედელი 0,40 მ. სიმაღლის ერთი ქვისაგან შედგებოდა, სამხრეთისა კი — 0,65 სიმაღლის ორი ქვისაგან. ჩრდილო კედლის სიგრძე — 0,60 მ, სამხრეთისა — 0,85 მ, დრომოსი სწრაფად ეშუება კამერისაკენ. კამერის სიმაღლე შესასვლელთან 1,25 მ, სიგანე შესასვლელთან 0,90 მ. კამერა მთლიანად მიწით იყო სავსე. კამერის სიგრძე 2,40 მ, სიგანე 1,10 მ, სიმაღლე 1,25 მ. კამერა გადახურული იყო სამი ქვით.

კამერის სამხრეთ-აღმოსავლეთ კუთხეში შესასვლელიდან 0, 60 მ დაშორებით ზედ სამხრეთის კედელთან ქვაზე იყო თავის ქალა. ამავე კედელთან მის შუა ნაწილში აღმოჩნდა ადამიანის ბარძაყის, წვივის, ხერხემლის, მენჯის ძვლები. აქვე იყო მსხვილფეხა საქონლის კიდურის ორი ძვალი და მეორე მიცვალებულის ქვედა ყბა, აგრეთვე ბავშვის ქვედაყბის ნაწილი. დასავლეთ კედელთან მოზრდილ დერგში, რომელიც მიწით იყო სავსე, ბავშვის თავის ქალა იყო. სამარხში ჩანს, სულ ცოტა სამი მიცვალებული იყო, მაგრამ ძვლები იმდენად არეული იყო, რომ პოხის დადგენა თითქმის შეუძლებელი გახდა. წვრილფეხა საქონლის ძვლები აღმოჩნდა სამხრეთი კედლის ძირზე. ყორღანში ბევრი თიხის ჭურჭელი იყო კამერის სხვადასხვა ადგილას: კამერის დასავლეთ ნაწილში, ჩრდილო-აღმოსავლეთ კუთხეში რამდენიმე თიხის ჭურჭელი იყო. ერთი ჭავჭავი ჭურჭლებისა იდგა სამხრეთი კედლის შუა ნაწილში. კამერის ცენტრალური ნაწილი ცარიელი იყო. დასავლეთ ნაწილში ელაგა მოზრდილი ჭურჭლები, ჯამები და ქოთნები.

კერამიკა ამ ყორღანის მრავალფეროვანია და თავისებურიც. არის მხო-

ლოდ ერთი ქილა ნაწილობრივ წერტილოვანი ორნამენტით შემკული. დანარჩენ ჭურჭლებს თრიალეთურ კერამიკასთან საერთო არაფერი აქვთ. ორი ქილა შეიძლება რამდენადმე მიუუახლოვოთ თრიალეთურს, ერთი კოპებით შემკული და გველის რელიეფური ორნამენტით და მეორე მოზრდილი ქილა ო-ს მაგვარი რელიეფური ნიშნით. სხვა ჭურჭლები ტიპური „მესხურია“.

ყორღანი № 15. მდებარეობს ახჩიის ველის ზედა ტერასაზე, აგარისაკენ მიმავალი გზის პირას. აქ ჩანს ერთი ჯგუფი ყორღანებისა, რომელთაგან ყორღანი № 15 გამოირჩევა სიდიდით და, აგრეთვე, იმით, რომ მას საკმაოდ მაღალი ქვაყრილი აქვს. იგი ტიპობრივად ახჩიის № 1 ყორღანს ჰგავს და თრიალეთის ქვაყრილიან ყორღანებს უახლოვდება.

გათხრებამდე კარგად ჩანდა ქვაყრილში კამერის სახურავის ქვები, რომელთაგან რამდენიმე ჩამტვრეული იყო და კამერაში ჩაცვენილი. ყორღანს, ისევე როგორც თრიალეთის დიდი ყორღანებისათვისაა დამახასიათებელი ქვამიწაყრილის ფუძე ჰქონდა და ქვის წრე შემოუყვებოდა. ფუძის სიმაღლე — 0,80 მ, უდრიდა და შემდეგ იწყებოდა რიყის მოზრდილი ქვებისაგან შემდგარი ყრილი.

კამერა ნაგები იყო ცენტრალურ ნაწილში. მიმართულება O—W ოდნავ ჩრდილოეთით გადახრილი. აღმოსავლეთის მხრიდან კამერას დრომოსი ჰქონდა, შედარებით მოკლე, რომელიც ქვას წრიდან 7,30 მ დაშორებით იწყებოდა. დრომოსი სწრაფად ღრმავდებოდა და თანდათანობით ვიწროვდებოდა კანერისაკენ. დასაწყისში დრომოსს ორი რიგის ქვები ჰქონდა, კამერასთან კი უკვე ექვსი. დრომოსი ნაგებია დიდი ქვებით და ამოქოლილი იყო მოზრდილი ქვებით.

დრომოსის ჩრდილო კედლის სიგრძე — 4,14 მ, სიმაღლე დასაწყისში 1,0 მ, სიმაღლე კამერასთან — 3,80 მ. სამხრეთის კედლის სიგრძე — 4,0 მ სიმაღლე დასაწყისთან — 1,0 მ, კამერასთან — 4,15 მ. დრომოსის სიგანე დასაწყისთან — 2,70 მ, სიგანე კამერასთან — 2,70 მ. დრომოსი კამერასთან შედარებით უფრო ჩრდილოეთით იყო გადახრილი.

დრომოსსა და კამერას შორის ნოზრდილი ქვებისაგან ნაგები ტიხარია. შემორჩენილია ტიხრის სამი რიგი. ტიხრის სიგრძე 2,30 მ. შერჩენილი სიმაღლე — 1,90 მ.

კამერის სახურავიდან ვადარჩენილი იყო ბოლო ქვა. ბოლოს მომდევნო ქვა კამერაში იყო ჩავარდნილი, შემდგომი ქვა თავის ადგილას იდო. აკლდა შუბლის ქვა.

კამერის სამხრეთი კედლის სიგრძე 6,0 მ, სიმაღლე — 3,30 მ, შედგებოდა ოთხი რიგისაგან ნაგები მოზრდილი ქვებით. ზედა რიგი ოდნავ შიგნით იყო შეწყული. ჩრდილო კედლის სიგრძე — 5,35 მ, სიმაღლე — 3,25 მ. ეს კედელი ზოგან ზუთი რიგისა, ზოგან ოთხი რიგისაგან იყო შემდგარი, ნაგები დიდი ქვებით. ეს კედელი სამხრეთთან შედარებით უფრო მეტად იყო შიგნით გადაწყული. დასავლეთ კედლის სიგრძე ზედა ნაწილში 1,30 მ კამერის ძირთან 2, 20 მ, კამერის სიგანე ტიხართან 2,60 მ. კამერის სიგანე სახურავის ქვასთან შუა ნაწილში 1,42 მ. კამერა ქვითა და მიწით იყო სავსე. მთელ ფართობზე ამოდიოდა თიხის ჭურჭლის ნატეხები და ადამიანისა და ცხოველის ძვლები. როგორც ჩანს, აქ ერთი მიცვალებული უნდა ყოფილიყო დაკრძალული. აღმოსავლეთ კუთხეში ტიხრიდან 1,0 მ. დაშორებით აღმოჩნდა მოზრდილი

დერგი. ჩრდილო კედელთან ტახტიდან 1,0 მ. დაშორებით ორი მომცრო ჭურჭელი იდგა. კამერის ძირზე ცენტრალურ ნაწილში ოქროს ფირფიტის პატარა ნატეხი აღმოჩნდა.

ყორღანი № 16. პატარა ზომისაა, № 15 ყორღანიდან სამხრეთით 40 მ. დაშორებით. ქვამიწაყრილის სიმაღლე 0,50 მ. ქვის წრის დმ 4,60 მ. წრის ცენტრალურ ნაწილში სამი დიდი ქვა იდო. ამ ქვებს ქვეშ აღმოჩნდა კერამიკის ნატეხები და სამკუთხა ბრტყელი სამმანჭვლიანი სატევრის პირი. არც ადამიანის და არც ცხოველის ძვლები არ აღმოჩენილა.

ყორღანი № 17 პატარა ზომისაა. № 16 ყორღანიდან დაშორებულია სამხრეთის მიმართულებით 20 მ-ით. ქვამიწაყრილის სიმაღლე 1,0 მ. ქვის წრის დიამეტრი — 5,0 მ. წრის ცენტრში აღმოჩნდა ორი ქვა, რომელსაც ზემოდან ედო ერთი ბრტყელი ქვა. ქვებს შორის აღმოჩნდა კერამიკის ნატეხები. არც ადამიანის და არც ცხოველის ძვლები არ ჩანდა.

ზომები: სიგრძე 2,40 მ. სიგანე (ქვებს შორის) — 0,96 მ. სიმაღლე 1,18 მ.

ახია, სადაც, როგორც აღვნიშნეთ ყორღანების დიდი ჯგუფი აღმოჩნდა მდებარეობს მტკვრის ხეობის მარცხენა მხარეს ერუშეთის მაღლობის სამხრეთ-აღმოსავლეთ ნაწილში, რომლის სიმაღლე ზღვის დონიდან მერყეობს 1120 მეტრიდან 1750 მეტრამდე. ეს ტერიტორია სიმაღლისა და რელიეფის ფორმის მიხედვით შეიძლება სამ უბნად დაიყოს. პირველი უბანი მდებარეობს მდინარე მტკვრის მეორე ტერასზე ზღვის დონიდან 1120 მეტრზე, სადაც სულ რამდენიმე ყორღანი ჩანს. მეორე უბანი, სუსტად დანაწევრებული რელიეფითა და მტკვრისაკენ მკვეთრად დახრილი ფერდობით წარმოადგენს ყორღანულ ველს, რომლის ფართობი 2 კმ ტერიტორიას მოიცავს. მისი სიმაღლე ზღვის დონიდან საშუალოდ 1500 მეტრს შეადგენს. მესამე უბანია ნიალას ვრცელი ველი ყორღანთა ფართო კონცენტრაციით. აქ რელიეფის ზედაპირი გამოირჩევა ხრამებითა და ხეობებით. სიმაღლე ზღვის დონიდან 1750 მეტრამდეა.

აღნიშნული უბნის საერთო სახე ეროზიის შედეგად არის ჩამოყალიბებული. მდინარე მტკვრის ხეობის მოყვანილობა მეტწილად საკმაოდ ღიაა, მაგრამ ცალკეულ მონაკვეთებში იგი ხან ვიწროვდება და ხანაც ფართოვდება ფერდობთა დამეწყვრის შედეგად.

მეწყვრული პროცესების კიდევ უფრო მკვეთრ გამოხატულებას რელიეფში ჩვენ ვხვდებით ნაქალაქევის ქვაბულში. პლატოს ციკაბო დასავლური კიდიდან მტკვრისაკენ ტუფებისა და ტუფობრექჩიების მასების მოძრაობას ზოგჯერ თან ჩამოჰქონდა დოლერიტული განფენის ნაწილები. მეწყვრებმა გააფართოვეს და იმავე დროს გაართულეს მტკვრის ხეობის მონაკვეთი სოფ. თმოგვიდან სოფ. ნაქალაქევამდე. ყველაზე მძლავრი მეწყვრი რელიეფში გამოსახულია ბერთაყანის უქმქელისებური მაღლობით, რომელსაც 1,5 კმ სიგრძე-სიგანე და მტკვრის დონიდან შეფარდებითი სიმაღლე 250 მ აქვს. იგი გამოყოფილია ახალქალაქის პლატოს კიდისაგან მორკალური ხეობით.

ზემო მტკვრის ხეობის მიკრორელიეფურ ფორმათაგან აღსანიშნავია, გამოქვაბულებიც, რომლებიც მეტწილად ხელოვნურად არის გამოკვეთილი შუა საუკუნეებში. ეს ადგილი აგებულია მონაცრისფრო-მოვარდისფრო

კულკანური ტუფებით. გამოქვაბულთა დიდი ჯგუფებია აგრეთვე თმოგვში, გულსუნდაში, ჯოლდაში, ახიაში¹².

ჯერ კიდევ სტრაბონის ცნობით, აქ ჰავა შედარებით მშრალია და ნიადაგი არა ნოტიო. ის აღწერის აღმოსავლეთ საქართველოს, როგორც კურთხეულს და საცხოვრებლად მეტად სასიამოვნო ქვეყანას¹³.

VI-ს-ის ბიზანტიელი ისტორიკოსის პროკოფი კესარიელის დახასიათებით მესხეთ-ჯავახეთში და არტაანში ზამთარი რამდენადმე მკაცრია, ხოლო ზაფხული ხანგრძლივი და შედარებით თბილი¹⁴.

შუა საუკუნეების საქართველოს ისტორიკოსები ქვეყნის ეკონომიკური მდგომარეობის აღწერისას ზოგჯერ მიუთითებენ ამ მხარის ჰავის თავისებურებებზეც. არსებითად ეს იყო ჰავის შეფასება იმის მიხედვით, თუ როგორ მოქმედებს იგი ადგილის ნაყოფიერებაზე — „მცენარეთა აღმოცენებაზე“ და მოსახლეობის ჯამთელობაზე.

გრიგოლ ხანძთელი აღნიშნავს, რომ მესხეთი გამოირჩევა მშენიერი ბუნებითა და ჰავით. ამ ადგილის ჰავა, ავტორის თქმით, არის „კეთილად შეზავებულ მზისაგან ჰაერისა. რამეთუ არცა ფრიალი სიცხე შესწავს მათ და არცა გარდარეული სიცივე შეუარვებს მყოფთა მისთა“¹⁵.

ზომიერი სიცხე ზაფხულობით, უმნიშვნელო ყინვები ზამთრობით, მზის სხივების სიუხვე, ზომიერი სინოტივე და სუფთა ჰაერი წარმოადგენდნენ ხანძთელის აზრით ამ ადგილის დამახასიათებელ თვისებებს.

ამ ადგილის ოროგრაფიის, მდინარეების, ფლორისა და ფაუნის აღწერასთან ერთად ვახუშტი იძლევა მათ კლიმატურ თავისებურებათა მოკლე დახასიათებას. გაშუქებული აქვს ტემპერატურული რეჟიმის თვისობრივი შედარება სეზონების მიხედვით, დახასიათებულია წვიმიანობა, ჰაერის სინოტივე და ქარის რეჟიმიც¹⁶.

როგორც ჩანს, არტაანის მტკვრის ხეობაში ჰავის ხასიათი დღევანდელთან შედარებით მაინცდამაინც განსხვავებული, არ უნდა ყოფილიყო.

აქ დღესაც ზომიერად ნოტიო ჰავის ოლქია, სადაც ზამთარი შედარებით ცივი და ზაფხული ცხელია. იანვრის საშუალო ტემპერატურა მერყეობს — 5 და 8 შორის, ხოლო ივლის-აგვისტოში 20-23 შორის. ტემპერატურის აბსოლუტური მინიმუმი შეიძლება დაეცეს — 17—20-მდე, აბსოლუტური მაქსიმუმი 32-ს აღწევს¹⁷.

ნალექების წლიური რაოდენობა 500—600 მმ აღწევს. მაქსიმუმი გაზაფხულის დასასრულს და ზაფხულის დასაწყისში. მდგრადი თოვლის ხანგრძლივობა 4 თვეს შეადგენს¹⁸.

ჰიდროგრაფიული ქსელით საკვლევი უბანი ღარიბია. აქ არის ერთი მნიშვნელოვანი მდინარე დუმეილას წყალი, რომელიც მეტად ღრმად გამო-

¹² ლ. მარუაშვილი, საქართველოს ფიზიკური გეოგრაფია, თბ., 1964, გვ. 301.

¹³ К. Г а н. Известия древних Греческих и Римских писателей о Кавказе, Тифлис, 1884.

¹⁴ ივ. ჯავახიშვილი, საქართველოს ეკონომიური ისტორია, წიგნი პირველი, თბ., 1930, გვ. 146.

¹⁵ გ. მერჩული, გ. ხანძთელის ცხოვრება, სანკტ-პეტერბურგი, 1911, გვ. 24.

¹⁶ ვახუშტი, აღწერა სამეფოსა საქართველოსა, ქართლის ცხოვრება, ტ. IV, თბ., 1973, გვ. 569—660.

¹⁷ მ. კორძაია, საქართველოს ჰავა, თბ., 1961, გვ. 223.

¹⁸ იქვე, გვ. 220—225.

მუშავებულ ეროზიულ ხევში მიედინება. ეს ადგილი მდიდარია გიზუნტის წყლებით, რომელთა სიჭარბე ხშირად დაჭაობებულ ადგილებსაც აჩენს.

დუმეილისა და ახჩიის მიდამოებში განვითარებულია რუხი ყავისფერ-ნიადაგები, რომლებსაც უფრო ხშირად თიხნარი შედგენილობა და დიდი ან საშუალო სისქე ახასიათებს. ტერასების არეში ნიადაგებს აქვთ, აგრეთვე ტყვეელის ზონის გარდამავალი ხასიათი და აქ საკმაოდ დიდი მასივების სახით გამოიყოფა უფრო ხშირად დიდი სისქის მქონე მდელის ყავისფერი ნიადაგები, რომლებსაც ზოგ ნაწილში მშრალი ველების წაბლა ნიადაგების მსგავსი ნიშნები აქვთ. დუმეილას მიდამოები ხასიათდება მდელ-სტეპური ლანდშაფტით¹⁹.

აღრე პერიოდში მცენარეულ საფარს არყისა და წიწვიანების ჯიშები წმინდენ, ამჟამად მცენარეულ საფარში ძირითადი ადგილი უჭირავს მდელის მცენარეულობას.

ამ მხარეში სავეგეტაციო პერიოდის სიმოკლის გამო, მეურნეობამაც შესაბამისი მიმართულება მიიღო. კერძოდ, მოჰყავდათ ხორბალი და მისდევენ მესაქონლეობას.

ყორღანთა დიდ სივრცეზე გავრცელებამ და თითოეული ყორღანის რელიეფის კონკრეტულ ფორმებზე განლაგების ხასიათმა მათი მთლიანობაში აღქმისა და გავრცელების წესის დადგენის მიზნით, სხვა სამუშაოებთან ერთად საჭირო გახდა მსხვილმამუტაბიანი ტოპოგრაფიული დაგეგმვის ჩატარება დამოუკიდებელ სისტემაში. პოლიგონომეტრიის საფუძველზე ჩატარებული ტაქტომეტრიულ აგეგმვას დაეკვემდებარა ახჩიისა და დუმეილას მიდამოები. პირველი მოიცავს 70 პექტარსა და მეორე — 65.

ტოპოგეგმის ანალიზი გვიჩვენებს, რომ ცალკეული ჯგუფები ყორღანებისა თავიანთ ადგილზე მდებარეობის მიხედვით (ტოპოგრაფიული მდებარეობის მიხედვით) შეიძლება სამ ჯგუფად დავყოთ: 1. ბრტყელ ზედაპირზე მდებარე, 2. შემალღებთა თხემებზე მდებარე და 3. ხეობის პირას მდებარე (სურ. 5).


ახჩიაზე შესწავლილი ყორღანები გარეგნულად სამ ტიპად იყოფა: 1. ქვაყრღიანი დიდი ყორღანები (ყორღანები № 1, 15), 2. საშუალო ზომის ქვანიწაყრღიანი ყორღანები (ყორღანები № 3, 4, 9) და 3. უყრღო ყორღანები (ყორღანები № 2, 5, 7, 10). სამივე ტიპის ყორღანები შემოვლებულია დიდი ქვებისაგან შედგენილი წრეებით. პირველი ტიპის ყორღანები გარეგნულად თითქმის არ განსხვავდება წალკისა და გომარეთის ყორღანებისაგან, თუმცა თვით კამერის კონსტრუქციაში და დაკრძალვის წესში ბევრი ლოკალური თავისებურება შეიმჩნევა. მართალია, მესხეთში შესწავლილი ყველა დიდი ყორღანი გაძარცვული აღმოჩნდა, მაგრამ მაინც შეინიშნებოდა მდიდრული დაკრძალვის სურათი: ოქროს სამკაულების ნარჩენები, ბრინჯაოს იარაღი, მრავალფეროვანი და მდიდრულად ორნამენტირებული კერამიკა.

მეორე ტიპის ყორღანები შედარებით მეტია მესხეთში. მართალია, ისინი სიმდიდრით ჩამოუვარდებიან პირველი ტიპის ყორღანებს, მაგრამ საკმაოდ მდიდრული არიან. ახჩიაზე გათხრილი ამ ტიპის ერთ-ერთი ყორღანი (№ 3) გაუძარცავი აღმოჩნდა. აქ იყო ბრინჯაოს შუბის პირი მასრაზე ოქროს სალტით, ოქროს მსხვილი მძივი, მშვენიერი კერამიკა. გარდა ამისა, აღმოჩნდა

¹⁹ მ. ს ა ბ ა შ ვ ი ლ ი, საქართველოს სსრ ნიადაგები, თბ., 1965, გვ. 170.

ხის ეტლის ბორბალი, თრიალეთისათვის დამახასიათებელი რიტუალის აღმნიშვნელი.

მესხეთის ყორღანთა უმეტესობას წარმოადგენენ უყრილო ყორღანები, ან ყორღანები ძალიან დაბალი ქვამიწაყრილით. ამ ყორღანების ინვენტარი შედგება ძირითადად კერამიკისაგან. ასეთი ყორღანები ტერასებზე განლაგებულია ჭგუფებად. თითოეული ჭგუფის ცენტრში დგას შედარებით დიდი ყორღანი, რომლის გარშემო ჭგუფდება 5—8 პატარა ყორღანი. ყველა ეს ყორღანი, როგორც წესი, კოლექტიურია. საშუალო ზომის ქვამიწაყრილიან ყორღანებში გვხვდება, როგორც კოლექტიური ისე ინდივიდუალური სამარხები, ხოლო დიდი, ქვაყრილიანი ყორღანები ყოველთვის ინდივიდუალურია.



სურ. 5.

თრიალეთის ყორღანების მსგავსად ახჩის ყორღანებში დაკრძალვის საკმაოდ რთული რიტუალი სრულდებოდა. ყველა ყორღანში აღმოჩენილია დიდი რაოდენობით მსხვილფეხა და წვრილფეხა საქონლის ძვლები. შედარებით მეტი მსხვილფეხა საქონლის ნაშთები გვხვდება დიდ ქვაყრილიან ყორღანებში. როგორც ჩანს, მოზრდილ ყორღანებში დაკრძალვას უფრო ფართო სარიტუალო ცერემონიალი ახლდა. დიდი ყორღანები მარტო გარეგნულად არ გვანან თრიალეთის ყორღანებს. ბევრი საერთო აქვთ მათ ინვენტარში. მესხეთის დიდ ქვეყრილიან ყორღანებში ძირითადად წმინდა თრიალეთური ტურქლის ფორმები გვხვდება. საშუალო ზომის ქვამიწაყრილიან ყორღანებ-

ში თრიალეთურ კერამიკასთან ერთად ჩნდება მხოლოდ მესხეთის ყორღანებისათვის დამახასიათებელი ჭურჭელი, ხოლო პატარა უყრილო ყორღანების ინვენტარში კი ამგვარი მესხური ტიპის კერამიკა უმეტესობას წარმოადგენს. ეს კერამიკა საგრძნობლად განსხვავდება თრიალეთური თიხის ჭურჭლისაგან. მესხური ტიპის კერამიკას, როგორც ფორმით, ისე ორნამენტებით ბევრი საერთო აქვს მტკვარ-არაქსის თიხის ჭურჭელთან. როგორც ჩანს, მესხეთში დიდხანს განავრცობს არსებობას წინარე კულტურის ტრადიციები. კულტურის თავისებური ხასიათის ჩამოყალიბება, ალბათ, გამოწვეული იყო ამ ხეობის კარჩაეკტილობით, არტანის მტკვრის აუზში ძვ. წ. II ათასწლეულის I ნახევარში დამოუკიდებელი კონტაქტები ქმნიდა პირობებს ინდივიდუალური, მხოლოდ ამ რეგიონისათვის დამახასიათებელი ნიშნების ჩამოყალიბებისათვის.

თრიალეთური კულტურის ძეგლები გვხვდება შედარებით განსაზღვრულ ადგილებში, და ისიც კომპაქტურ ჯგუფებად. როგორც ჩანს, ყოველი შემოფარგლული ტერიტორია, სადაც დამოწმებულია თრიალეთის კულტურის ძეგლები ცალკეული ტომის დასახლების ადგილი უნდა იყოს. ტომი ამ დროს ძირითად სოციალურ უჯრედს წარმოადგენს. სწორედ ამის მიზეზი უნდა იყოს მდიდრული და შრომატევადი სამუშაოს მომთხოვნი უზარმაზარი ყორღანები. ექვსგარეშეა, რომ ეს ყორღანები ეკლთენის ტომთა ბელადებს. ზოგიერთი ყორღანის ზომები ისეთი მასშტაბურია, რომ მათი აგება მოითხოვს დიდი კოლექტივის ხანგრძლივ შრომას. ასეთი ნაგებობის აგება წარმოუდგენელია, ტომი რომ ძირითადი სოციალური უჯრედი არ ყოფილიყო. ტომობრივი დასახლებები და თრიალეთური კულტურის სოციალური განვითარება განსაკუთრებით კარგად შეიმჩნევა არტანის მტკვრის აუზში. არტანის მტკვრის აუზში, შუა ბრინჯაოს ხანის ყორღანები დამოწმებულია კომპაქტურ ჯგუფებად. ერთი ასეთი მდებარეობს ახჩია-ნიალის ტერასზე.

როგორც ჩანს, მესხეთის ყორღანების ტოპოგრაფია, დაკრძალვის წესი და სამარხეული ინვენტარი უპირველეს ყოვლისა გამოხატავს თრიალეთური ტომების სოციალურ ყოფას, ყორღანების კონცენტრაცია, მათი დაჯგუფება მკაცრად შემოფარგლულ ტერიტორიაზე, ყორღანების და დასაკრძალავი დაზღვების კონსტრუქციის იგივეობა, დაკრძალვის წესისა და სამარხეული ინვენტარის იდენტურობა ბადებს აზრს, რომ არტანის მტკვრის აუზი დასახლებულია ერთი ტომით.

მართალია, თრიალეთის კულტურის საზოგადოების რთული სოციალური სურათის რეკონსტრუქციისათვის ინფორმაციას მხოლოდ სამარხებიდან ვიღებთ, მაგრამ არტანის მტკვრის აუზში შესწავლილი ძეგლები ზოგადი სურათის აღდგენის საშუალებას მაინც იძლევა. როგორც აღენიშნეთ, მესხეთში, არტანის მტკვრის ტერასებზე ყორღანთა კომპაქტურ ჯგუფებს ვხვდებით და ერთ-ერთი ასეთი ჯგუფია ახჩიის მინდვრებზე. თითოეულ ჯგუფში გარკვეული კანონზომიერება შეინიშნება. პატარა უყრილო ყორღანების დიდ ჯგუფში ვხვდებით რამდენიმე შედარებით დიდ ქვამიწაყრილიან ყორღანს, ხოლო მთელი ჯგუფის ცენტრში დგას დიდი ქვაყრილიანი ყორღანი. შესაძლებელია, დიდი ყორღანი ტომის ბელადისა ყოფილიყო, ხოლო საშუალო ზომის ქვაყრილიანი ყორღანები ბელადთან დაახლოებული წარჩინებული გვარების წინამძღოლებისა. რაც შეეხება პატარა უყრილო ყორღანებს იგი გვარის რი-



ტაბულა 1.



ტაბულა 2.

გითი წევრებისა უნდა ყოფილიყო. გვარის რიგითი წევრების სასაფლაო უნდა იყოს „ყაჩაღებისა“ და „გელათხარძლების“ სამაროვანები²⁰.

А. Т. ЦЕРЕТЕЛИ

КУРГАННЫЙ МОГИЛЬНИК АХЧИА В БАССЕЙНЕ АРТААНСКОЙ КУРЫ

Резюме

В 1970—1977 годах объединенная археологическая экспедиция Тбилисского государственного университета и Государственного музея Грузии исследовала курганные захоронения эпохи средней бронзы (I половина II тысячелетия до н. э.) в Месхет-Джавахеги, в бассейне Артаанской Куры, где в 1970 году был выявлен новый мощный очаг Триалетской культуры.

В 1970—1972 годах экспедиция исследовала 18 курганов на левой террасе Артаанской Куры, в местечке Ахчиа.

Курганы в Ахчиа по внешним признакам делятся на три типа 1. Большие курганы с каменной насыпью; 2. Курганы средней величины с камено-земляной насыпью; 3. Курганы «без насыпи».

Большие курганы с каменной насыпью содержат индивидуальные захоронения, в средних курганах встречаются как коллективные, так и индивидуальные захоронения; что касается курганов «без насыпи», то они, как правило коллективные.

Топография курганов Месхети, их внешний вид, обряд захоронения, по видимому отображает социальную структуру местного общества.

Большие курганы, как видно, принадлежали вождям племени, средние курганы предводителям родов, а малые курганы «Без насыпи» рядовым общинникам.

წარმოადგინა შრომის წითელი დროშის ორდენოსანი თბილისის სა-
ხელმწიფო უნივერსიტეტის არქეოლოგიის კათედრამ

²⁰ თ. ჭავჭავაძე, ი. კიკვიძე, გ. ავალიშვილი, ა. შერეთელი
მესხეთ-ჯავახეთის არქეოლოგიური ექსპედიციის 1976—77 წლების მუშაობის ანგარიში, სსსრ, ტ.
VI, 1978.

ჯულიანა რუხაძე

ხალხური რწმენა-წარმოდგენები დასავლეთ საქართველოში*

(გეგეჭკორის რაიონისა და ზემო სვანეთის მასალების მიხედვით)

წინამდებარე სტატიაში დასავლეთ საქართველოში (ზემო სვანეთსა და გეგეჭკორის რაიონში) ჩვენ მიერ მოპოვებულ მასალებზე დაყრდნობით განვიხილავთ დღესასწაულებთან და რწმენა-წარმოდგენებთან დაკავშირებულ რამდენიმე საკითხს, რომელთა შესახებ ზოგი რამ აღრეც იყო ცნობილი, მაგრამ კონკრეტული ხელშესახები მასალა დღემდე გამოვლენილი არ ყოფილა. თუ ზემო სვანეთში ძირითადად ვაქიშვილის სახელზე გამართული დღესასწაულის შესასწავლად ჩავედით, გეგეჭკორის რაიონში არა ერთი უკვე ცნობილი მასალის (ტოპონიმი ო ჩ ე და ო ჩ ხ ო ნ ა ფ უ, მითოლოგიური პერსონაჟი ტ ყ ა შ ი მ ა ფ ა, ო ჩ ო კ ო ჩ ი და სხვ.) დაზუსტება განვიზრახეთ. ასევე დავაზუსტეთ და ახალი მასალა მოვიპოვეთ მემინდვრეთის იმ საკითხებზე, რომლებიც ატლასისათვის არის გამიზნული.

შინაარსის თვალსაზრისით აღნიშნული მასალა მრავალფეროვანია. მოგვხსენებათ, რომ ზოგიერთი საკითხი ახალი არაა, მაგრამ ეთნოგრაფიულად ამ კუთხისათვის ის დღემდე შეუსწავლელია.

ჩვენი ნაშრომი მხოლოდ მუშაობის შთაბეჭდილების გაზიარებას ისახავს მიზნად, რადგან სათანადო მასალა ჯერ კიდევ არ არის სრულად მოპოვებული.

აღრე აღნიშნული გეგეჭკონდა, რომ გეგეჭკორის რაიონში დადასტურებულია ტერმინი ო ჩ ხ ო ნ ა ფ უ, რომელიც მდ. ტეხურის სანაპიროზე მზის მხარეს მდებარე ნაყოფიერი ადგილის სახელია. აღსანიშნავია, რომ სოფელ კურზუს მცხოვრებლებს იქ ს ა ო ხ ვ ა მ ე რ ო (სალოცავი) მიწის ნაკვეთები ჰქონდათ, რომელიც ყველაზე პირველად უნდა დაემუშავებინათ და მასზე მოწეული მოსავლით ნ ე რ ჩ ი პ ა ტ ე ნ ი ს (მიწის ბატონის) და ყ ი ნ ი ა ნ თ ა რ ი ს ა თ ვ ი ს (ზეციური ანთარი) ოჯახის კეთილდღეობა გამოეთხოვათ. ამის შემდეგ მხედლმთესველი ხვავითა და ბარაქით ივსებოდა, ი ვ ი ჩ ხ ო ნ ა ფ ი რ ი ხ დებოდა¹.

ახალი ეთნოგრაფიული მასალით გაირკვა, რომ ეს ნაკვეთი ნაწყებების გვარის საქონლის საბალახო ადგილი იყო და მას ო ჩ ხ ო ო უ ლ ე (საქონლის სადგომი) ერქვა, სადაც ბევრი ნაკელი გროვდებოდა და მიწაც ნოყიერი იყო.

აღსანიშნავია ისიც, რომ იმავე ადგილს მდ. ტეხური და მისი შენაკადი დღე ლამადიდაც ანოყიერებდა. აი ეს მიწა იძლეოდა იმ საუკეთესო მოსავალს, რომელიც ღვთაების სახელზე განკუთვნილ დღესასწაულზე იხარჯებოდა: ო ჩ ხ ო ნ ა ფ უ, ალბათ, ღვთაებისადმი შეწირული მიწის ნაკვეთის სახელი იყო. მაგრამ რატომ ხმარდებოდა მიწის მოსავალი „ქინი ანთარს“ და „ნერჩი პატენს“?

* წაკითხულია ეთნოგრაფის წლიური ანგარიშებისადმი მიძღვნილ სამეცნიერო სესიაზე 1978 წლის აპრილში (იბეჭდება შემოკლებული სახით).

¹ ქ. რ უ ხ ა ძ ე, ხალხური აგრიკულტურა დასავლეთ საქართველოში, თბ., 1976, გვ. 18.

გაირკვა, რომ ოჩხონაფუს მახლობლად სალოცავი ნიში ყოფილა. სადაც აღნიშნულ ღვთაებათა სახელზე ლოცულობდნენ და მათ ადამიანის კეთილდღეობას, მოსავლიანობას და საქონლის გამრავლებას შესთხოვდნენ.

ზემოთ აღძრული საკითხისათვის საყურადღებოა მასალა ტომონიმ ოჩეხს (რომელიც ნაყოფიერი ადგილის აღმნიშვნელია) და ნაღური სიმღერის ოჩეხსე დო ხეარელი-ის (რაც ოჩეს ბარაქას და ხეავს ნიშნავს) შესახებ.

აღსანიშნავია, რომ ამ რეგიონში ცოცხალ მეტყველებაში შემონახულია გამოთქმა „ოჩეს ხე“, „ოჩეს ხე შეგემატოს შენს ბელელში“-ო. ასეთივე მნიშვნელობისაა მოსავლის აღების დროს გამონათქვამი „ოჩეს ხე მოგცემოდეს შენო“².

მონათხრობით ეს წარმონათქვამები შემოსწრებული სიტყვებია, „როგორც ძველებმა იცოდნენ ჯვარი გეწეროსო“³. ეს კი ანალოგიურია გურიაში სუფსის ხეობაში დადასტურებული მასალისა. როგორც ცნობილია, „კალოს კრეფაზე“ ითქმოდა „ოჩეს ხევი ამ ჩვენ კალოს“, „ოხო ყანა დაგვილოცე და სხვა მისთანანი. ოჩე-ოჩის მაგივრად წმინდანების ხსენებაც ხომ ორსავე რეგიონშია დადასტურებული. მაგ., „წმ. გიორგი (ან წმ. გრიგოლ) მობრძანდება, ჩვენს კალოზე დაბრძანდება, კალოს გავეხვავრიელებს აბრძანდება წაბრძანდება“ და სხვ.

ოჩე იხმარებოდა აგრეთვე ოდოიას სიმღერის დროს. „ოდოია, ოდოია, ხო, ხო, ოჩეხხე ათაქი“-ო. ცნობილია ამ სიმღერის უფრო ვრცელი ვარიანტი⁴.

როგორც ვხედავთ, ამ ლექსიკურ ერთეულებთან არის დაკავშირებული ნაყოფიერების გამოთხოვა. სათანადო სიტყვისა თუ სიმღერის თქმით ალბათ სურდათ, რომ ოჩსა და წმინდანს გავლენა მოეხდინა მოსავლის სიუხვეზე და ამ გზით ახალი მოსავლის ჭარბად მიღება უზრუნველყოთ. ჩვენი აზრით, სწორედ ეს რწმენა იყო იმის ერთ-ერთი მიზეზთაგანი, რომ ხელხევის სიმღერის აღნიშნული ვარიანტები და სხვა წარმონათქვამი სიტყვები „კალოს კრეფა“-ზე და მოსავლის აღება-დაბინავების დროს სრულდებოდა. ხომ არ უნდა ვიფიქროთ, რომ ტერმინი ოჩე თავდაპირველად ნაყოფიერების ღვთაებათა ოჩის ადგილს ამყოფელიდან იყოს წარმომდგარი?

აღძრულ საკითხებთან უშუალოდაა დაკავშირებული ახალი მასალა ოჩოკოჩის შესახებ. „ოჩოკოჩი“ არის ბალნიანი, თხას ჰგავს, ოთხფეხით დადის, თავზე ორი რქა აქვს. ოჩოკოჩი კალანდას მოსულა მეჯოგესთან, რომელსაც ყველანიური ჯოგი ჰყავდა, მაკუჩხურობა გაუკეთებია და წასულა მერე გამოქვებულში. თოვლზე დარჩენილა მისი ნაკვალევი, რომელიც ოჯახის მაკუჩხურს უნახავს და მიჰყოლია. მისულა ეს კაცი გამოქვებულში. ოჩოკოჩს უთქვამს, პირუტყვი ჩემით გყავდარი, ეხლა ერთ სახეობას დაგიტოვებ ან ცხვარს, ან თხას, ან ცხენს, ჰკითხე შენ ცოლს რომელი ურჩევნია. მოსულა კაცი სახლში

² გეგეჭკორის რაიონი, სოფელი ქვედა ხუნწი, ხუნწის სასოფლო საბჭო, მთხრობელი 77 წლის, კოსტა იაკობის-ძე ბეაღავა. ჟ. რ უ ხ ა ძ ე, 1977 წლის გეგეჭკორის რაიონის მივლინების დღიური, რე. № 1.

³ გეგეჭკორის რაიონი, ტალერის სასოფლო საბჭო, სოფელი ნობულევი, 83 წ. მთხრობელი კონსტანტინე საბას ძე არახაშია და 40 წლის ბედოშია კოსტას ასული კალანდია. ჟ. რ უ ხ ა ძ ე, 1977 წლის გეგეჭკორის რაიონის მივლინების დღ. 1.

⁴ ს. მ ა კ ა ლ ა თ ი ა, სამეგრელოს ისტორია და ეთნოგრაფია, თბ., 1941, გვ. 186—187; ს. ჰ ა ნ ტ უ რ ი შ ვ ი ლ ი, ნაღურის სიმღერა „ოდოიას“ საკითხისათვის, „მაცნე“, № 6, 1970 და სხვ.

და უთქვამს ყველაფერი (ეს ქალი ახალი პატარძალი ყოფილა). ცოლს უპასუხებია — მე არაფერი მინდა, ვიმეგობროთ ოჩოკოჩთანო. წავიდა ქმარი და ცოლის სიტყვები ოჩოკოჩს გადასცა. მიეწონა პატარძლის ნათქვამი ოჩოკოჩს და იმ ოჯახს ყველა სახის პირუტყვი დაუტოვა⁵.

სამეცნიერო ლიტერატურაში ოჩოკოჩი, როგორც სხვა ამგვარი კომპოზიტები ოჩოპინტრი//ოჩოპინტი (ივ. ჯავახიშვილი) ოჩიდალი (ვ. ბარდაველიძე, თ. ოჩიაური) წვრილფეხა საქონლის წინაპარ ნადირთ მფარველი ღვთაების ან მისი მსგავსი ღვთაების სახელია. ეს კი, როგორც ცნობილია, დამყარებულია ოჩის რაობის საკითხზე, რომლის პირველი ასხნა ენობრივი და ეთნოგრაფიული მასალის გათვალისწინების საფუძველზე ივ. ჯავახიშვილს ეკუთვნის. ვარკვეულია, რომ ბოჩი ოჩის და ვოჩის უკავშირდება, რომელიც მამალ თხას ე. ი. ვაცს აღნიშნავს და ასევე ნადირთ მფარველი ღვთაების ან მისი მსგავსი ღვთაების სახელია⁶. ოჩი-ბოჩი (ვ. ბარდაველიძე, აკ. სოხაძე)⁷ და ოჩოკოჩი, როგორც ეს ახალი ეთნოგრაფიული მასალის მიხედვით არის ცნობილი, მესაქონლეობის მფარველი ღვთაების ფუნქციის ჩანს.

საყურადღებო მასალა მოვიპოვეთ მარცვლეულის სათავსებთან დაკავშირებით. ცნობილია, რომ ბელელი, ბელის თვალი, ბელის გვერდზე ოთახი და ბელის თავი ახალდაქორწინებულთა ღამის სათევი იყო. ასეთი წეს-ჩვეულება დღესდღეობით ცნობილია რაჭაში და ქვემო იმერეთში (ტყიბულისა და წყალტუბოს რაიონები)⁸.

ახალი ეთნოგრაფიული მასალით მარცვლის სათავსები მითითრი პერსონაჟების დალის ან ტყაშიმაფას და მონადირეს ღამის სათევს წარმოადგენს (ასეთსავე ცნობას სამეგრელოსათვის ვხვდებით დ. შენგელიას და აპ. ცანავას შრომებში⁹).

ამ წყვილთა სიყვარულის ამსახველი მითი ასეთია: ტყაშიმაფა მონადირემ იხსნა ოჩოკოჩისაგან, ამის შემდეგ ისინი დამეგობრდნენ და პირველი ღამე ბელელში გაათენეს¹⁰.

მითის სხვა ვერსიის მიხედვით ტყაშიმაფას, ტანშიშველ გრძელთმიან მზეთუნახავს, უყვარს მონადირე, რომელსაც ის ღამის გასათევად სასიმინდში ან ბელელში ხვდება. ვაჟი ნადირობიდან ხელმოცარული არასოდეს ბრუნდება, მაგრამ იცის რომ თუ სიყვარულის შესახებ საიდუმლოს ვინმეს ეტყვის დილუბება. მონადირემ სიტყვა გატეხა, ცოლს ყველაფერი უშაბო და სასტიკად

⁵ ტალერის სასოფლო საბჭო, სოფელი ნობულევი, მთხრობელი 40 წლის ბედოა კოსტას ასული კალანდია. ჯ. რუხაძე, 1977 წლის ეთნოგრაფიული მივლინების დღიური, რვ. 1.

⁶ ივ. ჯავახიშვილი, ქართველი ერის ისტორია, წიგნი პირველი, თბ., 1951, გვ. 87; ივ. ჯავახიშვილი, ქართული და კავკასიური ენების თვალდაპირველი ბუნება და ნათესაობა, თბ., 1937, გვ. 177—179, 217, 612.

⁷ В. Бардавелидзе, Древнейшие религиозные верования и обрядовое графическое искусство Грузинских племен, Тб., 1957, გვ. 191; აკ. სოხაძე, ქართველთა უძველესი სარწმუნოებისა და მის გადმონაშთებთან ბრძოლის ისტორია, თბ., 1964. 181.

⁸ ჯ. რუხაძე, ხალხური ავრეკულტურა დასავლეთ საქართველოში, 1967.

⁹ დ. შენგელია, თხზულებანი, ტ. IV, გვ. 300—301; აპ. ცანავა, ხალხური ზეპირსიტყვიერების საკითხები (მეგრული მასალების მიხედვით), თბ., 1970.

¹⁰ მითი საკარგული ქორწინების შესახებ ფართოდ იყო გავრცელებული შუაღმინარულ მითოლოგიაში. იხ. S. N. Kramer, Cuneiform studies and the history of literature; the Sumerian sacred marriage texts.

(Proceedings of the American Philosophical Held at Philadelphia for Promoting useful Knowledge, vol. 107, no. 6, 1963, გვ. 495—496); W. H. Römer, Sumerische «Königshymnen» der I Sin-Zeit, Leiden, 1965.

დაისაჯა. ნადირობის დროს ტყაშიმადა მას ირმის სახით მოველინა, კლდეზე აიყვანა და გააქვავა¹¹.

თქმულება საკრალური ქორწინების შესახებ აძლიერებს მოსაზრებას, რომ ბელელთან დაკავშირებული ყველა წეს-ჩვეულებები თავისი არსით მაგიური ხასიათისაა, იგი ნაყოფიერების და ბუნების აღორძინება-ვანდიდების საქმეს ემსახურება.

ზემო სვანეთში შეიკრება მასალა ვაეიშვილის სახელზე განკუთვნილი დღე-სასწაულის ღიჩენიშის შესახებ, რომელიც იმართება ჰადიშის თემის წმ. გიორგის სახელობის ეკლესიაში კვირიკობის (28 ივლისს იწყება, მყარი დღე-სასწაულია) შემდეგ ხუთშაბათს (ღიჩენიში მოძრავი დღესასწაულია).

ჯგჯრწკ ღიჩენიში მდებარეობს ხეობის შუა წელზე ჰადიშიდან 2 1/2 კილომეტრის დაშორებით ძველ ნასოფლარებთან.

გაირკვა, რომ ღიჩენიში არა მარტო ერთი წლის ასაკის ბავშვის მიმართ სრულდება, არამედ მას უძეო ოჯახიც ლოცულობს და შესთხოვს ძის გაჩენას. ჯგჯრწკ ღიჩენიში ანუ ქუდოსანი წმ. გიორგი მფარველია ყველა იმ საქმიანობის, რომელიც მამაკაცის ფუნქციებში შედის. ის იცავს მეურნეს, მეომარს და მონადირეს. ჩანს, მას ნადირთ ღვთაების ფუნქციები აქვს მიკუთვნებულ¹².

მასალებიდან ჩანს, რომ ღიჩენიში საოჯახო საკუთრებაზე დაფუძნებული ლოკალური სათემო დღესასწაულია, რომლის მლოცველად გარდა თემის წევრებისა გვევლინებიან თემის გარეთ მცხოვრები ჰასვიშ-ნიბაშინები, ამ სოფლიდან გათხოვილი ქალი და მისი შთამომავლობა.

ღიჩენიშის შესასრულებლად მლოცველს — მოღჩენიშს მიაქვს შესაწირი: დროშა, ნათვედი არაყი, რახი, სანთელ-საკმეველი, ხმიადი კვერები, ხმიადი ფუსნა მუჟედღუ, მიჰყავს ორი ვერძი ან მოზვერი.

მასალებში აღნიშნულია, რომ პირველი ვაეისათვის მიტანილი ძღვენი განსხვავებულია მეორე ვაეისათვის განკუთვნილი ძღვენისაგან.

ამ დღესასწაულის მთავარი მოქმედი პირები მომსახურეები არიან მომზრგები, რომელთაც ევალებათ მლოცველთა მიმართ სხვადასხვა ვალდებულების შესრულება. მომზრგ-ი იყო მრევლის შესაწირავების უშუალო შემწირველი და მათი სახელით მლოცველ-მავედრებელი. მათ ევალებოდათ სადღეობო სამზადისის გაწევა და მოღჩენიშისა და სტუმრის გამასპინძლება. მომზრგებად თითქმის თემის ყველა წევრს ირჩევდნენ, იგი მორიგეობით სრულდებოდა. ირკვევა, რომ მომზრგები ხალხისა და სალოცავის დროებითი მსახურეები არიან. მომზირის უფლებებში შედის აგრეთვე დღესასწაულის შემოწირულების საჭიროების დამიხედვით განაწილება. ღიჩენიშის შემოწირულება სათემო საკუთრებაა და თემის საერთო საქმეს ხმარდება.

ორსავე რაიონში მასალა შეიკრება აგრეთვე ხალხური მეტროლოგიის საკითხებზე, საზომ-საწყაობებზე და ამ დანიშნულებით ხმარებული ჭურჭლის კეთების ხალხურ ხელოვნებაზე.

¹¹ ჯ. რ. უ. ხ. ა. ძ. ე., 1977 წლის გეგუქორის რაიონის მივლინების დღ. 1.

¹² მ. მ. ა. კ. ა. ლ. ა. თ. ი. ა., წარმართული ხასიათის ზოგიერთი საკულტო ძეგლი სვანეთში, სვანეთი, თბ., 1977, გვ. 28.

ერეკლე II-ის ორი წერილი ნურსალ-ბეგთან

1. პირველი წერილის დედანი ინახება დაღესტნის ასსრ-ში, ხუნძახში, ზაირბეგ ალიხანოვის* საოჯახო კოლექციაში¹. მისი კოლექციიდან ნაწილი დოკუმენტებისა მიმოხილული აქვს პროფ. რ. მაჰომედოვს². ერთ-ერთი დოკუმენტი აღნიშნული კოლექციიდან გამოქვეყნებულია ჩვენ მიერ³.

წერილი დაწერილია თეთრ ქაღალდზე⁴. ზომა ქაღალდისა: 17×20; სტრიქონთა რაოდენობა—18, ცალ მხარეს აშიაზე კი 12 სტრიქონია, ირიბად დაწერილი. მელანი შავია. წერილს ხელრთვა არა აქვს, უთარიღოა. უფრო საფიქრებელია, რომ იგი დედანს უნდა წარმოადგენდეს⁵. ამას გვაფიქრებინებს ქაღალდი და დამახასიათებელი ერთგვარი ხელი (მონასხო), რომლითაც, ჩვენი დაკვირვებით, ერეკლეს ზოგი სხვა წერილია დაწერილი.

السلام عليكم ورحمة الله وبركاته من جناب والى الولاية العظام
ايركلى خان الى جناب امير الامراء العظام وعادل عدلاء الداغستان اعنى به
حبيبنا وصديقنا واخى الاعز الاكرم محمد نوسل¹ احسن الله احواله
و[[ادام عزه ودولته امين ثم التحيات الزاقيات وعزر التسليمات الوافيات
التي حضرة اخى الاعز وبعد² ان سئلت احوالنا قد ذهبنا ببلدة ايروان
لتأديب مفسدينهم واشراهم فيقابل محمد خان الذى كان منهم مع جبوش
الكثيرة مقابلة فجدل لنا وهزمناهم نحول الله تعالى ونصرته وقتل واخذ
من جيشه حيا ومقتولا منهم خمسة مائة والفين رجلا واخذنا منهم غنيمة
كثيرة³ وبعده جئنا واصلحنا معه بناء خان وحاجى چلبى وجماعة شكى

* ზაირბეგ ალიხანოვი დამსახურებული მასწავლებელია, ხუნძახის საშუალო სკოლაში ასწავლის მშობლიურ ენასა და ლიტერატურას. იგი სიძველეთა დიდი მოყვარულია და საკმარაოდენობითა აქვს ხელნაწერები და დოკუმენტები არაბულ ენაზე.

¹ ფოტობირი ამ წერილისა 1969 წელს დაღესტნის სამეცნიერო მივლინებიდან ჩამოიტანა ხელნაწერთა ინსტიტუტის უფროსმა მეცნიერმა თანამშრომელმა ვ. გამრეკელმა.

² P. M. Магомедов, Дагестан, Исторические этюды, вып. II, Махачкала, 1975, გვ. 203.

³ ნ. ყ ა ნ ა ვ ე ლ ი, ერეკლე II-ის წერილი ქუა ქაღალდისადმი, «მრავალთვით», VI, თბ., 1977, გვ. 241—244.

⁴ დაღესტანში ყოფნისას 1975 წელს ჩვენ ადგილზე ვნახეთ და გავეცანით ამ წერილს.

⁵ ხელნაწერთა ინსტიტუტში დაცულია, ჩვენი აზრით, ამ წერილის ბირი — Arld 184, შესრულებული პატარა ფორმატის მოცისფრო-მონაცრისფრო ქვირინიანი ქაღალდზე მეტად გაკრული არაკალიგრაფიული ხელით. საეჭვოა ერეკლეს სამდივნოდან ასეთი ხელით დაწერილი საბუთი გამოსულიყო. ზუსტად ამავ ხელითაა ნაწერი იმავენაირ ქაღალდზე ერეკლეს სხვა წერილიც Arld 183.

*⁶ აქ წარმოდგენილ ორივე არაბულ დოკუმენტს, ჩვენი თვალსაზრისით დედნებს, აღვნიშნავთ A ლიტერით, ხოლო ხელნაწერთა ინსტიტუტში დაცულ მათს პირებს — Arld 183-სა და Arld 184-ს — B ლიტერით.

1. غنيمتا كثيرتا 3. B. وبعده 2. B. نوسل [نوسل 1

وشروان و قراباغ بالعهد والميثاق وكنا متحدا معهم وفي هذا البين وصل
 مكتوبك الشريف⁴ بمصحوب رجلك⁵ محمد وفهمت مضمونه كله في
 خصوص رجالك الذين⁶ اخذ ابيبوا وحبس لاجل رجال المسروقة ولم
 اطعت كان واقعا ولكن كتبت فيه اقوال التي ليس⁷ لائقا لنا ولك في
 المواخات التي استحكمت⁸ بيننا لاجل اخذ الرجلين ما في بيننا ولم
 اظن انه كان قولك ولكن كتبت فيه ما لا يليق في المواخات والحال
 يا اخي الاعز الاكرم وسبب اخذ رجالكم انه كان وجاء رجل منكم
 او شهده انه كانوا رجال المأخوذين سارق رجل ابيبوا ولاجل ذلك
 اخذهم والّا رجالك رجالي لايفعل ابيبوا اوسائر رجالي هذا الفعل ولما
 كان كذلك وكتبت لاجلهم مكتوبيا فاطلقت رجلين احد من جماعة خونزاخ
 واحد من سائر الجماعات واخذ رجلا واحدا منك لتحقيق هذا المراب
 اذا اصاب⁹ هذا فارسل من معتمدك عندي حتى اقسمه قسما¹⁰ باليمين حتى
 فلا يكون فعله وبعده اطلاقه ايضا وارسلته عندك بانفاقه ومواخاتنا ثبتت في
 قلوبنا بمرجة التي لا يزال نعقد وقتل الرجال ولا ينفك الي يوم القيام
 محبتنا ومواخاتنا ولم تكدر منا يا اخي ولا ينفطح مكتوبك بتحرير
 احوالك الشريف¹¹ وايضا سرق من جماعة انيسيل وكان السارق من قرية
 زاطايل [ر] جلا مسلما في ادناء قرية مرغوب عند الاغنا [ع]... [و] جدوا¹²
 لاسراء والسلام

მშვიდობა თქვენდა და წყალობა ღვთისა და კურთხევა მისი.

დიდებულ გამგებელთა გამგებლის ბატონის ერეკლე-ხანისაგან
 დიდებულ ემირთა ემირს, დაღესტნის სამართლიანთა სამართლიანს,
 მე ვგულისხმობ ამით ჩვენს საყვარელსა და გულწრფელ მეგობარს,
 ჩემს ძმას, უძლიერესს, უკეთილშობილეს ბატონს მუჰამად ნუ-
 სალს, უფალიმე ვაუფებოხვდები მის მდგომარეობას და ხანგრძლივს
 ყოფს მის ძლიერებასა და ბატონობას! ამინ! შერამე, საბოძვარი დი-
 დი მოკითხვისა და საუკეთესო წრფელი საღამო ჩემი უძვირფასე-
 სი ძმის უდიდებულესობას! და შემდეგ (აი, რა): თუ ჩვენს ამბავს
 იკითხავ, ჩვენ გავემართეთ ქალაქ ერევანს, რათა დაგვესაჯა მათი
 ბოროტმოქმედნი და ყაჩაღები. მუჰამად-ხანი, რომელიც იმათგა-
 ნია, მრავალრიცხოვანი ჯარით გამოვიდა პირისპირ შესახედრად
 და შეგვება ჩვენ. ჩვენ უკუვაქციეთ ისინი, ღვთის, მაღალიმე არს,
 ძალითა და შეწევით, მოკლული და დატყვევებულ იქნა მისი ლაშ-
 ქრიდან ცოცხალი თუ მკვდარი ორი ათას ხუთასი კაცი. ჩვენ დიდ-
 ძალი დავლა ვიგდეთ მათგან ხელთ. ამის შემდეგ წავედით და და-
 ვაზავეთ მასთან ფანავ-ხანი, ჰაჯი ჩალაბი, აგრეთვე ჯამაათი შაქისა,

4 الشريفك AB. 5 رجالك AB.

6 الذي AB. 7 ფრაზა — بيننا لاجل — استحكمت AB. 8

قسما 10. B. اصار [اصاب] AB. 9 استحكمت AB. 8 — اخذ راجلين منّا

A. 11 الشريفك A, الرفيشك B. 12 جدوا الاسراء B.

შირვანისა და ყარაბაღისა, ვალდებულებით და პირობით. ჩვენც დავეთანხმეთ მათ. და (აი), ამ დროს შენი ღირსების წერილი მოვიდა შენი კაცის, მუჰამადის ხელით და მე გავიგე მთლიანად მისი შინაარსი (კერძოდ) შენი კაცების შესახებ, რომლებიც დაატყვევა **ايبو**-მ და დააკავა (ისინი) იმ გატაცებული კაცების გულისთვის. როდესაც შევიტყვე, რაც (იქ) წერია ჩვენ მიერ იმ ორი კაცის ჩვენთან დაკავების თაობაზე — სიტყვები, რომლებიც შეუფერებელია ჩვენთვისაც და შენთვისაც, ჩვენ შორის განმტკიცებული ძმობის გამო — მე არ დავიჯერე, რომ ეს შენი სიტყვებია. რადგანაც შენ დაწერე მასში ის, რაც არ შეჰფერის (ამ) ძმობასა და (ამ) ვითარებას. ო, ჩემო უძვირფასესო, უბატოცემულესო ძმაო, ხოლო მიზეზი თქვენი კაცების დაკავებისა ის იყო, რომ მოვიდა ერთი კაცი თქვენგან და დაამოწმა ის, რომ ეს ტყვე კაცები ისინი არიან, რომლებმაც გაიტაცეს **ايبو**-ს კაცი და ამის გამო დაატყვევა მან ისინი. მაგრამ არა. შენი კაცები (ხომ) ჩემი კაცები არიან. არ ჩაიდენდა **ايبو** ან სხვა ვინმე ჩემგანი ამ საქმეს. და როდესაც ამგვარი (ვითარება) შეიქნა, ამიტომ გწერ მათ გამო წერილს. მე (ის) ორი კაცი გავათავისუფლე, ერთი ხუნზახის ჯამათიდანაა, ერთიც — სხვა ჯამათიდან. ხოლო ერთი შენი კაცი დავაკავე, რათა გაირკვეს ეს მდგომარეობა. როცა მოგვარდება ეს, გამოგზავნე ჩვენთან (ვინმე) შენ საიმედო კაცთაგან, რათა მას დაუფიცო, რომ არ ყოფილა ეს მისი (= **ايبو**-ს) საქმე. იმის შემდეგ მე მასაც გამოუშვებ და გამოგზავნი შენთან ამაზე შეთანხმებისამებრ. ხოლო ჩვენი ძმობა ურყევია ჩვენს გულებში, იმგვარია, რომელიც არ შეწყდება. ჩვენ განვამტკიცებთ (მას), იმის მიუხედავად, რომ მოკლულ იქნენ ეს კაცები, ჩვენი სიყვარული და ძმობა არ შესუსტდება განკითხვის დღემდე. არც ამდღვრევა ჩვენი მხრიდან, ო, ჩემო ძმაო, და არც შენი წერილი შეწყდება შენი კარგი ამბების მოწერით.

ისევ გაიტაცეს ენისელის ჯამათიდან, ხოლო გამტაცებელი სოფელ ზატანილიდან იყო...^{*} სასურველი(?) სოფლის მახლობლად...^{*} და სალამი.

წერილის ავტორის ერეკლე II-ის შესახებ არაფერს ვიტყვით. აღრესატიკი ერთ-ერთი ყველაზე ცნობილი და გავლენიანი დაღესტნელი ფეოდალი ნურსალ-ბეგია, იგივე ნუცალ-ხანი, იგივე მუჰამად ნუსალ-ხანი, რომელიც ერთ-ერთი მსხვილი საფეოდალოს — ავარიის მმართველი იყო. მართავდა სახანოს XVIII ს-ის შუა წლებამდე. 1773 წელს მუხანათურად მოკლა იგი ფათალი-ხან ყუბელმა⁶. არანაკლებ მნიშვნელოვანი ფიგურა იყო მისი ძე ომარ-ხანი, იგივე უმა-ხანი (1776—1801), რომელმაც 1785 წელს დაარბია საქართველო და ხარკი შეაწერა ერეკლეს 5000 მან. ყოველწლიურად⁷.

* ამ ადგილას წერილის კიდე ჩამოჭრილია და კონტექსტის გაგება ჭირს.

⁶ История Дагестана, т. I, М., 1967, გვ. 376.

⁷ ნ. ბ. ე რ ძ ე ნ ი შ ვ ი ლ ი, საქართველოს ისტორიის საკითხები, II, თბ., 1965, გვ. 233.

ახლა ცოტა რამ ნურსალ-ბეგის დამრბევ საქმიანობასთან დაკავშირებით. ეს სწორედ ის ხუნძახის ბატონია, რომელმაც განიზრახა ქართლ-კახეთის ერთიანად აოხრება და მისი ტერიტორიის მთლიანად ხელში ჩაგდება⁸. პაპუნა ორბელიანს და ომან ხერხეულიძეს ვრცლად და დაწვრილებით აქვთ აღწერილი ნურსალ-ბეგის შემოსევები ქართლ-კახეთში⁹. პირველი დიდი შემოსევა ნურსალ-ბეგისა 1754 წელს იყო.¹⁰ შილდის თავს დადგა ხუნძახის ბატონი და ყოველდღიურად ემატებოდა ჯარი დაღესტნიდან. ერეკლემ აყარა კახეთი და მოსახლეობა ციხეებში დახიზნა, ჯარი კი თელავს შემოიყარა. კაცის სულთანს, აჯი-ჩალაბს, შირვანელ ფანა-ხანს, განჯის ხანს, ჰარელთ პირობა შეეკრათ: თუ ხუნძახის ბატონი ქართლსა და კახეთზე გაიმარჯვებდა, მაშინ ისინიც გამოილაშქრებდნენ ქართლ-კახეთზე.

თეიმურაზ-ერეკლემ დაიქირავეს ჯარი ჩრდილო კავკასიიდან. ამ დროს იხელთა ლეკის ჯარმა, თრიალეთის წალკას რომ იდგა, გადმოვიდა საციციანოზე და დაარბია ზემო ქართლი¹¹. ამასობაში ხუნძახის ბატონმა გამოიარა კახეთი, გზადაგზა გადაწვა სოფლები და ქართლს შემოუტია. მოადგა დუშეთს, დაწვა სასახლე ერისთავისა, შებილწა მონასტერი. დუშეთიდან აიყარა და მოადგა მჭადიჯურის ციხეს, რომელიც აემუნებინა სახლთუხუცეს კოსტანტინე მუხრან-ბატონს¹². აქ მოხდა გადამწყვეტი ბრძოლა, რომელშიც გაიმარჯვეს ქართველებმა. განსაკუთრებით თავი ისახელა ერეკლემ. ერეკლესთან ერთად თავთავიანთი ჯარებით იბრძოდნენ კოსტანტინე მუხრან-ბატონი, სარდალი რევაზ ორბელიანი, ქსნის ერისთავი დავით, არაგვის ერისთავი ჯიმშერ და სხვანი. როგორც პაპუნა აღნიშნავს, „აგრევე, მამაცად ვაჟკაცობისა თვისისა საკადრად კახნი შეიბნეს, თავადნი გლეხის კაცისაგან უმჯობეს და გლეხი კაცი თავადისაგან უკეთესად“¹³. ამ ბრძოლაში მოკლეს ნურსალ-ბეგის ბიძა და ბიძაშვილი. და დაბრუნდა ხუნძახის ბატონი „სირცხვილეული“ დაღესტანში¹⁴.

ერთი წლის შემდეგ კვლავ შემოესია ნურსალ-ბეგი კახეთს დიდძალი ლაშქრით¹⁵. მასთან ერთად იყვნენ შამხალი და სურხაი-ხანი. ნურსალ-ბეგი დადგა ყვარლის მთაზე. იქიდან გაგზავნა შამხლის შვილი გაბაგ-ბეგი ჰარში და ჰარელნი დაიბარა. ამგვარადვე შეიკავშირა აჯი-ჩალაბის შვილი, კაცის სულთანი, განჯის ხანი. „ესენი ყველანი ქართლისა და კახეთის მტერნი იყვნენ“¹⁶. ამასობაში თეიმურაზი დაიბრუნა ანანურიდან თელავისაკენ, სადაც ამ დროს ერეკლე იმყოფებოდა. „და შექმნეს მზადებად ლეკთა ომისად“. მტრის მრავალრიცხოვნობის მიუხედავად ერეკლემ სძლია ნურსალ-ბეგს¹⁷.

⁸ საქართველოს ისტორია, 1, 1958, გვ. 350; დ. მე გ რ ე ლ ა ძ ე, დაღესტან-საქართველოს ურთიერთობის ისტორიიდან, მაცნე, № 6, 1967, გვ. 132.

⁹ პ ა პ უ ნ ა ო რ ბ ე ლ ი ა ნ ი, ამბავნი ქართლისანი, „საქართველოს ცხოვრება“, ზ. კიკინაძის გამოც., თბ., 1913, გვ. 211—215, 222—223, ო მ ა ნ ხ ე რ ხ ე უ ლ ი ძ ე, მეფობა ირაკლი მეორისა, «საქართველოს ცხოვრება», გვ. 259—260. აქვე შევნიშნავთ, რომ ომან ხერხეულიძე ნურსალ-ბეგის შემოსევებს ომარ-ხანს მიაწერს.

¹⁰ ნ. ბ ე რ ძ ე ნ ი შ ვ ი ლ ი, დასახ. ნაშრომი, გვ. 204—205.

¹¹ პ. ო რ ბ ე ლ ი ა ნ ი, დასახ. ნაშრომი, გვ. 211.

¹² იქვე, გვ. 212.

¹³ იქვე, გვ. 214.

¹⁴ იქვე, გვ. 215. ნ. ბერძენიშვილი, დასახ. ნაშრომი, გვ. 205.

¹⁵ პ. ო რ ბ ე ლ ი ა ნ ი, გვ. 222; ნ. ბ ე რ ძ ე ნ ი შ ვ ი ლ ი, დასახ. ნაშრომი, გვ. 205—206.

¹⁶ პ. ო რ ბ ე ლ ი ა ნ ი, დასახ. ნაშრომი, გვ. 222.

¹⁷ იქვე, გვ. 223; თ. ბ ო ც ვ ა ძ ე, საქართველო-დაღესტნის ურთიერთობის ისტორი-

უკანასკნელი თავდასხმა ნურსალ-ბეგისა საქართველოზე 1772—1773 წლებში იყო. ომან ხერბულოძის გადმოცემით¹⁸, მან კვლავ შეყარა ლეკთა დიდი მხედრობა, ჯერ ჩავიდა შაქი-შირვანში, შემდეგ იქიდან უეცრად გამობრუნდა და თავს დაესხა ბოღბეს. აქ მან იავარყო რამდენიმე უბანი. ამოვიდა სიღნაღიდან მოურავი რევავ ენდრონიკასწვილი სოფელ მაღაროს, სადაც მოხდა გადამწყვეტი ბრძოლა. ქიზიყელებმა სძლიეს ლეკებს და კვლავ «წარვიდა ნურსალ სირცხვილეთლი». ამის შემდეგ ნურსალ-ბეგი წავიდა შემახიაში, სადაც ღალატით მოკლა იგი ფათალი-ხან ყუბელმა. ეს მოხდა 1773 წელს, როგორც ზემოთაც აღვნიშნეთ.

ახლა წერილში მოხსენიებულ სხვა პირთა შესახებ. ჰაჯი-ჩალაბი — შაქის სახანოს დამაარსებელი და მფლობელია. სახანოს ცენტრი იყო ნუხაში, რენელიც ქვეყნის ეკონომიკაში მნიშვნელოვან როლს ასრულებდა. XVIII ს-ის 50-იან წლებში ჰაჯი-ჩალაბმა ხელთ იგდო არემის სასულთნო. 1755 წელს მან დიდი ლაშქრობა მოაწყო შირვანში, მაგრამ შირვანის ხანს დაეხმარა ყუბის ხანი ჰუსეინ ალი და შეერთებული ძალებით დაამარცხეს ჰაჯი-ჩალაბი. მისი მმართველობის ბოლო წლებისათვის შაქის სახანო ერთ-ერთი ძლიერი ფეოდალური სახელმწიფო იყო აზერბაიჯანში. ჰაჯი-ჩალაბი მოკვდა 1755 წელს¹⁹.

ფანაჰ-ალი-ხანი ყარაბაღის სახანოს მმართველია XVIII ს-ის მეორე ნახევარში. იგი იყო ჯეჰანშირთა ტომის წარმომადგენელი. ახალგაზრდობაში ნადირშაჰის კარზე მსახურობდა, მაგრამ ვერ გაუძლო მის დესპოტიზმს და თავს უშველა ყარაბაღში გაქცევით. ნადირშაჰის სიკვდილის შემდეგ ხელთ იგდო ძალაუფლება ყარაბაღში. XVIII ს-ის 50-იან წლებში ყარაბაღის სახანოს უტყვევნი სამხრეთ აზერბაიჯანის სახანოები. 1751 წელს ყარაბაღში შეიჭრა მუჰამმად ჰასან-ხან ყაჯარო, მაგრამ იძულებული შეიქნა უკან გაბრუნებულიყო, რადგან ამ დროს ქერიმ-ხან ზენდი გამოვიდა მის წინააღმდეგ. შემდეგ ურმიის მფლობელი ფათალი-ხან ავშარი შეიჭრა ყარაბაღში, აგრეთვე უშედეგოდ. ყარაბაღის სახანომ არათუ დაკარგა დამოუკიდებლობა, არამედ გაითვრთოვა კიდევ თავისი სამფლობელო. 50-იანი წლების დასასრულს ქერიმ-ხან ზენდმა მოტყუებით იგდო ხელთ ფანაჰ-ალი-ხანი და სიკვდილამდე ტყვეობაში ჰყავდა. ფანაჰის სიკვდილის შემდეგ ყარაბაღს მართავდა მისი შვილი იბრაჰიმ ხალილ-ხანი (1759 წ. — 1806 წ.)²⁰.

ცოტა ძნელდება იმის დადგენა, თუ ქართველ მეფეთა მიმართ ერეენელ ხანთა რომელ ურჩობასა თუ განდგომასზეა სახელდობრ ლაპარაკი წერილში. ან რომელი მუჰამედ-ხანია. ცნობილია მოჰამედ-ხანი ერეენის მმართველად 1748 — 1805 წწ-ში²¹, ძე ალი-ხანისა, რომელსაც, საფიქრებელია, არა აქვს კავშირი წერილში მოხსენიებულ მუჰამედ-ხანთან. ასეთ შემთხვევაში წერილის ადრესატთან — ნურსალ-ბეგთან — მიმართებით ანაქრონიზმთან გვექნებოდა საქმე. შესაძლებელია მუჰამედ-ხანი იყოს პაპუნა ორბელიანის თხზულებაში მო-

დან, 1968, თბ., გვ. 177—178. ნურსალბეგის შემოსევებს გაკვირთ ადრეც შეეხებთ. იხ. ერეკლე II-ის წერილი დეველ ჰაჯი ტინდიელისადმი, «ზრავალთვით», V, გვ. 236.

¹⁸ ო მ ა ნ ხ ე რ ხ ე უ ლ ი ძ ე, დასახ. ნაშრომი, გვ. 288.

¹⁹ История Азербайджана, Баку, 1958, I, გვ. 336—337.

²⁰ იქვე, გვ. 337—340.

²¹ ე ლ. ფ უ თ უ რ ი ძ ე, ერეენის ხანების წერილები ქართლ-კახეთის მეფეებისადმი (XVIII ს. II ნახევარი), თსუ შრომები, № 91, თბ., 1960, გვ. 331.

ხსენიებული მამად ხანი²², ანდა — ომან ხერხეულიძის თხზულებაში მოხსენიებული მაჰმად-ხანი²³.

წერილის შინაარსი ცხადი რომ გახდეს, მოკლედ წარმოვადგინოთ სურათი ამ პერიოდის საქართველო-დაღესტნისა და სხვა მეზობელი ქვეყნების ურთიერთობის ისტორიიდან.

1748—1750 წლებში ქართლ-კახეთს ფიცხელი ომები ჰქონდათ, როგორც აღნიშნავს ნ. ბერძენიშვილი²⁴, მეზობელ ხანებთან, რომელთაც სურდათ გაბატონებულიყვნენ აღმოსავლეთ ამიერკავკასიაში. ამ ბრძოლების შედეგად ერევანს, განჯისა და ნახჭევანის სახანოები საქართველოს მოხარაკეებად იქცნენ²⁵. რაც შეეხებათ ლეკებს, მათ ასალაგმავად აუცილებელი იყო მათი თავშესაფრის — ჭარ-ბელაქნისა და კაკ-ენისლის კვლავ შემოერთება კახეთისათვის (ადრე ისინი კახეთის კუთვნილებას შეადგენდნენ). ეს კი არ მოსწონდა შაჰი-შირვანის სახანოს მმართველს ჰაჯი-ჩალაბს. რადგან ამით კახეთი უშუალოდ უმეზობლდებოდა მას. აჯი-ჩალაბი, წერს ნ. ბერძენიშვილი, „სათვალმჩინოდ ქართველ მეფეებს მეგობრობდა“²⁶. სინამდვილეში კი 1751 წელს მან ლეკების ლაშქართან ერთად გამოილაშქრა და დაამარცხა ქართველთა ჯარი.

ახლა რა ვითარებაა სხვა მეზობლებთან. თავრიზელი აზატ-ხანი ცდილობს წიელი ირანის დაპყრობას და მეზობელ ქვეყნებსაც იმასვე უპირებს. 1751 წელს მან შემოუტია ერევანის სახანოს. ერეკლე სასწრაფოდ გაეშურა ერევანისაკენ. ვადანწყვეტი ბრძოლა მოხდა ყირხ-ბულახთან ერევანის ახლოს, რომელშიც აზატ-ხანი დამარცხდა. ამ უკანასკნელმა აზერბაიჯანს შეაფარა თავი. ამ დროისათვის აზერბაიჯანის ტერიტორიაზე დაახლოებით 15-მდე სახანო არსებობდა, რომელთაგან განსაკუთრებით გაძლიერდნენ და დაწინაურდნენ შაჰი-შირვანის, ყარაბაღისა და ყუბის სახანოები. შაჰი-შირვანის ხანის ჰაჯი-ჩალაბის ძლიერებით შეშფოთებულმა მეზობელი ყარაბაღის, განჯის, ყარადაღის, ნახჭევანისა და ერევანის ხანებმა კოალიცია შექმნეს მის წინააღმდეგ და გადაწყვიტეს ამავე მიზნით გაერთიანებულიყვნენ თეიმურაზ-ერეკლესთან. მაგრამ მოხდა პირიქით. ჰაჯი-ჩალაბმა ერეკლეს წინააღმდეგ გადმოიბირა განჯა-ყარაბაღისა და ერევანის ხანები, რომ აღარაფერი ვთქვათ დაღესტნელებზე. ამ ხანების დაღატის გამო ქართველებმა ომი წააგეს განჯასთან 1752 წელს. ჰაჯი-ჩალაბი შეტევაზე გადმოვიდა და ქართლში შემოიჭრა. არც ერეკლე იყო უმოქმედოდ. ვადანწყვეტ ბრძოლაში ყაზახ-შამშადილუს საზღვარზე შეება იგი მტერს და სასტიკად დაამარცხა. ერევანის, განჯისა და სხვა ხანები ქართლ-კახეთის მიმართ ისევ მეგობრობა-მორჩილების გზას დაადგნენ²⁷.

ჩვენ ზევით აღვნიშნეთ, რომ წერილი უთარიღოა. წერილში მოხსენიებული ზოგიერთი ისტორიული პირის მიხედვით დოკუმენტის მიახლოებითი დათარიღება მაინც ხერხდება. წერილში მიმართვის ფორმულიდან ჩანს, რომ:

1) ნუსალ-ხანი დაღესტნის ემირთა ემირია (امیر الایران), უძლიერესია (الاعظم)

²² პ. ო რ ბ ე ლ ი ა ნ ი, დასახ. ნაშრომი, გვ. 184.

²³ ო. ხ ე რ ხ ე უ ლ ი ძ ე, დასახ. ნაშრომი, გვ. 251.

²⁴ ნ. ბ ე რ ძ ე ნ ი შ ვ ი ლ ი, დასახ. ნაშრომი, გვ. 200.

²⁵ იქვე.

²⁶ იქვე, გვ. 201.

²⁷ იქვე, გვ. 202—203; საქართველოს ისტორია, გვ. 349—350.

და უკეთილშობილესია (الاکرم). იგი მართავდა სახანოს XVIII ს-ის შუა ხანებამდე²⁸. შემოესია საქართველოს 1754 და 1755 წლებში. 2) ჰაჯი-ჩალაბმა გამოილაშქრა საქართველოზე 1751 წელს, ხოლო მოკვდა 1755 წელს. ყოველივე ამის საფუძველზე, სავარაუდოა, რომ წერილი დაწერილია 1750—1755 წლებში.

2. მეორე წერილი დაცულია მახაჩყალის ენის, ლიტერატურისა და ისტორიის ინსტიტუტის ხელნაწერთა განყოფილებაში, ფონდი, 6, აღწ. 1, 68/2506. (წერილის პირი დაცულია ხელნაწერთა ინსტიტუტში — Arld 183). შესრულებულია თეთრ ქაღალდზე. სტრიქონთა რაოდენობა — 11, აშიაზე — 6; მელანი—შავი; ქაღალდის ზედა მარჯვენა კიდე ჩამოჭრილი აქვს. თავისუფალ არეზე გვიანდელი მინაწერებია, რომელთაც კავშირი არა აქვთ ძირითად ტექსტთან. არ უხის თარიღი და არა აქვს ხელრთვა. წერილს ახლავს კ. მ. ბარკუევის მიერ 1958 წელს შესრულებული რუსული თარგმანი. ჩვენი თვალსაზრისით წერილი დედანს უნდა წარმოადგენდეს (იხ. ზემოთ გვ. 156, მე-5 სქოლიო). წერილი საგულისხმოა იმით, რომ მასში ასახულია საქართველო-დაღესტნის ურთიერთობის ერთი მეტად მტკივნეული და საყურადღებო საკითხი ტყვეთა, თუ გატაცებულთა, გაცვლასთან დაკავშირებით. კერძოდ, აქ საუბარია მუჰამად ნუცალ-ხანთან მყოფი ქართველი გიორგისა და ერეკლესთან მყოფი დაღესტნელი ახალავის გაცვლის თაობაზე.

السلام التام والدعاء العام من امير المعتصم¹ الى² ملك الاعلام ايركلى
 خان الى خان جميل القدر والعنوان اخينا العزيز محمد نوسل³ خان
 حفظه الله تعالى من آفات وبيات الدارين و شماتة الاعدا [ع] آمين
 و بعد⁴ المراد الاقصى ومقصود الاكبر من زير هذه الرسالة⁵ المودعة باثه
 قد بلغا اليينا شيخ امير اقا ومصطفى اقا مع رسالتك المودعة فيمينا مضمونه
 واطلعنا بما فيه اطلاعا حاصلًا ورضينا رضائًا كاملا مقالات التي فسّحت
 وحوّلت اليهما فقدم علمان وفهمان اليينا من اوله الى اخره فلما اردت
 ارسال اخلو من قبل فانه لم يكن فيعندنا انت لم ترسل كوركي لعدم
 وصوله اليك الآن ارسلناه برفقة⁶ شيخ امير اقا ومصطفى اقا و شاهو⁷
 اعلم بانّه كلما كان في بيننا وبينك عهد اخوة و اناس المودعة من الابتداء
 الآن نحن كنا راسخا وثابتا عليها وعلى ذلك كلما كان لازما من اعلام
 المقالات فانّ فهمنا وعلمنا جميع ما في الضمير و مكثرون خاطرنا الى
 اخلو و شيخ امير ومصطفى ان شاء الله تعالى⁸ فقد يفهموا و يعلموا
 اليك بسان الفصيح والمليح بدون زياد في حين وصول الي عندك
 والسلام والدعاء

²⁸ История Дагестана, I, М., 1967, გვ. 326.

[الرسالة] 5. بعده [بعد] 4. B. نوسل [نوسل] 3. B. — الى 2. B. المعظم [المعتصم] 1
 تعال - لى [لئ] 8. გადატანილია სიტყვეთა A-ში. — ჩამატებულია A-ში. 7. B. برفاقت 6. B. الرسالة
 A-ში.

გულითადი სალამი და მრავალი კურთხევა მბრძანებლისაგან, ყოვლისმცოდნე მეუფის მსასობებელ ერეკლი ხანისაგან სვებედნიერ და სახელოვან ჩვენს ძვირფას ძმას შუჰამამად ნუსალ-ხანს, ღმერთიმც, მალალ არს, დაიფარავს მას სააქაოს და სიიქიოს უბედურებათა და განსაცდელთაგან და მტრების ღვარძლიანობისაგან. ამინ! და შემდეგ (აი, რა):

უსაზღვრო სურვილი და უდიდესი მიზანი ამ სასიყვარულო პატარა წერილის დაწერისა ის არის, რომ მოვიდნენ ჩვენთან შინ ამირ 'აკა და მუსტაფა 'აკა შენი მეგობრული წერილით. ჩვენ გავეცანით მის შინაარსს და გავიგეთ ის, რაც იყო მასში სრულად და გაეჩხარეთ დიდად იმ სიტყვების გამო, რომლებიც მათ შენ გადაეცი და აუხსენი. მათ კი ჩვენ გადმოგვცეს და აგვიხსნეს (ყველაფერი) თავიდან ბოლომდე. როდესაც შენ ადრე გასურდა, გამოგვეგზავნა ახალავი, ჭეშმარიტად, იგი არ იყო (მამინ ჩვენთან). შენ არ გამოგზავნე გიორგი ჩვენთან, იმის გამო, რომ ახალავი არ გამოგზავნა შენთან. ახლა ვგზავნით ახალავს შინ ამირ 'აკას, მუსტაფა აკასა და შაჰავის თანხლებით. იცოდე, რომ ყოველთვის ჩვენსა და შენს შორის არსებობდა ძმური აღთქმა და მეგობრული სიყვარული დასაბამიდან. დღესაც ჩვენ მტკიცედ და მყარად ვადგავართ მას და ასეც იქნება (მუდამ), როცა საჭირო იქნება ამბების შეტყობინება. ჭეშმარიტად, ჩვენ გადავეცი და ვუთხარით ყველაფერი, რასაც ვფიქრობთ, ახალავს, შინ ამირს და მუსტაფას, ხოლო (ისინი), თუ ისურვებს ღმერთი, მალალიმც არს, მოვლენ შენთან, გაცნობებენ და გადმოგცემენ (ყველაფერს) ნათლად და გარკვევით, წამატების გარეშე.

მშვიდობა და ღოცვა.

Н. Г. КАНЧАВЕЛИ

ДВА ПИСЬМА ИРАКЛИЯ II МАГОМЕДУ НУЦАЛ-ХАНУ

Резюме

Публикуются два арабских письма Ираклия II (Эрекли-хана), адресованные дагестанскому владельцу Магомеду Нуцал-хану (Нурсал-бегу). В одном из писем (из личной коллекции З. Алиханова в Хунзахе) Ираклий II сообщает о своем походе против выступивших ереванцев во главе с Мухаммед-ханом, который завершился победой Ираклия. Кроме этого, Ираклий II старается в письме разъяснить ситуацию в связи с задержкой некоторых лиц, уличенных в похищении людей, что вызвало, как явствует из письма, негодование Нуцал-хана. Другое письмо хранится в рукописном отделе ИИЯЛ Даг. ФАН СССР (ф. 6, оп. 1, 68/2506); в нем говорится об обмене Георгия на Ахалава и о возвращении последнего домой.

წარმოადგინა საქართველოს სსრ მეცნიერებათა აკადემიის
 კ. კეკელიძის სახ. ხელნაწერთა ინსტიტუტმა



კვლავ ქართული საისტორიო წყაროების რუსულად თარგმნის
შესახებ

„მატიანე ქართლისა“

„მაცნე“-ს 1979 წლის № 1-ში „დისკუსიისა და განხილვის“ რუბრიკით გამოქვეყნდა ედიშერ ხოშტარის წერილი „ქართული საისტორიო წყაროების რუსულ ენაზე თარგმნის შესახებ“, რომელშიც ფრიად საინტერესო და მნიშვნელოვანი მოსაზრებებია წამოყენებული. რიგ ზოგად მოსაზრებებთან ერთად, საერთოდ ამ ხასიათის სამუშაოთა პრინციპების შესახებ, სტატიის ნაწილი ეთმობა XI ს-ის ანონიმი ავტორის „მატიანე ქართლისა“-ს რუსულ თარგმანს.

ე. ხოშტარის შენიშვნათა ნაწილი მართებული და გასაზიარებელია და მათზე სიტყვას არ გავაგრძელებ. სასურველად მიმაჩნია ჩემი აზრი გამოვთქვა ზოგ სადავო საკითხზე და იმ შენიშვნებზე. რომელთაც ვერ გავიზიარებ.

პირველ რიგში შევეხები ზოგადი ხასიათის მოსაზრებებს.

პირველი და ერთ-ერთი მთავარი შენიშვნა საისტორიო თხზულების სათაურის რუსულად გადმოცემას ეხება. თხზულებას ქართულად ეწოდება «მატიანე ქართლისა» და თარგმანში მე დავტოვე «Матиане Картლისа», რომლის ნაცვლად რეცენზენტი გვთავაზობს «Летопись Грузин». ცნება «ქართლის» მნიშვნელობა თარგმანის შესავალ წერილში განმარტებულია და ამდენად არ არსებობს იმის საშიშროება, რომ არაქართული მკითხველები ვერ გაიგებს რას ნიშნავს «ქართლი». «Летопись Грузин», ჩემი აზრით, ზოგადი და არაფრისმთქმელია, ასეთი «Летопись» მრავალი შეიძლება იყოს. ამ საისტორიო თხზულების ავტორი რომ ცნობილი იყოს მაშინ კიდევ შეიძლება ასეთი ზოგადი სათაურის მიცემა, მაგრამ თხზულება ანონიმურია. «Летопись Грузин» ისეთივე ზოგადია, როგორც «История Грузин», როგორც ვთარგმნით ჩვენ „ქართლის ცხოვრებას“, და რომ მკითხველისათვის გასაგები იყოს თუ რომელი «История Грузин» გვაქვს მხედველობაში, იქვე ფრჩხილებში ვწერთ რუსულად «Картлис цховრება». ნიშანდობლივია, რომ უკანასკნელ წლებში საბჭოურ ისტორიოგრაფიაში დამკვიდრდა რუსულად «Картлис цховრება», სპეციალისტი მედიევისტები უკვე ასე მიუთითებენ და ეს ალბათ იმიტომ, რომ «Картлис цховრება» კონკრეტული ნაწარმოების სახელწოდებაა, «История Грузин» — კი ზოგადი. ვფიქრობ, ასევე სასურველი უნდა იყოს დავამკვიდროთ რუსულ სამეცნიერო ლიტერატურაში რუსულად «Матиане Картლისа». ინტერესმოკლებული არ უნდა იყოს ის გარემოება, რომ ზოგი არაქართული ავტორი უთითებს კიდევ ასე. როგორც ცნობილია, საისტორიო თხზულებათა სათაურების დედნისეულ ენაზე ამეტყველების მაგალითები არაერთი იცის რუსულმა ორიენტალისტიკამ. საყოველთაოდ გავრცელებულია და იხმარება «ჰუდუდ ალ-ალემ», „ჯამი ათ-

თავარიხ“, «სიასეთ ნამე» და სხვ. ეს მაშინაც, კი როდესაც „ჯამი ათ-თავარიხის“ და «სიასეთ ნამე»-ს ავტორები კარგად არიან ცნობილი (რაშიდ აღ-დინი და ნიზამ აღ-მულქი). ამასთანავე რეცენზენტი გესაყვედურობს, რომ «Матиане Картლისა»-ს პარალელურად შესავალ ნაწილში რუსულად ნახმარია «Летопись Картли» და «Летопись Грузии»-ც. შესავალ წერილში მე საგანგებოდ განემარტავ არაქართველი მკითხველისათვის თუ რას ნიშნავს ეს «Матиане Картლისა» და ამიტომ ვხმა-რობ პარალელურ ფორმებს.

როგორც სამართლიანად შენიშნავს რეცენზენტი, ყოველ თარგმანში აუცილებელია ცნებებისა და ტერმინების უნიფიკაცია, და როდესაც „მატიანე ქართლისა“-ს თარგმანში ეს პრინციპი დარღვეულია, შენიშვნა სამართლიანი და მისაღებია. თუმც, როგორც თვით რეცენზენტი შეგვნიშნავს, თარგმანის დასაწყისში ერთად არის მოცემული პარალელური ფორმები (რათა მკითხველი საქმის კურსში შევიდეს.) მაგრამ, ალბათ ეს მაინც ქმნის სიჭრელეს. ამასთანავე სადავოა ცნებებისა და ტერმინების რუსულად გადატანის პრინციპი. თანამედროვე საბჭოურ მთარგმნელობით პრაქტიკაში ძირითადად ორი პრინციპი მოქმედებს. ზოგი მთარგმნელი თარგმანში იცავს საგეოგრაფიო და სოციალურ ტერმინთა დედნისეულ ფორმას და „შენიშვნებში“ იძლევა თანამედროვე ფორმას და ტერმინის განმარტებას. ზოგი, პირიქით, თარგმანის ტექსტში იცავს თარგმანის ენის ნორმებს და „შენიშვნებში“ გააქვს დედნისეული ფორმა, სათანადო განმარტებით. მე პირადად უფრო სასურველად პირველი პრინციპი მიმანია. აღსანიშნავია, რომ ორივე პრინციპს ახლავს თავისი სირთულეები. თარგმანში დედნისეული ფორმების დაცვის შემთხვევაში დგება რიგი დადგენილი და საყოველთაოდ გავრცელებული გეოგრაფიული თუ საკუთარი სახელების პრობლემა. მაგ.: როგორ ვწერთ არაბულიდან ქართულად თარგმნილ ტექსტებში „თაფლისი“ (როგორც წერენ ჩვენი მთარგმნელები), თუ ქართულად მიღებული „თბილისი“, „კაკოპი“ თუ „კავკასიონი“, „ჯურზანი“ თუ „ქართლი“? და რა გავიტანოთ „შენიშვნებში“, ქართული თუ არაბული ფორმა?

მეორე პრინციპის დაცვის შემთხვევაში სხვა რიგის სირთულეები იჩენს თავს. რა ვუყოთ ცნებებს რომელთაც რამდენიმე მნიშვნელობა აქვთ, ჩვენი თვალსაზრისით ვთარგმნოთ? მაგ.: რეცენზენტი თვლის, რომ «მატიანე ქართლისა»-ში ხმარებული «მთავარი» უნდა ვთარგმნოთ რუსულად „князь“ იმ გავებით, როგორც ეს ტერმინი იხმარება ძველ რუსეთში: «князь Игорь» და სხვ. (გვ. 152). მაგრამ რეცენზენტს კარგად მოეხსენება, რომ „მთავარი“ ყოველთვის ამას არ ნიშნავს, მისივე მოტანილი მაგალითებიდან ჩანს „მთავრის“ სხვადასხვა მნიშვნელობა. აქ საქმე ტექსტის გავებას ეხება. ამიტომ, ვფიქრობთ, ჯობია დავტოვოთ ტექსტში დედნისეული ფორმა და „შენიშვნებში“ განვმარტოთ რა მნიშვნელობები შეიძლება ჰქონდეს ამ ტერმინს, ისევე როგორც სომხურიდან რუსულად თარგმნილ ტექსტებში როგორც წესი რუსულად დატოვებულია სომხური ფორმა «нахарар», „нишхан“. ასეთი რიგის სირთულეები არაერთი იჩენს თავს.

რადგან თანამედროვე საბჭოურ მთარგმნელობით პრაქტიკაში არ არსებობს საისტორიო თხზულებათა თარგმნისას ტერმინთა გადატანის დადგენილი პრინციპი, ამიტომ ყველა მთარგმნელი საკუთარი თვალსაზრისით მოქმედებს. 1978 წელს (მატიანე ქართლისა“-ს თარგმანის გამოსვლის შემდეგ) გამოქვეყნდა საქართველოს მეცნიერებათა აკადემიისთან არსებული საისტორიო წყაროების გამოცემის კომისიის

მიერ შემუშავებული წესები ქართულიდან რუსულად თარგმნისათვის. ეს „წესები“ რეცენზენტის მიერ შემოთავაზებული პრინციპის დაცვას მოითხოვენ (ე. ხომტარია ამ „წესების“ ერთ-ერთი დამდგენია). ამიერიდან ვინც ამ „კომისიის“ ხაზით გამოსცემს თარგმანს, ვალდებული იქნება დაიცვას მისი პირობები. მაგრამ მიზნადგება საკითხთა წყება. მაგ.: რეცენზენტი თვლის, რომ «მატიანე ქართლისა»-ს „საბერძნეთი“ და „ბერძენი“ რუსულად უნდა ვთარგმნოთ „Греция“, «грек». ქართული შუასაუკუნოვანი წყაროების «საბერძნეთი» და „ბერძენი“ ნიშნავს როგორც კლასიკური ხანის ბერძენს (ელინს), საბერძნეთს, ასევე შუასაუკუნოვან ბიზანტიას და ამ იმპერიის მცხოვრებს. „მატიანე ქართლისა“-ში „საბერძნეთი“ და „ბერძენი“ შუასაუკუნოვანი ბიზანტიის იმპერიის და იმპერიის მცხოვრების მნიშვნელობით იხმარება. თანამედროვე რუსულში ამ სახელმწიფოს «Византия» ეწოდება, «Греция»-ს მას რუსული შუასაუკუნოვანი წყაროები უწოდებენ, ასე რომ, თუ რეცენზენტის მიერ შემოთავაზებულ პრინციპს დავიცავთ, მაშინ «Греция»... მიუღებელია. რაც შეეხება «армяне» «сомех»-ს, როგორც რეცენზენტი შენაშნავს «მთარგმნელი ცდილობს გამოიყენოს „სომხითი“ და „სომხეთი“ (გვ. 152). ასეთი გამოყენება მას არასასურველად არ მიაჩნია, მაგრამ გვსაყვედურობს, რომ გვ. 50 არის «Давид царь сомехов», და ცოტა ქვემოთ კი არის «призвал кахов и армян». მართალია, ორივე შემთხვევაში ლიბარტ ბაღვაშის მოკავშირეებზეა ლაპარაკი, მაგრამ ვფიქრობთ, რომ პირველ შემთხვევაში „იგულისხმება“ დავით ტაშირ-ძორაკერტის მეფე, ხოლო მეორეში — საკუთრივ სომხეთის სამეფო.

რეცენზენტს შესაძლებლად მიაჩნია საკუთრივ ქართული საკუთარი სახელების დედნისეული ფორმით დატოვება (მაგ.: Мариа,м, Гиорги და სხვ.), მაგრამ სადაურობის აღმნიშვნელი ტერმინების რუსულად გადატანა (მაგ. Иоане Болнели) არ მიაჩნია სწორად. მართალია, ეს ბოლნელი და ამ ტიპის სხვა სახელები ქართულში (ქუთათელი, ტბელი და სხვ). სადაურობის (ამ შემთხვევაში საეპისკოპოსო კათედრის) აღმნიშვნელია, მაგრამ რადგან ამ ტიპის სახელებმა ჩვენში გვარსახელის მნიშვნელობა დაიმკვიდრეს, შესაძლებლად ვცანით მათი ამ ფორმით დატოვება, ამასთანავე «შენიშვნებში» განვმარტავთ მათ მნიშვნელობას. რაც შეეხება თეოდოსი მეფის ზედწოდებას «ჩალა-მეფე» რუსულში „ჩალა“ უცვლელად დავტოვეთ, რადგან, როგორც თვითონ ე. ხომტარია აღნიშნავს, „ესეც საკუთარ სახელად იყო შერქმეული“ (გვ. 153), ხოლო ტექსტისეული „მწუხარე“ იმიტომ ვთარგმნეთ «Печальный» რომ მისი მდგომარეობა სწორედ ამის შესაბამისი იყო. თეოდოსის უსინათლობა კი ტექსტში სათანადოდ აღნიშნული აქვს ავტორს და ამჯერად რომ მხოლოდ მისი უსინათლობა ჰქონოდა მხედველობაში, ალბათ ამის თქმასაც მოახერხებდა.

რეცენზენტი გვსაყვედურობს, რომ „თარგმანში რიგ შემთხვევებში არ არის გადმოცემული დედნის ნიუანსი, ან საქმე გვაქვს არაზუსტ თარგმანთან“ (გვ. 150) მაგ.: „და განაჩინეს ქორეპისკოპოსად დაჩი“ თარგმნილია «Избрали хорепископом Дачи» «избралн»-ს მაგიერ ის გვთავაზობს «поставили» ან «определили» ვფიქრობ, რომ «განაჩინეს» თარგმნა «избралн» სწორად გადმოსცემს დედნის ნიუანსს. აქ საქმე გვაქვს ვარკვეული წრის მიერ დაჩის არჩევასთან ქორეპისკოპოსად, ისევე როგორც „ქართლის მოქცევის“ ქრონიკის ცნობა გუარამის „განაჩინეს“ შესახებ ნიშნავს ჯურამის არჩევას, აქაც დაჩის «არჩევა» იგულისხმება (როგორც ცნობილია, ასე ესმის „ქართლის მოქცევის ქრონიკის“ ეს „განაჩინეს“ ს. ჯანაშიას, და ასეა ეს მიღებული თანამედროვე ქართულ ისტორიოგრაფიაში). „რეცა



შესატყუებულად ქუეყანისა კაცთათესა თარგმნილია «для воздействия на местных жителей» რეცენზენტი თვლის რომ უნდა იყოს «как будто бы для полонения абы «якобы для полонения» (გვ. 154). მაგრამ აქ კონკრეტული «დატყუება» — «полонение» კი არ არის, არამედ სწორედ მოტყუება, შეცდენა. ბიზანტიელებმა ადგილობრივ (იგულისხმება კლარჯეთის) მკვიდრთა მოტყუების მიზნით საქართველოს მეფეს ბაგრატიონთა კლარჯეთის შტოს წარმომადგენელი დაუპირისპირეს (დემეტრე კლარჯი) და ამით შეცდენილი მოსახლეობის ნაწილი მათ მხარეზე გადავიდა.

„მოეყარა აფხაზთა მეფე ქალაქსა და ემტერა კახთა“ — თარგმნილია: «заключил мир царь абхазов с городом (Тбилиси)» უნდა იყოს «покинул» (ან «оставил») царь абхазов город Тбилиси» („მოეყარა-დატყუებას, მიშვებას, განშორებას—ი. აბულაძე,“ გვ. 154-155). „მოეყარა“ კი ნიშნავს «დატყუებას» მაგრამ „ქართლის ცხოვრების“ ნუსხებში ეს ადგილი სხვადასხვაგვარადაა წარმოდგენილი და ზოგ ხელნაწერში არის „და ემოყურა“ (ქ. ცხ. 1. 298). აქ ბაგრატი მეფის თბილისის ამირასთან დაზავებაზეა ლაპარაკი და ვფიქრობ, რომ უფრო სწორი უნდა იყოს „და ემოყურა“, რაც დამეგობრებას ნიშნავს (ი. აბულაძე, მით. ლექსიკონი), „თბილისი“ კი ტექსტში არ არის და ამიტომ შევიტანეთ ის მრავალფერაბილში როგორც ტექსტისეული „ქალაქის“ განმარტება.

რაც შეეხება „ძელზე გასმას“ შეიძლება რეცენზენტი მართალია, და „ეს არ იყო სასჯელის ისეთი სახე, რომელიც იწვევდა ადამიანის სწრაფად სიკვდილს“ და ამიტომ არ შეესატყვისება რუსულ «посажение на кол»-ს (გვ. 155). მაგრამ თუ „ძელზე გასმა“ „ხეზე ჩამოკიდებას“ ნიშნავს, როგორც ფიქრობს რეცენზენტი, მაშინ ტექსტში უფრო მოსალოდნელია, რომ ყოფილიყო „ხეზე ჩამოკიდება“, როგორც გვაქვს სხვა შემთხვევებში. ასე რომ ამ ადგილის გაგება შეიძლება სადავო იყოს.

რეცენზენტი თვლის, რომ წყაროს სიტყვები „მიეგება ყოველი ლაშქარი აფხაზეთისა ზღუს პირსა ხუფათს“ უცილობლად ნიშნავს, რომ აქ აფხაზეთის მთელი ლაშქარი გამოვიდა ხუფათს სანაპიროზე და არა ლაშქარი გამოვიდა აფხაზეთის სანაპიროზე ხუფათს (გვ. 156). მეფე ბრუნდება ბიზანტიიდან და მას თავისი სამფლობელოს საზღვარზე ხუფათს ხედებიან, ასე რომ „აფხაზეთისა“ ლაშქრის მსაზღვრელიც შეიძლება იყოს და სანაპიროსიც.

რეცენზენტი გვსაყვედურობს საეკლესიო ტერმინოლოგიის არასწორად გადმოცემას და აღნიშნავს, რომ ქუთაისის ეკლესიის კურთხევისას ნახმარი „განგება“ ნიშნავს «чин, устав, распорядок, типик» (გვ. 156). თუ აქ „განგება“ «распорядок»-ს ნიშნავს ამ შემთხვევაში მხოლოდ ბაგრატიის ტაძრის კურთხევაზე შეიძლება იყოს ლაპარაკი, რომელიც მეფემ აკურთხა „განგებითა დიდითა და მიუწოდომელთა“ და არა საერთოდ საეკლესიო „განგებაზე“. რომ ამ ტერმინის მნიშვნელობა ჩვენ საერთოდ გვესმის, ამას თვით რეცენზენტიც აღნიშნავს და ამდენად აქ საეკლესიო ტერმინოლოგიის არასწორად გადმოცემა არაფერ შუაშია. რაც შეეხება სიტყვა «провидение»-ს დაწერილობას, თანამედროვე რუსულში ის «ъ»-ით არ იწერება, იწერება «и»-თი (იხ. Орфографический словарь русского языка, М., 1958), ხოლო სიტყვის შუაში კორექტურულ შეცდომას («и»-ს მაგიერ „ე“) აგრერივად არ უნდა გავოცებინა (sic!) რეცენზენტი ასეთი ხასიათის შეცდომისაგან არც მისი საიდუკისო წერილია დაზღვეული («честной, «честное»-ს მაგიერ, გვ. 254.)

არასწორად მიაჩნია რეცენზენტს „ლამპრობის დღის“ თარგმანი. მართალია, კ. კეკელიძეს განმარტებით, «ლამპრობად» ძველ ქართულ ტექსტებში იწოდება

«праздник Сретения», მაგრამ „ლამპრობა“ ძველი ქართული წარმართული რიტუალია, მთვარის დღესასწაულთან დაკავშირებული, რომელიც ქრისტიანობის ხანაშიც შემორჩა და წმინდა გიორგის დღესასწაულს დაუკავშირდა. მას საქართველოს სხვადასხვა კუთხეში სხვადასხვა დროს და განსხვავებული სახით აღნიშნავდნენ როგორც ივ. ჯავახიშვილი შენიშნავს, „მატიანე ქართლისა“-ში დამოწმებული „ლამპრობა“ „დაახლოვებით ისეთ დროს სცოდნიათ, როგორც ეს ლა სვანეთში დღესასწაულებზე“ (ივ. ჯავახიშვილი, ქართველი ერის ისტორია, 1, გვ. 57). ამიტომ გავაკეთე შინაარსობრივი თარგმანი და „შენიშვნაში“ მივუთითე ივ. ჯავახიშვილის დასახ. შრომა. ჩანს, შემდეგ ამან თანდათან დაკარგა თავისი ძველი მნიშვნელობა და „მირქმის“ («Сретение») დღესასწაულის სახით დამკვიდრდა.

რეცენზენტს არასწორად მიაჩნია თარგმანში მოცემული გაგება „ჯვრის ბუღისა“ და თვლის, რომ აქ „ამოკრილი ქვა უნდა იგულისხმებოდეს, რომელშიც ჭდებოდა აღსამართავი ჯვარი“ (გვ. 157) „ჯვრის ბუღის“ ასეთი მნიშვნელობა საყოველთაოდ ცნობილია, მაგრამ ამ კონკრეტულ შემთხვევაში კონტექსტი არ უნდა უქერდეს მხარს ასეთ გაგებას. წყაროს თანახმად სარკინო-ზებმა „წარიტანეს თანა ჭუარი პატოსანი დაკრილი და შეედვათ სნება მუცლისა, და გულისხმა ყვეს, რომელ ჭუარისაგან ევნოთ. შეკრიბნეს ნაწილნი და წარმოსცნეს ჭუარსა. ჩაკრიბნეს ბუღესა შინა“ (ქ.ცხ. 1,265). რადგან აქ თან წაღებული დაკრილი ჯვრის ნაწილების შეკრებაზე და ბუღეში ჩაკრებაზე ლაპარაკი, ვფიქრობთ თარგმანში მოცემული გაგება სწორი უნდა იყოს.

რეცენზენტს ეჭვი ეპარება ტექსტისებური „გებულ იყო წინა“-ს თარგმანის სისწორეში და თვლის, რომ ეს გამოთქმა „ნიშნავს არა გიორგი კურაპალატის ადრე მოსვლას („опереди“), როგორც არის თავმანში, არამედ მის გამზადებას მეფედ საკუთხად, რაც მოხდა კიდევ“ (გვ. 158). როგორც მართებულად შენიშნავს რეცენზენტი, ეს გამოთქმა ბაგრატ IV-ის ძე გიორგი კურაპალატთან დაკავშირებით ტექსტში ორჯერ გვხვდება, მაგრამ არა იმ თანმიმდევრობით, როგორც საღისესუსთო წერილშია აღნიშნული. პირველად: ოსთ მეფე დორდოლევი და გიორგი კურაპალატი ერთად ლაშქრობენ განძას, მაგრამ ამ ლაშქრობის შემდეგ ქუთაისს მოსულ დორდოლეულს გიორგი კურაპალატი იქ დახვდა და ისტორიკოსი ამბობს, „რამეთუ გიორგი კურაპალატი გებული იყო უწინა“ (ქ.ცხ. 1,313). ამის შემდეგ: სულტანსა და ბაგრატს შორის არის მოციქულთა მიმოსვლა ხარაჯის გამო და „შემდგომად მცირეთა წელიწადთა სამშუღლისა ტბათა მდგომსა ბაგრატ მეფესა დაეცვა საღმობა მუცლისა და ჩადგა მარაბდათა“. ავადმყოფი მეფე წამოიყვანეს და „თანა ჰყვა გიორგი კურაპალატი“. მაგრამ გიორგი კურაპალატი „გაგებულ იყო წინა“ და მეფე მოიყვანეს ქართლს“, სადაც მოვიდნენ მისი დიდებულნი, დედოფალი და სხვანი (ქ.ცხ. 314.) ორივე კონტექსტიდან ჩანს, რომ გიორგი რომელიც ჯერ ბიძასთან (დორდოლეულთან) ერთად იყო, ხოლო შემდეგ მამას ახლდა სამშვილდეს, მათზე ადრე მიდის, წინაურდება. რატომ ხდება ასე, ეს სხვა საკითხია. რეცენზენტი წერს, რომ ამ „გებულ იყო წინა“-ს „შემდგომად მცირედთა დღეთა მიათულა ძე მისი გიორგი კურაპალატი მეფედ“, რაც თითქოს იმას უნდა უქერდეს მხარს, რომ ის სამეფოდ იყო გამზადებული. მაგრამ პირველ და მეორე „გებას“ შორის რამდენიმე წელია ხარვეზი და მეფე ბაგრატმა მაშინ „მიათულა ძე მისი გიორგი კურაპალატი მეფედ“, როდესაც სიკვდილის მოახლოვება იგრძნო. ამასთანავე გასათვალისწინებელია ისიც, რომ გიორგი

კურაპალატის მეფედ გამზადება არ არის ისეთი ფაქტი, რომლის საგანგებოდ, და ისიც ორჯერ აღნიშვნაა საჭირო. მას მეფობა კანონით ეკუთვნოდა ისევე როგორც მის მამას და მის შვილსაც, და არსად ეს ასე აღნიშნული არ არის.

ასევე ვერ გავიზიარებთ რეცენზენტის შენიშვნას «სულთა»-ს შესახებ. სულა კალმახელმა შეიპყრო ლიპარიტ ბღღვაში და მისი ძე ივანე და წაიყვანა კალმახს „და მსწრაფლ გაგზავნა სულა მეფისა წინაშე სულთა ზედა მხმობელნი. ხოლო გურანდუხტ და გიორგი, ძე ბაგრატისი, დგეს ღრტილას, და რა ცნეს შეპყრობა ლიპარიტისი, შეიყვანეს ახალქალაქსა მუნ მოილოდინეს ბაგრატ სულთა ზედა. მოვიდა ბაგრატ...“ (ქ. ცხ. 1,304-305). რეცენზენტი თვლის, რომ «სულთა» უნდა გავიგოთ არა გეოგრაფიულ პუნქტად „სულთა“ (როგორც არის თარგმანში), არამედ როგორც „სული“. წინააღმდეგ შემთხვევაში დარღვეულია ქართული ენის ნორმები, ს. ყაუხჩიშვილსაც „სულთა“ გატანილი აქვს არა გეოგრაფიულ სახელთა საძიებელში, არამედ ლექსიკონში, როგორც ტერმინი „სული“. ი. აბულაძე კი სულს განმარტავს — „კაცი“, „გუამი“, „თავი“ და მოაქვს შესადაარებელი მასალა ბიბლიური ტექსტიდან (გვ. 159). აღნიშნულის საფუძველზე რეცენზენტი თვლის, რომ ტექსტი უნდა ითარგმნოს: «немедля призвал: Сула царя Баграта. За душами пришел Баграт...» (159). მიუხედავად ქართული ენის ნორმებისა (თუ ასეთი დარღვევა არის აქ). «ქართლის ცხოვრების» ლექსიკონისა და ი. აბულაძის განმარტებისა. აქ სწორედ გეოგრაფიული პუნქტი სულთა არის (რომელიც ახლაც არის ჭავჭავთში — სულდა ეწოდება, იხ. ნ. ბერძენიშვილი, საქართველოს ისტორიის საკითხები, ტ. VII, თბ., 1974, 22) სადაც იღვა მეფე ბაგრატი.

რეცენზენტის შენიშვნების ნაწილი თარგმანში დედნისეული ნორმების დაუცველობას, ან რუსული ენის ნორმებიდან გადახვევას ეხება. შენიშვნათა ასეთი ნაწილი მისაღებია მაგრამ აქვე უნდა შევნიშნოთ, რომ ზოგჯერ ცოტაოდენი გადახვევის გარეშე არ ხერხდება ტექსტის ნიუანსის შენარჩუნება. მაგ.: «ხოლო მათ გაწირნეს მძევალნი მათნი» — თარგმნილია: «И они принесли в жертву своих заложников» (გვ. 30). გამოდის, რომ მათ მძევლები მსხვერპლად შეწირეს უნდა იყოს: «И они обрели на гибель своих заложников» (რეც. გვ. 156). მაგრამ აქ ისეთი ნიუანსია, რომ მთიელებმა თავისი 300 მძევალი სამშობლოს თავისუფლებას შეწირეს და ამიტომ ვთარგმნეთ «принесли в жертву».

როგორც სამართლიანად შენიშნავს რეცენზენტი საისტორიო წყაროს თარგმნა ტექსტის გაგებასთანაც არის დაკავშირებული, „ქართლის ცხოვრების“ დადგენილი ტექსტი კი არ გვაქვს. ალბათ საეჭვოა ყველასათვის ერთნაირად მისაღები ტექსტის დადგენა რომ მოხერხდეს, მაგრამ ნამდვილად ფრიად სასურველია საეჭვო და სადავო „ადგილების განხილვა და დაზუსტება ისტორიკოსთა, ენათმეცნიერთა და ტექსტოლოგთა ერთობლივი ძალებით“ (რეც. გვ. 163). ამ მიზანს ისახავს წყაროთა გამოცემის ის კომისია, რომლის წევრიც არის ე. ხოშტარია და მას თავისი შენიშვნები თარგმნის გამოსვლამდე რომ მოეცა, ზოგიერთი შეცდომა გასწორდებოდა, ზოგ საკითხზე შეიძლება ვერ შევთანხმებულყავით, მაგრამ, ვფიქრობ, სადავოდ აღარ გავიხდიდით, მაგ.: საისტორიო წყაროს სახელწოდების საკითხს (ზოგადი «Летопись Грузии» თუ კონკრეტული «Матиане Картლისა»), და არც იმაზე ვიღავებდით, ბაგრატ მეფე ტყვეთა სულელებს ელოდებოდა, თუ სულთას იღვა.

„ცხოვრება მიწათა“

რეცენზენტის პატივცემული ეხოშტარიას შენიშვნები¹. ჩხეიძის თხზულების რუსული თარგმანის მიმართ სამ ჯგუფად შეიძლება დავყოთ:

1. ამ ჯგუფში შედის ჩემი შეცდომები, გამოწვეული უყურადღებობით (მაგ. ახლაც არ მესმის, როგორ გადაიქცა ქართული ტექსტის ათი თვე რუსულ ცხრა თვედ), კორექტურის შედეგად («осветил» ნაცვლად «освятил») და სხვ. მათ მე უყოყმანოდ ვიღებ.

2. მეორე ჯგუფის შენიშვნები იმ რიგისაა, როცა მთარგმნელსა და რეცენზენტს განსხვავებული აზრი აქვთ და, ყოველ შემთხვევაში, მთარგმნელი არ აპირებს დათმობას. რამდენიმე მაგალითი:

მთარგმნელი:

- «многоликий в управлении»
- «располагающей печалью»
- «клянусь вашим благополучием».
- «обесчестили»
- «правил суд»
- «растаяла (пуля)»
- «устроил пир» („უყო მეჯლისი“)

რეცენზენტი:

- «многостаронний в управлении»
- «желанный в печали»
- «клянусь вами»
- «осквернили»
- «учинил расправу»
- «растопилась»
- «устроил торжественный прием»
- (? მეჯლისი სპარსთა ენაა, ქართულად ნადიმი ჰქვიან — საბა).

„ქართველნი“ ს. ჩხეიძისათვის (როგორც ყველა ძველი ისტორიკოსისათვის) ხან ქართლელნი არიან ხან ქართველნი. შესაბამისად თარგმნილია «картлийцы грузины». იგივე ხდება ტერმინის «ქართლის» მიმართაც.

რეცენზენტისათვის ალბათ ცნობილია, რომ მის მიერ განხილული თარგმანი გამოცემულია 1976 წ., ე. ი. წყაროთა კომისიის დადგენილების გამოქვეყნებამდე (1977 წ.). დაახლოებით იმავე დროს (1976 წ.) გამოქვეყნდა ვახუშტის თხზულების ერთი ნაწილის რუსული თარგმანი, რომლის შესავალში მე შევეცადე ჩამომეყალიბებინა პრინციპები, რომლითაც ვხელმძღვანელობდი თარგმნის დროს. სასურველი იყო რეცენზენტი გაცნობოდა ამ შესავალს. მაშინ მისთვის გასაგები გახდებოდა ზოგი რამ (თუნდაც господарь-ის ან осы-ს ხმარების ახსნა).

რეცენზენტი მიგვეთითებს, რომ ქართული „ქორონიკონი“ არ შეესაბამება რუსულ лето-ს ან год-ს. მე კი ვთვლი, რომ ამ ტექსტში „ქორონიკონი“ ხან ნიშნავს ქართული წელთაღრიცხვის ციკლს, ხან კი წელს. როდესაც ისტორიკოსი ამბობს „იმავე ქორონიკონსა“. აზრობრივად იგულისხმება „в том же году“. ეს საკამათო არ უნდა იყოს. „ქ-სა 1707, ქართულსა 395“ მე ვთარგმნი: лета Христова (л. X.) 1707, грузинского 395, და მიმაჩნია, რომ ზუსტად გადმოვკემ თარიღსაც და აზრსაც. მით უმეტეს, რომ შესავალში, როგორც რეცენზენტსაც აღნიშნავს, საკმაოდ გასაგებად მაქვს ახსნილი ქართული წელთაღრიცხვის სისტემა, და მისი თარგმნის პრინციპი.

მე ვთვლი, რომ ამ ტიპის თხზულების თარგმანი არა მარტო ტექსტულურად, არამედ და უფრო მეტად აზრობრივად უნდა იყოს ქართული ტექსტის ადეკვატური. მით უმეტეს, რომ ეს არის ისტორიული და არა ფილოლოგიური წყარო, განკუთვნილია ისტორიკოსისათვის და არა ფილოლოგოსისათვის. ამ აზრის საილუსტრაციოდ მოვიტან კიდევ ერთ მაგალითს. რეცენზენტის წერს:

„დედნის ტექსტადან არსებითი ხასიათის დაშორების მაგალითად მოვიტანთ შემდეგ ადგილებს: „მეფემ არჩილ აღარ ინება კახეთის ბატონობა, აღარც რჯული მათი, გაუშვა კახეთი“ — თარგმნილია: «Царь Арчил не пожелал быть господарем Кахети, ни порядки их, оставил Кахети» (გვ. 9)». რეცენზენტი განმარტავს, რომ «вера» არის რჯული, სარწმუნოება და არა порядки და მიუთითებს სხვა ადგილს, სადაც მე სწორად მაქვს თარგმნილი ეს სიტყვა. მაგრამ რა აზრია ტექსტში არჩილი და კახელები სხვადასხვა რჯულისანი არიან? რუსი მკითხველი ხომ ზუსტად ასე გაიგებს ამ ადგილს? ... ამიტომ აქ ბრმა თარგმანი დაუშვებელია.

„არსებითი ხასიათის დაშორებად“ თვლას რეცენზენტი ასეთ ადგილსაც: „ესმინა ხვანთქარს მოხსენება ყაენისა და მიცემა მეფის გიორვისა“ თარგმნილია — «Султан выполнил просьбу шаха и велел выдать царя Гиорги». ამის ნაცვლად უნდა იყოს: «Султан внял просьбе шаха о выдаче царя Гиорги»... და სხვ. და სხვ.

რეცენზენტის შენიშვნათა უმრავლესობა ამ ხასიათისაა.

3. მესამე კატეგორიის შენიშვნები განსაკუთრებულ ახსნას მოითხოვს. როცა მთარგმნელი ამ მეტად ძნელ საქმეს კიდებდა ხელს, მას ისიც სურდა, რომ ისტორიულ წყაროს გარკვეულად შეენარჩუნებინა ეპოქის სული. უდავოა, რომ ჩხვიძის თხზულება განკუთვნილია პირველ რიგში რუსულენოვანი სპეციალისტისათვის, რომელიც ჩახედულია შესაბამისი პერიოდის წყაროებში და მათი ენა მისთვის ჩვეული და გასაგებია. მისთვის ნათელია, რომ власти ნიშნავს მაღალ სამღვდელთა; რომ ნორმალური ფორმებია пошел на него войною, жалованье премногое, придал ему войско, милость безчисленная; რომ ქართული „წყალობა“ ტექსტის მიხედვით არის ხან жалованье, ხან милость, ხან честь; რომ жалованье ნიშნავს ხან ჯამაგურს, ხან ულუფას, ხან წყალობის სიტყვას, ხან შეწყალებას; რომ корм-ს საზრდელის, ულუფას, სარჩოს, ჯამაგირის მნიშვნელობა აქვს იმ პერიოდის ოფიციალურ საბუთებში (იხ. რომელიც გენბავთ ელჩობის მასალები, ან ქართველი მოღვაწეების რუსეთში წასვლისა თუ დაბინავების ამსახველი საბუთები); და ა. შ. ასე, რომ დალის ლექსიკონსა და XVII-XVIII სს. რუსული ისტორიოგრაფიისა და ოფიციალური ენის ურთიერთდაშორებას თავისი ახსნა აქვს და ამ პერიოდს ისტორიკოსისათვის ასეთი პირობლემა არ შეიძლება ადგეს.

პატივცემული რეცენზენტი საესებით სამართლიანად წერს: „სასურველია თარგმანების განხილვა სპეციალისტთა შექმნილი დავაგარად ფართო წრეში ხელნაწერშივე, მის გამოცემამდე“. ასეთი აზრი მე რეცენზიის მიმართაც გამიჩნდა. ასეთ შემთხვევაში რეცენზიაც და, შესაბამისად, საქმეც მოიგებდა. მით უმეტეს, რომ მე აბსოლუტურად დარწმუნებული ვარ რეცენზენტის კეთილგანწყობაში და მაღლობის მეტი არაფერი მეტქმის.

ბივი ჯამბურია

ბატონყმობის საკითხისათვის

ბატონყმობა სპეციალისტების მიერ ფეოდალიზმის ერთ ეტაპადაა მიჩნეული, იმ ეტაპად, როცა ყველაზე სრულადაა განხორციელებული ფეოდალის არასრული საკუთრება მწარმოებელზე.

(ბატონყმობის ძირითადი დამახასიათებელი ნიშნებია: 1. გლეხის მიწაზე მიმაგრება; 2. ფეოდალის უფლება გლეხის მიწიანად, ზოგან უმიწოდ, გაყიდვისა; 3. გლეხის მოქალაქეობრივი უფლებების უკიდურესად შეზღუდვა (ბეითალმანის უფლება, ფიზიკური დასჯა, უძრავი ქონების გასხვისების უფლების უქონლობა, ზოგან პირველი ღამის უფლება და სხვ.). ეს მომენტები სხვადასხვა ქვეყანაში და სხვადასხვა დროს სხვადასხვა ძალით ელინდებოდა.)

შუა საუკუნეების იურისტების აზრით, „ყმა-გლეხად ითვლებოდა ადამიანი, რომელიც ერთსა და იმავე სენიორზე იყო დამოკიდებული სამი მომენტით. ეს იყო პირადი, საადგილმამულო და სასამართლო დაქვემდებარება“². აკად. ს. სკაზკინის აზრით, ადრეულ შუა საუკუნეებში შეიძლება ეს სამი მომენტი ყოველთვის ერთად არ იყოს, მაგრამ ბატონყმობის გვიანდელ ფორმებში, მაგალითად, „ბატონყმობის მეორე გამოცემისას“, იგი, თითქმის ყველგან, საყოველთაო მოვლენა იყო³.

კ. მარქსის აზრით, ფეოდალური ურთიერთობის დროს მწარმოებელი, რომელსაც ფეოდალის მიწა უჭირავს და ამისათვის გარკვეულ გადასახადს იხდის, ამა თუ იმ ხარისხით მაინც პირადად არათავისუფალ ადამიანად ითვლება⁴. ბატონყმობა კი ამ პირადი არათავისუფლების უფრო სრული გამოხატულებაა. კ. მარქსისა და ვ. ლენინის განსაზღვრით, ბატონყმობა წარმოიშვა შრომითი ბეგარისაგან. საბატონო მეურნეობის არსებობამ აუცილებელი გახდა გლეხის მიწაზე მიმაგრება, რათა მას დაემუშავებინა ბატონის მიწა⁵. სადაც არ განვითარდა საბატონო მეურნეობა და არ იყო შრომითი ბეგარა, არც ბატონყმობა წარმოშობილა. ბატონყმობის გავრცელებას ადრე და განვითარებული ფეოდალიზმის ხანაში განსაზღვრავდა სასოფლო-სამეურნეო ტექნიკის ჩამორჩენილობა და მეურნეობის ნატურალური ხასიათი⁶.

ადრეფეოდალური ხანის დასაველეთ ევროპაში ბატონყმობის ორი მთავარი

* წაკითხულია მოხსენებად ივ. ჯავახიშვილის სახ. ისტორიის, არქეოლოგიის და ეთნოგრაფიის ინსტიტუტის შუა საუკუნეების ისტორიის განყოფილების სხდომაზე (ბეჭდება შემოკლებით).

¹ СИЭ, ტ. 8, გვ. 68.

² С. Д. С к а з к и н, Очерки по истории западноевропейского крестьянства в средние века, М., 1968, გვ. 105.

³ იქვე.

⁴ კ. მარქსი, კაპიტალი, ტ. 3, ნაწ. 2, თბ., 1958, გვ. 410—411.

⁵ კ. მარქსი, კაპიტალი, ტ. I, 1954, გვ. 300—301; ვ. ი. ლენინი, კაპიტალიზმის განვითარება რუსეთში, თხზულებანი, ტ. III, გამოც. IV, გვ. 204—208.

⁶ ვ. ი. ლენინი, დასახ. ნაშრომი; СИЭ, ტ. 8, გვ. 68.

წყარო იყო: 1. სრული საკუთრების შეზღუდვა მონაზე, რომელიც მიწაზე იქნა დასმული და 2. თავისუფალი მეთემის არათავისუფალი მიწისმპყროლად გადაქცევა. ეს პროცესი მიმდინარეობდა მსხვილ ფეოდალურ მეურნეობაში ანუ სენიორიაში („ვოტიჩინა“, „მანორი“), სადაც გაბატონებული იყო შრომითი რენტა.

დასავლეთ ევროპაში ბატონყმობა ყველაზე ადრე ესპანეთში გავრცელდა. იქ ეს პროცესი მიმდინარეობდა VI—VIII სს. VIII ს-თვის უკვე ყმა-გლეხთა კატეგორიის შეადგენდა წარმოშობით და მდგომარეობით სხვადასხვა კატეგორიის მწარმოებლები (სერვები, ლიბერტინები, კოლონები). მათ ყიდდნენ მიწიანად და უმიწოდ, შეიძლებოდა გასაჩუქრება, მზითვეში გაცემა და სხვ. ანალოგიური პროცესი საფრანგეთში მიმდინარეობდა VIII—X სს. X—XI სს. მიჯნაზე გლეხობის დიდი ნაწილი—სერვები—მიწაზეა მიმაგრებული. ინგლისში ბატონყმობა დამკვიდრდა X—XI სს. გერმანიაში აღნიშნული პროცესი მიმდინარეობდა VIII—XI სს. და სხვ⁷.

განვითარებული ფეოდალიზმის ხანაში, ერთი მხრივ, ღრმავდება ბატონყმური ურთიერთობანი, მეორე მხრივ კი, ქალაქებისა და სასაქონლო მეურნეობის განვითარებასთან დაკავშირებით, იწყება ბატონყმობის შესუსტება და ზოგან კი გლეხობის განთავისუფლებაც (გამოსყიდვს გზით). XIII ს-დან საფრანგეთში, ინგლისში, აგრეთვე ესპანეთში, იტალიაში და სხვ. მიმდინარეობს გლეხობის პირადი დამოკიდებულებისაგან განთავისუფლება. XV ს-ში დას. ევროპის ძირითად ქვეყნებში ბატონყმობა ფაქტურად აღარ არსებობს (თუმცა ცალკეულ შემთხვევებში, მაგალითად საფრანგეთში, კვლავ არის ცდები გლეხობის ხელახლა, ან ახალი ფენების დაყმევებისა. იქ ბატონყმობა, შეზღუდული მასშტაბით, თვით დიდ ბურჟუაზიულ რევოლუციამდე გაგრძელდა).

იმ პერიოდისათვის, როცა დასავლეთ ევროპაში ძირითადად დასრულდა გლეხობის პირადი განთავისუფლება, ცენტრალურ და აღმოსავლეთ ევროპაში ახალი ძალით იფეთქა ბატონყმურმა ურთიერთობამ. ამ მოვლენას ფრ. ენგელს-მა „ბატონყმობის მეორე გამოცემა“ უწოდა ბატონყმობის „პირველი გამოცემისაგან“ განსასხვავებლად, რომელსაც ადვილი ჰქონდა დასავლეთ ევროპაში „ადრე და ნაწილობრივ განვითარებული ფეოდალიზმის პერიოდში“⁸. დას. ევროპაში სასაქონლო მეურნეობის განვითარებამ, ქალაქების ზრდამ, კაპიტალიზმის ჩასახვამ და განვითარებამ წარმოშვა მოთხოვნილება სოფლის მეურნეობის პროდუქტებზე. განსაკუთრებით მარცვლეულზე. ამ ვითარებამ ხელი შეუწყო აღმ. ევროპაში დიდ საბატონო მეურნეობათა განვითარებას, სადაც მზადდებოდა სასაქონლო პური დას. ევროპაში გასატანად. იმავე ვითარებამ ხელი შეუწყო შრომითი ბევრის გავრცელებასა და გლეხობის მიწაზე მიმაგრებას. ასეთი მდგომარეობა შეიქმნა აღმ. გერმანიაში, პოლონეთში, უნგრეთში, ჩეხიაში და სხვ. (ზოგიერთი მეცნიერის აზრით რუსეთშიც). ევროპის ზოგ ქვეყანაში (ნორვეგია, შვეიცია) ბატონყმობა საერთოდ არ განვითარებულა.

საქართველოში ბატონყმობა, როგორც ფეოდალისა და გლეხის (არათავისუფალი, მიწაზე მიმაგრებული მწარმოებელი) დამოკიდებულების აღნიშნული ცნება XIX ს-ის ისტორიკოსთა შრომებში შემუშავდა. მანამდე კი, წყაროებში ფეოდალიზმის სინონიმად იხმარებოდა და მოიცავდა ფეოდალური საზოგადოების ყველა წოდებისა და ფენის ურთიერთობას მეფიდან გლეხამდე.

⁷ С. М. К а ш т а н о в, Крепостное право, СИЭ, т. 8, стр. 69—70.

⁸ С. Д. С к а з к и н, Второе издание крепостничества, СИЭ, т. 3, стр. 882.

ტერმინები „პატრონყმობა“ და „ბატონყმობა“ იდენტური ცნებებია⁹.

ქართულ ისტორიოგრაფიაში ბატონყმობის გამარჯვების შესახებ სხვადასხვა აზრი არსებობს. უფრო გავრცელებულია ნ. ბერძენიშვილის მოსაზრება, რომლის მიხედვით ბატონყმობამ საქართველოში XI—XII სს-ში გაიმარჯვა. სხვა მოსაზრებებით, ეს ფაქტი XIII—XIV, XIV—XV, ან კიდევ X—XI და IX—X სს. მოხდა.

ბატონყმობა ორი სიტყვისაგან შედგება: ბატონი (პატრონი) და ყმა. „პატრონი“ წყაროებში IX ს-დან გვხვდება¹⁰ და ნიშნავს უფალს, ბატონს, სენიორს. მანამდე კი და ზოგჯერ შემდეგაც იმავე მნიშვნელობით იხმარებოდა ტერმინი „უფალი“. სს. ორბელიანისა და ნ. ჩუბინაშვილის განმარტებით, უფალი, პატრონი და ბატონი სინონიმებია (იხ მათი ლექსიკონები). ივ. ჯავახიშვილის აზრით, „პატრონი რომლისაგანაც შემდეგში თანდათანობით ქართული სამწერლო ენის „ბატონი“ და მეგრული „პატონი“, „პატენი“... წარმოიშვა“. რომაული „პატრონუს“ იდან უნდა იყოს წარმოშობილი. მაგრამ შინაარსით კი არ ემთხვევა ერთმანეთს¹¹. ქართული წყაროები პატრონსა და ბატონს არ ასხვავებენ ერთმანეთისაგან. მხოლოდ, ადრე პატრონი იხმარებოდა, რომელიც შემდეგ სასაუბრო ენაში „ბატონად“ გადაკეთდა (გვაქვს შუალედური ფორმაც — „პატრონი“), სასაუბრო ენიდან კი კვლავ შევიდა ლიტერატურაში. ტერმინი ბატონი გვხვდება XV ს-დან, გახშირდა XVII ს-ში და გაბატონდა XVIII ს-ში, მაგრამ XVIII და თვით XIX ს. პირველ ნახევარშიც ბატონის პარალელურად პატრონიც იხმარებოდა იმავე მნიშვნელობით. პატრონად იწოდებოდა მეფე და ფეოდალები.

ტერმინი „ყმა“ („ყრმა“) უფრო ძველია, ვიდრე პატრონი. თავდაპირველად ყრმა ბავშვისა და ახალგაზრდის მნიშვნელობით იხმარებოდა, მაგრამ ადრინდევ მიუღია მას მეორე, სოციალური მნიშვნელობა.

სახარების ტექსტებში ყრმას შემდეგი მნიშვნელობანი აქვს: 1) ბავშვი, ჩჩვილი, 2) ახალგაზრდა, 3) ვაჟი, 4) სოციალური (მონა, მოსამსახურე [მსახური])¹². შუშანიკის წამებაშიც ორივე მნიშვნელობით არის ნახმარი „ყრმა“¹³. რამდენიმე მნიშვნელობით იხმარება ყმა ვეფხის ტყაოსანშიც: 1) ახალგაზრდა, 2) ვაჟი, 3) მოყმე (რაინდი), 4) სოციალური (მოყმე ავთანდილი არის დიდებული, ჰყავს თავისი ყმები, ამავე დროს არის როსტევეან მეფის ყმა)¹⁴. სახარებაში თუ ყმა უმეტეს შემთხვევაში ბავშვისა და ახალგაზრდის მნიშვნელობით იხმარებოდა. ვეფხისტყაოსანში მისი უმთავრესი მნიშვნელობა სოციალურია,

⁹ ზ. რ ა ბ ი ა ნ ი, პატრონყმობისა და ბატონყმობის რაობის გარკვევისათვის, ისტორიის ინსტიტუტის ასპირანტთა და ახალგაზრდა მეცნიერ მუშაკთა სამეცნიერო კონფერენციის თეზისები, 1971.

¹⁰ დაწვრილი ფანელისა, ქართული სამართლის ძეგლები, II, ი. დოლიძის რედ., 1965, გვ. 3—4; სამართალი ბაგრატ კურაპალატისა, ქართული სამართლის ძეგლები, I, გვ. 466—469; გ. მ. გ. რ. უ. ლ. ე. ცხოვრება გრიგოლ ხანძთელისა, პ. ინგოროყვას რედ., გვ. 118; მატანე ქართლისა, ქცხ., I, ს. ყაუხჩიშვილის რედ., გვ. 258 და სხვ.

¹¹ ივ. ჯ ა ვ ა ხ ი შ ვ ი ლ ი, ქართული სამართლის ისტორია, წ. II, ნაწ. I, თბ., 1928, გვ. 102, 105.

¹² ი. ი მ ნ ა ი შ ვ ი ლ ი, ქართული ოთხთავის სიმფონია-ლექსიკონი, 1948—1949, გვ. 652.

¹³ ძველი ქართული აგიოგრაფიული ლიტერატურის ძეგლები, წ. I, თბ., 1964, გვ. 18, 21.

¹⁴ ვეფხისტყაოსნის სიმფონია, ა. შ ა ნ ი ძ ი ს რედ., 1956, გვ. 336—337; შ. რუსთაველი, ვეფხისტყაოსანი, 1951 წ. გამოც., გვ. 202, სტრ. 992.

სხვაზე დაქვემდებარებულ პიროვნებას აღნიშნავს. გვიან შუა საუკუნეებშიც არ დაუკარგავს სიტყვა „ყმას“ თავისი ორი მნიშვნელობა. მაშინ ყმა ახალგაზრდასაც ნიშნავდა და დაქვემდებარებულ ადამიანსაც.

ქართულ ისტორიოგრაფიაში გაბატონებული შეხედულების მიხედვით, საქართველოში არსებობდა თავისუფალ მწარმოებელთა ფენა, რომლის მოვალეობა პატრონის წინაშე იყო მოლაშქრეობა და რომელსაც მდაბიორ-მოლაშქრეთა ანუ ყმა მოლაშქრეთა ფენას უწოდებენ.

ჩვენი აზრით, ყმათა ცალკე სოციალური ფენი არ არსებობდა. ყმა ყოველ ცალკეულ შემთხვევაში საზოგადოების რომელიმე ფენს ან წოდებას აღნიშნავდა. მათეს სახარების შატბერდული რედაქციის ყრმას XI ს-ის რედაქციაში მონა (რუსულის *члуга*) ენაცვლება (მათე, 8,9). სერაპიონ ზარზმელის ცხოვრებაშიც ყმა მონას ენაცვლება: გ. ჩორჩანელმა უბრძანა „ერთსა ვისმე მონათა აგანსა: წარვედ მსწრაფლ... ცან ძალი საქმისაჲ ამის და მაუწყე ჩუენ... ხოლო წარვიდა მყის ყრმა ა იგი“¹⁵. აქ მოხსენიებული მონა, რომელსაც ყრმა ენაცვლება, ცხადია, არაა ანტიკური ხანის მონა. იგი ფეოდალური ურთიერთობისათვის კარგად ცნობილი მსახურია, რომელიც ფეოდალს „ბეგარას“ პირადი სამსახურით უხდის.

ბაგრატ კურაპალატის სამართლის წიგნში (IX ს., სხვა შეხედულებით XI ს.) „ყმა“ ორჯერ იხსენიება და ორსავე შემთხვევაში ფეოდალს გულისხმობს: „148 (თუ უსამართლოდ პატრონმან ყმაჲ გაძარცოს, თორმეტი გლეხი დაუურვოს. 149) თუ უსამართლოდ პატრონსა ყმაჲ წაუვიდეს, თორმეტი გლეხი შეეკაზმოს“¹⁶. ვფიქრობთ, ისეთი ყმა, რომელსაც შეიძლება ჯარიმად 12 გლეხი გადაახდევინონ, ან 12 გლეხი გადაუხადონ, შეიძლება მხოლოდ დიდებული ან აზნაური იყოს.

პეტრიწონის მონასტრის ტიპიკონში (XI ს.) რამდენჯერმეა მოხსენიებული „ყმი“ („ყრმა“). ამ ტერმინის ქვეშ იქაც სხვადასხვა შემთხვევაში საზოგადოების სხვადასხვა წოდება თუ ფენი იგულისხმება¹⁷.

XIII ს-ის საჩივრის წიგნში მომჩივნის მსლებლები ერთ შემთხვევაში ყმებად, მეორე შემთხვევაში კი მსახურებად არიან დასახელებული¹⁸. იმავე წიგნში მოხსენიებული ატენელი ყმები („ატენითაცა ყმები წამოგუისხა“) და მომჩივნის, რომელიც თავად დიდებულია, „აზნაურისა ყმები“, ჩვენი აზრით, გლეხები არიან¹⁹. გლეხებად მიგვაჩინა ჩვენ ის „აზნაურის ყმანი [რომელნიც] მათთა პატრონთა სწორად იმოსებოდეს“ თამარის ეპოქაში²⁰. აქ შესაძლებლად აღებულია აზნაურის ყმა, რომელიც ფეოდალური საზოგადოების ყველაზე დაბალ საფეხურზე დგას, მის ქვევით არავინ არაა, ყველაზე ღარიბია და ამიტომაც საკვირველი მათი კარგად შემოსევა. ასეთი, ცხადია, იმ დროს მხოლოდ გლეხი შეიძლება ყოფილიყო. 1344 წ. ერთ დოკუმენტში დასახელებულია „ნემღვიმის ყმანი: მზარეული იაი, გორისძე დიაკონი ბექენი, გორიგენელი აბაში, წეროგენელი ცეცხლისძე იაი“²¹ — ყველანი გლეხები.

¹⁵ ძველი ქართული აგიოგრაფიული ლიტერატურის ძეგლები, I, თბ., 1964, გვ. 325, 327.

¹⁶ ქართული სამართლის ძეგლები I, ი. დოლიძის რედ., თბ., 1963, გვ. 67.

¹⁷ ა. შ ა ნ ი ძ ე, ქართველთა მონასტერბი ბულგარეთში, 1971, გვ. 70—71, 109 და სხვ.

¹⁸ ს. კ ა კ ა ბ ა ძ ე, XIII საუკუნის საჩივრის წიგნი, საისტორიო კრებული, წ. III, თბ., 1928, გვ. 99.

¹⁹ იქვე, გვ. 98.

²⁰ ქართლის ცხოვრება, I, გვ. 369.

²¹ ისტორიული საბუთები შიო მღვიმის მონასტრისა, თ. კორდანიას გამოცემა, გვ. 71—72.

ყმა რომ ფეოდალური საზოგადოების ცალკე ფენი ყოფილიყო, სამართლის ძეგლებში მისი სისხლის ფასიც იქნებოდა განსაზღვრული დიდებულის, აზნაურის, მსახურის, გლეხის, პეროვნის, სამღვდელის, ვაჭრის და სხვათა გვერდით

წარმოდგენილი მასალიდან, ვფიქრობთ, ნათელი უნდა იყოს, რომ ყმა ვასალის აღმნიშვნელია და ყველა დაქვემდებარებული ფენის თუ წოდების წარმომადგენლის აღსანიშნავად იხმარებოდა ქართულ ნარატიულ თუ დოკუმენტურ წყაროებში. როგორც „პატრონი“ არ აღნიშნავს საზოგადოების ერთ ფენს, ისევე „ყმა“ არ აღნიშნავს საზოგადოების ერთ კონკრეტულ ფენს. მაგალითად, მეფის ყმა არის მთავარი (ანუ დიდებული აზნაური), დიდებულის ყმა არის აზნაური და ყველა ამათი კი — გლეხი (მსახურითურთ). მხოლოდ გლეხი არ არის პატრონი, რადგან არ ჰყავს ყმა და მხოლოდ მეფე არ არის ყმა, რადგან არ ჰყავს პატრონი. თუ ყმა ფეოდალია (დიდებული, აზნაური) იგი თავის პატრონთან ვასალურადაა დამოკიდებული; თუ ყმა მწარმოებელია, მაშინ იგი გლეხურადაა დამოკიდებული. სამღვდლო და ვაჭარი ზოგი ფეოდალთა წოდებას ეკუთვნოდა, ზოგი—გლეხურს, ამიტომ მათი პატრონზე დამოკიდებულებაც სხვადასხვაგვარი იყო. ამდენად, ყმათა ცალკე ფენი — თავისუფალი მოლაშქრეებისა არ არსებობდა.

ს. ჯანაშიას, გ. მელიქიშვილის და სხვათა გამოკვლევებიდან ჩანს, რომ საქართველოში ჩვენი წელთაღრიცხვის პირველ საუკუნეებში ფეოდალური ურთიერთობანი უკვე წყობის სახითაა ჩამოყალიბებული და აღრემონათმფლობელურ ურთიერთობებთან შედარებით ზრდის ცხოველუნარიანობით გამოირჩევა. ძველი ქართული ეროვნული ტრადიციის მიხედვით, სეფეწულთა, ქურუმთა და სხვ. განსხვავებით, ახალი, სამხედრო არისტოკრატიის სახელი აზნაური უნდა ყოფილიყო. აზნაურებად მიაჩნია ივ. ჯავახიშვილს II ს. I ნახევარში რომში ჩასული ქართველი მეფის, ფარსმანის მსლებელნი, რომელთაც დიონ კასიოსი „პროტოის“ სახელით მოიხსენიებს (მარკოზის სახარების ქართულ თარგმანში ბერძნული „პროტოი“ თარგმნილია აზნაურად)²².

თუ აღრე აზნაურობა გაბატონებული საზოგადოების მხოლოდ ერთი ნაწილი უნდა ყოფილიყო, V საუკუნეში (შესაძლოა ქრისტიანობის მიღების დროიდანაც), V ს-ის ორიგინალური ძეგლის „შუშანიკის წამების“ მიხედვით, მთელი გაბატონებული კლასის სახელი არის აზნაური. აზნაურობა უკვე კაცყოფილია ორ ფენად 1) დიდ-დიდნი აზნაურნი (ანუ მთავარნი — მსხვ. ფეოდალები) და 2) აზნაურნი (წვრილი ფეოდალები)²³. V ს-ის სომეხი ისტორიკოსი ფავსტოს ბუზანდი IV ს-ის ქართლის გაბატონებულ საზოგადოებაში, გარდა ფარნავაზიანებისა, ასახელებს ნახარარებს (მთავრებს) და აზატებს (აზნაურებს)²⁴.

ანალოგიური სურათია სომხეთშიც, სადაც წყაროთა შედარებით სიმრავლის პირობებში უფრო ნათლადაა ეს საკითხი გარკვეული. IV ს-ის სომხეთში მთელ ფეოდალთა კლასს ეწოდება აზატი, რომლის ზედა ფენაა ნახარარენი

²² ივ. ჯ ა ვ ა ხ ი შ ვ ი ლ ი, ქართული სამართლის ისტორია, წ. I, თბ., 1938, გვ. 195. ქართველოს ისტორიის ნარკვევები, II, თბ., 1973, გვ. 139 (ა. ბოგვერაძის ტექსტი).

²³ ძველი ქართული ავთოგრაფული ლიტერატურის ძეგლები, I, 1964, გვ. 27.

²⁴ История Армении Фавстоса Бузанда, Ереван, გვ. 162—163.

(მსხვილი ფეოდალები) და ქვედა ფენა — აზატები (წვრილი ფეოდალები, რომლებიც მეფისა და ნახარაგების ვასალებად ითვლებიან)²⁵.

IV ს-ის დასასრულისათვის სახელმწიფო საკუთრებისა (ტერიტორიები, რომლებსაც ერისთავები მართავენ და რომელშიც შედის სასოფლო-თემური და წვრილი კერძო საკუთრებაც) და სასეფოს (მეფის დომენის) გვერდით უკვე გვხვდება საეკლესიო და დიდი თუ მცირე აზნაურთა მიწათმფლობელობა წყაროების უქონლობა არ იძლევა საშუალებას თვალი გავადევნოთ პროცესს. შედარებით ნათელი და რეალური ვითარების ამსახველი ცნობები IV ს-ის შესახებ მოგვეპოვება. მირიან მეფეს ნინოს საფლავსა ზედა აღუშენებია „ეკლესია ფრიად დიდი“ ბოდს და შეუშკვია „იგი ყოვლითა სამკაულითა“ და შეუწირავს „მრავალნი სოფელნი და აგარაკნი“²⁶. IV ს-ის დასასრულს „აღაშენეს აზნაურთა წინიდაჲ იგი ეკლესიაჲ მცხეთას და დაამოთაულეს დიდსა მას ეკლესიასა სოფლებითა და ქარდაგებითა ქართლსა შინა“²⁷. მოქცევაი ქართლისაი ამ ცნობას დიდ მნიშვნელობას ანიჭებს ს. ჯანაშია. მართლაც, ჯერ ერთი, აქ ჩანს გზა, როგორ იქმნებოდა საეკლესიო მიწათმფლობელობა (ერთი გზა, არის სხვაც), და მეორეც, აზნაურობა არის მფლობელი და განმკარგულებელი სოფლებისა და აგარაკებისა, რომელთა ნაწილს ეკლესიას უწყალობებს²⁸. აქედან მოკიდებული ხშირდება ცნობები „სოფლებისა და აგარაკების“, დაბების, ცალკე აგარაკების შეწირვის, სყიდვის, წყალობის, გაანდერძების, გამოწირვის, ხელახლა შეწირვის და სხვ. შესახებ. ფეოდალებისა და ეკლესიების მფლობელობაში მყოფი სოფლები და აგარაკები ზოგი მამულობითა, ზოგი დროებით მფლობელობაში და ზოგი კიდევ ნასყიდი.

კიდევ უფრო მკაფიო სურათი (მსხვილი მიწათმფლობელობისა გვაქვს V ს-ის ცნობებში. ამ მხრივ განსაკუთრებით საინტერესოა იაკობ ხუცესის თხზულება, რომელშიც საინტერესო ცნობებია ადრეფეოდალური ხანის მსხვილი სენიორიის — „პიტიახშის სახლის“ შესახებ.) იე. ჯავახიშვილის განმარტებით, პიტიახშის სახლი, ან კიდევ „მეფის სახლი“ (სომხური ცნობა VI ს-სა) არის ის მიწა-წყალი, რომელიც პიტიახშის ან მეფის სამფლობელოს (სეფეს) შეადგენდა. ს. ჯანაშია ეთანხმება იე. ჯავახიშვილის მიერ „სახლის“ განმარტებას და უმატებს: „მხოლოდ ჩვენი აზრით, ეს „სამფლობელო“ ფეოდალური ხასიათისაა. სახლი აქ სენიორიას აღნიშნავს, ადრინდელ ფეოდალურ მნიშვნელობით“²⁹.

ვარსკენ პიტიახში წოდებრივად აზნაურობას ეკუთვნის, მხოლოდ მის ზედფენას — მთავრებს. იგი არის პიტიახშის სახლის „უფალი“ — სენიორი, ჰყავს „საკუთარნი“ (ანუ ვასალები) აზნაურების სახით. უფლის მეუღლე დედოფალია, ჰყავს სახლის ეპისკოპოსი, ტაძრის (სასახლის) მღვდელი. უფლის ტაძარში ტრიალებს მრავალი მსახური, მონა, მონა-მხევალი და სხვ. ვარსკენის მსლებლები არიან აზნაურები და მსახურები. დიდია ვარსკენის უფლება მისი ოჯახის წევრებზე, ცოლზე, ძმაზე, მსახურებზე და სხვ. ვარსკენის სამფლობელოში მრავალი დაბა-სოფელია, აგრეთვე აგარაკი. დაბა-სოფლების მცხოვ-

²⁵ История армянского народа, т. I, Ереван, 1951, გვ. 63—65 (ს. ერეშიანის ტექსტი); იხ. ლ. ჯანაშია, ლაზარ ფარპეცის ცნობები საქართველოს შესახებ, გვ. 84—85.

²⁶ ძველი ქართული აგიოგრაფიული ლიტერატურის ძეგლები, I, გვ. 161—162.

²⁷ იქვე, გვ. 92.

²⁸ ს. ჯანაშია, შრომები, I, 1949, გვ. 286.

²⁹ იქვე, გვ. 20, სქ. 3.

რებნი ვარსკენს ემორჩილებიან და, ალბათ, გადასახადს უხდიან.) წინააღმდეგ შემთხვევაში ვინ შეინახავდა ვარსკენის დიდ ოჯახს, მისი ტაძრის მრავალ მოსამსახურესა და მხევალს, ვინ უზრუნველყოფდა მის ლაშქრობას ჩორს თუ სხვა ადგილებში და სხვ. და სხვ.

ვინ არის პიტიახშის სენიორიის მცხოვრებნი სოციალურად? უბირველეს ყოვლისა ისინი „უაზნონი“ არიან. ვინ იგულისხმება უაზნონში? ის ვინც აზნაური არ არის — მსახური, მონა, მხევალი, მიწისმოქმედი. მიწისმოქმედთა ერთი ნაწილი უთუოდ გლეხია, ე. ი. თავისუფალი არაა. სულ თავისუფალი არც სხვები უნდა იყვნენ. ვარსკენის სენიორიაში მოხვედრილი მიწისმოქმედი უკვე ნახევრად არათავისუფალია, რადგან გადასახადი უნდა გადაიხადოს, სამხედრო და აღმინისტრაციულ — სასამართლოს ხაზით კი მის მოხელეებს უნდა დაემორჩილოს. ასეთი ადამიანისათვის ორი-სამი თაობა სრულიად საკმარისია, რომ იგი ყმა-გლეხად გადაიქცეს. სასოფლო თემიც კი, თუ ის ფეოდალის სამფლობელოში აღმოჩნდა, გადაიქცევა დაქვემდებარებულ თემად და ბატონყმურ თემადაც კი³⁰.

ფრიალ დამახასიათებელია ფეოდალური ეტიკეტის დაცვა ვარსკენ პიტიახშის მიერ. როცა ირანიდან მომავალი იგი თავის სამფლობელოს საზღვარს მოადგა სპეციალური შიკრიკი დააწინაურა და ამცნო თავის „სახლს“ თავისი ჩამოსვლა და მოითხოვა „რაათა წინა მიეგებნენ მას აზნაურნი და მისნი ძენი და მსახურნი მისნი, რაათა მათ ვამო, ვითარცა ერთგული, სოფლად შევიდეს“³¹. „ერთგულება“ სენიორ-ვასალის ურთიერთობის ერთ-ერთი კომპონენტი და მის სამუქტოდ წყალობის საფუძველია.

დაახლოებით ასეთივე სენიორები უნდა ყოფილიყვნენ და ასეთივე სამფლობელოები უნდა ჰქონოდათ ვესტათე მცხეთელის ცხოვრებაში მოხსენიებულ მთავრებს: სამოელ კათალიკოსს („მცხეთის სახლი“), გრიგოლ მამასახლისს, არშუშა პიტიახშს და სხვა მთავრებს, რომელთა მსგავსნი მრავალ იყვნენ V—VI სს-ის ქართლში. სენიორებად მიაჩნია ს. ჯანაშიას საეპისკოპოსოს ცენტრ-ეკლესია მათდამი შეწირული სოფლებითა და აგარაკებით, რომელთა რიცხვმა VI ს-ის დასასრულს 30-მდე მიაღწია.

როგორც აღვნიშნავდით, ფეოდალის სამფლობელო შედგებოდა სოფელ-დაბებისა და აგარაკებისაგან. სოფელი და დაბა თავიანთი ტყე-საძოვრებით არის სამფლობელოს ის ნაწილი, რომელიც უფალის მიერ მწარმოებელზეა გადაცემული საბეგროდ (მიუხედავად იმისა, ეს მიწები მართლა თავად გადასცა უფალმა მწარმოებლებს, თუ მწარმოებლები თავიანთი სათემო მიწებით მოხდნენ სენიორიაში). აგარაკები კი, რომლებიც კერძო მფლობელობაში მყოფი დაუსახლებელი, საყანე ადგილებია³², სენიორიის პირობებში, საბატონო მეურნეობას უნდა წარმოადგენდეს, რომელთაც იმავე სენიორიის სოფლის მცხოვრებნი ამუშავებენ შრომითი ბეგრის საფუძველზე. შრომითი ბეგარა კი, როგორც კ. მარქსი და ე. ი. ლენინი აღნიშნავენ, წარმოშობს ბატონყმობას. უფალი, რომელსაც საბატონო მეურნეობა აქვს, იძულებულია იზრუნოს მუშახელით მისი უზრუნველყოფისათვის და დაამაროს მწარმოებელი მიწაზე.

დიდი წარმატება მოიპოვა ფეოდალთა კლასის ზედაფენამ VI ს-ში მეფობის გაუქმებასთან დაკავშირებით, როცა ჯერ სპარსეთის მთავრობის წარმომა-

³⁰ С. Д. С к а з к и н. Избранные труды по истории, М., 1973, გვ. 78.

³¹ ძველი ქართული აგიოგრაფიული ლიტერატურის ძეგლები, I, გვ. 12.

³² საქართველოს ისტორიის ნარკვევები, I, 1970, გვ. 594—595 (გ. მელიქიშვილის ტექსტი).

დგენელმა „დაუწერა საერისთავოთა მათთა მამულთა შვილითიშვილამდე“, შემდეგ კი ამის დადასტურება ბერძენთა მეფისგანაც მიიღეს³³. ქართლის ერისმთავრის ხელისუფლების დაწესებაც ფეოდალური არისტოკრატიის წარმატებადაა მიჩნეული მკვლევართა მიერ, რადგან ახალმა ხელისუფალმა „ერისთავნი ქართლისანი ვერ სცვლან საერისთავოსაგან მათთა“³⁴. აღნიშნულმა ვითარებამ, ცხადია, ხელი შეუწყო სენიორალური სისტემის განვითარებას, შეუვალობის მოპოვებას თუ მითვისებას. გამრავლებულ სამთავრო-სენიორიებში მწარმოებლის ერთადერთი ფაქიზხველი მისივე უფალი იყო.

განსაკუთრებულ გავრცელებას სამთავრო-სენიორალურმა სისტემამ VIII—IX სს-ში მიაღწია. ამ ხანის ტიპიურ სენიორიად შეიძლება მივიჩნიოთ გიორგი ჩორჩანელის „საბრძანებელი“, რომელიც აღწერილია ბასილ ზარზმელის თხზულებაში — „ცხოვრება სერაპიონ ზარზმელისა“³⁵. ნ. ბერძენიშვილის აზრით, ეს საბრძანებელი პოლიტიკური საჯარო უფლება კი არ არის, არამედ მამული და მონაგებ³⁶.

უფალი გიორგი ჩორჩანელი იყო „მთავარი დიდი და წარჩინებული“, რომელიც გამოირჩეოდა „სიმდიდრითა და სიმრავლითა ერთა და აგარაკათათა, რომლისა სივრცე საზღვართ ვრცელი და მრავალი იყო“. სასახლეები ჰქონდა ჩორჩანსა და ზნავში. ჩორჩანელის სამფლობელოს დაბა-სოფლებში არსებული ტყეებიც ჩორჩანელის საკუთრება ყოფილა. გ. ჩორჩანელმა თავის მამულში საკმაოდ დიდი ტერიტორია გამოუყო ბერებს მონასტრის მშენებლობისათვის, მატერიალური შემწეობაც მისცა. შემდეგ კი „მისცნა ყოველნი საკმარნი, ჯორები და კარაულები და რაოდენი რაჲ უკმდა სიმრავლესა მათასა... სოფლებნიცა მისცა კაცმან მან ღმრთისამან გიორგი“, მის მაგალითს თურმე სხვებმაც მიბაძეს და გამრავლდა „ძალისაებრ... შესაწირავი“ (ძეგლები, I, გვ. 335).

ჩორჩანელის სამთავრო-სენიორია გამოირჩეოდა „სიმრავლითა ერთა“. ვინ იყო ჩორჩანელის ერი? — ის, ვინც ჩორჩანელის სამფლობელოში ცხოვრობდა და ემორჩილებოდა მას, როგორც უფალს. ჩორჩანელის ერთაგან პირველ რიგში აღსანიშნავია მისი ვასალები, მცირე მთავრები (ანუ აზნაურები), რომლებიც „მთა ვარანი არიან და საკუთარი დიდისა მის მთავრისანი“ (ძეგლები, I, გვ. 325). ჩორჩანელის ერთაგან, ანუ „საკუთართაგან“, ანუ „წინაშემდგომელთაგან“ თხზულებაში მოხსენიებულია აგრეთვე „ყრმა იგი“ „მონათაგანი“ და „მკვრცხლმავალნი“ (გვ. 326), რომელნიც გამოსული არიან მოსახლეობის დაბალი ფენებიდან, კერძოდ „ქვეყნისმოქმედთაგან“. ისინი ცხოვრობდნენ სოფლებსა და დაბებში, ჰქონდათ საკუთარი მეურნეობა უფალ ჩორჩანელის მიწაზე, რომელიც სარგებლობაში ჰქონდა მას გადაცემული და რისთვისაც იხდიდა ბეგარას. იგივე ამუშავებდა უფლის მრავალრიცხოვან აგარაკებს (საბატონო მეურნეობა) შრომითი ბეგრის საფუძველზე. იგივე ქვეყნისმოქმედნი აძლევდნენ ჩორჩანელს მონა-მსახურსა თუ „მკვირცხლმავლებს“ და სხვ. უფლებრივადაც საკმაოდ შეზღუდულნი ყოფილან ეს „ქვეყნისმოქმედნი“, რადგან შესაძლებელი ყოფილა მათი მონასტერზე შეწირვა (თხზულებაში მხო-

³³ ქუ ა ნ შ ე რ ი, ცხოვრება ვახტანგ გორგასალისა, ქ. ცხ., I, გვ. 217—221.

³⁴ იქვე, გვ. 221.

³⁵ ძველი ქართული აგიოგრაფიული ლიტერატურის ძეგლები, I, გვ. 319—347; ნ. ვ ა ჩ ნ ა ძ ე, სერაპიონ ზარზმელის ცხოვრება როგორც საისტორიო წყარო, 1975.

³⁶ ნ. ბ ე რ ძ ე ნ ი შ ვ ი ლ ი, საქართველოს ისტორიის საკითხები, წ. VIII, გვ. 109.

ლოდ სოფლების შეწირვაზეა საუბარი, მაგრამ იმ სოფლებში ქვეყნისმოქმედნი ცხოვრობდნენ, რომლებიც მონასტრის განკარგულებაში გადადიოდნენ). ჩორჩანელის სამფლობელოებში მცხოვრები მწარმოებლები, ალბათ, ჩორჩანელის ადმინისტრაციასა და სასამართლოს უნდა დამორჩილებოდნენ, რადგან, როგორც ცნობილია, ფეოდალიზმის დროს პოლიტიკური უფლებები მიწის საკუთრებასთანაა დაკავშირებული. თუ ზემოთქმულს იმასაც დავუმატებთ, რომ საერთოდ სენიორია ის ადგილი, სადაც თავისუფალი მწარმოებელი ყმა-გლეხად იქცევა და არა მარტო ერთეული მწარმოებლები, არამედ მთელი სოფლობით, მაშინ არ შეეცდებით თუ ვიტყვით, რომ ჩორჩანელის ერის ის ნაწილი, რომელიც „ქვეყნისმოქმედია“ — წოდებრივად ყმა-გლეხია — ე. ი. თავისუფლებადაკარგული მწარმოებელია. ჩორჩანელის სამთავრო-სენიორიის ანალოგიური სამფლობელო იყო გაბრიელ დაფანჩულის მამული, რომლის შესახებ საინტერესო ცნობებია გიორგი მერჩულეს თხზულებაში — „ცხოვრება გრიგოლ ხანძთელისა“. ანალოგიურ სამფლობელოებად მიგვაჩნია ჩვენ აგრეთვე სამცხის მთავრის მირიანის, ბაღვაშთა კაცხის მამული, ფავანელთა, ტბელთა სამფლობელოები და სხვ.

გლეხის, თავისუფლებადაკარგული მწარმოებლის, არსებობას მკვლევარნი ადრიალანდე ვარაუდობენ. სტრაბონის IV გენე, ლათი, რომელნიც სამეფო საგვარეულოს ემსახურებოდნენ, სწორედ „გლეხები“ უნდა ყოფილიყვნენ³⁷. ასეთი გლეხები, სავარაუდოა, „სეფეწულებსა“ და გაბატონებული კლასის სხვა წევრებსაც უნდა ვასჩენოდათ და თანდათან გამრავლებოდათ კიდევ. მწარმოებელთა ყმა-გლეხად ქცევის პროცესი სწრაფად ძლიერდება ადრეფეოდალური ხანის საერო და საეკლესიო სენიორებში, რომლებიც V—VI სს-ში წარმოიშვნენ, ხოლო გამრავლდნენ და თითქმის მთელი ბარის საქართველო მოიცვეს VIII—IX საუკუნეებში³⁸. იმ ხანის სენიორიებში საკმაოდ განვითარებული ჩანს საბატონო მეურნეობანი აგარაკებისა და ზერების სახით. აგრეთვე საბატონო მესაქონლეობა დიდი ზოგების სახით. საბატონო მეურნეობა, ვიმეორებთ, ემყარება შრომით ზეგარას, ეს უკანასკნელი კი, როგორც ცნობილია, ბატონყმობის საფუძველია.

ჩვენში, ისე როგორც დასავლეთ ევროპაში, ყმა-გლეხობის ჩამოყალიბება ძირითადად ორი გზით უნდა მომხდარიყო — მონების განთავისუფლებითა და უფლის მიწებზე დასმით (განსაკუთრებით სეფე სახლის მიწები) და, უფრო მეტად, თავისუფალ მეთემეთა ცალკე წარმომადგენლების თუ მთელი თემის დაყმევებით, როგორც სეფე-ქვეყანაში, ისე „პიტიახშის სახლში“ თუ ჩორჩანელის, დაფანჩულის, ბაღვაშთა და სხვ. დიდებულთა სამფლობელოებში.

დასავლეთ ევროპაში ბატონყმობის განვითარებაში გარკვეული როლი შეასრულა მევენახეობამ. მევენახეობისა და მებაღეობის როლი მნიშვნელოვანი იყო საქართველოს სოფლის მეურნეობაშიც. ზერებისა და ბაღების გაშენებას დიდი დრო და დიდი შრომა სჭირდებოდა. საბატონო მეურნეობაში, ცხადია, ამ სამუშაოს გლეხები ასრულებდნენ შრომითი ზეგარის საფუძველზე. იგივე

³⁷ ს. ჯანაშია, შრომები, II, გვ. 161. 167; საქართველოს ისტორიის ნარკვევები, I, გვ. 597-601 (გ. მელიქიშვილის ტექსტი).

³⁸ გ. მელიქიშვილი განვითარებული სენიორალური სისტემის არსებობას აღნიშნავს ქართლის და ტაოკლარჯეთის მიმართ (იხ. გ. მელიქიშვილი, ფეოდალური საქართველოს პოლიტიკური გაერთიანება და საქართველოში ფეოდალურ ურთიერთობათა განვითარების ზოგიერთი საკითხები, 1973, გვ. 56).

ვითარება — გლეხის მეურნეობაში ვენახისა და ბაღის გაშენება, ხელს უწყობდა გლეხის მიწაზე დამაგრებას და შემდეგ მიმაგრებასაც.

ამრიგად, გლეხობა, რომელიც პირველ საუკუნეებში მწარმოებელთა ერთი მცირე ნაწილი უნდა ყოფილიყო, თანდათან გამრავლდა, ჯერ მწარმოებელთა დიდი ნაწილი შეიქნა, შემდეგ კი ბარის მთელ მწარმოებელ საზოგადოებას ეწოდა. როდის მოხდა ეს? — სანამ ამ კითხვას ვუპასუხებდეთ საჭიროა გაირკვეს: რატომ არის, რომ გლეხი არ იხსენიება V—XV სს. ორიგინალურ აგიოგრაფიულ და მხატვრულ ლიტერატურაში, აგრეთვე მრავალ საისტორიო თხზულებაში. (გლეხი მოხსენიებულია ნხოლოდ ჭუნაშერიის თხზულებაში „ცხოვრება ვახტანგ გორგასლისა“ (ერთხელ), დავით აღმაშენებლის ისტორიკოსთან (ორჯერ) და უამთაღმწერელთან (ერთხელ).) გლეხი არ იხსენიება ლეონტი მროველთან, მატთან ქართლისაში, სუმბატ დავითის ძის თხზულებაში, თამარის ისტორიკოსებთან და ლაშა-გიორგის დროინდელ მემატთანესთან. თამარის პირველმა ისტორიკოსმა იქაც კი არ ახსენა გლეხი, სადაც მისი ხსენება, თითქოს, აუცილებელიც კი იყო: „გააზნაურდეს ქუეყანისა მოქმედნი, და გადიდებულდეს აზნაურნი და გაკელწიფდეს დიდებულნი“³⁹. XIII ს-ში მწარმოებელი საზოგადოების ზოგადი სახელი რომ გლეხია, ეს სადავო არაა, თანაც აქ წოდებანია ჩამოთვლილი: დიდებული, აზნაური და მოსალოდნელი იყო გლეხი (არის კი ქვეყნისმოქმედი, რომელიც იმ დროს გლეხია). თუ გავითვალისწინებთ, რომ გლეხი ბიბლიის ადრეულ თარგმანებში, მიწის მუშის გვერდით ზოგჯერ ნიშნავს უქონელს, ლატაკს, გლახას⁴⁰, მაშინ ცხადი იქნება ფეოდალური წრეების ქედმაღლური დამოკიდებულების „საფუძველი“.

ანალოგიური მდგომარეობა ყოფილა ევროპის ფეოდალურ საზოგადოებაშიც, კერძოდ საფრანგეთში. ფ. ენგელსი ამ ვითარებას შემდეგნაირად ხსნის: «Все, что не входит в феодальную иерархию, так сказать, не существует; вся масса крестьян, народа, даже не упоминается в феодальном праве»⁴¹.

ანდენად, გლეხის მოუხსენებლობა საისტორიო თუ სხვა ხასიათის თხზულებებში არ ნოწმობს იმას, რომ გლეხი არ არსებობდა, ან მცირერიცხოვანი იყო. ტერმინ გლეხს ხმარობენ მხოლოდ მაშინ, როცა მისი შეცვლა სხვა სიტყვით შეუძლებელია: როცა გლეხს ყიდულობენ და ყიდიან, ან საზღაურში გასცენენ, ან ბეგარას ადებენ და სხვ. ასეთი ძეგლებია სიგელ-გუჯრები და სამართლის წიგნები. საისტორიო თხზულებებში კი, სადაც იშვიათად ახსენებენ გლეხს, ჩვეულებრივ, დამცირებულის ეპითეტად იყენებენ) ანუ მაგალითად: ჭუნაშერი V ს-ის მოვლენების გადმოცემისას აღნიშნავს, რომ სპარსელებმა დაიპყრეს ჯორჯანნი ომით და „მეირითვან იქმნეს ჯორჯანნი გლეხად, რომელნი აწ არიან ნებეგრენი სპარსთანი“⁴². დავითის ისტორიკოსთან: 1) „გლეხთა იხილემცა ოდეს არაბთა მეფენი მოჰყვანდეს ტყვედ“, 2) დავითმა „მტურად დასხნა სპარსნი, ზოლო გლეხად მთავარნი მათნი“⁴³ (ერთადერთი გამონაკლისია ამ მხრივ უამთა აღწერლის ცნობა, რომელიც ეხება XIII ს-ის შუა ხანებს: „ცხრასა გლეხსა, სრულისა მიწისა მქონებელსა, ერთი ლაშქარს წარმავალი კაცი შეადიან“⁴⁴).

³⁹ ქართლის ცხოვრება, ს. ყაუხჩიშვილის რედ., II, გვ. 34.

⁴⁰ ი. აბულაძე, შრომები, 1975, II, გვ. 29.

⁴¹ Архив Маркса и Энгельса, т. X, 1948, გვ. 280.

⁴² ქართლის ცხოვრება, I, გვ. 187.

⁴³ იქვე, გვ. 432, 351.

⁴⁴ ქართლის ცხოვრება, II, გვ. 235.

სხვა ვითარება თარგმნილ ძეგლებში: ი. აბულაძის ნაშრომში, „ძველი ქართული ლექსიკიდან“, რომელშიც გლეხის ეტიმოლოგიაა განხილული, მოტანილია ციტატი გამოუქვეყნებელი თარგმანიდან — „რიფსიმეანთა წამების წიგნიდან“, რომელიც „მერვე ს-ზე უადრესი და მეცხრე ს-ზე გვიანდელი არ უნდა იყოს“⁴⁵. იქ ნათქვამია: რიფსიმეს სანახავად შეიკრიბნენ: „მთავარი მათ-ჯანი, იგიცა ერთი-ერთსა ჰკდებოდა და სრბით მივიდოდეს ხილვად სიკეთესა მისსა, და აზნაურნი იგი აღრეულად გლეხითურთ ეტენებოდეს“... (იქვე, გვ. 25). ამ შემთხვევაში გლეხს სომხურში „ამბოხ“ (დაბალი ხალხი) შეესატყვიება და „ქალაქ ვალარშაპატის დაბალ მასას ეწოდება“ (იქვე). X ს-ის სვანურ მრავალთავში ნათქვამია: „და გამოსწერედ კაცთა და პირუტყუთა და ხეთა, მეფეთა და გლეხთა“... (იქვე). აქ გლეხს სომხურში შეესატყვიება „რამიკ“ (მოსახლეობის დაბალი ფენა, გადასახადის გადამხდელი). ი. აბულაძეს გამორკვეული აქვს, რომ გრიგოლ ოშკელს (X ს.) სომხურის შინა-კანი“ (სოფლის დაბალი მოსახლეობა) უთარგმნია გლეხად (გვ. 28—29). და ბოლოს ი. აბულაძე ასკვნის: „გლეხი ძველად ჩვენში ხმარებულა ფართო შინაარსით, მოსახლეობის სოციალურად დაბალი ფენის აღმნიშვნელად, და ეიწროთი — ამ დაბალ ფენაში შემავალი ქალაქელი (რიფსიმეანთა წამების მიხედვით) თუ სოფლელი უბრალო ხალხის ანუ „გლეხის“ ამსახველად (გრიგოლი ოშკელის თარგმანის მიხედვით)“⁴⁶ ე. ი. VIII—X სს. ქართველი მთარგმნელების მიხედვით, რომელთა მიერ სომხური ტერმინები „რამიკი“, „ამბოხი“ და „შინაკანი“ გადმოღებულა ერთი ქართული ტერმინით, „გლეხით“, საქართველოს მთელი მწარმოებელი მოსახლეობა გლეხია (არათავისუფალია), რომელიც დაპირისპირებულა აზნაურებთან ანუ ფეოდალებთან.

აღრეფეოდალური ხანის თარგმნილი ლიტერატურის ცნობებს ადასტურებს ბაგრატ კურაპალატის სამართლის წიგნის (IX ს. შუა ხანები) მონაცემები, რომელიც ტაო-კლარჯეთის სამთავროს შეეხება⁴⁷. სამართლის წიგნის მიხედვით სახეზეა ფეოდალთა და გლეხთა კლასი. ფეოდალთა კლასში შედის ნაღალი სამღვდელოება, დიდებულები და აზნაურები.

ნაღალი სამღვდელოება უპირატესობით სარგებლობს საერთო ფეოდალებთან შედარებით. მეფის შემდეგ ყველაზე დიდი პატივით სარგებლობს ეპისკოპოსი, რომელიც, კოდექსის მიხედვით, „მეორე მეფეა“ (ძველში კათალიკოსი არ იხსენიება, რადგან იგი მხოლოდ ტაო-კლარჯეთს ეხება). ასევე დიდი უპირატესობით სარგებლობს სამართლის მიხედვით მოძღვარი, მღვდელი, მონაზონი, ხუცესი და სხვ. ამ მხრივ საოცრად ემთხვევა ერთმანეთს გ. მერჩულეს თხზულებისა და სამართლის წიგნის მონაცემები სამღვდელოების დიდი უპირატესობის შესახებ.

დიდებული დიდი მფლობელია აზნაურისაგან განსხვავებით. დიდებულის სახლის გაყრისას საუხუცესოდ ერთი სოფელია, აზნაურის გაყრისას კი, თუ იგი ყმინაია, მხოლოდ ერთი კომლი გლეხი. დიდებულს არ ხელწიფების მონაზვნის ან მღვდლის შეპყრობა (წინააღმდეგ შემთხვევაში მას ჭარიმა გადახ-

⁴⁵ ი. აბულაძე, შრომები, II, 1976, გვ. 25.

⁴⁶ იქვე, გვ. 29.

⁴⁷ ჩვენ ვემხრობით იმ აზრს, რომლის მიხედვით სამართლის წიგნი ეკუთვნის ბაგრატ I კურაპალატს (IX ს.). სამართლის თარიღისა და მისი ცნობების მნიშვნელობის შესახებ ჩვენ მოხსენება წავიკითხეთ ისტორიის ინსტიტუტის შუა საუკუნეების განყოფილებაში 1975 წ., რომლის გამოქვეყნებას უახლოეს მომავალში ვაპირებთ. აპროპო ძველის დათარიღებას აქ არ შეეხებით.

დება). დიდებული მეფის ვასალია (პატრონი და ყნა). პატრონს უფლება არა აქვს ყმა გაძარცვოს (ასეთ შემთხვევაში პატრონიცა ყმას 12 გლეხი უნდა დაუტყვოს). დიდებულს „უსამართლოდ“ პატრონისაგან წასვლა არ შეუძლია (თუ მაინც წაიქცა ყნა პატრონს 12 გლეხი უნდა „შეუქაზმოს“)⁴⁸. ამ ორი მუხლიდან ისე ჩანს, თითქოს, პატრონსა და ყმას შორის ხელშეკრულება იდებოდა, რომლის დარღვევა „უსამართლოდ“ არც ერთს არ შეეძლო. დიდებულის მოკვლის შემთხვევაში „საპირო“ (შესარიგებელი) 30 000 თეთრია (მუხ. 160). ცხადია, მთელი სისხლის ფასი რამდენჯერმე მეტი იქნებოდა, მაგრამ ის მუხლი აკლია სამართალს.

აზნაურები სამართლის წიგნში ორი კატეგორიაა: ტაძრობილი და უტაძრო. ორივეს ცალ-ცალკე აქვს სისხლი და „საპირო“ გაჩენილი („საპირო“ ტაძრობილისათვის — 17 000, ზოლო უტაძროსათვის — 12 000, მუხ. 160).

ბაგრატიის სამართლის მიხედვით, მწარმოებელთა საზოგადოებას გლეხი ეწოდება. მას თავისუფლება დაკარგული აქვს. ეს ჩანს იქედან, რომ გლეხებს ასხვიებენ, „სისხლში“ აძლევენ, ჯარიმის საზღაურად იხდიან და სხვა) ასე მაგალითად: „სადაცა მაცხოვრისა ხატი ესეუნოს სამცველოდ ქუეყანისა, საუპატიოდ ოცდაათი გლეხი მართებს, თორმეტი — ყოვლად წმიდისა, თორმეტი — მთავარანგელოზთა, თორმეტი — სხუათა წმიდათა მღვდელთ—მოძღუართა, მოციქულთა, წმინდის გიორგისა, ნათლისმცემელისა და სხუათა წმინდათა“ (მუხ. 121). შემდეგ: „თუ (საპატიო) დიაცსა აგინოს, თორმეტი გლეხი დაუტყვოს მარტივითა საკსრითა“ (მუხ. 130). გლეხი ჯარიმის საზღაურად დასახელებულია აგრეთვე 148—149 მუხლებში, რომლებიც ზემოთ უკვე მოვიტანეთ. გლეხი დასახელებულია აგრეთვე 153 მუხლში (აზნაურის გაყრისას საუხუცესო ერთი გლეხი). და ბოლოს, გლეხი დასახელებულია 160-ე მუხლში: გლეხის სისხლის „საპირო“ 7 000 თეთრია. თუ ამ უკანასკნელ მუხლს არ მივიღებთ მხედველობაში, გლეხის პიროვნებისა თუ მისი საკომლოს თავდაცვის შესახებ სამართალში არაფერია ნათქვამი. სამართლის წიგნი თავგამოდებით იცავს ეპისკოპოსებსა და ეკლესიის სხვა მსახურთ, დიდებულებს, აზნაურებს, გლეხი კი იმდენად არსებობს ამ სამართალში, რამდენადაც იგი საჭიროა გაბატონებული ფენების ინტერესების დაცვისა თუ მათი ქონებრივი მდგომარეობის განსაზღვრისათვის.

სოციალური ფენებიდან სამართლის წიგნში დასახელებულია აგრეთვე დიდუკარი. იგი დასახელებულია იმათ რიგში, ვინც მოსამართლედ შეიძლება ბოლა ყოფილიყო. მოსამართლედ მოძღვრისა და „მეფეთა წინაშე ზრდილი და ნამყოფი კაცს“ გვერდით დასახელებულია აგრეთვე „კარგი სოფლისა მამასახლისი“ (მ. 100).

სამართლის წიგნში მოხსენიებული არ არის ფეოდალური საზოგადოების ერთ-ერთი მნიშვნელოვანი ფენა — მსახური. მსახურთა ფენის არსებობა წყაროებით დადასტურებულია V ს-დან. ამდენად, სამართლის წიგნში მსახურთა მოხსენებლობა არ შეიძლება აიხსნას მათი არ არსებობით. ხომ არ აკლია სამართლის წიგნს ის მუხლები, რომლებშიც შეიძლება მსახური ყოფილიყო მოხსენიებული? ჩვენ უკვე აღვნიშნეთ, რომ სამართლის წიგნს უნდა აკლდეს ზოგიერთი მუხლი. მაგრამ სამართალში მსახური რომ ხსენებული ყოფილიყო, სადღე მაინც გამოჩნდებოდა, რადგან სამი წოდება — დიდებული, აზნაური და

⁴⁸ ქართული სამართლის ძეგლები, ი. დოლიძის რედ., II, გვ. 468, გვ. 148, 149.

გლეხი ხშირადა მოხსენიებული სხვადასხვა მუხლში და სხვადასხვა სიტუაცი-
აში. მაგალითად, სამართალში დიდებული ნახსენებია შვიდჯერ, აზნაური თერ-
თმეტჯერ და გლეხი ცხრაჯერ. 160-ე მუხლში, რომელშიც განსაზღვრულია „სა-
პირო“ დიდებულის, ორი კატეგორიის აზნაურის და გლეხის, ცხადია, უნდა
ყოფილიყო „მსახურიც“ თუ ის ცალკე წოდება იყო და ცალკე სისხლი ჰქონ-
და. შენდევ: ერთმანეთზე მიყოლებულ სამ მუხლში მოცემულია დიდებულის,
აზნაურის და გლეხის გაყრის წესი (მ.მ. 153, 154, 155), მსახური არ ჩანს. ხომ
არ შეიძლება, რომ მსახური არ იყრებოდნენ? ჩვენი აზრით, ამის ერთადერთი
ნიშნეზი ის უნდა იყოს, რომ ის გლეხთა წოდებაში იგულისხმება. ბაგრატი-
სამართლის შედგენის დროისათვის ის ჯერ კიდევ არ არის ისე დაწინაურებუ-
ლი, რომ მეტეგრე გლეხისაგან ცალკე გამოყონ და ცალკე სისხლი გაუჩინონ.
ჩვენი აზრით, მსახურთა დაწინაურებასა და ერთგვარ აღზევებას ადგილი აქვს
ერთიანი მონარქიის არსებობის ხანაში, XI—XII საუკუნეებიდან, როცა დიდი
სახელმწიფოს ბრწყინვალე სამეფო კარს მრავალრიცხოვანი მოხელე მსახურე-
ბი სჭირდებოდა. ასევე, წარმატებით წარმოებულმა ომებმა, რომლებშიც მსა-
ხურებიც მონაწილეობდნენ, საშუალება მისცა მსახურებს ქონებრივი თუ სო-
ციალური აღზევებისა. რაც აისახა კიდევ მისი სისხლის ფასის გადიდებაში მე-
ტეგრე გლეხთან შედარებით (ბეჟა-აღბულას სამართალი, ძეგლის დადება, ეპი-
ტანგის სამართალი და სხვ., თუმცა, წოდებრივად მაინც გლეხთა კლასში დარ-
ჩნენ). აღნიშნული ვითარება შესაძლოა მიუთითებდეს ძეგლის შედგენის დრო-
ზეც — ერთიანი მონარქიის წინარე ხანაზე.

ბაგრატიის სამართლის წიგნზე მსჯელობის დასკვნად შეიძლება ითქვას, რომ
სამართალში წარმოდგენილია ფეოდალური საზოგადოების ორი ძირითადი
კლასი — ფეოდალები (დიდებული, აზნაური) და გლეხობა; აგრეთვე განვითარ-
ებული ვასალიტეტი (მეფე—დიდებული-აზნაური), რომელიც სენიორალურ
სისტემასაც გულისხმობს. ამდენად, სამართალში წარმოდგენილია ბატონყმუ-
რი ურთიერთობის საზოგადოება, რომელიც განვითარებული ფეოდალიზმის
ეტაპზე იმყოფება⁴⁹.

აქ განხილულ სხვადასხვა ხასიათის წყაროთა მონაცემებს ემორწმება და
ადასტურებს ქართული დოკუმენტური წყაროებიც. ჩვენს დრომდე მოღწეუ-
ლი პირველივე საბუთით, ფაენელის დაწერილით (IX ს.), დოკუმენტურად
დასტურდება ბაგრატიის სამართალში წარმოდგენილი სამივე წოდება: დიდებუ-
ლი, აზნაური და გლეხი⁵⁰. დიდმა ფეოდალმა ფაენელმა შიომღვიმეს მიჰყიდა
ოთხი სოფელი იქ მცხოვრები მოსახლეობით და ორი გლეხი. ეს სოფლებია:
ცხვეერეთი, გველდესი, გავაზელნი და კოტმანი; ქვემო გველდეს კი მიჰყიდა

⁴⁹ მ. ლორთქიფანიძის აზრით, ბაგრატიის სამართალი განვითარებულ ფეოდალურ საზოგადო-
ებას ასახავს, მხოლოდ მას მიაჩნია, რომ სამართლის წიგნი XI ს-ის ძეგლია და არა IX ს-ისა, იხ.
მ. ლორთქიფანიძე, სოციალური ურთიერთობის ისტორიიდან XII ს. საქართველოში
(ბატონყმობის გამარჯვების საკითხისათვის), კრებული: საქართველო რუსთაველის ხანაში, 1966,
გვ. 32—50.

⁵⁰ ქართული სამართლის ძეგლები, ი. დოლიძის რედ., II, გვ. 3—5, საბ. № 1, № 2. ამ გამო-
ცემაში წარმოდგენილი № 2 საბუთი არ არის დამოუკიდებელი საბუთი. იგი № 1 საბუთის მინაწერ-
ია (შემონახულ პირშიც ერთდლაა წარმოდგენილი). ამ ნასყიდობის წიგნის ნამდვილობა დასტურ-
დება გიორგი II-ის 1072 წ. შიომღვიმისადმი მიცემული სიგლით, გიორგი III-ის 1170 წ. შიომღვი-
მისადმი მიცემული შეუვალობის განახლების სიგლით და ქართლის ერისთავის გრიგოლის დაწერი-
ლით (1245—1250 წწ.), იხ. ქართული სამართლის ძეგლები, II, № 6, 9, 18.

„ორი გლეხი: შულისძე და ტარიკასძე“. საფასურში მიღო „ოცდაათი ლიტრა ოქრო, ოცდაათი ლიტრა ვერცხლი წმინდისა შიოს კუბოსა შემონაყარი“... და სხვ. (გვ. 3). შემდეგ მემღვიმემ აფხაზთა და კახთა მეფეთაგან (როგორც ჩანს, ქართლი მაშინ მათ ხელში იყო) „თავისუფლებისა ბრძანება“ მოიპოვა და ფავნელთაგან ნასყიდი სოფლები და გლეხები შეუვალი გახდა აქ დასახლებული სოფლების მცხოვრებნი, როგორც ჩანს, გლეხებია (ართავისუფალი მწარმოებლები), რადგან შესაძლებელი ყოფილა მათი გაყიდვა. მათვე ადევთ შრომითი და ნატურალური ბეგარა (ღალა) შიომღვიმის მონასტრისადმი. რადგან მონასტერს შეუვალობა აქვს, ახლად ნასყიდი სოფლის გლეხები მონასტრის სასამართლოსა და ადმინისტრაციას ემორჩილებიან. ზემოდასახლებული სოფლებისა და აგრეთვე მღვიმის სხვა სოფლების მცხოვრებნი რომ მართლაც გლეხებია, ეს პირდაპირაა ნათქვამი გიორგი II-ის 1072 წლის შეუვალობის განახლების სიგელში. გიორგი II-მ განუახლა მღვიმეს შეუვალობა და გაათავისუფლა სახელმწიფო გადასახადებისაგან „სოფელნი და აგარანი მათნი“: „აგარამ ციხედიდს, გლეხნი და მიწაი — ნიჩბისს, გლეხნი და მიწაი — კოდალს, და წინარეკს, და შუარეპს, ადლეთს, შედარს, და ძუელ ღრდულეთს, და ცხირეთს ცხევერი და გავაზელნი, გუელდესი და კოტმანი, კლდეკართა ქუეშე ბორცუის ჭუარი და ბჭითი, ზევანთა მოუგონელნი სვინეთს და ფურჯიდს“ (ძეგლები, II, გვ. 10). ასეთსავე ვითარებას ვვარაუდობთ ჩვენ ქართლის სხვა სოფლებშიც.

ნელქისედეკ კათალიკოსის დაწერილიდან ჩანს, რომ მას სვეტიცხოვლის ეკლესიისათვის შეუმატებია თავისი „მოგებული“ (შეწირული და ნასყიდი) 135 სოფელი თავიანთი მცხოვრებლებით და ორი მონასტერი. ამას გარდა „კაკს ვაჭარნი იბ“ (12), „თქმს გლეხნი სამნი ფუძითა სრულითა“, „ოტათლოანს გლეხი ა, ციხედდს გლეხი ს, ორნივე ფუძითა სრულითა“ და სხვ.⁵²

XI ს-ის ნიკორწმიდის იადგარიდან ჩანს, რომ ნიკორწმიდელს თავისი ეკლესიისათვის შეუძენია (შეწირული და ნასყიდი) 33 გლეხი სხვადასხვა სოფელში ((რაქაში, ოკრიბასა და სხვ. ადგილებში), რომელთაც ადევთ ბეგარა⁵³.

1123 წ. დავით აღმაშენებლის ანდერძში შიომღვიმისადმი ნათქვამია: ანდერძი არ შეცვალოს არავინ „ანუ მეფემან, ანუ მთავარმან, ანუ ეპისკოპოსმან, გინა მონაზონმან, გინა კელისუფალმან ვინ, თუნდა გლეხმან და თუნდა აზნაურმან“⁵⁴. აქ ორ მოპირდაპირე წოდებად, თანაც მთელი საქართველოს მასშტაბით, დასახლებულია გლეხი და აზნაური.

თუ დავით აღმაშენებლის ზემომოტანილ ანდერძში ფეოდალური საზოგადოების ორ მთავარ დაპირისპირებულ წოდებად დასახლებულია აზნაური და გლეხი, იმავე ეპოქის მეორე ძეგლში, რუის-ურბნისის ძეგლის წერაში (1103 წ.), ასეთ ორ წოდებად დასახლებულია „აზნაური და მდაბიორი“⁵⁵. ეს

⁵¹ „მითავისუფლებიან მეფეთა და დედოფალთაგან, და დიოფალთაგან და დიდებულთაგან აზნაურთა და მათთა ცოლთაგან; მითავისუფლებიან ყოველთავე ხელოსანთაგან“ ... (სამართლის ძეგლები, II, გვ. 4).

⁵² ქართული სამართლის ძეგლები, III, ე. 18—26.

⁵³ იქვე, გვ. 27—34; მ. ბერძენიშვილი, ნიკორწმიდელის „დაწერილი“, მასალები საქართველოსა და კავკასიის ისტორიისათვის, ნ. 34, 1962.

⁵⁴ იქვე, II, გვ. 17.

⁵⁵ ქართული სამართლის ძეგლები, III, გვ. 123.

დადგენილება უნდა წაეკითხათ ხალხისათვის, რომლის დიდი ნაწილი გლეხი იყო, გლეხი კი მოხსენიებული არ არის (არც სხვა მწარმოებელი). ვფიქრობთ, რომ ამ ფრაზაში „მდაბიორი“ არ გულისხმობს საზოგადოების რომელიმე კონკრეტულ წოდებას თუ ფენს. მდაბიორში იგულისხმება სოფლისა თუ ქალაქის დაბალი, მშრომელი მოსახლეობა (გლეხი, მსახური, ხელოსანი, შესაძლოა წერილი ვაჭარიც, მთიელები — ეროვანი თუ მსოფლიონი და სხვ.). ასევე შეიძლება ითქვას „წერილი ერისა“ თუ „ქვეყნისმოქმედის“ შესახებაც (ეს უკანასკნელი ტერმინი უფრო კონკრეტული შინაარსისაა და უმთავრესად გლეხს უნდა მიემართებოდეს).

როგორც აქ განხილული მასალებიდან და მასთან დაკავშირებული მსჯელობიდან ჩანს, უკვე IX ს-ში საქართველოს ბარის მწარმოებლები გლეხებად იწოდებიან. IX ს-დან მოყოლებული, როცა პირველად გვხვდება გლეხი იურიდიული ხასიათის დოკუმენტში, იგი ყოველთვის ბეგარა ვალდებული და არათავისუფალ კაცს ეწოდება, რომლის ყიდვა-გაყიდვა კანონით ნებადართულია. გლეხები იყიდება სოფლობით და ცალკე კომლებად, ზოგჯერ უმიწოდაც, ხდება მისი შეწირვა ცალკეულად და მთელი სოფლობით, გაიცემა წყალობად, ანდერძით, გასცემენ ჯარიმაში, სისხლის საზღაურად, ექვემდებარება უფალ-პატრონის ადმინისტრაციას და სამართალს და სხვ./რაც შეეხება საქართველოს მთის მოსახლეობას, მათი უმეტესი ნაწილი თავისუფალი მწარმოებელია — ეროვანი, მსოფლიონი — და გადაადგილების თავისუფლებით სარგებლობენ. მაგრამ მთლად თავისუფალნი მაინც არ არის. ისინი სახელმწიფო ყმებად განიხილებიან და გარკვეული ვალდებულებანი აკისრიათ მის წინაშე (მოლაშქრობა, მეციხოვნეობა, ზოგიერთი სხვა სამსახურიც...). მთაში ერთიანობის ხანაში გლეხებიც გვხვდებიან, რომლებიც უმთავრესად ეკლესია — მონასტრებისა და დიდი მოხელეების (ერისთავები და სხვ.) ყმობაში იმყოფებიან. მთის გარდა თავისუფალი მწარმოებლები ბარის საქართველოშიც, განსაკუთრებით ქალაქებში, უნდა ვიგულისხმოთ. თვით გლეხობაშიც არის გარკვეული ჯგუფები გლეხებისა, რომლებიც განსხვავდებიან გლეხობის ძირითადი ფენებისაგან და გარკვეული შეღავათები თუ ნახევრად თავისუფლება გააჩნიათ. ასეთებად შეიძლება მივიჩნიოთ ნებეირი, გარეთმოსული გლეხი, „მომართებული ყმა“ და სხვ.

იცო თუ არა აღიარებული კანონმდებლობით ფაქტიური ბატონყმური ურთიერთობა. ე. ი. არსებობდა თუ არა ერთიანი კანონი, რომელიც კრძალავდა გლეხის წასვლას, ან წასული გლეხის დაბრუნება სავალდებულო იყო თუ არა?)

წყაროთა სიმწირის პირობებში პირდაპირი პასუხი ძნელია, ისე კი ჩვენ შესაძლებლად მიგვაჩნია ასეთი კანონის თუ ცალკეული დადგენილებების არსებობა აღრიდანვე (წინააღმდეგ შემთხვევაში რა ფასი ექნებოდა გლეხების ნასყიდობის, წყალობის თუ შეწირვის აქტებს).

ბექა-აღბულას სამართლის წიგნიდან ვიცით, რომ 30 წლიანი ხანდაზმულობა (წასული გლეხის 30 წ. განმავლობაში ძებნის უფლება) „პირველადვე დაწესებული“ ყოფილა (მუხ. 77), ე. ი. გაცილებით უფრო აღრინდელი, ვიდრე ეს ძეგლია შედგენილი (XIV ს.).

მხითარ გოშის „სომხურ სამართალში“ (XII ს.) მწარმოებელი მიწაზე მიმაგრებული ჩანს. სომეხი მკვლევრები ამ საკითხზე დავობენ — მთელ სომ-

ხეთს ეხება გომის ცნობა, თუ მხოლოდ ჩრდილოეთ სომხეთს, რომელიც საქართველოს სახელმწიფოში შედიოდა. ბევრი მკვლევრის აზრით, ეს ჩრდილოეთ სომხეთს ეხება და საქართველოს სახელმწიფოში არსებულ მდგომარეობას ასახავს⁵⁶

30 წლიანი ხანდაზმულობის ინსტიტუტი, რომელიც ებრაელთა სამართალში ყოფილა და იქიდან კი ქრისტიანული ქვეყნების სამართალსაც შეუთვისებია⁵⁷, ქართული სინამდვილისათვისაც აღრიდანვე უნდა ყოფილიყო ცნობილი. 30 წლიანი ხანდაზმულობის შესახებ კანონი ბიზანტიაში 491 წლიდან არსებობს (კოლონები, რომელთაც 30 წ. განმავლობაში ეჭირათ მიწა საღალოდ, კარგავდნენ სხვა ბატონთან წასვლის უფლებას). ბიზანტიის გავლენით ეს კანონი, შესაძლოა, საქართველოშიც ყოფილიყო ცნობილი. 692 წ. ტრულის საეკლესიო კრების კანონებში არის მუხლი საეკლესიო მიწების 30 წლიანი ხანდაზმულობის შესახებ (თუ ეკლესია სოფელს ან აგარაკს 30 წ. განმავლობაში ფლობს, შემდეგ მისი წაღება „არავის კელეწიფების“). ეს დადგენილება შემდეგ შევიდა სჯულის კანონში, არის იგი ე. მთაწმინდელის მიერ თარგმნილ „მცირე სჯულის კანონში“ (XI ს. დასაწყისი)⁵⁸. მართალია, აქ მიწის ჭერის ხანდაზმულობაზეა ლაპარაკი მაგრამ, იგი ერთი მხარეა ხანდაზმულობის იმ ინსტიტუტისა, რომელიც ყოველგვარი ქონების (მათ შორის ყმა-გლეხის) ხანდაზმულობას გულისხმობს. იგ. ჯავახიშვილის აზრით, ხანდაზმულობის კანონი IX—XII სს-ის საქართველოშიც უნდა ყოფილიყო მიღებული⁵⁹.

XI ს. ჩვენი აზრით, ბატონყმობის გამარჯვების საუკუნეა. აქედან მოყოლებული იგი არსებობდა საქართველოში, ზოგიერთი სახეცვლილებით, თვით XIX ს-ის 60-იან წლებამდე.

ფეოდალიზმის ბატონყმური ეტაპი საქართველოში ორ პერიოდად შეიძლება გაიყოს. პირველი პერიოდი მოიცავს IX—XIV სს. — საქართველოს გაერთიანებისა და ერთიანი მონარქიის ხანას როცა, ბატონყმობა, დასავლეთ ევროპის ქვეყნების მსგავსად, არ იყო ყოვლის მომცველი და თავისუფალი თუ ნახევრად თავისუფალი მწარმოებლები ჯერ კიდევ არსებობდნენ, განსაკუთრებით საქართველოს მთიანეთში და აგრეთვე ქალაქებში. მეორე პერიოდი მოიცავს XV—XIX ს-ის პირველ ნახევარს, საქართველოს პოლიტიკური დაშლილობისა და სენიორალური სისტემის გაღრმავების ხანას, როცა, აღმოსავლეთ ევროპის ქვეყნების მსგავსად, ბატონყმობა ხდება ყოვლის მომცველი და თავისუფალი მწარმოებელი უკვე აღარ არსებობს (ზოგიერთი მალაღმთიანი რაიონის გამოკლებით), ბატონყმური ექსპლუატაცია უღრესად მკაცრია და მახინჯ ფორმებს იღებს. იგი მნიშვნელოვნად ამუხრუჭებს საწარმოო ძალების განვითარებას (XVIII ს. იწყება ბატონყმობის უღლისაგან განთავისუფლების პროცესი, თავდახსნის გზით, მაგრამ იგი იმდენად სუსტია, რომ ქვეყნის სოციალურ-ეკონომიური ცხოვრების განვითარებაზე არსებით გავლენას ვერ ახდენს).

⁵⁶ მ. ლორთქიფანიძე, დასახ. ნაშრომი, გვ. 45—48.

⁵⁷ იგ. ჯავახიშვილი, ქართული სამართლის ისტორია, წ. II, ნ. II, გვ. 404.

⁵⁸ მცირე სჯულის კანონი, ე. გუენაშვილის რედ., 1972, გვ. 44.

⁵⁹ ი. ჯავახიშვილი, ქართული სამართლის ისტორია, წ. II, ნაწ. II, გვ. 404.

Г. Д. ДЖАМБУРИЯ

К ВОПРОСУ О КРЕПОСТНОМ ПРАВЕ

Резюме

В грузинской историографии распространено мнение, датирующее установление крепостного права в нашей стране XI—XII веками. Некоторые же специалисты этим временем считают XIII в., а иные — XIV—XV или X—XI и IX—X столетия.

Термин «батонкмоба» (крепостное право) в современном понимании впервые встречается в трудах историков XIX века. До этого же «батонкмоба» (или «птронкмоба») в источниках употреблялся синонимом феодализма и охватывал взаимоотношения всех слоев общества, начиная от царя и кончая крестьянином. До распространения термина «патронкмоба» (IX—X вв.) эти отношения обозначались термином «упали» (господин) и «мона» (здесь слуга).

Процесс феодализации протекал еще в первые века нового летоисчисления в условиях общинного и рабовладельческого укладов. В этом процессе переломным моментом явилось объявление христианства государственной религией.

Уже в V в. налицо феодальный класс азнауров, состоявший из двух слоев: 1. сене-цули, мтавари или диди-азнаური, впоследствии дидебули (арм. нахарар) и 2. азнаური, являвшийся вассалом («цинашемдомели») вышеупомянутых мтаваров.

Класс непосредственных производителей состоял из свободных или полусвободных общинников, крестьян, потерявших личную свободу, а также выходцев из вышеупомянутых двух сословий «мсахური» и «монамхевали».

В V веке в Грузии возникают раннефеодальные сеньории («сахли») Жители селений, находившиеся на территории данной сеньории, постепенно попадали в административную, военную и судебную зависимость от «упали», а под конец теряли личную свободу и переходили в ряды крестьян. Процесс закрепощения трудового населения интенсивнее протекал в VII—VIII вв., когда сеньориальная система достигла значительного развития.

В IX в. производители низменных районов Грузии в основном уже стали глехами. Тут же следует отметить, что горная зона страны постоянно давала определенный контингент свободных производителей («гаретмосули глехи»). Упомянутый в того же времени в грузинских источниках «мдабио» в основном является синонимом «глехи».

IX в., по нашему мнению знаменуется становлением крепостного права в Грузии. Начиная с того времени, оно господствовало с некоторыми изменениями вплоть до 60-х годов XIX в.

ნაწლი მიხსრამი

ფრანგი მკვლევარი ქართული ხალხური მუსიკის შესახებ

საკმაო ხანია, რაც ქართული ხალხური მუსიკის ისტორიის საკითხებით დაინტერესებული ქართველი მკითხველი გაეცნო ფრანგი მუსიკათმცოდნის ივეტ გრიმოს შრომებს, რომლებიც გამოქვეყნდა ჟურნალში „Bedi kartlissa“¹, პარიზი. მკვლევარს მიზანს შეადგენდა უშუალო დაკვირვების გზით გაცნობოდა ქართულ ხალხურ სამუსიკო შემოქმედებას, შეესწავლა იგი საყოფაცხოვრებო ტრადიციებთან მჭიდრო კავშირში. უნდა აღინიშნოს, რომ ივეტ გრიმო არა მხოლოდ ქართული ხალხური მუსიკით დაინტერესებული მკვლევარია, არამედ მას აინტერესებს ქართველი ერის სულიერი და მატერიალური კულტურის სხვა მხარეებიც. როგორც თვითონ შენიშნავს, მან თავისი სამეცნიერო-კვლევითი მუშაობის ძირითადი მიმართულება გააცნო ქართულ სამეცნიერო წრეებს, მათ შორის ვ. სარაჯიშვილის სახელობის თბილისის სახელმწიფო კონსერვატორიის პროფესორებს შ. ასლანიშვილს და გრ. ჩხიკვაძეს, რომელთა დახმარებით შეძლო თავისი მიზნის განხორციელება. ივეტ გრიმოს საშუალება მიეცა თბილისის სახელმწიფო კონსერვატორიაში არსებული ქართული მუსიკალური ფოლკლორის კაბინეტის არქივში, საქართველოს სსრ მეცნიერებათა აკადემიის ს. ჯანაშიას სახელობის საქართველოს სახელმწიფო მუზეუმში, საქართველოს სსრ ხელოვნების სახელმწიფო მუზეუმს და საქართველოს სსრ მეცნიერებათა აკადემიის კ. კეკელიძის სახელობის ხელნაწერთა ინსტიტუტის ფონდებში გაცნობოდა ქართული ხალხური მუსიკის ნიმუშებს, ქართველი ერის ისტორიის მრავალსმეტყველ ძეგლებს, მათ შორის ძველ ქართულ სამუსიკო საკრავებს, უნიკალურ ქართულ ხელნაწერებს, X ს-ის ჰიმნოგრაფიულ კრებულებს; ეწარმოებინა მრავალმხრივი ფოტოგადაღებები, მაგნიტურ ფირებზე ჩაეწერა დიდი რაოდენობით როგორც ხმირი, ისე საკრავიერი მუსიკის ნიმუშები. გარდა ზემოთქმულისა, შ. ასლანიშვილთან ივეტ გრიმომ საგანგე-

¹ მათ შორის შეიძლება დაეახლოდეთ: Trois chants de Géorgie occidentale, vol. XVII—XVIII, 1964; Musique de tradition orale, vol. XXV, 1968; Indices de pérennité musicales transmises oralement (peuples du monde méditerranéen). La tradition de Géorgie orientale (résumé), vol. XXVII, 1970; Anthologie de la musique vocale géorgienne, vol. XXXV, 1976—77. გარდა ზემოხსენებულისა, ივეტ გრიმომ გამოაქვეყნა: Sur un chant svane de Géorgie occidentale, Paris, extrait d'un volume en hommage à M. le Pr. Dr. Marius Schneider, Musikwissenschaftliches Institut der Universität Köln, 1968 (sous presse); Musique vocale géorgienne, Chants de Travail, Preliminaire Rapport de Mission d'études et de recherches en R. S. S. de Géorgie Rédigé à l'attention de la Direction Générale de Relations Culturelles, Ministère des Affaires Etrangères par Ivetta Grimaud, Paris, 1967. ივეტ გრიმოს შრომები, რომლებიც ავტორმა საჩუქრად გადასცა საქართველოს სსრ მეცნიერებათა აკადემიის ხალხთა მეგობრობის მუზეუმს, ინახება მუზეუმის ფონდებში. წინამდებარე რეცენზიის დაწერისას, ივეტ გრიმოს შრომებით სარგებლობისათვის მადლობას მოვასხენებთ ხალხთა მეგობრობის მუზეუმის დირექციას.

ბოდ იმუშავა ქართული ხალხური მუსიკის ცალკეულ საკითხებზე. გრ. ჩხიკვაძის მიერ დასავლეთ და აღმოსავლეთ საქართველოს ბარისა და მთის ცალკეულ რეგიონებში ჩატარებულ ფოლკლორულ ექსპედიციებში მონაწილეობისას, ივეტ გრიმოს სამუშაოება მიეცა უშუალოდ თვითონ მოესმინა ქართული ხალხური სიმღერები, გაცნობოდა მათ სამემსრულებლო ტრადიციებს, ყოფაში შემონახულ ფოლკლორულ და ეთნოგრაფიულ მასალას, აგრეთვე მატერიალური კულტურის ძეგლებს.

ივეტ გრიმოს კვლევის ძირითად საგანს, როგორც ზემოთ იყო ნათქვამი, ქართული ხალხური სამუსიკო შემოქმედება წარმოადგენს. მის მიერ დასმულ საკითხთაგან წინამდებარე წერილში მხოლოდ ზოგიერთ ნათგანს შევხვებით. საკუთარი დაკვირვებებისა და, რაც მთავარია, დღემდე არსებული სპეციალური ლიტერატურის საფუძველზე, ივეტ გრიმო თავის მსჯელობას აგებს ქართული ხალხური მუსიკის მნიშვნელოვან საკითხებზე, რომელთა შორის გარკვეული ადგილი ეთმობა ქართული მრავალხმიანობის წარმოშობას და მისი განვითარების გზებს. ეყრდნობა რა შ. ასლანიშვილის მოსაზრებას, ფრანგი მკვლევარი მსჯელობს მრავალხმიანობის ორი სახეობის შესახებ, რომლებიც ერთმანეთისაგან განსხვავდებიან, მაგრამ ამავე დროს საერთო საფუძველი გააჩნიათ. პირველი მათგანი, კომპლექსური მრავალხმიანობა, დამახასიათებელია ძირითადად დასავლეთ საქართველოს სიმღერებისათვის, ხოლო მეორე, ბურდონული — აღმოსავლეთ საქართველოს სიმღერებისათვის. თითოეულ მათგანს, როგორც შენიშნავს იგი, შესაბამისი მუსიკალური დიალექტები გააჩნია, რომლებიც დროთა ვითარებაში გამოუმუშავდათ ცალკეულ რეგიონებს².

მრავალხმიანობის ზემოაღნიშნული ორი ტიპის დადგენა ქართულ ხალხურ სიმღერებში დიდი მნიშვნელობის ფაქტია. მათი შემდგომი განვითარება ნჭიდროდ არის დაკავშირებული კილოებრივი აზროვნების განვითარებასთან. კომპლექსური მრავალხმიანობა, რომელიც ძირითადად სვანურმა სასიმღერო შემოქმედებამ შემოგვინახა, ხასიათდება ხმების კომპლექსური მოძრაობით (ორ ან სამ ხმაში), რომელიც უმეტესად პარალელურია. ხმები თავისი ფუნქ-



ციის მიხედვით ნაკლებად ან სრულიად არ არის დიფერენცირებული. სამხმიან წყობაში ოდნავ გამოიყოფა შუა ხმა მელოდიის სახით. ბურდონული მრავალხმიანობის საფუძველია მელოდიის წამყვანი ხმა და გაბმული ანუ ბურდონული ბანი³. აღნიშნული სახის მრავალხმიანობის განვითარების თვალსაზრისით საინტერესოა ხევსურული ერთხმიანი სიმღერები, რომლებსაც მარტივი მელო-

² Ivette Grimaud, Trois chants de Géorgie occidentale, გვ. 69—70; მისივე, Indices de pérennité musiques transmises oralement, La tradition de Géorgie orientale (resumé), გვ. 121.

³ შ. ასლანიშვილი, ნარკვევები ქართული ხალხური სიმღერების შესახებ I, თბ., 1954, გვ. 25; იხ. ზ. ფალიაშვილი, ქართული ხალხური სიმღერების კრებული, თბ., 1909, გვ. 37, № 21, „შურშანა“.

⁴ შ. ასლანიშვილი, დასახ. ნაშრომი, გვ. 18.

დიური სტრუქტურა გააჩნიათ. ასეთ სიმღერებში ყოველი ფრაზის ბოლოს მოცემული რიტმულად მყარი ტონიკური ბგერა მომდევნო ფრაზისათვის ჰარმონიულ საყრდენს წარმოადგენს და მიუხედავად ერთხმიანობისა, ქმნის ორხმიან-



ნობის შეგრძნებას, ფარულ ორხმიანობას⁵. ეს განსაკუთრებით იგრძნობა სიმღერის რეალურად მოსმენისას. ამ უკანასკნელის განვითარების შემდგომი საფეხური შემორჩენილია ხევსურულ ორხმიან სიმღერაში „ხუთშაბათ გათენდება“ (ჩაწერილია კომპოზიტორ შ. მშველიძის მიერ), სადაც ბანი ჩაერთვის ფრაზების ბოლოს ტონიკურ ბგერაზე და აძლიერებს ტონიკური ბგერის, რო-

სუა-შა-ხია გა-თენ-გე-ბა ლუხ-ხე-ვი ა-ა-შა ი-ო და-სუა ზე-რ-გაკ-ობ

გორც მელოდიის ჰარმონიული საყრდენის მნიშვნელობას. გარდა ამისა, ხშირ შემთხვევაში ბანი გრძელდება მომდევნო ფრაზების დასაწყისში. (ორი მეოთხედის მანძილზე)⁶.

ქართული მრავალხმიანობის განვითარების შემდგომი საფეხურები ემყარება მრავალხმიანობის ზემოთ აღნიშნულ ორ ტიპს. კერძოდ, დადგენილია, რომ კომპლექსურ მრავალხმიანობაში სამხმიანობა წარმოიქმნა ორხმიანი სიმღერის ქვედა ხმის ანუ ბანის თითოეულ ბგერაზე წმინდა კვინტის დაშენების შედეგად. ასეთ ვითარებაში, ორხმიან წყობაში მოცემული ძირითადი მელო-



დია, სამხმიან წყობაში შუა ხმად ანუ მეორე ხმად იქცა და წმინდა კვინტების (ბანი და ზედა, პირველი ხმა) ჩარჩოში მოექცა. ზედა, პირველი ხმა (ანუ ბანის ბგერებზე დაშენებული კვინტები) თანდათან ძირითადი მელოდიის ფუნქციას იძენს. ფართოდება მისი დიაპაზონი, უჩნდება ზედა დამხმარე ბგერები. უფ-

⁵ შ. ასლანიშვილი, ნაკვევები ქართული ხალხური სიმღერების შესახებ, II, თბ., 1956, გვ. 62, № 10, „თასზე მღერა“.

⁶ ნ. მაისურაძე, აღმოსავლეთ საქართველოს მუსიკალური კულტურა, თბ., 1971, გვ. 39.

⁷ ქართული ხალხური სიმღერა, I, რედაქტორი გრ. ჩხიკვაძე, თბ., 1960, გვ. 12.

⁸ შ. ასლანიშვილი, დასახ. ნაშრონი, I, გვ. 68; გრ. ჩხიკვაძე, ქართული ხალხური სიმღერა; იხ. ქართული ხალხური სიმღერა, I, გვ. XV; ნ. მაისურაძე, დასახ. ნაშრომი, გვ. 39.

⁹ ნ. ასლანიშვილი, დასახ. ნაშრომი, I, გვ. 35, 36; მ. ისიკვე, Гармония в народных хоровых песнях Картли и Кахети, М., 1978, გვ. 87, 88.

რო გვიან, კომპლექსური მრავალხმიანობის განვითარების შემდეგ საფეხურზე, ბანი მდიდრდება ნახტომებით. კომპლექსურ წყობაში ყოველი ხმა დამოუკიდებლობას იძენს, წინ არის წამოწეული არა ხმათა ვერტიკალი, არამედ თითოეული ხმის მელიოდური ხაზი, რის შედეგად კომპლექსური მრავალხმიანო-

Allergo risoluto con marziale 10

ბა გადაიზრდება პოლიფონიურ წყობაში¹¹, რომელიც შეინიშნება დასავლეთ საქართველოს ბარის მოსახლეობის, კერძოდ გურულ სასიმღერო შემოქმედებაში¹². ამგვარად კომპლექსურ მრავალხმიანობაში სამხმიანობის წარმოშობის გზის მიკვლევის შედეგად, საერთოდ ქართულ ხალხურ სიმღერებში სამხმიანობის განვითარების ერთ-ერთი უძველესი ფორმა დადგინდა. აქვე გვსურს ჩვენი ყურადღება შევაჩეროთ არატერციული წყობის აკორდზე — კვარტკვინტაკორდზე (მაგ., დო-ფა-სოლ), რომელმაც იმთავითვე მიიქცია მკვლევართა ყურადღება, როგორც ქართული ხალხური სიმღერისათვის დამახასიათებელმა აკორდმა¹³. შ. ასლანიშვილმა მიაკვლია რა კომპლექსურ მრავალხმიანობაში ორხმიანობიდან სამხმიანობაში გადასვლის გზას, ამავე დროს კვარტკვინტაკორდის გენეზისი დაადგინა¹⁴. კერძოდ, კომპლექსური მრავალხმიანობის ორხმიან ფრაგმენტებში მნიშვნელოვანი ადგილი უჭირავს წმინდა კვარტას, რომელიც წარმოდგენილია ტერციასთან, კვინტასთან და, იშვიათ შემთხვევაში, პრიმასთან თანმიმდევრობაში. ორხმიანობიდან სამხმიანობაში გადასვლისას, ბანის ბგერებზე წმინდა კვინტების დაშენების დროს,

Largo 15

¹⁰ შ. ასლანიშვილი, დასახ. ნაშრომ, I, გვ. 181; იხ. ზ. ფალიაშვილი, ქართული ხალხური სიმღერების კრებული, გვ. 6, № 4, „მგზავრული“.

¹¹ მუსიკათმცოდნეობაში ტერმინები „მრავალხმიანობა“ და „პოლიფონია“ შინაარსობრივად განსხვავდებიან ერთმანეთისაგან. პოლიფონია გულისხმობს მრავალხმიანობის ერთ-ერთ სახეობას, სადაც თითოეული ხმა (შესაბამისი სიტყვიერი ტექსტით) ვითარდება დამოუკიდებელი მელიოდის სახით.

¹² შ. ასლანიშვილი, დასახ. ნაშრომი, გვ. 34—37, 45—46.

¹³ დ. არაყიშვილი, ქართული მუსიკა, ქუთაისი, 1925, გვ. 20—21.

¹⁴ შ. ასლანიშვილი, დასახ. ნაშრომი, I, გვ. 34—44.

¹⁵ ვ. ახობაძე, დასახ. ნაშრომი, გვ. 50, № 8, „მგრზაბეგი“.



ორხმიანი წყობის ინტერვალები სამხმიანი აკორდის ნაწილად იქცევიან. ასეთ შემთხვევაში კვარტაზე წმინდა კვინტის (ბანის ბგერიდან) დაშენების პროცესში წარმოიქმნება კვარტკვინტაკორდი. იგი ხმათა პარალელურ მოძრაობაში შევიდა როგორც თანასწორუფლებიანი თანაბგერადობა¹⁶. დასავლეთ საქართველოს ხალხურ სიმღერებში არატერციული აკორდები, მათ შორის კვარტკვინტაკორდი, გვხვდება ყველა საფეხურზე, რამდენადაც ცვალებადი კილოს პირობებში, სადაც დროებითი ტონიკის ფუნქციის შესრულება ყველა საფეხურს შეუძლია, კვარტკვინტაკორდი თავს იჩენს სხვა საფეხურებზეც, მაგრამ იმ სიმღერებში, რომლებშიც ჰარმონიული კანონზომიერებანი მაღალ დონეს აღწევენ, კილო ჩამოქარწყლია, კვარტკვინტაკორდს მიჩნეული აქვს თავისი ადგილი. კერძოდ, ბურღონულ მრავალხმიანობაში კვარტკვინტაკორდი გვხვდება მაცორულ კილოებში I საფეხურზე, ხოლო მინორულ კილოებში — I და VII საფეხურებზე¹⁷. გარდა ამისა, ბურღონული მრავალხმიანობის შემდგომ განვითარებაში ჩნდება არატერციული აკორდების სხვა სახეობანიც (კვარტსეპტაკორდი, სეპტოქტავაკორდი).

ბურღონულ მრავალხმიანობაში სამხმიანობის ერთ-ერთი უძველესი სახეობაა მელოდიის მოძრაობა შუა ხმაში (მეორე ხმა) ბურღონული ბანის ფონზე, რომელიც გაორმაგებულია ოქტავით ზევით (პირველი ხმა). სამხმიან სიმღერაში აღნიშნული უნისონური ყდერადობა კიდურს ჩემბისა, რომელთა მიმართ შუა ხმა დისონირებულია, პირველმა დ. არაყიშვილმა შენიშნა, ხოლო ივ. ჯავახიშვილმა იგი განიხილა როგორც ორხმიანობიდან სამხმიანობაში გადასვლის პირველადი ფორმა და მაგალითად დაასახელა ზ. ნადელის მიერ მიკვლეული სამხმიანობის ერთ-ერთი ძველი ნიმუში „თებრონე მიდის წყალზედა“¹⁸. გრ. ჩხიკვაძე ზემოთ აღნიშნული სამხმიანობის უძველეს ნიმუშთა შორის ასახელებს სიმღერას „მეფე ერეკლეს დატირება“¹⁹.



ბურღონული მრავალხმიანობის განვითარების შემდეგ საფეხურებად მიჩნეულია ზემოთ აღნიშნული სამხმიანობის ფორმა, სადაც ზედა, პირველი ხმა მელოდიზირებულია ბანისაგან განსხვავებული მელოდიური წანაზარდებით; ჰარმონიული წყობის სამხმიანობა, სადაც პირველი და მეორე ხმები მოძრაობენ ერთგვაროვანი ან მსგავსი რიტმული ნახაზით ბანის ფონზე; პოლიფონიურ-ჰარმონიული წყობის სამხმიანობა, სადაც გაბმული ბანის ფონზე პირველი

¹⁶ შ. ასლანიშვილი, დასახ. ნაშრომი, გვ. 38—39.
¹⁷ იქვე, გვ. 38.

¹⁸ Д. Аракишвили, Краткий очерк развития грузинской карталино-кахетинской народной песни, «Труды МЭК» I, М., 1909, გვ. 279—280; ივ. ჯავახიშვილი, ქართული მუსიკის ისტორიის ძირითადი საკითხები, თბ., 1938, გვ. 31—32, 335—336; შ. ასლანიშვილი, დასახ. ნაშრომი, I, გვ. 7—8; გრ. ჩხიკვაძე, ქართული ხალხური სიმღერა, გვ. XII

¹⁹ გრ. ჩხიკვაძე, ქართული ხალხური სიმღერა, გვ. XIII.

²⁰ ქართული ხალხური სიმღერა, I, რედაქტორი გრ. ჩხიკვაძე, გვ. 182., „მეფე ერეკლეს დატირება“, ჩაწერილია ი. კარგარეთელის მიერ.

13. „მაცნე“, ისტორიის სერია, 1979, № 4

და მეორე ხმები წარმოქმნიან დიალოგს, ან შეერწყმიან ერთმანეთს ერთგვაროვან რიტმულ ნახაზში²¹.

ივეტ გრიმოს აზრით, ქართული მრავალხმიანობის ორიგინალურ ფორმას წარმოადგენს სიმღერის ანტიფონური შესრულება²². დ. არაყიშვილმა მრავალხმიანობის ეს სახეობა ერთ-ერთ უძველეს ფორმად მიიჩნია. იგი ორი მომღერლის ან ორი გუნდის მიერ მელოდიის მონაცვლეობით შესრულებას ემყარება, სადაც მეორე მომღერალი თუ გუნდი იმეორებს პირველის მიერ წარმოთქმულ ჰანგს, რომლის ვარირებული განმეორებისას იქმნებოდა ხელშემწყობი პირობა პოლიფონიური ფორმის წარმოქმნისათვის²³. არანაკლებ საყურადღებოა ანტიფონური შესრულების ის ფორმა, როდესაც ორი მომღერალი ასრულებს ერთ და იმავე მელოდიის სხვადასხვა ნაწილს, რომელთაგან ერთ-ერთი ბანის ფუნქციასაც ატარებს²⁴.



საუკუნეთა მანძილზე გამომუშავებულმა როგორც აღმოსავლეთ, ისე დასავლეთ საქართველოს ცალკეული კუთხეების სიმღერებისათვის დამახასიათებელმა სტილისტურმა თავისებურებებმა იმათავითვე განაპირობეს მუსიკალური დიალექტების წარმოქმნა. მრავალხმიანობის ზემოთ აღნიშნულმა ორმა სახეობამ (კომპლექსური და ბურღონული) ასახვა პოვეს მუსიკალურ დიალექტებში.

მრავალხმიანობის თვალსაზრისით უთუოდ განსაკუთრებული ყურადღების ღირსია ქართული (აჭარული) შრომის ოთხხმიანი სიმღერები, რომლებიც „ნადურის“ სახელწოდებით არის ცნობილი²⁵. ივეტ გრიმო ახასიათებს რა აღმოსავლეთ და დასავლეთ საქართველოში გავრცელებულ შრომის სიმღერებს²⁷ საგანგებოდ ჩერდება აჭარულ ოთხხმიან ნადურებზე. იძლევა სიმღერის თი-

²¹ შ. ა ს ლ ა ნ ი შ ვ ი ლ ი, დასახ. ნაშრომი, გვ. 17.

²² Ivette Grimaud, La tradition de Géorgie orientale, გვ. 121.

²³ Д. Аракишвили, Обзор народной песни Восточной Грузии, Тб., 1948 გვ. 26; შ. ა ს ლ ა ნ ი შ ვ ი ლ ი, დასახ. ნაშრომი, I, გვ. 75.

²⁴ შ. ა ს ლ ა ნ ი შ ვ ი ლ ი, დასახ. ნაშრომი, გვ. 75.

²⁵ იქვე; გვ. 71; იხ. Д. Аракишвили, Грузинское народное музыкальное творчество, Отгиски из В т. «Трудов МЭК», М., გვ. 93, № 1, „ჭერია“.

²⁶ ივ. ჭ ა ვ ა ხ ი შ ვ ი ლ ი, ქართული მუსიკის ისტორიის ძირითადი საკითხები, გვ. 81; ვ. ა ხ თ ბ ა ძ ე, ოთხხმიანობა ქართულ ხალხურ სიმღერებში, 1958/1959 წწ. ინახება თბილისის სახელმწიფო კონსერვატორიის ბიბლიოთეკაში; მ ი ს ი ვ ე, ქართული (აჭარული) ხალხური სიმღერები, ბათუმი, 1961; მ ი ს ი ვ ე, Грузинские народные трудовые песни «Надури», VII международный конгресс антропологических и этнографических наук, М., 1964; გრ. ჩ ხ ი ნ ზ ე, Основные типы грузинского народного многоголосья, VII международный конгресс антропологических и этнографических наук, М., გვ. 8—10; მ ი ს ი ვ ე, ქართული ხალხური მუსიკა, თბ., 1965, გვ. 29—32; მ ი ს ი ვ ე, ქართული ხალხური ოთხხმიანობა, 1967/1968 წწ., ინახება თბილისის სახ. კონსერვატორიის ბიბლიოთეკაში.

²⁷ Ivette Grimaud, Musique vocale georgienne, chants de Travail.

თოეული ხმის დახასიათებას, მის ადგილს და ფუნქციას ოთხხმიან სიმღერაში. გარდა ამისა, „ნადურის“ შესრულების წესს განიხილავს შესაბამის შრომის პროცესთან უშუალო კავშირში²⁸. „ნადური“ სრულდება ორი გუნდის მიერ. ყოველ გუნდში მონაწილეობენ მომძახნელი — დამწყები ანუ მთქმელი, გამყივანი, შემხმობარი და ბანი²⁹. სავსებით სამართლიანად აღნიშნავს ივეტ გრიმო, რომ დამწყები მეორე ხმაა, იგი ძირითადი მელოდიისა და სიტყვიერი ტექსტის შემსრულებელია; პირველი, მაღალი ხმა გამყივანი და კრიმანჭულია. ისინი განსხვავდებიან ერთმანეთისგან. თითოეული მათგანის მელოდიას გააჩნია ინდივიდუალური თვისებები და სრულდება განსხვავებული ხასიათის სიმღერებში³⁰. არის შემთხვევები, როდესაც კრიმანჭულის და გამყივანის მელოდი-



ბი ერწყმინან ერთმანეთს. ნადურ სიმღერებზე დაკვირვებამ გამოავლინა, რომ კრიმანჭულში სამი ბგერადან, ორი მათგანი ბანისა და შემხმობარის (მაღალი ბანის) საყრდენ ბგერებს — ტონიკურ პრიმას და კვინტას იმეორებს. გარკვეულია აგრეთვე, რომ კრიმანჭული მაშინ უერთდება სიმღერას, როდესაც ყველაზე დაბალი ხმა, ბანი განვითარებული მელოდიის შემსრულებლად იქცევა და კარგავს ძირითადი საყრდენი ბგერების ფუნქციას³². სწორედ შენიშნავს ივეტ გრიმო, რომ შემხმობარი, რომელიც რიგით მესამე ხმაა, გაბმულ ბგერაზე სრულდება და დამაკავშირებლის ფუნქციას ასრულებს³³. შემხმობარის ანუ მაღალი ბანის ჰარმონიული დანიშნულება მრავალმხრივია. იგი ჰარმონიული ფუნქციის მატარებელი ბგერაა; აკავშირებს ერთმანეთთან არა მარტო ფრაზებსა და წინადადებებს, არამედ ორ გუნდს; მას ეკისრება სიმღერისა და შესაბამისი შრომის პროცესის უწყვეტი განვითარება. შემხმობარი უმთავრესად ჩნდება მაშინ, როდესაც მთქმელი და გამყივანი გამოეთიშებიან. ზოგჯერ კი, მისი დანიშნულება მთქმელისა და გამყივანის მელოდიური მოძრაობის დაბოლოებაა. ასეთ შემთხვევაში შემხმობარი წარმოგვიდგება დასკვნითი ბგერის სახით და ამგვარად მელოდიის საყრდენ წერტილს წარმოადგენს³⁴. ბანი ანუ დაბალი ბანი, როგორც ფრანგი მკვლევარი მიუთითებს, აქტიურ როლს ასრულებს პოლიფონიის განვითარებაში³⁵. ბანი საკმაოდ ფართო სუნთქვის მელოდიაა. იგი ჩაერთვის „ნადურის“ პირველი ნაწილის მეორე ნახევარში. პირველი ნახევარი სამ ხმაში სრულდება (გამყივანი, მთქმელი, შემხმობარი)³⁶.

²⁸ Jvette Grimaud, *Musique vocale georgienne, chants de Travail.*, გვ. 24.

²⁹ В. В. А х о б а д з е, *Грузинские народные трудовые песни «Надури»*, გვ. 2; *Гр. Ч х и к в а д з ე, Основные типы грузинского народного многоголосья*, გვ. 8—9; *მ ი ს ი ე ვ ე, ქართული ხალხური მუსიკა*, გვ. 29.

³⁰ Ivette Grimaud, *დასახ. ნაშრომი*, გვ. 4.

³¹ ე. ა ხ ბ ბ ა ძ ე, *დასახ. ნაშრომი, მაგალითი № 2, 3.*

³² იქვე, გვ. 2, 4.

³³ Ivette Grimaud, *დასახ. ნაშრომი*, გვ. 4.

³⁴ В. В. А х о б а д з е, *დასახ. ნაშრომი*, გვ. 3; *გრ. ჩ ხ ი კ ე ა ძ ე, ქართული ხალხური მუსიკა*, გვ. 30—31.

³⁵ Ivette Grimaud, *დასახ. ნაშრომი*, გვ. 4.

³⁶ В. А х о б а д з е, *დასახ. ნაშრომი*, გვ. 3; *გრ. ჩ ხ ი კ ე ა ძ ე, დასახ. ნაშრომი*, გვ. 30.

მრავალხმიანობის ფორმებში, თავის მხრივ, განაპირობებს პარმონიულ ელემენტთა დიდი მრავალფეროვნება და სირთულე. მათ შორის საყურადღებოა კადანსები, რომლებიც გამოირჩევიან პარმონიული შინაარსის სიმღერით და გარკვეული მნიშვნელობა ენიჭებათ სიმღერის ფორმის წარმოქმნაში³⁸. განირ-



ჩევა კადანსთა ორი ჯგუფი, რომელთაგან პირველი წარმოდგენილია ერთი კილოს ფარგლებში, ხოლო მეორე — შეიცავს მოდულაციას ერთი კილოდან მეორეში³⁹. აღსანიშნავია აგრეთვე ორმაგი კადანსები, რომლებიც ორი კადანსის შეერთების საფუძველზეა წარმოქმნილი. არის შემთხვევები, როდესაც ორმაგი კადანსი კოდის სახითაა წარმოდგენილი⁴⁰.

ფრანგი მკვლევარი საგანგებოდ ჩერდება ქართული ხალხური სამუსიკო ტერმინოლოგიის საკითხებზე, კერძოდ, იგი განიხილავს მრავალხმიან სიმღერებში ხმათა სახელწოდებებს, მსჯელობს თითოეული მათგანის ფუნქციის შესახებ. სავსებით სწორად შენიშნავს იგი, რომ ესა თუ ის სახელწოდება განსაზღვრავს შესაბამისი ხმის ხასიათს⁴¹. ხმათა სახელწოდებების ფუნქციათა გამოკვლევამ მნიშვნელოვანი როლი შეასრულა მრავალხმიანობის თანდათანობითი განვითარების პროცესის გამოვლენაში. იმავეითვე მიიჭვია ივ. ჯავახიშვილის ყურადღება იმ გარემოებამ, რომ ქართულმა სამუსიკო ტერმინოლოგიამ ხმათა სახელწოდებებს შორის შემოგვინახა „მაღალი ბანი“. მან გამოთქვა მოსაზრება, რომ აღნიშნული ტერმინის გაჩენა დაკავშირებული უნდა იყოს გაბმული ბანის მჭონე სამხმიანობის იმ უძველესი სახეობის ჩამოყალიბებასთან, რომელშიც ბანი გაორმაგებულია პირველ ხმაში ოქტავით ზევით, ხოლო მეორე, შუა ხმა ძირითადი მელოდიის შემსრულებელია⁴². ხალხურ ყოფაში შემონახულია აგრეთვე ძირითადი ჰანგის შემსრულებელი ხმის სახელწოდებები: „თქმა“ და „მოძახილი“ („მომძახნელი“), რომლებიც ორხმიან სიმღერებში ზედა, მელოდიის წამყვან ხმას ეწოდება, ხოლო სამხმიანში შემორჩენილია როგორც მეორე (შუა) ხმის, ისე პირველი ხმის სახელად. გარკვეულია, რომ აღნიშნული ტერმინები პირველი ხმის სახელად იქცნენ იმ დროიდან, როდესაც

³⁷ В. А х о б а д з е, დასახ. ნაშრომი, მაგალითი № 4, 5.

³⁸ შ. ა ს ლ ა ნ ი შ ვ ი ლ ი, ქართლ-კახური ხალხური საველნო სიმღერების პარმონია, თბ., 1970, გვ. 93; დასახ. ნაშრომში გარდა კადანსებისა, შესწავლილია ქართული ხალხური სიმღერებისათვის დამახასიათებელი კილოები, მელოდიის ძირითადი თვისებები, ბანი, არააკორდული ბგერები, აკორდიკა, მოდულაცია, მოდულაციური გეგმები.

³⁹ შ. ა ს ლ ა ნ ი შ ვ ი ლ ი, დასახ. ნაშრომი, გვ. 93—119.

⁴⁰ ნ. მაისურაძე, აღმოსავლეთ საქართველოს მუსიკალური კულტურა, გვ. 102—103, 124—125.

⁴¹ I v e t t e G r i m a u d, Trois chants de Géorgie occidentale, გვ. 71—72; მ ი ს ი ვ ე ე., Anthologie de la musique vocale géorgienne, გვ. 5.

⁴² ივ. ჯ ა ვ ა ხ ი შ ვ ი ლ ი, ქართული მუსიკის ისტორიის ძირითადი საკითხები, გვ. 333—336; იხ. აგრეთვე, გრ. ჩ ხ ი კ ე ა ძ ე, ქართული ხალხური სიმღერა, გვ. XII—XIII.

სამხმიან წყობაში ზედა, პირველი ხმა ანუ „მაღალი ბანი“, მრავალხმიანობის განვითარების გარკვეულ საფეხურზე გაფართოვდა, განვითარდა და მეორე ხმის მსგავსად მელოდიისა და სიტყვიერი ტექსტის შემსრულებლად იქცა⁴³. ამრიგად, ივ. ჯავახიშვილმა ხმების სახელწოდებები ისტორიულ განვითარებაში განიხილა. აქვე დავძენთ, რომ ხმათა თანდათანობითი გაჩენის პროცესი, ხშიერი მუსიკის პარალელურად შესწავლილია საკრავიერ მუსიკაშიც. საკრავის სიმთა რაოდენობა და წყობები განხილულია მრავალხმიან სიმღერებში ხმათა რაოდენობის შესაბამისად. ქართულ ეთნოგრაფიულ ყოფაში დადასტურებულია არა მარტო ორსიმიანი საკრავი⁴⁴, არამედ მისთვის დამახასიათებელი კვარტული წყობა. დ. არაყიშვილმა თავის დროს მიაკვლია სამსიმიანი ფანდურის ორ ხმაზე, კვარტაში აწყობის წესს (ორი სიმი უნისონში ჟღერდა, ხოლო მესამე კვარტით იყო მათგან დაშორებული)⁴⁵. ამგვარი წყობის მქონე ფანდურზე შესასრულებელ ჰანგებში მან შენიშნა როგორც ორხმიანობის, ისე სამხმიანობის ელემენტები, რომელთა შორის უპირატესობა პირველ მათგანს ენიჭებოდა⁴⁶. შენიშნულია, რომ დ. არაყიშვილის მიერ მიკვლეული ეს წყობა შეესაბამება ორხმიანობიდან სამხმიანობაში გადასვლის საფეხურს⁴⁷. გარდა ზემოთქმულისა, დადგენილია ფანდურის სეკუნდურ-ტერციული წყობა⁴⁸. ფანდუ-



რის წყობაში ტერციის გამოჩენა მიჩნეულია მოგვიანო ხანის მოვლენად და დაკავშირებულია სამხმიანობის განვითარებასთან⁴⁹. არანაკლებ საინტერესოა ვ. ახობაძის მოსაზრება სვანური ჭუნირის წყობაზე. მისი დაკვირვებით. სამსიმიანი ჭუნირის (ხემიანი საკრავია) განაპირა სიმთა ჟღერადობა (სოლ-ლა-დო) ზუსტად ემთხვევა აფხაზური ორსიმიანი ხემიანი საკრავის აფხარცას სიმთა ჟღერადობას (სოლ-დო), რის საფუძველზეც იგი ვარაუდობს, რომ ჭუნირი ადრე კვარტული წყობის მქონე ორსიმიანი საკრავი უნდა ყოფილიყო და რომ აფხაზურ ორსიმიან აფხარცაზე აისახა აფხაზური სიმღერებისათვის დამახასიათებელი ორხმიანობა, ხოლო სვანურ ჭუნირზე — სვანური სიმღერებისათვის

⁴³ ივ. ჯავახიშვილი, დასახ. ნაშრომი, გვ. 331—332; იხ. აგრეთვე შ. ასლანიშვილი, დასახ. ნაშრომი, I, გვ. 9—10.

⁴⁴ იხ. ივ. ჯავახიშვილი, დასახ. ნაშრომი, გვ. 156; შ. ასლანიშვილი, დასახ. ნაშრომი, I, გვ. 12; ორსიმიანი საკრავები დღესაც ცნობილია ჩრდილო კავკასიის ხალხებში: აფხაზებში, ოსებში, აღღეველებში, ჩეჩენებში და სხვ. (იხ. К. В. Кобар, 101 абхазская народная песня, Сухуми, 1929, გვ. 11; И. Хашба, Абхазские народные музыкальные инструменты, Сухуми, 1967, გვ. 34; В. И. Абаев, Осетинский язык, и фольклор, М.-Л, 1949, გვ. 322; Народы Кавказа, т. I, М., 1960, გვ. 216, 294, 372).

⁴⁵ Д. Аракишвили, Обзор народной песни Восточной Грузии, გვ. 32.

⁴⁶ იქვე.

⁴⁷ მ. შილაკაძე, ქართული ხალხური საკრავიერი ჰანგების მრავალხმიანობა, I. ორხმიანობა, მასალები საქართველოს ეთნოგრაფიისათვის, 1975, გვ. 191.

⁴⁸ Д. Аракишвили, Грузинское народное музыкальное творчество, Оттиски из V т. «Трудов МЭК», გვ. 143; В. М. Беляев, К вопросу изучения грузинских народных музыкальных инструментов, Тб., 1936, გვ. 39.

⁴⁹ В. М. Беляев, დასახ. ნაშრომი, გვ. 37.

დამახასიათებელი სამხმიანობა⁵⁰. ასევე, ოთხსიმინ ჩონგურზე მეოთხე სიმის „გილის“ გაჩენა დაკავშირებულია ხმეირ მუსიკაში ოთხსიმინასთან⁵¹.

რაც შეეხება მრავალხმიანობის სადაურობის საკითხს, ივ. ჯავახიშვილმა, ნაწილობრივ მუსიკალური მასალისა და უმთავრესად კი ძველ ქართულ მწერლობაში და ხალხურ ყოფაში შემონახული მუსიკალური ტერმინების განხილვის საფუძველზე დაადგინა, რომ ქართული მრავალხმიანობა ადგილობრივ ნიადაგზეა წარმოშობილი⁵². ივ. ჯავახიშვილმა ყურადღება მიაქცია აგრეთვე იმ გარემოებას, რომ ქართული წარმართული სიმღერები „ლილე“, „იავნანას“, „მზე შინა და მზე გარეთა“ და სხვ., რომლებიც დევნილი იყო ქრისტიანული ეკლესიის მიერ და მაინც ინარჩუნებდნენ თავის საკუთარ სახეს, ორი და სამეძიანია. აქედან გამომდინარე იგი ვარაუდობდა, რომ ქართული მრავალხმიანობა წარმართული ხანიდან მომდინარეობდა⁵³.

ივეტ გრიმო ქართულ ხალხურ სიმღერებს განიხილავს წეს-ჩვეულებებთან კავშირში, რომლებიც გენეტურად დაკავშირებულია უძველეს რელიგიურ რწმენა-წარმოდგენებთან. მუსიკალური აზროვნების განვითარების ადრეულ საფეხურებს (მარტივ ფორმებს) იგი წინაქრისტიანულ ხანას უკავშირებს და სვამს საკითხს ქართული მრავალხმიანობის ძალზე ძველი წარმოშობის შესახებ. ვარდა ამისა, საესეებით სამართლინად შენიშნავს, რომ მუსიკალური აზროვნების განვითარების მარტივი ფორმები საქართველოს მთამ შემოგვინახა⁵⁴. ამაზე მიუთითებს არაერთი მასალა მთის მუსიკალური შემოქმედებიდან. მაგალითად, თუშური საფერხულს „ლაშარის სიმღერის“ მელოდია მიჩნეულია უმარტივეს სახეობად ბარში გავრცელებული „იავნანას“ მელოდიისა⁵⁵, რომლის წარმოშობა დაკავშირებულია ქართველთა რელიგიის ისტორიაში მცენარეულისა და მზის თაყვანისცემის საფუძველზე აღმოცენებული დიდი დედის, ღვთაება ნანას კულტთან⁵⁶. ქართველ მთიელთა მუსიკალურ კულტურას დღემდე არაერთი მკვლევარი შეხებია: დ. არაყიშვილი, შ. ასლანიშვილი, გრ. ჩხიკვაძე, ვ. ახობაძე და სხვ. ზემოთ დასახელებულ მკვლევართა შრომებში⁵⁷, ქართველთა მუსიკალური აზროვნების განვითარების უძველესი ეტაპების შესწავლის თვალსაზრისით განსაკუთრებული ადგილი ეთმობა სვანეთს (დასავლეთ

⁵⁰ В. В. А х о б а д з е, Предисловие. См. Абхазские песни, составители В. В. А х о б а д з е, и И. К о р т у а, М., 1957, гл. 9.

⁵¹ В. В. А х о б а д з е, Грузинские народные трудовые песни «Надури», гл. 5.

⁵² ივ. ჯ ა ვ ა ხ ი შ ვ ი ლ ი, ქართული მუსიკის ისტორიის ძირითადი საკითხები, გვ. 24—37, 293—295, 325—341.

⁵³ ივ. ჯ ა ვ ა ხ ი შ ვ ი ლ ი, დასახ. ნაშრომი, გვ. 326—327.

⁵⁴ I v e t t e G r i m a u d, Sur un chant svane de Géorgie occidentale; მ ი ს ი ე ვ, La tradition, de Géorgie orientale, გვ. 120—121.

⁵⁵ შ. ა ს ლ ა ნ ი შ ვ ი ლ ი, დასახ. ნაშრომი, I, გვ. 110—117.

⁵⁶ ვ. ბ ა რ დ ა ვ ე ლ ი ძ ე, ქართველთა უძველესი სარწმუნოების ისტორიიდან, დიდი დედა ნანა, III, გვ. 33, ხელნაწერი.

⁵⁷ Д. А р а к и ш в и л и, Народные песни горцев Восточной Грузии, I, Хевсуры журн. «Советская музыка», 1939, № 7; მ ი ს ი ე ვ, Обзор народной песни Восточной Грузии; მ ი ს ი ე ვ, სვანური ხალხური სიმღერები, თბ., 1950 და სხვ. შ. ა ს ლ ა ნ ი შ ვ ი ლ ი, ნარკვევები ქართული ხალხური სიმღერების შესახებ, II; გვ. ჩ ხ ი კ ვ ა ძ ე, ქართული ხალხური სიმღერა, იხ. „ქართული ხალხური სიმღერა“, I, გვ. XIV—XIX; ვ. ა ხ ბ ა ძ ე, ქართული (სვანური) ხალხური სიმღერების კრებული, თბ., 1957, და სხვ.

საქართველოში) და ხეცსურეთს (აღმოსავლეთ საქართველოში). მიუხედავად იმისა, რომ ამ რეგიონების სამუსიკო შემოქმედება საერთო ქართულ მუსიკალურ კულტურაში განვითარების ადრეული ეტაპების ამსახველია, იგი მუდმივ განვითარებაშია მოცემული⁵⁸. მაგალითისათვის მოვიტანთ ნიმუშებს როგორც ხეცსურული, ისე სვანური საწესო სიმღერებიდან.

ვახიონის სიმღერა 59



საცემებით ნათელია, რომ ამ ორი ხეცსურული სიმღერიდან პირველი მათგანი მელოდიური მიმოქცევაა, სადაც არ არის დიფერენცირებული კილოს შემადგენელი ელემენტები, ფუნქციონალური ურთიერთდამოკიდებულება კილოს ბგერებს შორის და პარმონიული საფუძველი, აღნიშნულ მელოდიურ მიმოქცევას პენტატონიკური ხასიათი აქვს⁶⁰. მეორე მათგანის ფაქტურა შედარებით რთულია. მელოდია გაფართოებულია. ფორმა წარმოდგენილია ორი ფრაზისაგან შემდგარი წინადადებით. ფრაზები ქმნიან მუსიკალურ დიალოგს. კილო შედარებით რთულ ფორმებშია წარმოდგენილი (ბანში სოლ კილოს VII საფეხური (ფა) გაფართოებულია) წინადადებები თავდება მარტივი კადანსით⁶¹.

ასევე სვანური სიმღერების ნიმუშებიდან ნათელია, რომ „კვირილა“, რომელიც გვალვისა და ავდრის შემთხვევაში სრულდებოდა. უძველესი ორხმიანობის გადმონაშთია, რაზეც მიუთითებს ინტონაციის შელოცვითი ხასიათი,

კვირილა 62



⁵⁸ ნ. შაისურაძე, აღმოსავლეთ საქართველოს მუსიკალური კულტურა, გვ. 12—39

⁵⁹ შ. ასლანიშვილი, დასახ. ნაშრომი, II, გვ. 59, № 1; გვ. 65, № 3.

⁶⁰ იქვე, გვ. 26—27.

⁶¹ ნ. შაისურაძე, დასახ. ნაშრომი, გვ. 32.

⁶² შ. ასლანიშვილი, დასახ. ნაშრომი, I, გვ. 30; ე. ახოზაძე, ქართული (სვანური) ხალხური სიმღერების კრებული, გვ. 109, № 58. ჩაწერილა შ. ასლანიშვილის მიერ.

გაბატონებული კვარტის ხმოვანება და სიმღერის სოციალური ფუნქცია,⁶³ ხოლო ორსართულიან ფერხულში „მირმიქელა“ წარმოდგენილია ხმათა პარალელურ მოძრაობაზე დამყარებული კომპლექსური მრავალხმიანობა.

ივეტ გრიმო თავის შრომებში უყურადღებოდ არ ტოვებს არც ქართულ საკრავიერ მუსიკას. იგი სამართლიანად შენიშნავს, რომ საკრავები ძველთაგანვე იყო გავრცელებული საქართველოში⁶⁴.

დასასრულს აღვნიშნავთ, რომ ივეტ გრიმოს შრომებში ქართული ხალხური მუსიკალური კულტურა მრავალმხრივად შესწავლილი. მიუხედავად იმისა, რომ მის მიერ დასმულ საკითხთაგან წინამდებარე წერილში ჩვენ მხოლოდ ზოგიერთს შევეხეთ, ნათელია, თუ რაოდენ დიდი და სერიოზული მუშაობა ჩატარებია ფრანგ მკვლევარს ქართული ხალხური მუსიკალური კულტურის მეცნიერული შესწავლის მიზნით. იგი დასავლეთ ევროპის მკვლევართა შორის ერთ-ერთი პირველთაგანია, რომელმაც ესოდენ დიდი დაინტერესება და სიყვარული გამოავლინა ქართული კულტურისადმი და გააცნო იგი ფართო საზოგადოებას.

⁶³ შ. ა ს ლ ა ნ ი შ ვ ი ლ ი, დასახ. ნაშრომი, I, გვ. 29—30.

⁶⁴ I v e t t e G r i m a u d, La tradition de Géorgie orientale, გვ. 121.

ДЖАНДИЕРИ М. И., ЛЕЖАВА Г. И. Народная башенная архитектура. М., Стройиздат, 1976.

В 1938 и в 1940 гг. вышли в свет две книги М. И. Джандиери и Г. И. Лежава, посвященные архитектуре горных районов Грузии¹. В этих книгах авторы знакомили читателей с народным жилым зодчеством и, прежде всего, с укрепленными жилищами: домами-крепостями и башнями. В дальнейшем, продолжая изучать народное башенное зодчество, авторы пришли к выводу, что очень близкие по типам сооружения можно найти не только в горных районах Кавказа, но на гораздо более широкой территории. Оказалось, что укрепленные народные жилища имели в свое время распространение почти во всех странах мира, а в качестве реликтового явления сохранились до наших дней во многих замкнутых, главным образом, горных областях. Этому своеобразному типу народного жилого зодчества и посвящена рецензируемая книга.

Составление этнографического материала о жилищах различных народов с данными археологии и древними письменными источниками позволило авторам убедительно показать, что на определенном этапе исторического развития «на различных стадиях общинно-родовых отношений» (с. 77) во многих районах земного шара господствующим типом жилища были укрепленные дома-крепости и башни. Неравномерность общественного развития создавала условия для появления подобного типа жилищ в одних районах значительно раньше, чем в других. Так, оказалось, что на территории древнего Востока укрепленные жилища существовали уже в VII—III тыс. до н. э., в то время, как в Америке — в VII—XIII вв. н. э. В некоторых же районах мира, где сохранялись родоплеменные отношения, укрепленные жилища существовали еще в XIX, а местами и в XX в. Таким образом, наличие укрепленных народных жилищ и удивительная близость их типов определяются не культурными связями и не хронологической близостью, а наличием сходных социальных условий, близостью степени социально-экономического развития.

Авторы выделяют два основных типа укрепленных жилищ: дома-крепости и боевые башни, а также различные сочетания этих типов. В домах-крепостях жили, как правило, одной большой неразделенной семьей, боевые же башни служили жилищем лишь эпизодически, в период военных столкновений. Рассматривают авторы также и плановую структуру укрепленных поселений, пытаются и здесь выявить некоторые общие закономерности развития.

Установлением факта широкого распространения башенных форм жилища в эпоху позднего этапа первобытно-общинного строя, авторы определяют решение вопроса о происхождении форм феодальных замков. До сих пор очень часто наличие башенной архитектуры в горных районах, в частности, на Кавказе, объясняли влиянием средневекового замкового зодчества, рассматривая жилище башни Кавказа как упрощенное повторение донжонов. Выясняется, что в действительности имела место обратная картина: не башни народного жилища повторяют формы донжонов, а сами донжоны являются развитием форм более раннего народного зодчества. С укреплением классового общества — рабовладельческого или феодального — государственная власть обычно лишала крестьян права строить укрепленные жилища, считая их «социально-опасными» (с. 78). Действительно, подобные жилища, особенно расположенные в труднодоступных районах, позволяли населению сохранять независимость и патриархально-родовые отношения. Именно поэто-

ра именно поэто-

¹ Лежава Г. И., Джандиери М. И. 1) Архитектура Сванетии. М., 1938;

2) Архитектура горной Грузии. М., 1940.

му такие жилища часто насильственно уничтожали.

Авторы, приведя многочисленные примеры укрепленных народных жилищ в самых различных уголках земного шара, не ставят перед собой задачу дать о них исчерпывающую сводку. Несомненно, что теперь, когда на это явление обращено внимание, количество примеров можно будет значительно увеличить. Так, авторы не отмечают примеров укрепленных народных жилищ на территории Северной Европы. А между тем очень вероятно, что в ряд рассматриваемых памятников следовало бы ввести и таинственные круглые башни «Blaochs», распространенные в Северной Шотландии и на прилегающих островах. Вначале их рассматривали как феодальные укрепления, замки викингов, но археологические раскопки показали, что эти сооружения относятся к значительно более раннему времени². В книге имеются указания на наличие укрепленных жилищ в древней Греции. Сейчас это положение можно расширить: в последнее время выяснилось, что башенные жилища в Греции имели гораздо более широкое распространение, чем казалось ранее³. Несомненно, что народные укрепленные жилища, как древние, так и сохранившиеся до наших дней, будут со временем выявляться во все большем количестве.

Не со всеми положениями, изложенными в книге, можно согласиться. Так, кроме домов-крепостей и боевых башен авторы приводят еще третий вид народного жилища, который они также относят

к укрепленным — как они называют, «пассивно-оборонительный тип» — одноэтажное однозальное замкнутое жилище. Однако, во многих случаях отнесение подобных жилищ к оборонительным мало убедительно. Замкнутость жилища и отсутствие световых проемов могут объясняться не только оборонительными задачами, но и другими требованиями, в частности, желанием сделать жилище более теплым. Кстати, сами же авторы отмечают, что такой тип жилища сохранился и существовал при развитых классовых формациях на значительно большей территории, чем дома-крепости или боевые башни. Очевидно, он не был «социально-опысным» типом.

Но если отдельные утверждения авторов книги можно оспаривать, то главный их вывод — о повсеместном распространении народного укрепленного жилища на определенной стадии социально-экономического развития — подтверждается таким большим фактическим материалом, что не может вызывать сомнений. Следует отметить, что текст книги широко иллюстрирован обмерами, выразительными рисунками и таблицами, выполненными авторами, а также многочисленными фотографиями.

С сожалением следует отметить, что книга недостаточно тщательно отредактирована. Это сказывается и в тексте, где имеются многочисленные повторения и, особенно, в опечатках и неточностях аппарата. Впрочем, эти недостатки не настолько существенны, чтобы заметно повлиять на ценность интересного и оригинального труда.

² См. например, статьи В. Н. O'Neil, A. Graham и др. в кн.: *The Viking Congress*. Aberdeen, 1954, а также статью J. R. Hamilton в журнале «*The Illustrated London News*», 1957, с. 810—813.

³ Nowicka M. *Les maisons a tour dans le Monde Grec*. Wroclaw, 1975.

ПАВЕЛ РАППОРТ

ქრონიკა და ინფორმაცია

პარტველ და სომეხ ხელოვნების ისტორიკოსთა გაერთიანებული კონფერენცია

მიმდინარე წლის 24—27 აპრილს გ. ჩუბინაშვილის სახელობის ქართული ხელოვნების ისტორიის ინსტიტუტის ინიციატივით თბილისში ჩატარდა ქართველ და სომეხ ხელოვნების ისტორიკოსთა გაერთიანებული კონფერენცია, რომლის მუშაობაში, ქართული ხელოვნების ისტორიის ინსტიტუტთან ერთად, მონაწილეობდნენ სომხეთის მეცნიერებათა აკადემიის ხელოვნების ინსტიტუტი, თბილისის სამხატვრო აკადემია, თბილისის ვ. სარაჯიშვილის სახელობის კონსერვატორია, შ. რუსთაველის სახელობის თეატრალური ინსტიტუტი და საქართველოს ხელოვნების სახელმწიფო მუზეუმი.

სიმპოზიუმზე ორი სექცია მუშაობდა. სახვითი ხელოვნებისა და არქიტექტურის სექცია განიხილავდა როგორც ძველ, ისე XIX საუკუნისა და საბჭოთა პერიოდის ხელოვნებას.

24 აპრილს ორი სხდომა ახალ და საბჭოთა პერიოდის ხელოვნებას მიეძღვნა (დილის სხდომას ინსტიტუტის დირექტორი, აკადემიკოსი ვახტანგ ბერიძე თავმჯდომარეობდა, საღამოს სხდომას სომხეთის დელეგაციის ხელმძღვანელი მარიამ კაზარიანი) ამ დღეს არქიტექტურა წარმოდგენილი იყო ორი მოხსენებით: ლევონ ბაბაიანის „1960—1970 წლების სომხური ხუროთმოძღვრების განვითარების ძირითადი ტენდენციები“ და გიორგი ბერიძის „საქართველოს სახელმწიფო მუზეუმის მშენებლობის ისტორია“ სახვითი ხელოვნების ზოგად საკითხებს იხილავდნენ: ნინო ზაალიშვილი „70-იანი წლების ქართული დაზავური ფერწერა“; მარიამ აივაზიანი „ეროვნული თავისებურება ქართულ და სომხურ ნატურ-მორტი“; ქეთევან კინწურაშვილი „ქართული თეატრალური დეკორატიული ხელოვნების განვითარება“. ხუთი მოხსენებელი რომელიმე შემოქმედის მოღვაწეობას ეხებოდა: სოფიო იოსელიანი „მოქანდაკე თენგიზ კიკალეიშვილი“, სამსონ ლეჟავა „მხატვარ ალექსანდრე ბანძელაძის ხელოვნება“, მარინე მემზარიაშვილი „დავით კაკაბაძის ქალაქური პეიზაჟი“, მარინე სტეპანიანი „ძველი თბილისის თემა მხატვარ შავერდიანის შემოქმედებაში“

და მარიამ კაზარიანის „გრიგოლ ტატიშვილი და სომხური ხელოვნება“.

25 აპრილის სხდომა ძველ სახვით ხელოვნებას მიეძღვნა (თავმჯდომარე სახვითი ხელოვნების განყოფილების გამგე თინათინ ვირსალაძე). ორი მოხსენება წიგნის მხატვრულ გაფორმებას ეხებოდა: ლევონ აზარიანის „სომხური და ბიზანტიური მინიატურების ურთიერთობის საკითხისათვის“ და ფლორი დევდარიანის „ანისხატის გულანის ილუსტრაციების კვლევა XVII საუკუნის მეორე ნახევრის მინიატურებთან და მონუმენტურ ფერწერასთან“. ფრესკული ფერწერის საკითხებს იხილავდნენ: სეირანუშ მანუკიანი „ყმის ვანანავის სცენის შესახებ“ (ვეტრე პავლეს ეკლესია თავისი მონასტერში). ირინე მამიაშვილი „ისტორიულ პირთა პორტრეტები გვიანი ხანის ქართულ მონუმენტურ ფერწერაში“ (სოფ. ტაბაკიანის ეკლესიის მონასტრულობა), ირაკლი ყიფშიძე „ადგილობრივი ფერმწერი ოსტატების მეთოდების საკითხისათვის შუა საუკუნეების სვანურ ფერწერაში“ და მარიამ დიდუბულიძე „სახის წერის მანერა შუა საუკუნეების მონუმენტურ ფერწერაში“.

კონფერენციის მუშაობის ბოლო დღე 27 აპრილი ძველი ხუროთმოძღვრებისა და ქვაზე კეთილი პროზღუმების შესწავლას მიეძღვნა (სექციის თავმჯდომარე ვახტანგ ბერიძე). ძველი ხუროთმოძღვრების საკითხებს ეხებოდა არმენ ზარიანის, დმიტრი თუმანიშვილისა და გიორგი მარსავიშვილის მოხსენებები: „ადრექრისტიანული ხანის სომხური ბაბტისტერიუმები“, „ქართული ტაძრის გარეგნული სახის ერთ-ერთი თავისებურება“ და „ავარის მონასტრის მთავარი ეკლესია“. ქვაზე კეთილი დეკორატიული პრინციპები და მცირე არქიტექტურული ფორმები შესწავლილი იყო სურენ მნაცაიანიანის და ზევიურ ტარაიანის მოხსენებებში: „შუა საუკუნეების სომხური და ქართული მცირე ხუროთმოძღვრული ფორმების შესწავლისათვის“ და „ორნამენტის ჩაწერის სისტემა“.

24 აპრილს თეატრისა და მუსიკის სექციამ რვა მოხსენება მოისმინა: სამი მოხსენება ქართული და სომხური დრამატურგის საკითხებს

ეხებოდა (თეატრის სექციის თავმჯდომარე თეატრმცოდნე ნათელა ურუშაძე). ილა ბაბაიანის „გ. სუნდუკიანის „პეპო“ და ქართული თეატრი“, მარინე მაჩაიძის „მეფე ლირის“ ა. ჩხარტიშვილისა და დ. ალექსიძის დადგმები“, პაოლა ურუშაძე „ლადო მესხიშვილი ჰამლეტის როლში“. ინგლისელი დრამატურგის პინგერის შემოქმედების ერთ ასპექტს ეხებოდა მიაი კობახიძის მოხსენება „პიროვნების დაშლის თემა გეროლდ პინგერის პიესაში „არავისი მიწა“. შემდეგ აუდიტორია მუსიკის სექციას დაეთმო (თავმჯდომარე მუსიკათმცოდნე მიხეილ ყანჭელი). წარმოდგენილი იყო ოთხი მოხსენება: ნანა ლორიას „ქართული საბავშვო მუსიკის სახვითი შესაძლებლობის თავისებურებისათვის“, მარგარიტა რუქხიანის „სიახლე 70-იანი წლების ქართულ და სომხურ სიმფონიზმში (გია ყანჭელი და ავეტ ტერტერიანი)“,

გულნარა გვარჯალაძის „სიტყვისა და მისამღერის თავისებურება ქართულ ხალხურ სიმღერებში“ და ნატალია ქლენტის „ფიროსმანის სახე ქართულ სიმფონიურ მუსიკაში“.

კონფერენციის ერთ-ერთი ორგანიზებული ნაწილი იყო უშუალოდ კონტაქტი ქართულ ხელოვნებასთან. სტუმრები ქართული ხელოვნების მძღვრული და ფრესკული ფერწერის ძეგლებს გაეცნენ მცხეთასა და ბოლნისში. დიდი ინტერესი გამოიწვია ხელოვნების სახელმწიფო მუზეუმის, ხელნაწერთა ინსტიტუტისა და ხალხური ყოფის მუზეუმის გაცნობამ. კონფერენციის მონაწილეთათვის კონსერვატორიის მცირე დარბაზში გაიმართა ქართული კამერული და სავუნდო მუსიკის კონცერტი, საინტერესო შეხვედრა მოეწყო კინოს სახლში. მონაწილეები რუსთაველის თეატრში დაესწრნენ სპექტაკლს.

პია მარსაგიშვილი

ქართული საისტორიო მეცნიერების მოღვაწენი

გრიგოლ ნათაძე — ეკონომიკური ისტორიის მკვლევარი

(დაბადების 100 წლისთავის გამო)

პროფესორმა გრიგოლ იასონის ძე ნათაძემ დიდი და მრავალფეროვანი სამსახური გაუწია ჩვენს ქვეყანას როგორც საზოგადო მოღვაწემ, პატრიოტმა, პედაგოგმა, მეცნიერული კადრების აღმზრდელმა და ღვაწლმოსილმა მეცნიერმა.

გრიგოლ ნათაძის მრავალმხრივი მოღვაწეობის სრულყოფილი დახასიათება აღემატება ჩვენს შესაძლებლობას. ჩვენ გვინდა მკითხველის ყურადღება შევაჩეროთ გრ. ნათაძის მოღვაწეობის ერთ-ერთ მხარეზე და დიდი მოკრძალებით ჩვენი მოსაზრება გამოეთქვათ მასზე როგორც ეკონომიკური ისტორიის მკვლევარზე.

ცნობილია, რომ საზოგადოების ისტორიის განმსაზღვრელ ბაზისად ითვლება ეკონომიკური ურთიერთობები, წესი, რომლითაც ადამიანები თავიანთ საარსებო საშუალებებს აწარმოებენ და ცვლიან. ამიტომ ისტორიული მატერიალიზმი განსაკუთრებულ ყურადღებას ანიჭებს ეკონომიკის ისტორიას.

საკითხი ეკონომიკის ისტორიის, კერძოდ, საქართველოს ეკონომიკის ისტორიის შესწავლის აუცილებლობისა მთელი თავისი მნიშვნელობით დააყენა ქართულ ლიტერატურაში 1880 წელს დიდმა ქართველმა მწერალმა, პუბლიცისტმა და საზოგადო მოღვაწემ ილია ჭავჭავაძემ. იგი წერდა: „...ჩვენ ხალხს ორი ათასი წელიწადი უცხოვრია თავისი ცხოვრებითა და თვითმკმედებით. უეჭველია, რომ ამ ორი ათას წელს იმისთანა ხანა ისტორიისა არ დასდგომია, რომ მტრისაგან მოსვენებული ყოფილიყოს ზედ-მიყოლებით და განუწყვეტლივ ასი წელიწადი მაინც ერთად“. „ეთქვათ, მკლავმა და გულმა შესძლო ეს გოლიათობა“. „საკვირველი ეს არის, რა ქონებამ გაუძლო ამისთანა ყოფასა? რა ჰყვებოდა ხალხსა, რა ქონებით უძლებოდა ამოდენა ომებსა და სისხლის ღვრასა? ეს ერთი მუჟა ხალხი თითქმის ქუდზე კაცად უნდა მდგარიყო იარაღით ხელში, რომ მტრისაგან მტვრად არ აღგვილიყო, — და საზრდობას ვინ აძლევდა და რა აძლევდაო“¹.

1894 წლის 25 იანვარს ფრ. ენგელსი ვ. ბორგიუსს სწერდა: „გერმანიაში სწორ გაგებას ის უდიდესი დაბრკოლება ეღობება წინ, რომ ლიტერატურაში ადგილი აქვს ეკონომიკური ისტორიის შეუწყნარებელ უგულველყოფას“².

ასეთ დიდ მნიშვნელობას ანიჭებდა ეკონომიკური ისტორიას ფრ. ენგელსი, ასეთი კატეგორიულობით მოითხოვდა საქართველოს ეკონომიკური ისტორიის შესწავლის საჭიროებას ი. ჭავჭავაძე. მართალია, ჩვენ მოგვეპოვება გა-

¹ ი. ჭავჭავაძე, თხზ. კრებული, თბ., 1955, ტ. IV, გვ. 175—176, 202.

² კ. მარქსი, ფ. ენგელსი, რჩეული ნაწერები, ტ. II, თბ., 1950, გვ. 540.

მოჩენილ ისტორიკოსთა და ეკონომისტთა ფუძემდებლური შრომები, მაგრამ საქართველოს ეკონომიკური ისტორია ჯერჯერობით მაინც მცირედად არის შესწავლილი. ჩვენ ჯერ კიდევ არა გვაქვს საქართველოს ეკონომიკური ისტორია, რომელიც მოიცავდეს საქართველოს მიერ განვლილ ყველა საზოგადოებრივ-ეკონომიკური ფორმაციის, სახალხო მეურნეობის ყველა დარგის ძირითად საკითხებს. ცხადია, ამ მხრივ კიდევ უფრო მძიმე იყო მდგომარეობა XIX და XX საუკუნეების დასაწყისში, როდესაც თავისი საზოგადოებრივი და მეცნიერული მოღვაწეობა დაიწყო გრ. ნათაძემ. მან განაგრძო სახელოვანი გზა, რასაც საფუძველი ჩაუყარა ივ. ჯავახიშვილმა. გრ. ნათაძემ თბილისის უნივერსიტეტში მუშაობის დაწყების დღიდანვე წინ წამოსწია ეკონომიკური ისტორიის საკითხების კვლევა მსოფლიო ისტორიის და საქართველოს ისტორიის დარგში. მისი შრომების მრავალფეროვანი თემატიკის თვალს გადავვლებაც კი საკმარისია იმის დასახსნავად თუ რა ყურადღებით ეპყრობოდა იგი ეკონომიკასა და ეკონომიკის ისტორიის საკითხებს. გრ. ნათაძის მიერ 1924 წელს დატული სადოქტორო დისერტაციის თემა იყო: „უძველესი საბერძნეთის სოციალურ-ეკონომიური მდგომარეობა, როგორც კილონის აჯანყების საფუძველი“. საკითხის ამგვარად დაყენება თავისთავად მეტყველებს იმ მნიშვნელობაზე, რომელსაც მკვლევარი ანიჭებდა ეკონომიკის ისტორიას ან ეკონომიკის ცოდნას ისტორიის მეცნიერებისათვის. ამასვე ადასტურებენ გრ. ნათაძის სხვა შრომებიც: „სასოფლო მეურნეობის ორგანიზაცია და ტექნიკა ძველ გერმანიაში“, „სალიკური კანონი როგორც წყარო ევროპის ეკონომიური ისტორიის შესასწავლად“, „გლეხების გადასახადები“, „ვალი და გირაო ძველ საბერძნეთში“, „გეარობრივი წყობილება და მისი გავლენა საბერძნეთის ისტორიის პირველ ნახევარზე“. დასახელებულ შრომებში სათაურებიდანვე ჩანს კვლევის ობიექტი და ნაშრომის მიზანდასახულობა. ეკონომიკური კვლევა გრ. ნათაძეს მოეწონებოდა აქვს სხვა შრომებშიც: „ინგლისის მოკლე ისტორია“, „რამდენიმე მომენტის საფრანგეთის რევოლუციის დროინდელ საგლეხო კანონმდებლობიდან“, „ნაპოლეონ პირველის დაწინაურების მიზეზი“, „დასავლეთ ევროპის ფეოდალიზმის ისტორია“, „საზოგადოებათმცოდნეობის მეთოდოლოგიისა და მეთოდის საკითხები“ და სხვ.

საარქივო მასალების კლასიფიკაციისას გრ. ნათაძე მოითხოვს, რომ მასალები ცალკეული მხარეების მიხედვით დალაგდეს სამეურნეო თავისებურებათა გათვალისწინებით, წარმოებრივ ურთიერთობათა, მწარმოებლურ ძალთა განვითარების მიხედვით და სხვ. აქაც მისი აზრით წინა პლანზე უნდა იყოს დაყენებული ეკონომიკური მდგომარეობა როგორც არის მიწის მობილიზაცია, ინტენსიფიკაცია, ვალის წიგნები, მამულების აღწერა, გადასახადების ნუსხები, ვაჭრობა-მრეწველობა, შრომის ფორმები და სხვ. შემდეგ კი მასალები სოციალური, პოლიტიკური და სხვ. მომენტების მიხედვით.

შრომში „ინგლისის მოკლე ისტორია“ გრ. ნათაძე გადმოგვცემს ინგლისის ისტორიას სახელმწიფოს დაარსებიდან XIX საუკუნის ჩათვლით. აქ ინგლისის ისტორიის მნიშვნელოვანი მომენტები ახსნილია ეკონომიკასთან და მის განვითარებასთან დაკავშირებით იმდენად ფართოდ, რომ ეს შრომა არსებითად არის ინგლისის ეკონომიკური განვითარების ისტორია, რომელშიც ფართოდ არის განხილული სპეციფიურ წარმოებრივ ურთიერთობათა, ფინანსურ ურთიერთობათა განვითარება. შესწავლილია ფეოდალიზმის წინა პერიოდი და ფეოდალიზმის განვითარება ინგლისში. შრომაში გადმოცემულია გლეხობის

ეკონომიკური ვითარება, სახელმწიფო საგადასახადო სისტემა, ხაზინის მდგომარეობა, გამდიდრებული ქალაქების როლი ინგლისის საზოგადოებრივ ცხოვრებაში, მათი გაბატონება სოფელზე, იუშათა მოძრაობა, სამუშაო ძალის ყიდვა-გაყიდვა და ხელფასის საკითხი. შრომაში ნაჩვენებია ვაჭრობის განვითარება, ცვლილებები გლეხთა ეკონომიკურ განვითარებასა და მიწათმფლობელობაში ფეოდალიზმის რღვევის პროცესში, შესწავლილია ბურჟუაზიისა და მუშათა კლასის წარმოშობის საკითხი. დაწერილებით არის განხილული ინგლისში მატყლის წარმოება და აღებ-მიცემობა, მატყლის გაზიდვა და საბაჟო შემოსავალი ინგლისში. ცალკე შესწავლილია მატყლის საშინაო დამუშავება, დასახელებულია ქსოვილების წარმოების ცენტრები, ფლანდრიის ქსოვილების კონკურენცია ინგლისის ქსოვილებთან, დასასრულ ინგლისშიც ქარხნული ქსოვილების გავრცელება. წიგნში შესწავლილია ინგლისში ქალაქების ზრდა და ახალი სამრეწველო ცენტრების შექმნა. დასახელებულია დაწინაურებული ქალაქები, ცნობილი ბაზრები ვანჩესტერის და სტოურბრიჯისის, ნავთსადგურები, საქონელთა საწყობები შინ და გარეთ, მეფეების პირდაპირი კავშირი ვაჭრობის ორგანიზაციებთან, სახელმწიფო სესხის როლი კაპიტალისტური მეურნეობის განვითარებაში, მიწათმფლობელობა და მეურნეობა XIII—XV საუკუნეებში. ასევე განხილულია უტოპიური სოციალიზმი, რევორმაცია, სოფლის მეურნეობა XVI საუკუნეში და რევოლუციისათვის ნიადაგის მომზადება, მასობრივი სილატაკე, ახალი ქვეყნების აღმოჩენა, საზღვარგარეთული ვაჭრობის განვითარება და სხვ.

წიგნში წარმოდგენილია ინგლისის კოლონიური პოლიტიკა, მერკანტილისტური ეკონომიკური სისტემა, პროტექციონისტული ბაჟები. ინგლისის ბიუჯეტის დეფიციტი, სახელმწიფო სესხები, ფასიანი ქალაღებები. ბაზრის გაფართოებისათვის ინგლისის მრეწველობის ზრდა-განვითარება და სოფლის პროლეტარიზაცია. ამასთანავე გადმოცემულია სოციალური დაზღვევა, პურის კანონები და მასთან ბრძოლა, თავისუფალი ვაჭრობის თეორიის შემუშავება (ადამ სმიტი, დავით რიკარდო, მალთუსი) და სხვ.

გვ. ნათამე მსოფლიო ისტორიასთან ერთად გულმოდგინედ სწავლობდა საქართველოს ისტორიასაც, ეკონომიკური განვითარების ასპექტში. ამ მხრივ საყურადღებოა მისი შრომები: „საქართველოს ისტორიის მოკლე სოციოლოგიური მიმოხილვა“ ორ ნაწილად (1925); „დადიანთა არქივი და სამეგრელოს ავტონომიის პრობლემა XIX საუკუნის დასაწყისში“ (1926); „შავშეთ-ქლარჯეთის ეკონომიური მდგომარეობა და კლასობრივი ურთიერთობა IX—X საუკუნეებში გიორგი მერჩულე ცნობების და სუმბათის ქრონიკის მიხედვით“ (1929); „სახელდახელო ცნობები რსფსრ-ის არქივების მდგომარეობის შესახებ“ (1929); „ძველი თბილისი თანამედროვეების მიხედვით“ (1929); „К вопросу об экономическом положении Грузии в конце XVIII столетия“ (1930); „საქართველოს ცენტრარქივის XVIII საუკუნის მასალების კლასიფიკაციისათვის შინაარსის მიხედვით“ (1930); „საარქივო მასალები მხარეთმცოდნეობის შესწავლისათვის“ (1932) „Сулхан Баратое как историк Грузии“ (1934); «Крестьяне Сахасо» в Восточной Грузии в конце XVIII столетия» (1937).

შრომაში — საქართველოს ისტორიის მოკლე სოციოლოგიური მიმოხილვა — ახალია არა მარტო ის, რომ შესწავლილია ძირითადად საქართველოს ეკონომიკური ვითარება, არამედ ისიც, რომ იგი განხილულია მსოფლიო ისტორიის

განვითარების კრილში, მისი ეკონომიკური ვითარების შესაბამისად. შრომაში არის ცდა საქართველოს ისტორიის შესწავლისა საქართველოს ტერიტორიის რელიეფისა და ქვეყნის მწარმოებლური ძალების მიხედვით. ნაჩვენებია ქვეყნის ცალკეული კუთხეების ურთიერთობა ცენტრთან და დასაბუთებულია ის აზრი, რომ საქონლური წარმოების განვითარება, აღებ-მიცემობა ქმნიდა მჭიდრო კავშირს ცენტრსა და პერიფერიებს შორის და პირიქით, საქონლური წარმოების შესუსტება ამ კავშირს აღუნებდა. ნაჩვენებია, ამასთანავე, საქართველოს ურთიერთობა მსოფლიო ბაზართან. ეს ურთიერთობა წარმოებდა ორგვარად — ან წმინდა გაცვლა-გააოცვლის გზით ან გარეშე ეკონომიკური საშუალებებით, ე. ი. ქვეყნის პროდუქციის არა საქონლის სახით გაზიდვით, არამედ ხარკის სახით. დამპყრობელი ხალხს ახდევინებდა ხარკს და მას გაზიდავდა მეორე ქვეყანაში სამომხმარებლო დანიშნულებით ან აქცევდა საქონლად — გაქონდა ბაზარზე გასაყიდად ან კიდევ ხარკად წაღებულ სიმდიდრეს გამოიყენებდა ერთი და მეორე დანიშნულებითაც. შრომაში დანახსიანებულია საქართველოს ტერიტორიის მნიშვნელობა ევროპისა და აზიის ურთიერთობაში. გრ. ნათაძე წერს: „ყოველ შემთხვევაში მტკვრისა და რიონის ხეობას დიდი მსოფლიო მნიშვნელობა ჰქონდა თავიდანვე მხოლოდ იმ შემთხვევაში, როდესაც მსოფლიო ვაჭრობა და მსოფლიოს კულტურული დაახლოება მოხდებოდა ხოლმე“³. ამასთანავე ავტორი ყურადღებას აქცევს მას თუ ვის ხელთ იყო ექსპორტის ინიციატივა — ქართველების თუ უცხოელების. ცდილობდნენ ექსპორტი, — წერს გ. ნათაძე, — ქართველობას ჰქონოდა ხელში, ამ საქმის ორგანიზატორი თვით ქართველები ყოფილიყვნენ და უცხო ვაჭრებისათვის ან მბრძანებლებისათვის არ დაენებებინათ ეს როლი და ამასთან დაკავშირებული ქვეყნის შემოსავალი. ამ ნიადაგზე საქართველოს ყოველი კუთხე ცენტრისაკენ მიმზიდველობას, გაერთიანების საჭიროებას გრძნობდა და მისი სახელმწიფოებრივი ცხოვრება და ეროვნული ერთიანობა ამით მტკიცდებოდა. პირიქით, როგორც კი ევროპა აზიას დაშორდებოდა და თავის ზედმეტი სიმდიდრის გამოყენება საქართველოს აღარ შეეძლო, მაშინვე საქართველოში საერთო სააღმშენებლო პირობები ისპობოდა და კარჩაკეტილობა-გათიშვის ტენდენციები ძლიერდებოდა. მაშინ სახელმწიფოებრიობაც ირღვეოდა და ეროვნული ერთიანობაც“⁴. ავტორი დაასკვნის, რომ ტექნიკის, ინდუსტრიის განვითარებას შეეძლო მთელი ტერიტორია შინაგანი ძალებით გაერთიანებინა. მაგრამ, ვინაიდან მაშინ ასეთი რამ არ იყო, საქართველოს გაერთიანების საკითხი დამოკიდებული იყო უცხოელთა შორის ვაჭრობაზე. ამასთანავე ავტორს გამოთქმული აქვს ის სწორი მოსაზრებაც, რომ საკუთარი საქონლით მსოფლიო ბაზარებზე გასვლა დაკავშირებულია შინაური ბაზრის მოწყობის აუცილებლობასთანაც. საერთოდ, უნდა აღინიშნოს, რომ გრ. ნათაძე თავის შრომაში ცდილობს სოციალური, კლასობრივი, პოლიტიკური, სარწმუნოებრივი და საერთოდ იდეოლოგიური ფორმების შექმნა-განვითარება ახსნას ეკონომიკურ ბაზისთან დაკავშირებით, ეკონომიკის განმსაზღვრელი როლის საფუძველზე.

ამასთანავე გრ. ნათაძე ისტორიულ მოვლენებს შეისწავლის არა მარტო პოლიტიკური ეკონომიის, არამედ ფინანსური მეცნიერების თვალსაზრისითაც.

³ გ. ნათაძე, საქართველოს ისტორიის მოკლე სოციოლოგიური მიმოხილვა, ნაწ. I, ქუთაისი, 1925, გვ. 31.

⁴ იქვე, გვ. 31—32.

იგი თავის შრომებში სათანადო ყურადღებას უთმობს ფინანსურ საკითხებს, განსაკუთრებით გადასახადებს და ხარკებს, როგორც ეროვნული ჩაგვრის საშუალებას. საქართველოდან დამპყრობელთა მიერ სიმდიდრის უეკვივალენტოდ გაზიდვას, როგორც ეროვნული ჩაგვრის საშუალებას, გარდა ამისა გრ. ნათაძე ყურადღებას აქცევს ცვლილებებს, რომლებიც ხდება გადასახადების ობიექტისა და ერთეულის შეცვლაში გადამხდევინებლის სასარგებლოდ.

ხარჯების გაწერისა და აკრეფის ფორმა იცვლებოდა ქვეყნის საზოგადოებრივ-ეკონომიკური ფორმაციის ცვლილებასთან ერთად. არაბებმა საქართველოში ხარკის აკრეფას კომლობრივი საფუძველი დაუდვეს. ამის თაობაზე გრ. ნათაძე წერს: „არაბების ხელშეკრულებიდან ქართველებთან კიდევ ერთი გარემოება ხდება თვალსაჩინოდ: გეოგრაფიული წესწყობილება. რომელიც მიწის საკუთრების დაარსებამ სრულიად ბუნებრივად დაარღვია, ეს-ლა თითქმის ხელოვნურად აღდგენის გზაზე დგება, ვინაიდან არაბები კომლობით აწერენ გადასახადებს — ეს არაბებს ესმით და ამიტომ ხელშეკრულებაში ისინი ქართველებს პირობას უდებდნენ, რომ ცალ-ცალკე მონათესავე ოჯახები არ შეერთებულყვენ ხარკის შემსუბუქების მიზნით“⁵.

გრ. ნათაძის მეცნიერული შემოქმედების დასახასიათებლად საკმარისი არ არის იმის აღნიშვნა, რომ იგი დიდ ყურადღებას უთმობდა ეკონომიკის ისტორიას და ამდენად, შეიძლება ითქვას, რომ იგი ძირითადად ეკონომიკის ისტორიის მკვლევარია. აქ არსებითი ის არის, რომ გრ. ნათაძეს სწორად ესმის ეკონომიკური ბაზისის განმსაზღვრელი როლი საზოგადოებრივი ცხოვრების ისტორიაში და სოციალურ-პოლიტიკური მოვლენების საფუძველად იგი მიიჩნევს ეკონომიკას. მისი სადოქტორო დისერტაციის თვით სათაური არის თეზისი, რომელიც სწორად აყენებს ეკონომიკური ბაზისის განმსაზღვრელ როლს სოციალურ-პოლიტიკური მოვლენის შესწავლაში, რაც, ვიმეორებთ, არა მარტო იმას ადასტურებს, რომ მოვლენების შესწავლა მკვლევარის ყურადღების ცენტრშია მოქცეული, არამედ იმასაც, რომ სოციალურ-პოლიტიკური მოვლენების განხილვა ხდება წარმოებრივ ურთიერთობათა შესწავლის საფუძველზე და მასთან ურთიერთდამოკიდებულებაში. ამ მხრივ დიდია გრ. ნათაძის დამსახურება საერთოდ ეკონომიკური ისტორიის, კერძოდ საქართველოს ეკონომიკური ისტორიის წინაშე.

მასილ ჩანტლაძე

⁵ გ. ნათაძე, დასახ. ნაშრომი, გვ. 117.

ალექსანდრე შარიტელი

(დაბადების 90 წლისთავის გამო)

გამოჩენილი ქართველი მეცნიერი და საზოგადო მოღვაწე, დაიბადა 1889 წლის 1 (14) ნოემბერს ზენო იმერეთის ერთ-ერთ ულამაზეს სოფელ ცხრუკვეთში (ჭიათურის რაიონი) განათლებული ინტელიგენტის იოსებ ნიკოლოზის ძე წერეთლის ოჯახში. აქვე გაატარა მან ბავშვობა.

საშუალო განათლება ალექსანდრე წერეთელმა მიიღო ქუთაისის რეალურ სასწავლებელში, რომელიც წარჩინებით დაამთავრა 1909 წელს. უმაღლესი განათლების მისაღებად ახალგაზრდა ალ. წერეთელი ხარკოვს გაემგზავრა. 1910—1915 წწ. იგი სწავლობდა ხარკოვის უნივერსიტეტის ისტორიულ-ფილოლოგიურ ფაკულტეტზე. ხარკოვის უნივერსიტეტი იზიდავდა რუსეთის სხვადასხვა კუთხიდან ნიჭიერ ახალგაზრდობას, ვინაიდან ამ დროს აქ მოღვაწეობდა მრავალი გამოჩენილი მეცნიერი. ალ. წერეთელი ისმენდა ლექციებს და მუშაობდა ისეთი გამოჩენილი მეცნიერების ხელმძღვანელობით, როგორებიც იყვნენ პროფესორები: ივ. ნეტუშვილი, ვ. პალიენკო, პ. ბაგალეი, ვ. ბუზესკუ-ლი და სხვები.

უნივერსიტეტში სწავლის დროს ალ. წერეთელმა გამოამკლავა ბრწყინვალე ნიჭი და მეცნიერული კვლევის უნარი. პირველი კურსიდანვე უნივერსიტეტის პროფესორებზე და სტუდენტებზე დიდი შთაბეჭდილება მოუხდენია ალ. წერეთლის მიერ სემინარებზე წაკითხულ მოხსენებებს. მაგალითად, პროფ. სუმცოვი უკითხავდა ალ. წერეთელს რუსეთის ისტორიას. სუმცოვის სემინარზე მან წაიკითხა მოხსენება თემაზე „საქართველოს რუსეთთან შერ-თების ისტორია“. ამ მოხსენებამ დიდი მოწონება დაიმსახურა. განსაკუთრებით ახლოს იყო ალ. წერეთელი ანტიკური ისტორიის გამოჩენილ მკვლევართან — პროფ. ვ. ბუზესკულთან. ბრწყინვალე შეფასება მიიღო მისმა მოხსენებამ „ეგეოსის კულტურა“, რომელიც მან მოამზადა და წაიკითხა ვ. ბუზესკულის ხელმძღვანელობით.

როგორც ცნობილია, ამ დროს მეცნიერები ჯერ კიდევ გაუბედავად ცდილობდნენ გაეფანტათ იდუმალების ბურუსი, რომლითაც მოცული იყო ძვ. წ. III—II ათ. საბერძნეთი. შემდგომში ალ. წერეთელი კვლავ რამდენჯერმე დაუბრუნდა ამ საკითხს. 1923 წ. მან გამოაქვეყნა შრომა „კრეტა-მიკენის ანუ ეგეოსის კულტურა“, ხოლო მის უკანასკნელ ნაშრომში „ძვ. საბერძნეთი“, 1966 წ. იგი კვლავ უბრუნდება ამ საკითხს და განიხილავს მას თანამედროვე მეცნიერების უახლესი აღმოჩენების დონეზე.

ვ. ბუზესკულის მიერ გაწეულ დიდ მზრუნველობას ალ. წერეთელი იგონებდა განსაკუთრებული მადლობის გრძნობით. „ჩემთვის დაუვიწყარია ის იშვიათი ამავი და ყურადღება, რომელიც გამოიჩინა ჩემდამი განსვენებულმა აკადემიკოსმა“ — წერდა თავის მოგონებებში ალ. წერეთელი 1961 წელს. ხარკოვის უნივერსიტეტში სწავლების დროს დაიწყო ალ. წერეთლის საზოგადოებრივი მოღვაწეობა. სწავლა-განათლებასთან ერთად მან აქ მიიღო

პირველი რევოლუციური ნათლობაც და სხვა ქართველ სტუდენტებთან ერთად მონაწილეობდა თვითმპყრობელობის წინააღმდეგ მასობრივ საპროტესტო დემონსტრაციებში. ასეთები იყო: დიდი დემონსტრაცია ლევ ტოლსტოის დაკრძალვის დღეს 1910 წლის 10 ნოემბერს, ტარას შევჩენკოს გარდაცვალების 50 წლისთავზე გამართული დემონსტრაცია 1911 წ. განსაკუთრებით აღსანიშნავია ის მასობრივი საპროტესტო დემონსტრაცია, რომელიც გაიმართა ხარკოვში 1914 წლის 25 თებერვალს ტარას შევჩენკოს დაბადებიდან 100 წლისთავზე. ამ საპროტესტო გამოსვლას სათავეში ჩაუდგნენ ქართველი სტუდენტები ალ. წერეთლის ხელმძღვანელობით.

ხარკოვის უნივერსიტეტში სწავლის დროს ალ. წერეთელმა გამოაქვეყნა პატრიოტული გრძნობით აღსავსე წერილები ილია ქავჭავაძეზე, აკაკი წერეთელზე, ტარას შევჩენკოზე და სხვა ქართველი და რუსი მწერლების შემოქმედების შესახებ. უკვე ამ დროს ალ. წერეთლისათვის უცხო იყო ეროვნული კარჩაკეტილობა. იგი ყველა ერს, დიდსა თუ პატარას სიყვარულით ეცილებოდა. ამას აღსატურებს ახალგაზრდა ქართველი სტუდენტის მთელი საზოგადოებრივი საქმიანობა ხარკოვში და მისი ქურნალისტკური მოღვაწეობა.

ალ. წერეთელი აქტიურად მონაწილეობდა ხარკოველ სტუდენტთა ქართული სათვისტომოს საქმიანობაში, რომელსაც 1912 წ. ჩაუდგა სათავეში. ყოველივე ეს შეუმჩნეველი არ დარჩენილა ხარკოვის პოლიციისათვის, რომელიც თვალყურს ადევნებდა ხარკოველი სტუდენტების, და კერძოდ ალ. წერეთლის საქმიანობას. 1912 წ. ხარკოვში დააპატიმრეს ქართველი სტუდენტების ერთი ჯგუფი და მათ შორის ალ. წერეთელიც.

1915 წლის იანვრის შუა რიცხვებში ცნობამ დიდი აკაკის გარდაცვალების შესახებ. შეძრა ქართველ სტუდენტთა სათვისტომო, უნივერსიტეტის ხელმძღვანელობის დახმარებით და ალ. წერეთლის უშუალო თაოსნობით გაიმართა დიდი ქართველი მგოსნის სხოვნისადმი მიძღვნილი საღამო. ამ საღამოს დაესწრნენ უნივერსიტეტის რექტორი პროფ. ნეტუშილი, პრორექტორი პალიენკო, პროფესორები ბაგალეი, სავა სუმცოვი, ბუზესკული, შულცი, ვორობიოვი და სხვები.

1915 წ. ალ. წერეთელმა დაამთავრა უნივერსიტეტი პირველი ხარისხის დიპლომით. მაგრამ სუსტი ჯანმრთელობის გამო ვერ ისარგებლა ვ. ბუზესკულის წინადადებით მასთან ასპირანტად დარჩენის შესახებ. იმავე 1915 წ. ალ. წერეთელი სამშობლოში დაბრუნდა.

1915—1918 წწ. ალ. წერეთელი მუშაობს მასწავლებლად ქუთაისის ქართულ გიმნაზიაში. ნაყოფიერ პედაგოგიურ მუშაობას იგი შესანიშნავად უთავსებს ფართო საზოგადოებრივ მოღვაწეობას. იგი კითხულობს საჯარო ლექციებს და აქტიურად მონაწილეობს ქუთაისის სახალხო უნივერსიტეტის საქმიანობაში.

1917 წლიდან ალ. წერეთელი აქტიურად მონაწილეობდა იმ დიდ მუშაობაში, რომელიც წინ უძღოდა ქართული უნივერსიტეტის დაარსებას. სხვა ქართველ საზოგადო მოღვაწეებთან ერთად იგი ესწრებოდა 1917 წ. 17 მაისს ქუთაისის კულტურულ და საკრედიტო დაწესებულებათა და პერიოდულ გამოცემათა წარმომადგენლების კრებას, რომელიც გაიმართა ქართული გიმნაზიის შენობაში. ამ კრებაზე ვრცელი სიტყვით გამოვიდა ივანე ჯავახიშვილი, რომელმაც ქუთაისის საზოგადოების წარმომადგენელთა წინაშე კიდევ ერთხელ დაასაბუთა ქართული უნივერსიტეტის დაარსების აუცილებლობა.

1918 წ. ალ. წერეთელი ქუთაისიდან გადმოვიდა თბილისში ახლად გახსნილ უნივერსიტეტში „1918 წ. 15 მარტს პროფესორთა საბჭოს დადგენილებით ალ. წერეთელი პირველი დატოვეს საპროფესოროდ მოსამზადებლად ისტორიის ფაკულტეტზე“¹.

განათლების ეროვნულ ნიადაგზე დაყენებისათვის აუცილებელი იყო სკოლების რეორგანიზაცია, ტერმინოლოგიის შემუშავება და სახელმძღვანელოების შექმნა. ამ საქმეს სათავეში ედგა ივანე ჯავახიშვილი, როგორც ყოველთვის, ალ. წერეთელი აქტიურად ჩაება აღნიშნული საკითხის პრაქტიკულ განხორციელებაში. მან დაუჭირა მხარი ივანე ჯავახიშვილის წამოწყებას მასწავლებელთა კურსების დაარსების შესახებ და გ. ახვლედიანთან, ს. გორგაძესთან, დ. უხნაძესთან, ი. ყიფშიძესთან, მ. შალაშვიტსთან ერთად კითხულობდა ლექციებს ამ კურსებზე. როგორც ცნობილია, ქართველ პატრიოტ-მეცნიერთა ამ ლექციებმა და მეთოდურმა მითითებებმა საგრძნობლად აამაღლეს მასწავლებელთა იდეურ-პოლიტიკური და მეცნიერული დონე. აქ ჩაეყარა საფუძველი იდეას სასკოლო ამოცანების გადასატრელად მუდმივმოქმედი სასწავლო კომიტეტის დაარსების შესახებ. ალ. წერეთელი აგრეთვე მონაწილეობდა სახელმძღვანელოთა შერჩევის კომისიის მუშაობაში.

1918 წ. 11 ივლისი გაზეთ „სახალხო საქმე“ № 278 წერდა: „უნივერსიტეტის გამგეობამ მიიღო ივ. ჯავახიშვილის ქართული ერის მოკლე ისტორია და ალ. წერეთლის მსოფლიო ისტორიის პირველდაწყებითი კურსი“.

იმავე 1918 წ. ალ. წერეთელი ინიშნება წმინდა ნინოს ქალთა მეშვიდე გიმნაზიის დირექტორად, რომელიც შემდგომში გადაკეთდა თბილისის მეცამეტე ტექნიკუმად. აღნიშნულ სასწავლებელს იგი ხელმძღვანელობდა 1923 წლამდე. მისი ხელმძღვანელობით აღნიშნული სასწავლებელი გადაიქცა ქართველ ქალთა სწავლა-განათლების და აღზრდის ერთ-ერთ საუკეთესო კერად.

1921 წ. საქართველოში საბჭოთა ხელისუფლების დამყარების პირველსავე დღეებში რევოლუციური კომიტეტის გადაწყვეტილებით ალ. წერეთელი დანიშნა საქართველოს განათლების სახალხო კომისარიატის კოლეგიის წევრად და გარკვეული დროის მანძილზე ხელმძღვანელობდა სახალხო განათლების საქმეს საქართველოში.

მიუხედავად ამ მჩქეფარე სახელმწიფო და საზოგადოებრივი მუშაობისა ალ. წერეთელი არც ერთი წუთით არ წყვეტს კავშირს თბილისის უნივერსიტეტთან და განაგრძობს მეცნიერულ მოღვაწეობას ძველი ისტორიის დარგში, როგორც სახელმწიფო მოღვაწე იგი დიდ დახმარებას უწევს ახალგაზრდა უნივერსიტეტის კოლექტივს.

საბჭოთა ხელისუფლების პირველ პერიოდში თბილისის უნივერსიტეტს ძალიან გაუჭირდა, რადგან ზოგი ორგანიზაციიდან მოითხოვეს მისი ინვენტარის და ბიბლიოთეკის განაწილება. ალ. წერეთელმა სასწრაფოდ მოიწვია განათლების კომისარიატის კოლეგიის გაფართოებული სხდომა, რომელსაც ესწრებოდა მამია ორახელაშვილი. ალ. წერეთელმა თავის გამოსვლაში დაასაბუთა უნივერსიტეტისადმი წაყენებული პრეტენზიების უსაფუძვლობა. მას მხარი დაუჭირეს სიტყვებში გამოსულმა ამხანაგებმა: შალვა ნუცუბიძემ, ივანე ჯავახიშვილმა და მამია ორახელაშვილმა².

¹ იხ. თბილისის უნივერსიტეტი 1918—1968 წწ., თბ., 1968, გვ. 47.

² იხ. საქ. სსრ ოქტომბრის რევოლუციის სოც. მშენებლობის არქივი, ფონდი 300, აღ. 1, საქმე 30, ფურცელი 43, ოქმი № 2, განათლების კომისარიატის სასწავლო კოლეგიის სხდომა, 1921 წ. 3 მარტი.

1922 წ. დამლევს ალ. წერეთელმა დაასრულა თბილისის უნივერსიტეტის ასპირანტურა და სადოქტორონტო გამოცდების ჩაბარების შემდეგ მიწვეულ იქნა უნივერსიტეტის ძველი ისტორიის ლექტორად.

1923 წლის 27 მარტს ალ. წერეთელი აირჩიეს უნივერსიტეტის სამეცნიერო საბჭოს წევრად. 1927 წ. მან დაიცვა სადოქტორო დისერტაცია თემაზე: „ლუკიანე სამოსატელი“, რომელზედაც რეცენზიები დაწერეს ისეთმა სახელოვანმა მეცნიერებმა, როგორებიც იყვნენ აკად. ვ. ბუზესკული, პროფ. გრ. წერეთელი და პროფ. გ. ნათაძე. 1927 წ. ალ. წერეთელი დაინიშნა ძველი ქვეყნების ისტორიის კათედრის გამგედ, რომელსაც იგი ხელმძღვანელობდა 1935 წლამდე. ამ წლების მანძილზე მან მალალ დონეზე აიყვანა კათედრის მუშაობა და მიიღწია იმას, რომ აღნიშნული კათედრის წევრთა მიერ წაკითხული ლექციები დიდი მოწონებით სარგებლობდა სტუდენტებს შორის. პარალელურად კათედრაზე იწერებოდა დიდი მეცნიერული ღირებულების გამოკვლევები.

„თავდაპირველად საგანგებო ყურადღება სტუდენტთა სახელმძღვანელოებით უზრუნველყოფას მიაქცია. გამოქვეყნდა ალ. წერეთლის რამდენიმე სახელმძღვანელო საბერძნეთის და ძველი აღმოსავლეთის ისტორიაში. ამასთან ერთად დაიწყო ძველი ისტორიის საკითხების მეცნიერული კვლევაც.....30-ანი წლებიდან ძველი ისტორიის კათედრა უფრო გეგმაზომიერად იწყებს მუშაობას იმ აქტუალურ პრობლემებზე, რომელთაც საბჭოური ისტორიოგრაფია აყენებს სპეციალისტთა წინაშე. ძველი მსოფლიოს ისტორიის სოციალურ-ეკონომიური განვითარების, ამ საზოგადოების კლასობრივი ბუნების, ძველ სამყაროში მიმდინარე კლასობრივი ბრძოლის პრობლემები ამიერიდან ხდება ძველი ქვეყნების ისტორიის კათედრის მუშაობის ერთ-ერთ ძირითად წამყვან პრობლემად“³.

ამ პერიოდში ძველი ქვეყნების ისტორიის კათედრაზე ალ. წერეთლის ხელმძღვანელობით მუშაობენ: მაქსიმე ბერძნიშვილი, გიორგი ნიორაძე, გიორგი გოზალიშვილი და ახალგაზრდა ასისტენტი ევგენია კალანდაძე.

ალ. წერეთელი თავისი ცხოვრების დიდ დროს ანდომებდა უნივერსიტეტში მოღვაწეობას, თუმცა იგი არ სჯერდებოდა მარტო სამეცნიერო-პედაგოგიურ საქმიანობას და პარალელურად განაგრძობდა მუშაობას სხვა სამეცნიერო დაწესებულებებში. სულ ორი წელი 1926—1927 წწ. დაპყო მან ცენტრალური არქივის დირექტორის თანამდებობაზე და ამ მოკლე ვადაში მნიშვნელოვნად გააუმჯობესა დაწესებულების მუშაობა. აქ მან დააარსა ჟურნალი „საქართველოს არქივი“, შექმნა სამეცნიერო საბჭო და გახსნა სამეცადინო დარბაზი⁴.

1955 წ. დაიწყო ალ. წერეთლის მოღვაწეობის უკანასკნელი პერიოდი. ისე არ გავიდოდა წელი, რომ მას არ გამოეცა წიგნი, ძვირფასი საჩუქარი ჩვენი მეცნიერებისათვის და ახალგაზრდობისათვის. ამ პერიოდში დაწერილი მისი მრავალრიცხოვანი შრომები სტუდენტი ახალგაზრდობისათვის სახელმძღვანელო წიგნებს წარმოადგენენ და მეცნიერთა დიდ ინტერესს იწვევენ ალ. წერეთლის შრომები: „ძველი საბერძნეთის ისტორიის წყაროთმცოდნეობას“,

³ იხ. თბილისის უნივერსიტეტი 1918—1968 წწ., თბ., 1968, გვ. 386—387.

⁴ იხ. გ. გოზალიშვილი, ცენტრარქივის სამეცადინო დარბაზი, „საქართველოს არქივი“, წიგნი I, თბ., 1926.

„ძველი საბერძნეთი“, „ძველი რომის“ პირველი და მეორე ნაწილი, „მარკუს ტულიუს ციცირონი“ და სხვა, ყოველთვის იზიდავდა მრავალრიცხოვან მკითხველს. ამ წიგნების გამოცემით ჩვენს სტუდენტებს ალ. წერეთელმა მშობლიურ ენაზე მიაწოდა სახელმძღვანელოები და გაუადვილა მათ ანტიკური ქვეყნების ისტორიის შესწავლა და ბევრ მათგანს ჩაუხერგა მეცნიერების სიყვარული.

1964 წ. ალ. წერეთელი მიიწვია კონსულტანტად კინორეჟისორმა გ. ასათიანმა მის მიერ გადაღებული სურათის „ძველი კლუტურის ქვეყანა“ (კართაგო) მეცნიერულად სწორად გაშუქების მიზნით. როგორც ცნობილია, ამ სურათმა ნაყურებელთა დიდი მოწონება დაიმსახურა. 1964 წ. 8 აპრილს ალ. წერეთელმა საქართველოს აკადემიის სხდომაზე წარუდგინა ამ სურათზე ანოტაცია, რის შედეგადაც სურათს მიენიჭა ლომონოსოვის პრემია. ალ. წერეთელი იყო აგრეთვე რუსთაველის თეატრის სპექტაკლ „ოიდიპოს მეფის“ მეცნიერული კონსულტანტი.

ალ. წერეთელი იყო დიდი ენერჯის ადამიანი. მრავალი თაობა აღიზარდა მის სახელმძღვანელოებზე და გამოკვლევებზე.

ბოლომდე იგი რჩებოდა ქართული უნივერსიტეტის და ქართველი საზოგადოების ღვიძლ შვილად. არ იყო არც ერთი ღირსშესანიშნავი მოვლენა ჩვენი უნივერსიტეტის თუ ქართველი საზოგადოების ცხოვრებაში, რომ იგი გულით და სულით არ გამოხმაურებოდა. ალ. წერეთელს ერის ტკივილით ტკიოდა გული და მისმა მრავალრიცხოვანმა მოწაფეებმა და თანამემამულეებმა მისი ხსოვნის არ დავიწყებით უბასუხეს მას.

ალ. წერეთლისადმი დიდი სიყვარულის გამოხატვის მანიშნებელია მის მშობლიურ სოფელ ცხრუკვეთში საზოგადოებრივ საწყისებზე შექმნილი სახლ-მუზეუმი, რომელიც მიმდინარე წლის პირველ ივლისს გაიხსნა.

ლაშარა იოსელიანი



ნათელა როდონია

ქართველ ისტორიკოსთა რიგებს უდროოდ გამოაყლდა ნათელა სამსონის ასული როდონია. იგი დაიბადა 1932 წელს, ხობის რაიონში სოფელ ხეთაში. ოქროს მედლით დაამთავრა თბილისის ჭალთა მე-13 სკოლა და შევიდა თბილისის სახელმწიფო უნივერსიტეტის ისტორიის ფაკულტეტზე. 1955 წელს, უნივერსიტეტის წარჩინებით დასრულების შემდეგ, ჩაირიცხა ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის ასპირანტურაში საქართველოს ახალი ისტორიის სპეციალობით. 1958 წლიდან ამავე ინსტიტუტის უმცროსი მეცნიერი თანამშრომელი იყო, ხოლო 1964 წლიდან—უფროსი მეცნიერი თანამშრომელი. 1962 წელს წარჩინებით დაიცვა საკანდიდატო დისერტაცია თემაზე „ქალაქ თბილისის მრეწველობა XIX ს-ის მეორე ნახევარში“.

საქართველოს ახალი ისტორიის ნიქიერი და ღრმად განსწავლული მკვლევარი, ნათელა როდონია, ფართო მეცნიერული ინტერესით გამოირჩეოდა. იგი წლების მანძილზე იკვლევდა კაპიტალიზმის განვითარებას. მრეწველობასა და სოფლის მეურნეობაში, აგრარული ქვეყნის ძირითადი მწარმოებელი მასის, — გლეხობის ისტორიას და ქართულ ისტორიოგრაფიის აქტუალურ პრობლემებს, მათ შო-

რის XIX ს-ის და XX ს-ის დამდეგის საქართველოს გლეხთა მოძრაობის ისტორიოგრაფიას.

უაღრესად ფასეულია ნ. როდონიას მონოგრაფია — „თბილისის მრეწველობა XIX ს-ის მეორე ნახევარში“ (1961), რომელიც ხსენებულ მავალითზე ცხადად წარმოგვიდგენს კაპიტალიზმის გენეზისსა და განვითარებას საქართველოს მრეწველობაში. საამისოდ ავტორმა საქართველოსა და ლენინგრადის საისტორიო არქივებში გამოვლენილი ახალი წყაროების მონაცემების მოშველიებით გამოიკვლია თბილისის მრეწველობის დარგები, დაადგინა მათი სტადიალური განვითარება (ხელოსნობა, მარტივი კოოპერაცია, მანუფაქტურა, მანქანური წარმოება). ნაშრომში მკაფიოდაა ნახვენი ხელოსნობის ბურჟუაზიული ევოლუცია, წარმოების დარგებში თავისუფალი დაქირავებული მუშახელის გამოყენების მასშტაბის ზრდა, მრეწველობის მატერიალურ-ტექნიკური ბაზის შექმნა, მრეწველობის სხვადასხვა ფორმების უწყვეტი თანაარსებობა.

ნ. როდონია ასევე წარმატებით იკვლევდა კაპიტალიზმის განვითარებას სოფლის მეურნეობაში. ამის ნიმუშია მისი ნაშრომი „თბილისის და მისი გარეუბნების სოფლის მეურნეობა XIX საუკუნის მეორე ნახევარში“

(„მაცნე“, ისტორიის სერია, 1973, № 3). აქ პირველადი, უპირატესად ადრე უცნობი წყაროების მონაცემების ანალიზის საფუძველზე ნაჩვენებია, ერთი მხრივ, ქალაქის განაშენიანების შედეგად მისი სოფლის მეურნეობის განდევნა გარემოებებისაყენ, მეორე მხრივ, საქალაქო მოსახლეობის ზრდის შედეგად სოფლის მეურნეობის ნაწარმზე, პირველ რიგში არატრანსპორტაბელურ პროდუქტზე, მოთხოვნის გაზრდასა და კავკასიის ცენტრის გარეუბნების სოფლის მეურნეობას XIX ს-ის მეორე ნახევარში.

XIX ს-ისა და XX ს-ის რევოლუციამდელ საქართველოს სოციალურ-ეკონომიკური პროცესების შესწავლას ნ. როდონაიამ მრავალი მალაკალიფიციური გამოკვლევა მიუძღვნა. ამანვე განაპირობა მისი დაინტერესება გლეხობის ისტორიითა და გლეხთა მოძრაობის ისტორიოგრაფიით. ნ. როდონაიამ ხანგრძლივი კვლევის შედეგად შექმნა მნიშვნელოვანი მონოგრაფია „საქართველოს გლეხთა მოძრაობის ისტორიოგრაფია“, რომელიც გამოცემლობა „მეცნიერების“ 1980 წლის გეგმით გამოქვეყნდება.

როგორც ცნობილია, საქართველოს გლეხობის ისტორია 1900—1921 წლებში მხოლოდ მისი კლასობრივი ბრძოლის თვალსაზრისითაა შესწავლილი. ნ. როდონაიამ ბევრი დრო და ენერგია შეაღია ნაშრომს „საქართვე-

ლოს გლეხობის ისტორია იმპერიალიზმის ხანაში“, რაც მან თითქმის დაასრულა. აქ მაღალ აკადემიურ დონეზეა გაშუქებული ქართველი გლეხობის ცხოვრება და მდგომარეობა საკვლევ ხანაში. ავტორი მასში აბათილებს ჯერ კიდევ 20—30-იანი წლებიდან მომდინარე ვულგარულ-სოციოლოგიურ თვალსაზრისს, რომ თითქოსდა ჩვენში კაპიტალიზმის გამარჯვება გლეხობის, როგორც კლასის, დაშლის დამთავრებასაც მოასწავებდა, ამ შეხედულების საპირისპიროდ მიუთითებს, რომ 1905—1907 წწ. რევოლუცია საქართველოშიც გლეხური რევოლუცია იყო.

მეცნიერულ მოღვაწეობას ნ. როდონაიამ კარგად უხამებდა ნაყოფიერ საზოგადოებრივ საქმიანობას. იგი იყო საქართველოს ალექსანდრე ნეველსკის ცენტრალური კომიტეტის წევრი, საკავშირო ალექსანდრე ნეველსკის ცენტრალური კომიტეტის წევრი, საკავშირო ალექსანდრე ნეველსკის ცენტრალური კომიტეტის წევრი, საკავშირო ალექსანდრე ნეველსკის ცენტრალური კომიტეტის წევრი, საკავშირო ალექსანდრე ნეველსკის ცენტრალური კომიტეტის წევრი.

სიცოცხლის უკანასკნელ პერიოდში ნ. როდონაიამ დიდი ამაგი დასდო ინსტიტუტის მეცნიერული ისტორიის შექმნის საქმეს — ნაშრომი, რომლის, ერთ-ერთი ძირითადი ავტორი იგი არის, უახლოეს წლებში გამოქვეყნდება.

ნათელა სამსონის ასული როდონაია, ამ შესანიშნავი მეცნიერისა და მოქალაქის გულისხმიერი და კდემამოსილი მეგობრის, ქემმარტი მამულიშვილის ნათელი სხოვნა დიდხანს დარჩება მისი კოლეგების — ქართველ ისტორიკოსთა ფართო წრეში.

გრიგოლ მარგინი, ჯუმბარ ოდიშელი

6112/32



ფასი 1 მან.

Индекс 76197